



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search


Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





1. The first part of the document is a list of names and titles, including "The Hon. Mr. Justice" and "The Hon. Mr. Justice".







HISTORIA  
REGUM HUNGARIÆ,  
PARS II.

---

A


GEORGIO PRAY,

ABBATE B. M. V. DE TORMOVA, ET CATH. M. VA-  
RADIEN. CANONICO CONSCRIPTA.

COMPLECTENS RES GESTAS

A B

ANNO M. CCC. ad M. D. XXVI.




---

B U D Æ,  
TYPIS, ET SUMTIBUS REGIÆ UNIVERSITATIS  
PESTANÆ TYPOGRAPHIÆ.

---

ANNO 1801.



# WENCESLAUS BOHEMUS.

Ab Anno 1301. — 1305.

I. **A**ndrea Stirpis Arpadianæ ultimo rege 1301.  
defuncto, regnum confestim in duas factiones scissum est, auctoritate, & clientum numero, pene pares. Utraque Archiepiscopum antesignanum habuit, qui, de rege deligendo, inter se concertabant. Strigoniensis in Carolum, Oslonensis in Wenceslaum, Bohemiæ regem, inclinabant. Nec deerant utrique parti momenta, quibus niterentur. Ambo enim candidati se ad prosapiam Arpadi referebant, & quamquam Carolus propinquiore sanguinis nexu hanc a) contingeret,

a) Id patet ex hoc laterculo.

Bela IV.

Stephanus.	Anna. Radislaus Dux Haliciæ.
Ladislaus. Maria. Carolus	Cunegundis. Ottocarus Rex Boh.
Rex Sicil.	Wenceslaus. Gutha Rudolphi
Carolus Martellus. Clementia	Imp. filia
Rudolphi	Wenceslaus.
Imp. filia.	
Carolus Robertus.	

A.

## WENCESLAUS

1301

scopum, attributa ei Legati auctoritate, ut de controversia inter partes cognoscat, a)

1302.

II. Interea Colocensis Archiepiscopus, quem minae Pontificis maxime spectabant, obiit, & Nicolaus Legatus, ut Budam venit, re, cuius causa venerat, infecta, coactus est reverti, quod Wenceslaus plerosque Optimatum munibus corrupisset, b) non tam pronos in sua vota Episcopos nactus, ex quibus Stephanus, Joanni, praecipuo Caroli adversario, in sede Colocensi suffectus, aliamque ab illo rationem amplexus, ut Caroli res sustentaret, Romam cum Michaelē Zagrabienſi, Thoma Jaurinenſi, & Benedicto Veszprimienſi, Episcopis, procuratorio nomine profectus est. Horum, ut videtur, consilio Pontifex usus, ut contentioni inter æmulos finem faceret, partes Romam, ad dicendam causam, accersit. Bohemus per nuncios facti sui rationem, ad liberam electionem retulit, Carolus vero per procuratores, jus suum ex proximiori sanguinis nexu tuitus, facile Pontificem, sibi alioquin addictum, permovit, ut publico edicto, eos sententia excommunicationis percelleret, qui illum regem

1303.

a) Raynald. ad hunc annum Nro. 10. apud Pray Tom. I. pag. 370.

b) Vid. Pray P. II. Hierarch. pag. 67. Item. Chron. Claustroneoburg. apud Hier. Pez Tom. I. col. 475. & Thurocz cit. I. c. 86.

gem Hungariæ non agnoscerent, aut hunc titulum Wenceslao, ejusque filio verbis, scriptove auderent tribuere, aut re, consiliove adessent, aut regni proventus illorum nomine pergerent administrare. Denique, ut omnem litibus occasionem præcinderet, Hungaros a fidelitatis, quod Wenceslao præstiterant, juramento absolvit, a) data tamen mora quatuor mensium, intra quos jus suum persequi posset. b) Simul Albertum Cæsarem per litteras hortatus est, ut Carolo ad obtinendum regnum adjumento esse vellet. c) Colocensis Archiepiscopus, mentem Pontificis edoctus, Neapolim cum sociis, ad Caroli avum divertit, & consiliis cum eo habitis, in Hungariam reversus, edictum Pontificis per provincias, quantum per impacatum regni tempus fas erat, divulgavit. d) Abhinc res Caroli sensim meliore loco esse coeperant, & Dalmatæ primi omnium illius nomen in publicas tabulas retulere, e) multique ex Hungaris, præsertim Austriæ vicinis, intentata a Bonifacio excommunicatio-

A 3

nis

---

a) Ibid.

b) Raynald. ad an. 1303. Nro. 17. apud Pray Tom. I. pag. 373.

c) Balbinus epit. rer. Boh. l. 3 c. 16.

d) Raynald. ad an. 1303. apud Pray cit. l. pag. 376.

e) Lucius l. 4. c. 10.

1303.

nis poena moti, partes ejusdem amplexi sunt. Mors quoque Pontificis non nihil ad Caroli fortunam in melius mutatam contulisse visa est, cujus nimium in eo obtrudendo studium, apud gentem libertatis suæ tenacem, plurimum hactenus ei obfuit.

1304.

III. Wenceslaus, cum rem huc adductam videret, veritus, ne filio, cui præter nomen regis, fere nihil potestatis, relictum erat, periculum se absente conficeretur, Hungariam cum filio deferere cogitabat. Ut tamen propositum suum celaret, Procerum studia solícite captans, in id curas suas convertit, ut regni Insigniis potiretur, quæ si obtineret, non dubitabat, hoc pignore, quod genti sacerrimum esse norat, se regnum filio constabilliturum, & spem potiundæ Hungariæ Carolo ademptum iri. Itaque dolo utendum ratus, incredibile desiderium, filium eo ornatu indutum, quo coronatus erat, videndi præferebat. Ordines nihil fraudis subesse suspicari, ut curiositati illius satisfacere, regem eodem apparatu, qui in coronatione adhiberi solet, excultum eidem sistunt. Ut huc rem adductam vidit, filio ita induto, intra duo millia militum, quos secum adduxerat, in tutum recepto, (a) & Michaeli Strigoniensi Archiepiscopo, qui acerrimus Caro-

li

a) Horneck, c. 740. & 741. apud Pez, Script. rer. Austr. Tom. III.



li propugnator erat, fugato, portas castrorum ~~Strigoniensis~~ Strigoniensis violenter effringi, vasa aurea, 1304. reliquamque argenti supellectilem, sacris ulibus destinata, indigna regio nomini rapina, auferri iussit, tum capituli Tabularium depraedatus, documenta litteraria, avulsis sigillis aureis, partim corrumpit, partim abstulit, a) & cum filio in Bohemiam rediit, malam Hungaris pro beneficio gratiam rependens. b)

IV. Non impune tamen id ei fuit. Carolus abeuntem cum viginti millibus Hungarorum, & Cumanorum, quos ex insula Cituorum collegerat, c) consequutus, & Znaimam progressus, Bohemiam incurans, circumlata etiam per Moraviam vastitate, ingen-

A 4

a) Pray Hierarch. P. II. pag. 170.

b) Chron. Ms. apud Linck cit. Tom. pag. 560. nominat, coronam, gladium, & tunicam S. Stephani reg. hae Ivans, & Henricus Wenceslae tradidere, ut litt. testantur Thomae Archiepiscopi Strigoniensis. Albe 1305. prid. cal. Augusti. *Ipsique Boh. regi, filiaque ejus praefato, & ministris eorundem, praedictum regnum Hung. potissime Strigon. Ecclesiam occupantibus, — spoliantibus, — regnicolasque capientibus, coronamque sacram B. regis Stephani — cum ceteris pertinentibus ad eandem Insigniis, in Boemiam asportantibus &c.*

c) Cumanorum partem olim in insulam Cituorum a Bela IV. fuisse tractatam, docent litt. Stephani.

~~1304.~~ ingentem hominum copiam abduxit. a) Inde illi spes potiundi regni oborta, quod æmulus abitu suo Hungaros turpiter prodidisset. Verum isti clientem Pontificum averfati, præ hoc Ottonem Bavarum, Belæ IV. ex filia nepotem, b) Wenceslao subrogarunt. Carolus spe sua iterum frustratus, ne causam suam deferere videretur, fœdus cum Rudolpho, Austriæ Duce, pepigit, c) quo sibi mutuo auxilia stipulati sunt, cui mox accessere Strigoniensis, & Colocensis Archiepiscopi, tum Transilvanus, Jaurinensis, Nitrienfis, & Bosnensis Episcopi, complures quoque ex optimatibus, inter quos tres Palatini, Omodæus, Rorandus, & Oporius, d) alique a gestis regni Magistratibus insignes, fuere, qui pa-

---

phani regis, an. 1272. *Volumus, sicut ante diotus dominus rex, charissimus pater noster voluerat — de insula Chut, in qua Cumani, per præfatum Belam regem — fuerunt constituti. &c.*

- a) Chron. Ms. apud Linck. cit. Tom. pag. 560.
- b) Averfa Sigilli pars an. 1306. hanc epigraphen refert: *S. Primi. Ottonis. Regis. Vngarie. Nepotis. Quarti. Bele. Regis.*
- c) Tabulas fœderis vide apud Pray Tom. I. pag. 378.
- d) Non, quod eodem tempore hunc Magistratum gesserint, sed diverso, aut certe ab æmulis regni simul fuerint renunciati.

pactione iusta, se ipsos, qui Carolo, & Rudolpho, amici, inimicive essent, sibi etiam futuros, data fide spoponderant. a)

Nec opposita his factio segnior, missis Legatis Ottonem, ut in Hungariam acce-  
ret, orabat, qui, ut Hungarorum in se vota conspirasse intellexit, confestim in Bohemiam ad Wenceslaum contendit, ut de recuperandis regni Insigniis cum eo transigeret, sine quibus dubiam regni possessionem sibi futuram videbat. Commode factum, quod pater Wenceslai jam obierit, regnum alio relinquens, qui paterna hæreditate contentus, facilem se Ottoni præbuit, &, traditis regni Insigniis, simul juri in Hungariam renunciavit. Ille hæc obtentis, Brunam movens, recto itinere in Hungariam evadere cogitabat, cum repente mutato consilio, per extremam inferioris Austriæ partem, perdita per incuriam bajuli, sed iterum reperta corona, Soproniam, delusis Carolo, & Rudolpho, qui eum aditu in Hungariam intercludere volebant, incolumis pervenit, ubi a suis magna lætitiæ significatione acceptus, & Albam regiam deductus, a Veszprimiensi, & Csanadiensi Episcopis solemni ritu coronatus est. b)

1305.

## OTTO

- 
- a) Vide Pray P. II. Hierarch. pag. 349. —  
b) Chron. Ms. apud Linck cit. Tom. pag. 371.  
Salisburgen. apud Hier. Pez Tom. I. col. 402.  
& 475. Thurocz cit. l. c. 88.

## OTTO BAVARUS.

*Ab Anno 1305. — 1308.*

- I.** Coronatione, anno vergente jam ad finem peracta, non diu quieto Ottoni esse licuit. Rudolphus elapsam sibi prædam, & Carolum rursus regno exclusum, ægre ferens, ductis in Hungariam copiis, ditionem inter Leitham, & Arabonem fluvios sitam, abducta ingenti præda, populatus est, nullo tamen emolumento illius, cujus causa arma sumserat. Hungari enim vicissim Austriæ infusi, cladem reddidere, atque ita bellum mutua ditionum vastatione, finem habuit, &
- 1306.** Rudolphus, jussu patris, militem in Bohemiam traduxit, ut hanc, cæso a suis rege Wenceslao, secundum pacta juri Austriæ affereret. a) Sed, ut hunc conatum Henricus Carinthiæ Dux, cui soror cæsi Wenceslai matrimonio juncta fuit, interverterat, ita res quoque Caroli, & Ottonis fere afflixit, quod ille in Rudolpho, hic in Bohemorum auxilio spem hactenus reposuissent. b) Itaque, cum aliunde opem vix sibi affuturam viderent,

—uter—

a) Chron. Ms. apud Linck, cit. Tom. pag. 571. & 78. Hist. Ducum Stiriae pag. 151.

b) Chron. apud Linck l. cit.

uterque factionem partibus suis addictam sustentare nitebatur.

II. Ac Otto quidem, ut animos Nationis sibi arctius conjungeret, consilio suorum persuasus, Ladislai Wayvodæ Transilvaniensis filiam sibi despondit, cumque illam visurus in Transilvaniam contendit, a designato socero, per Albertum Cæsarem subornato, captus, utraque annum detentus est, nec ante dimissus, quam regni Insignia ei tradidisset, quibus resignatis, per Russiam, & Silesiam, retento, dum vixit, regis Hungariæ titulo, in Bavariam sequente anno rediit. a) Clemens V. Pontifex, videns Hungariam tot annorum motibus quassari, misceri perinde res sacras, & profanas, causamque omnium eam esse, quod Proceres eum non paucis Episcopis, rejecto Carolo, in deligendis regibus discordes essent, datis ad Strigoniensem, & Colocensem Archiepiscopos gravissimis litteris, utrique mandavit, ut eos, qui Carolum nollent regem agnoscere, iisdem poenis Ecclesiasticis, quibus fautores Wenceslai Bonifacius VIII. affecerat, perstringendos esse, per regnum divulgarent, mittendum a se Fratrem Gentilem, quem recens Cardinalem cre-

---

a) Compilatio rer. Boicar. apud Oefelium, Tom. II. pag. 341. Chron. Claustroneoburg. apud Hier. Pez Tom. I. col. 478.

creasset, qui opportunam rebus medelam al-  
1307. laturus esset. a)

III. Valuit comminatio, & præcipue Ot-  
tonis captivitas, ut regni Ordines, qui se ab  
uno regum desertos, alium vero captivum  
teneri videbant, unanimi consensu Comitum  
in campum *Ratos* indicerent, & post exstinctam  
virilem Arpadi stirpem, jure suo usuri,  
b) communibus suffragiis regem eligerent,  
cujus posteritas, eadem, qua familia regia  
Arpadi, prærogativa deinceps frueretur.  
Carolus clam a suis monitus, ut Conventui  
adesse vellet, paucis suorum comitatus, im-  
provise adfuit. Hæc confidentia, mentisque  
præsentia, qua se coram opposita etiam fa-  
ctione sistere ausus erat, mirum, quam sub-  
ito omnium animos in se converterit. Utra-  
que enim factio, quæ se hactenus mutuis odi-  
is impetebat, & opinionum varietate, in eli-  
gendis duobus regibus, inter se digladiaba-  
tur, opera imprimis Thomæ Strigonien-  
sis, & Vincentii Colocensis Archiepiscoporum  
in unam sententiam conspirans, Carolum re-  
gem elegit, & ne regnum frequenti mutatio-  
ne domini, iisdem, quibus ante, calamita-  
tibus agitaretur, jus successionis ad ejusdem  
posteritatem traduxit, c) conditis quoque  
legi-

a) Raynaldus ad an. 1307. Nro. 15.

b) Vide Notit. præv. S. 3.

c) Ibidem.

legibus, quibus damna, tempore duorum de-  
cessorum, juri regio, ordini Ecclesiastico, & 1307.  
oppressis Nobilibus illata, compensari jubentur, iique, qui Carota obedientiam detrectarent, hostes publici haberentur; ad quæ servanda omnes unanimiter, præfinito jramento, se obstrinxere. a)

CAROT.

a) Leges, idem Decret. cujus ibid. in Notit. præ-  
mentio fit, continet in hæc verba: *Quicumque vero dignitatem aliquam, seu possessionem, tributa, vel jura aliqua ad regalem, vel reginalem magnificentiam pertinentia obtinet, absque contradictione qualibet, libere eidem domino nostro regi restituat, nisi forte suum hoc esse evidenter ostenderet. Possessiones etiam, seu jura alia ad Ecclesias, Nobiles homines, vel quoscunque alios pertinentia, qui occupata detinent, nisi super eis legitima instrumenta ostenderint, ea suis dominis, sine difficultate qualibet restituant, nullo unquam tempore ad ea redituri. Nobiles quoque regni Hung. quos hactenus indigna servitute oppressisse dignoscuntur, juxta naturalem ipsorum libertatem, cuicumque, & ubicunque voluerint servire, seu propriis rebus curam impendere, sine omni contradictione permittantur. Si quis vero in ipso regno Hung. obstinato animo, eidem domino nostro regi obedire contempserit, velut infidelem, ac hostem publicum, singuli reputamus.*

## CAROLUS ROBERTUS.

Ab Anno 1308. — 1342.

**I.** Electioni, cum jure successionis in familiam regiam iterum ab Ordinibus traducto, Cardinalis Gentilis, postquam res in Dalmatia feliciter confecerat, supervenit. Missus erat

bimus. Hæc omnia suscepimus observanda perpetuo, præstito in manus Ven. Patris, Domini Thomæ Archiep. Strigoniensis, corporaliter juramento, præsentibus eodem domino nostro rege, domino Vincentio — ac aliis Episcopis, cætuque, ac magna regni frequentia in eadem solemni Congregatione adunata, obligantes nos, ut, si quis huic ordinationi contraire præsumpserit, infidelis regi, & regno, hostisque publicis deputetur, & in sententiam excommunicationis, quam idem dominus Thomas Strigoniensis ac dominus Vincentius Collocensis Archiepisc. cum pluribus aliis coepiscopis ibidem promulgasse dignoscuntur, incidat, & persona ipsius, ac res ad manus regias, absque contradictione qualibet, devolvantur. In cujus testimonium, perpetuamque firmitatem Sigilla nostra, ac Ven. Patrum prædictorum præsentibus duximus apponenda. Actum hoc apud



erat a Pontifice, ut, sublato diuturno animorum dissidio, res Hungariæ componeret, 1398. & Caroli causam tueretur. Ut vero vidit, hanc ordinum consensu jam anno superiore confectam esse, cupiens illam nomine Pontificis magis firmare, parum absuit, ut penitus affligeret, cum jus, confirmandi regis, ad Pontificem pertinere, in primo cum Ordinibus congressu, asseruisset. Offensi obsoleto hoc præjudicio, negabant, hujusmodi jus Pontifices unquam habuisse, esseque ex Majorum instituto in Ordinum arbitrato, ut, extincta virili regum familia, regem, quemcunque vellent, censerentque conservando, & augendo bono publico idoneum, renuntiarent. a)

Lega-

---

*apud Ecclesiam B. Petri, in Rdkos, Anno Domini 1307. in crastino B. Dionysii Martyris.*

Hæc satis indicant, plerisque Magnatum, non tam libertatem, quam præferebant, eligendi regis cordi fuisse, quam ut in ea, quam studiose alebant, rerum perturbatione, occasionem haberent, proventus regioes fundosque Ecclesiarum invadendi, Nobilesque, qui tenuioris fortunæ erant, opprimendi, quibus pene in servitutem redactis, nihil propius erat, quam, ut ipsi, evacuata regum auctoritate, soli dominarentur.

a) Apud Raynald. ad Anno 1308. Nro. 23. „

„ Postquæ, sub specie tuendæ libertatis ejus-

„ dem

**1308.** Legatus, ne rem lucusque ab ipsis Ordinibus feliciter adductam, importune corrumpere, tempori celsit. Prudenti hac dissimulatione cum videret animos pacari, usus opportuni-

dem regni, inter ipsos Barones, & Nobiles, murmur; quod ipsius domini Legati attingit aures, per querelam patulam in publicum, productam, exoritur, videlicet "quod nelebant, nec erat aliquatenus intentio eorum, quod Ecclesia Romana, vel ipse dominus Legatus, ejus nomine, saepe dicto: reges de rege nullatenus provideret, sed placebat eis, quod illum, quem ipsi ex antiquo, & approbato more vocaverant, & in regem assumerant, praefatus dominus Legatus, ejusdem Ecclesiae Rom. nomine, in verum regem Hungariae confirmaret; & quod etiam perpetuis futuris temporibus, veri Summi Pontifices, & ipsa Rom. Ecclesia haberet jus confirmandi, & coronandi reges Hungariae, de vera regali progenie propagatos, quos ipsi unanimiter, & concorditer de dicta progenie ducerant eligendos. Merito Ordines intercesserant. Nec enim uspiam vestigium exstat, quo doceri possit, a Pontificibus reges Hungariae esse datos, & constitutos. Id quidem Gregorius VII. postea inter Sanctos relatus, sub regibus Salomone, Geisa, & S. Ladislao tentaverat, irritum tamen conatum, quod in ea persuasionem esset, Hungariam a S. Stephano

tunitate, sanctiones, nemine dissentiente, edit, quibus ea, quæ Ordines jam ante ejus adventum, ad instaurandam rem publicam constituerant, suo quoque assensu firmavit. Hæ potissimum ad regis statum, ac immunitatem, ad præstandam eidem a subjectis fidelitatem, tum ad bona, quæ ad jus regum, & reginarum antiquitus pertinere, illibata servanda spectabant. In regis immunitatis violatores, quoniam auctoritas regia fere vilescbat, pœna gravissima constituta fuit. Si quis regi manus injicere, vel nocumentum inferre ausit, vel partem in hoc scelere haberet, patratores juvaret consilio, aut favore prosequeretur, eo ipso feudis suis, ceterisque Nobilium immunitatibus censeretur privatus esse, quin ut pœna latius pateret, filii etiam

---

phano rége olim Ecclesiæ Rom. fuisse donatam. Ita enim ad Salomonem scripserat: *Nam sicut a Majoribus patriæ tuæ cognoscere potes, regnum Hung. Sanctæ Rom. Ecclesiæ proprium est, a rege Stephano olim B. Petro, cum omni jure, & potestate sua oblatum, & devote traditum.* Confer Notit. præv. §. 29. Juri autem, quod Ordines Pontificibus tribuunt, reges confirmandi, derogatum est a successoribus, cum ipse etiam Ludovicus, Caroli filius, nullibi legatur, a Pontifice confirmatus fuisse, nec ceteri deinceps reges.

etiam illorum, nobis dignitatis, beneficilque  
 1308. Ecclesiasticis, capaces essent, nisi summus Pontifex delicti veniam faceret. a) Egit præterea de rege coronando, sed cum usitam regni coronam Ladislaus Wayvoda Transilvanus abhinc, quam Ottoni illam extorserat, in potestate haberet, unanimi Antistitum, Baronum, Nobiliumque consensu decrevit, ut illa interim pararetur, cujus eadem, quæ illius vis, ac potestas esset. b)

II. Hac confecta, & ex ritu Ecclesiæ sa-  
 1309. crata, nihil jam ad consequendam jurisdictionem regiam Carolo deerat, quam ut coronatio perageretur. Peracta est XV. Junii c) Budæ in Ecclesia Beate Virginis per Strigoniensem Archiepiscopum, præstito prius à rege Ordinibus, & accepto vicissim ab his fidelitatis, juramento. Illius hæc fere summa fuit: rex fidem Catholicam, quam Romana Ecclesia profitetur, teneat, Ecclesias, harum-

a) Document. exstat apud Pétersii Concil. Hung. Par. I. pag. 148.

b) Ibidem.

c) Thomæ Strigon. Archiep. litt. apud Koller Episcop. Quinqueecclesien. Par. II. pag. 297. *Karolus Rex illustis — XVII. Kal. Jul. cum Magno Prælatorum, Baronum, Nobilium, Cleri, popullque tripudio, per meas Strigonien. Archiepisc. manus — de voluntate, & assensu nostrum, & Baronum exstitit coronatus.*

harumque Episcopos teneatur, jura Nobilium  
liberata servet, nec sine iuris a potentioribus  
opprimat, limites legitimis conjugibus ex-  
cedat, populi curam suam credito studeat prodes-  
se magis, quam obesse, nemini, nisi praestitito  
diligenti examine criminis convictus fuerit,  
mortis poenam constituat, omnibus denique  
jus indiscriminatum administret. a) His praeter  
morem additam, ne Papam, huiusque Lega-  
tos impugnet, jura Ecclesiae Romanae defen-  
dat, nec ejus statuta, terrasve impetat, quin  
det operam, ut alienatae, quod posset, inte-  
gre restituantur. Hoc regni Neapolitani,  
quod fiduciario jure Pontificibus obnoxium  
erat, causa, credo, adjecta esse. Carolus enim  
Martelli filius, titulus juris primogeniturae,  
avo successurus putabatur, quod si factum fuisset,  
accessione novi regni, & classe maritima,  
quae nobis hactenus desuit, insigne auctarium  
ad Hungariam factum esset. Sed obstitit,  
qui hoc anno obierat, nulli testamentum, qui  
relictis, ut alias memoravi, Carolo nostro  
his mille auri unciae, jus primogeniturae in  
Robertum tertio gentium filium suum trans-  
tulit, b) *Dei gratia* &c.

B 2

**Ita**

a) Inrastereni formam exhibet, Excell. Episc. Transilvan. C. a Batthyán Legg. Eccles. Tom. I. p. 462, & Kásona Hist. Tom. VIII. pag. 172. — 77.

b) Leibnitz. Cod. jur. gent. diplom. pag. 59. —  
instituiunt heredem & universalem successo-

Ita Carolus tunc quidem hac spe excidit, cui alioquin domi satis curarum erat, quibus a. prosequendo sub jure abstinere cogebatur. Plerisque enim parum securitatis in eo videbatur repositum, quod Rex novitia, non item illa, qua decessores solebant, corona insignitus fuisset. Ad ubi Strigoniensis Archiepiscopus competuit, nihil morae interponendum ratus, habita cum Legato Pontificis, & Omodeo Palatino deliberatione, per litteras, & nuncios cum Wayvoda Transilvanensi, de ea recuperanda egit. Nec is, constituto jam rege, se difficilem praeiulerat Saegadini, ut de restitutione ageretur, conventurum Wayvoda jure jurando se in fide Caroli mansurum, & non solum coronam, ad diem S. Joannis Baptiste, aut citius, si Rex juberet, vel ipse in Transilvaniam venturus esset, resignaturum, sed quaecumque praeterea ad proventus regionis pertinerent, redditurum, pollicitus, simpliciter, si illam restituerit, amercedem pactus est. a). Recuperata secundum conventionem corona, Albam profectio indicta, & Rex sexto calendas Septembris, jam quartum coronatus est. b) Hunc tandem in mo-

III

dum

transilvaniam in signis nostris Robertum principem I. mogetum nostram p. Dilem Galabris &c.

c) Kridetzky Mineralog. Transilv. pag. 197.

d) Lit. regis apud Pray Hierarch. Par. I. pag.

106. ep. novo studium et stitimus coronati,

&

dam suspicio, quæ adhuc animis insedisset, omnibus exēta, & Carolo, ab æmulis libe- 1310-  
ro, regni possessio constabilita fuit, multis  
tamen curis in principio impedita. Regni  
ærarium rapinis exhaustum & proventus re-  
gios ab aliis usurpatos reperit, Bani in Cro- 1311.  
atia, & Bosnia, dum rivales de successione  
inter se contendebant, fere jure regio uteban-  
tur, Veneti in Dalmatia ditionem suam ul-  
tra Jadram proferabant, ita dissensiones do-  
mesticas alii sensim in suum lucrum conver-  
terant. Cogitanti his malis mature obicem  
ponere, opportune Jádrenses, excusso Vene-  
torum dominio, in fidem pristinam rediere.  
Nihil regi, ut tum res domi erant, in plures  
rei publicæ partes intento, commodius ad le-  
niendas curas accidere poterat. Grato igitur  
animo civium voluntatem accipiens, eas-  
dem illis, quas hactenus reges Hungariæ,  
cumprimis Bela IV. largiti erant, immunita-

B 3

tes

*Et licet hujusmodi coronationis modus sufficiens  
existisset, ut opinioni tamen gentis Hungaricæ  
satis fieret, & ut scandalum de medio tolleretur,  
recuperata — per sollicitam curam ejusdem D.  
Archiepiscopi, ipsa sancta corona — rursus  
in loco debito, videlicet in Alba regia, ubi  
solistant est ab antiquo reges Hung. coronari,  
facta convocatione universorum Prælatorum,  
Baronum, fidelium regni nostri — eadem san-  
cta corona de novo exstitimus coronati.*

tes confirmavit, data simul potestate, ut un-  
 1311. his rectorem, sive ex suis popularibus, seu  
 aliunde vellent accersere, liberum eligendi  
 arbitrium haberent. a) Hinc inter regem, &  
 Venetos primum de jure ligitatum: hi præter  
 duas tributi partes a porta Jadrensi, nihil aliud  
 juris regii esse, b) cetera autem a vetustissi-  
 mis temporibus, & ex conventionione cum Bela  
 IV. inita, c) ad se pertinere contendebant,  
 idque Nicolao Grimano, Legato suo, ut  
 apud regem diligenter ageret, in mandatis  
 dedere; d) Rex contra, jus suum in univer-  
 sam

a) Lucius 1. 4. q. 12. & Pray annal. Par. II.  
 pag. 2.

b) Litt. Ducis Venetor. ad regem, an. 1311. d.  
 12. Nov. apud Muratorium scriptor. rer. Ital.  
 Tom. XII. pag. 495. ubi inter reliqua, hæc:  
*per consequens in eadem (Jadra.) & jus vo-*  
*stri regni Hung. expressum, & notorium in*  
*ipsa civitate semper voluimus, & fecimus, ob*  
*reverentiam, & amorem regum, prædecessorum*  
*vestrorum, tamquam qui intendimus non tur-*  
*bare jura regia, sed ad conservationem eorum*  
*dare potius auxilium, & favorem &c.* Inte-  
 gras vid. apud Pray annal. Par. II. pag. 2. 3. &c.

c) De conventionione hac inita, sed rursus antiqua-  
 ta, confer ea, quæ in rebus Belæ IV. ad an.  
 1244. Nro. 5. & ad an. 1254. Nro. 9. dicta sunt.

d) Litt. Duc. Venet. apud Murator. 1. cit. pag.  
 493. & apud Pray Par. II. pag. 4. 5.



sam Dalmatiam extendebat, Ex litigatione 1312.  
 juris, ad arma ventum, Veneti, cum viderent, regem nihil de sua constantia remittere,  
 missa classe, Jadram obsedere, Rex vicissim  
 Paulum Bosniæ Banum obsessis auxilio misit.

IV. Quo minus ipse Jadrensis adeste 1312.  
 posset, novi in regno motus impedire, Matthæus Trenčiniensis, fortunarum ampli-  
 tudine ceteris Magnatibus affluentior, & sub  
 Wenceslao regni Palatinus renunciatus, illo  
 in Bohemiam reverso, nec Ottonis, nec Car-  
 roli partes amplexus, seorsim Principatum  
 sibi parabat. Vastata ultra ditionem suam  
 utraque Vagi ripa, Nitriensis quoque Episco-  
 patus partem depopulatus, exustis etiam,  
 quæ juris Archiepiscopi Strigoniensis erant,  
 villis, a) jam ipsi Strigonio imminebat, cum  
 rex, seditionem in principio opprimere cupi-  
 ens, in rebellem profectus, conserto ad vicum  
 Rozgonium prælio, fugatum, magnaque di-  
 tionum parte mulctatum, b) in ordinem red-  
 egit.

Fructum victoriæ, qua seditiosi ad tempus 1313.  
 in metu continebantur, Mladinus Banus per-  
 fidia sua temeravit, Is auro Veneto corru-  
 ptus, c) Jadrensis, qui se hactenus fortiter

B<sup>4</sup>.

tue-

a) De damnis Archiep. illatis vid. document.  
 apud Pray Hierarch. Part. II. pag. 169.

b) Thurocz Part. II. Chron. c. 90. & litt. regis an.  
 1312. in festo B. Eliæ.

c) Mussatus de reb. gestis Ital. 1. 2. & Madius l. c. 6.

- 1313.** tuebantur, auctor fuit, ut Venetis, quando serum, aut nullum ex Hungaria affuturum esset auxilium, honestis conditionibus se dederent. Persuasi, deditiōnem his pactis fecere: cives liberam facultatem Comitibus eligendi, & Veneti auctoritatem confirmandi illius habeant; ceteris arbitrio illorum permisis, æquo jure socii deinceps essent, liberaque navigatione uterentur. *a)* Mladino pacificatori honor Patriciatus Veneti concessus. Bani perfidiam, Rex dissimulare tum quidem cogebatur, quod Tartari, quorum aliquot turmae ab obitu Ladislai resisterant, adjuncta sibi latrocinantium colluvie, actis spoliis, magnam Christianorum copiam in servitutem abegissent. *b)* Accessit aliud quoque impedimentum ex foedere cum Friderico, Austriae Duce, inito, quo Rex Duci contra Ludovicum Bavarum, uterque enim, dissentientibus Electoribus, Imperator electus erat, suppetias se laturum, & Dux vicissim, Posonium, cum ea ditione, quam Andreas III. conjugis suae Agneti, dotis nomine contulerat, se redditurum, sponponderant. *c)* Copiae igitur domi

*a)* Lucius I. 4. c. 12.

*b)* Clementis V. litt. ad Hungares apud Raynald. & Pray Parte II. pag. 11. ad an. 1314.

*c)* Diplomat. Stiriae Nro. 155. apud Pray Parte II. pag. 11. & Continuator. Martin. Poloni apud Eckart. Tom. I. col. 1443.

mi retinendæ erant, ut ex pacto, cum res posceret, fœderato Duci in subsidium mitterentur, Mladino autem, qui maritimas Dalmatiæ urbes insolitis oneribus premebat, a) tempus interea datum, ut, aucta in dies potentia, sensim ad tyrannidem aspiraret.

V. Inter has, quas regno, pro regis officio, impendebat, curas, et quoque, quæ jure avitico sibi existimabat deberi, minima negligenda esse censuit. Bis mille enim auri uncias, quas ei avus testamento legaverat, si cum iis, quæ reliquis cohæredibus obtigerant, conferret, parum sibi, ad quem ceteroquin successio in regno Siciliæ, jure paterno pertinuisset, obvenisse putabat. Ad jus itaque suum vindicandum, misit ad Robertum Siciliæ regem, Joannem Delphinum, Comitem Viennensem, & Albensensem, b) qui Principatum Salernitanum, & Honorem montis sancti Angeli, velut legitimam hæreditatis partem, regis nomine postularet. c) Est is mons

a) Lucius I. 4. c. 13. & Farlati Tom. IV. p. 371.

b) Cur hunc Rex fratrem suum dicat, mihi obscurum est. Litt. vid. apud Katona Tom. VIII. pag. 327.

c) Ibid. *Constitutimus, & ordinamus nostrum certum Procuratorem, & nuntium specialem, & generalem, illustrem, & magnificum virum, D. Joannem Delphinum, Viennensem & Albensensem*

1317.

mons in Apulia, Gargani nomine alias cognitus, cui oppidum infidet, cujus ditio amplissima ad litus maris Adriatici porrecta, Dalmatiae objicitur, freto, quod interjectum est, facile navigabili diremta. Hanc sibi Carolus tribui imprimis cupiebat, cum ut res Dalmaticas hinc quoque tueri posset, tum ut Venetis, ditionem suam in Dalmatia latius identidem proferre cupientibus, ex utraque maris parte frænum injiceret.

1318.

Jus suum hæreditarium prosequenti, conjux Maria, Casimiri Poloniae Ducis filia, e vivis erepta fuit, a) ex qua cum nullam prolem sustulerit, regi tamen, quod ei hoc anno ex concubina filius Colomannus esset natus, b) nova conjugio opus esse videretur, Beatricem, Henrici Imperatoris filiam, Joannis Bohemiae regis sororem, sibi in conjugem ad-

1319.

*seu comitem, dominumque de Turro, fratrem nostrum carissimum, ad petendum, exigendum, & recuperandum a serenissimo D. Roberto, Dei gratia Hierusalem, & Sicilia rege, vel a quopiam alio, possidente, seu tenante, Principatum Salerni, — nec non & honorem montis sancti angeli, siue constant in civitatibus, seu castris, vel villis, — nec non & jura, jurisdictionemque dicti Principatus, & Honoris, — ad petendum, & exigendum omnia, & singula jura &c.*

a) Madius ait. l. c. 13.

b) Vid. Pray Hierarch. Part. II. pag. 712. 73.

adscivit, a) hac quoque anno evoluta subla-  
ta, Elisabetham, Wladislai Poloniae Ducis, 1320.  
cujus ditiones, Siradiensi, Cracoviensi, Gnes-  
nensi provinciis, & rubra Russia contineban-  
tur, filiam, uxorem duxit, b) ingenti suo,  
& regni emolumento, cum & plures ex hac  
liberos susceperit, & sensim viam quasi straverit,  
ut Polonia Hungariae olim conjungeretur.  
A pompa nuptiarum ad bellum repente vocato,  
nova occasione data est, ut regni limites,  
facta accessione, propagaret. Vrosius rex Serviae,  
& Hungariae fiduciaris, abhinc, quam tres amuli de regno contende-  
bant, dominatum sibi parare, & ditionem  
suam in Macedoniam, & Achajam proferre  
conabatur. Hac prolationis cupiditate, Phi-  
lippus Tarentinus, regis avi quarto genitus,  
cui pater Achajam testamento reliquerat, c)  
irritatus, arma in Vrosium sumere decrevit.  
Eadem regi causa erat, ut ab obsequio sece-  
dentem bello peteret. Datis igitur ad Ba-  
num Bosnensem mandatis, ut cum suis co-  
piis sibi praesto esset, in Serviam profectus, ubi  
primum ad fluvium *Odonam* Vrosium nactus  
est, praelio fractum, ad pristinam obedientiam

revo-

---

a) Madius Ibid.

b) Thuroez Chron. Part. II, c. 92. & Madius,  
cit. ib.

c) Leibnitz, Cod. jur. gent. Part. I. pag. 52.

revocavit, a) simul occasione usus, partem Macedoniæ in potestatem redegit. b)

1321. VI. Reduci non leve per absentiam periculum fere confectum est. Petrus quidam, ut opibus potens, ita infenso in regem animo, eadem, qua olim Matthæus Trenchinienſis, infat-

a) Hæjus meminit Ludovicus in Litt. An. 1947. prid. Kal. Jul. Porro cum idem genitor noster — ipsum Stephanum, nunc Wayvodam, tunc Magistrum agazonum — in terram Raciensensem destinasset, idem Stephanus ipsam terram Raciensem usque caput fluvii Obona penitus destruendo spoliavit &c.

b) Joannes XXII. Pont. in litt. ad Frideticum Imperat. datis, apud Raynald. ad an. 1320. de subacta Macedonia hæc habet: *Caroli regis Hung. illustris, jucunda, & grata relatio, nostro Apostolatu patefecit, quod dudum ipse — in potenti manu, & exercitu copioso procedens — de dictis Schismaticis feliciter triumphavit, ita, quod regnum Macedonia, sicut nota evidentia facti in illis partibus evidentius notum reddidit, de manibus illorum ereptum, suæ subdidit ditioni.* Fuisse jam olim aliquam Macedoniæ partem juribus Hung. obnoxiam, testatur Dipl. Belæ IV. an. 1269. quo civitatem *Cestoriam*, cum vicino agro, familiæ *Ohmuchievichii* contulerat, quam donationem postea Ludovicus an. 1349. Sigismundus ann. 1395. & 1406. confirmarunt.

infamia correptus; Principem Rulsici sanguinis, quamquam invitum, in Hungariam adducere statuerat, ut eum Carolo opponeret, aususque propterea cum Doula Transsylvanie Wayyodá confligere, victus, & bonis omnibus exutus est, nulla vel spe posteris suis relicta, ut is aliquando potiri possint. Quo magis sibi rex exteros conciliare, necessarium putabat, ut, si quid domi rursus discriminis oriretur, suppetias aliunde quoque haberet. Quare iterum foedus, cum Friderico Imperatore alias factum, <sup>a)</sup> instauravit, si- que supremum cum Ludovico Bayarense sta- men inuito, quatuor milia Hungarorum, & ex Cumanis lectissimos sagittarios, <sup>c)</sup> uni-  
ver-

a) Vide Katona Tom. VIII. pag. 434.

b) Tabular. Caesareum apud Ant. Steyret, S. J. in comment. de reb. Alberti II. pag. 3.

c) Ab hoc tempore rex Cumanos secundam di- versam armorum tractationem bifariam divisit. Pars sagittis militabat, *Jászones*; ab *Isas*, quod nobis sagittarium notat, dicti: Pars a *balistis*, in oppugnationibus adhiberi solitis, primum *balistaril*, postea corrupto nomine, *Philistai* nuntupati. Postquam autem vetus armorum usus obsolevit, utrique equites in bello mereri solent. *Jászones* memorat Caro- lus in litt. an. 1323. dum quemdam nomine *Lárádn*, filium *Zohán*, ex jurisdictione filio-  
rum

verse auxiliorum viginti sex milia, suppetias milit. <sup>1322.</sup> Ipse vero suis protectionem in Dalmatiam indixit, quam Mladinus tyrannide sua adeo prefferat, ut Tragurienses cum Sibenicensibus, fidi ceteroquin Hungarorum fo-  
oil, se de quo Venetis dediderint, ea tamen cautela, ut honor, <sup>63</sup> regis Hungariae saluum integrumque maneret. <sup>63</sup>) Sicut in-  
flautato, quod apud priorē anno inter se pepige-  
rant, <sup>63</sup> Paulum, Comitem Breberien-  
ensem, in armorum coniectatē addiver. <sup>63</sup>)  
Mladinus, comperto, quid illi adversum se cu-  
derent, tempus occupans, utriusque orbis  
ditioni, vastitate illata, cum audiret, regem  
cum copulis Timinum adventare, regressus  
missis

rum Keyerge exiit, & speciali favore, in  
cōtum Jaxgum specialiter regiae maiestati  
exercituum debentium, <sup>63</sup> praeclara in bello  
prostita servitia, transfert. Hodie nomine  
Jaxgum veniunt. Philistaei occurrunt in litt.  
Sigismundi, an. 1427. in quibus Stephanus  
Bokorjik de Berencza, Philistaeorum regali-  
um Comes dicitur. In Cqd. jur. patrii passim  
Cumani audiunt, primaque, si rite recorder,  
Philistaeorum mentio fit in Wladislai Decreto  
an. 1498. art. 47.

a) Albertus Argentina, sed ad an. 1323.

b) Lucius. l. 4. c. 14. de reb. Dalm.

c) Idem Memorie istoriche di Tragurio, p. 166.

d) Id. ibidem.



misso fratre suo Georgio, gratiam regis implorabat, quem dum ipse eadem de causa esset consequutus, comprehendi, & in Hungariam abduci iussus, rex autem, allato nuncio, quam infelicitate Friderico contra Ludovicum, pugnando Múldorfium ceciderit, cura Dalmatiae Joanni Bobonicio credita in Hungariam reversus est. a)

Nihil tamen, cepto etiam Mladino, res feliciores in Dalmatia fuerunt. Georgius frater illius, eundem morem sequutus, non modo urbes imprimis Spalatensem, acis crebro spoliis, infestabat, sed ipsum quoque Bobonicium, a rege abstractum, in suas partes

pellens. Utrumque quidem Nicolaus Gilius a rege missus in ordinem redegerat, b)

sed, dum nulla istius relicto Hungarorum praesidio, reversus esset, Georgius paulum post resumpto animo, conciliatis sibi etiam Croatis, rursus res novas moliri coepit, suumque propositum, latrocinando magis, quam arma conferendo, persequutus, anno sequente a Nelipio Cetinensium Comite, ad Tinninum profligatus, & in captivitatem redactus est. c) Ex Bobonicio quoque, perfidiae reo, Stephanus Bosnensis Banus, cum Comite Vegliensi, expugnatis, quae illius juris erant, castris,

a) Madius c. 18. & 19.

b) Idem c. 22.

c) Idem c. 23. & Lucius Memoriae illor. p. 177.

castris, jussu regis poenam amisit, & ad quietem stabilendam praesidarios Hungaros Bihaćio imposuit. a) Gliscibat nihilominus, quæ ob diversam utriusque Nationis linguam, dudum coalescerat, inter Croatas factio, qui collato saepe per nuncios, & litteras, cum Bosnensibus, Dalmatis, ac ipsis etiam Venetis, consilio, nihil parati pollicebantur, ipse adeo Neliptius, post captum Mladent fratrem, politice illorum depravatus, ad eliminandos, qui recens Bihaćio impositi erant Hungaros, operam suam addidit. b)

VII. Hoc loco res Dalmaticæ erant, cum rex ad foedus illud, quod biennio abhinc cum Joanne Bohemorum rege, de reddendis utrinque transfugis pepigerat, c) aliud quoque adjunxit, quo sibi communes utrinque amicos, & hostes futuros, stipulati sunt, Austriæ Dudibus solum exceptis, in quibus si Bohemi moverent, rex a ferendo eadem auxilio immunis esset; contra si Austrii Bohemos bello peterent, istis suppatus foret. Ad confirmandum foedus, actum quoque de sponsione futuri matrimonii inter Ladislaum Caroli

a) Madins cap. 28.

b) Lucius Mem. istor. pag. 187 — 89.

c) Apud Lunig Cod. Germ. diplomatic. Tom. I. pag. 991. Nro. 34. dat. in alto castro, seu Vissegradi, an. 1325. Dominica prox. ante festum nativ. B. Virginis.

roli primogenitum, & Annam Bohemice regis filiam inveniendi, si sponsi huic ob consanguinitatem Pontifex intercaderet, ad hanc firmandam triennii mora, si autem veniam faceret, semestris spatium, daretur. Sponsa a patre decem, a Carolo quindecim millia marcarum, quamlibet quinquaginta sex grossis Pragensibus æstimando, dotalitium munus constitutum. a)

Succesisionis ratio, ordoque, si quos olim Ladislaus ex hoc matrimonio liberos tolleret, is decretus fuit, ut semper filius patri, jure hæreditario, succedat, si autem filia solum essent superstites, hæc similiter eodem jure regnum caperent. b) Illud præterea ad  
stabi-

a) Apud Lunig, Cod. Germ. diplomat. Tom. I. pag. 994. Nro. 35.

b) Id. ibid. *Quod si prædictum Ladislaus, filium nostrum, ante, vel post obitum nostrum, habendo liberum, vel liberos masculos, decedere forte contingeret, idem filius, siue filii, in regno Hung. supradicto succedere debeant, & ipsum regnum ad eos, & non ad alios, jure hæreditario pertinebit. Si vero saepe dictum filium nostrum habendo filiam, vel filias, mori contingeret, ea tunc ipsa, vel ipse, juxta consuetudinem Hungariae observatam, succedere, & hæreditare debent. Tabul. integras exhibet Katona, Tom. VIII. pag. 570. Matrimo-*

**1387.** ~~Abdicationem~~ ~~senatus~~ ~~que~~ ~~regni~~ ~~recusationem~~ ad-  
ditum; de ~~in~~ alteruter regum ex pacifcenti-  
bus, mortem prior obiret; alter defuncti di-  
tiones, & proles, velut suas complexus, tue-  
retur. Ceterum, si matrimonium etiam non  
coalesceret, sedus ratum nihilominus, fir-  
mumque maneret. a)

Hæc dum Rex est potissimum de causa  
satagit, ut familiæ regię, ne inter hanc am-  
bitio, sive discordiæ aliquando faciat; tum  
regni etiam commodo, quod sæpe variato,  
ex privatorum arbitrio, & utilitate, domino,  
misere jactari, expertus erat, consideret, res  
in Dalmatia vehementer nutabant. Spala-  
tenses tyrannidis cornitum Breberensium im-  
patientes, cum nihil præsidii ex Hungaria ad-  
esset, Venetis se interim dedidere, quos Trä-  
gurini, Sibeniceses, & Nonnenses mox se-  
quuti sunt, eam tamen omnes conditionem  
pacti, ut salvo jure regis Hungarię, ipsi suis  
immu-

nium tamen, sponso iam, seq. defuncto, non  
coaluit. Vid. Katona, l. cit. pag. 603.

a) Lunig, ibid. pag. 994. sed in documento,  
quod huic præmittit, erronee Ludovicum sub-  
stituit Ladislao. Ille, ut habet Thurocz, Part.  
II. Chron. c. 94. natus est an. 1326. Ladislaus  
vero, an. 1323. ut ipse Rex testatur in litt.  
ejusd. an. quibus nuncio, qui ei natum filium  
significarat, donationem facit. Dat. in Da-  
mäs, loco venationis.

immunitatibus, quas a regibus olim obtinuerunt, frui permittantur. a)

VIII. Nullum dubium regi erat, factionem; quam Mladinus in Croatia, & Bosnia conflaverat, licet captivus in Hungaria teneretur, etiamnum serpere, & clam a Venetis ali, quo minus autem hanc confestim oppressum iret, bellum Austriacum, ex fraterna ambitione ortum, impedivit. Occasio hæc erat. Albertus Cæsar cum plures filios haberet, veritus, ne a suo obitu fratrum discordia hæreditariæ ditiones in partes discerperentur, statuerat, ut major natu in his succederet, ceteris tantum daretur, quantum ad vitam cum dignitate sustinendam satis esset. Perstitit hæc ratio ad id tempus, quo ex filiis tres solum, Fridericus Cæsar, Albertus, & Otto, superstites fuere. Postremus hæreditatis suæ partem importune deposcebat, quæ cum negaretur, correptis armis, regem Bohemiæ in societatem, & ad tuendam suam causam adscivit. Huic Carolus quoque, etsi invitus, copias suas adjunxerat, mox tamen, cum videret bellum, nimis barbære a Bohemo geri, in Hungariam reduxit, b) utilius, nisi jam serum fuisset, in Dalmatia adhibendas, cujus partem maritimam Veneti fere omnem interea occuparunt, c)

C 2

Jactu-

a) Lucius, l. 4. c. 14. & Madius, c. 28.

b) Chron. Ms. apud Linck ad an. 1328.

c) Lucius l. 4. c. 14.

**1329.** Jactura hæc eo gravior erat, quò magis ærarium regium in dies attenuari fere oportuit, cui reparando dum curas omnes intendit, eam rationem amplexus est, ut ne onus plebi incumberet. Supererant fundi regii, quos Wenceslai, & Ottonis tempore, potentiores rapto sibi asserebant, & qui ex Ordinum decreto, tempore electionis condito, reddendi erant, quod cum hactenus non ea, quæ oportebat, fide factum esset, omnes ad regum proprietatem, & censum redigi iussit. Similiter decretum generale, quod nobis temporum injuria eripuit, per regnum vulgari fecit, a) quo

a) Decreti hujus mentio fit in litt. adjudicatoriis Fancisci Comitiss de Thurocz, Locumtenentis Palatini, Posonii an. 1549. fer. 5. prox. ante festum Nativit. B. M. V. *Licet sereniss. Princeps D. Carolus Rex Hung. pater ipsius Ludovici regis, eo vivente, & demum ipse Ludovicus Rex — litteras, & privilegia dicti Andreæ regis, super donationibus, & gratiis per ipsum factis, emanatas, & confecta, ex causis rationabilibus usque ad tunc, minime acceptassent, & iidem actores intentionem ipsorum fundabant juxta generale decretum exinde editum, sigillo antelati quondam D. Caroli regis anulari, in quo littera K. habita extitisset, per appositionem ceræ rubræ in dextra parte imaginis regalis habitæ, minime roborata,*

quo donationes Andreæ III. penitus antiquatas, & irritas haberi volebat. Qua sanctione cum multi ad incitas redigendi essent, victus multorum precibus, hanc rationem in-  
eundam censuit, ut documenta litteraria, quæ Andreæ regis nomen referrent, iudicium quaestionibus subicerentur, ex quibus, quæ æquitate niti videbantur, appresso suo in cera rubra anulari Sigillo, a) rata, reliqua vero pro irritis haberi decrevit, & bona Fisco regio addixit.

IX. Tam firmum, seriumque, fundos regios ad pristinum jus revocandi studium, regi, ejusque familiæ mortem propemodum conscivit. Felicianus de genere Zaah, qui olim Matthæi Trenchinensis partes sequutus, parique cum eo rapinarum cupiditate actus, bona regia in suum usum converterat, nunc autem reddere coactus, enorme facinus aggressus est. b) Rege Vifegradi, loco æstii.

C 3

va-

ta, &c. Ea proinde solum regis hujus documenta in judiciis locum habent, ut monet Verböcius Trip. Par. I. Tit. 14. §. 17. quæ in sigillis appressum in cera rubra Sigillum anulare regis Caroli referunt.

a) Id nonnunquam lauro circumdatum est, alias, & sæpius, sine hac, quod critirii causa monendum putavi.

b) Litt. regis ad an. 1330. in Octavis B. Jacobi Apostoli. Cum nos prædictum Magistrum Jo-

annem

1330.

vario, cum familia sua praedente, in triolium furis agitatus, irrupit, manum regis levi vulnere perstringit, reginae quatuor dextrae digitos amputat, in filios quoque Ludovicum, & Andream, gladium vibrans omnes neci daturus erat, nisi is, qui reginae ministrabat, periculum praeventens, scelestum hominem, bacillum, quod praemanibus habuit, occipiti impingens, humi prostravisset, quem mox accurrentes satellites membratim conciderunt. Fama detestabilis facinoris didita, regni Ordines certatim ad regem excivit, qui unanimi consensu scelestissimi hominis profapiam, ad tertium generationis gradum, partim morte, partim exilio, mulctandam decreverant, omnium, qui sceleris participes erant, bonis Fisco addictis. In proles, nisi oriminis magnitudo excuset, acerbius, quam humanitatis ratio ceteroqui patitur, saevitum. Filius, caudis equorum alligatus, frustatim discerptus, filiarum una capite diminuta, al-  
 tora

---

*annem, consideratis suis fidelitatibus, quibus nos inter cetera in eo, quod nos, & praedictam reginam dulcesque natos nostros, a morte, quam quidam sceleratus, nomine Felicianus, nefanda praesumptione inductus — in omnium nostrorum personas insultu subitaneo, & inopinabili inferre volebat, annuente Dei elementia viriliter defendit, &c. Similia quoque Thurocz Chron. Par. II. c. 96.*



terre digitis, naso, & labijs abscissis, per ro-  
gni urbes, ut sceleris horum ad plures per- 1330  
tineret, circumducta, est. Quisq. per

Rex periculo hoc liber, prope erat, ut ma-  
jus adiret, dum, confusato vulneret in rebel-  
lem Bezarabam, Valachiae Transalpinæ  
Wayvedam, arma convertit. Hæc, cum per  
exploratores comperisset, regem adouato  
Zeyring, ultra progredi, nuncios illi obxiam  
misit, qui, si Rex pacis consilia amplecti  
vellet, septem mille marcas argenti, censum  
annuum pendi, alias solutum, & filium præ-  
terea obsidem suæ uxoris promitterent. Ho-  
nesta, & æqua conditio, plerisque visa est.  
Verum Rex spreto suorum consilio, Wayvor-  
dam post repulsam, in montana recedentem,  
improvidè sequutus, interque montium an-  
gustias comprehensus, amisso feracito, qui  
ex Nobilibus constabat, exercitui, in agerem  
mutato amictu, paucorum virtute servatus,  
vitæ periculum evasit. b)

Felicius sequente anno bellum contra  
Tartaros gestum, quæ cum rapinatum cau- 1331.  
sa Hungariae ingruerent, insigni clade proflig-  
atos, in fugam conjecit. Hoc perfunctus,  
causam suam apud Pontificem de Principatu  
Salernitano, & adnexa ei ditione, instauravit,  
C 4 quem?

a) Ibidem.

b) Thurecz Par. II. c. 97. & regis litt. an. 1333.  
apud Pray Par. II. pag. 25.

1331. quem ut impetraret, nihil jam ob stare videbatur, quod Carolus Calabriae Dux, unicus Roberti regis filius, triennio abhinc defunctus, & regnum Siciliae ad lineam femineam devolvendum, esset. Pontifex quidem propterea, sed irritò eventu, litteras ad Robertum dederat, monuitque, ut Carolus, nisi quid ob staret, ea in re gratificari vellet. a) Forte, ne id fieret, ipse Pontificis intererat, cum, si Principatus Salernitanus, cum honore montis sancti Angeli, in Caroli, ejusque filiorum jus transiret, verendum fuerit, ne a Siciliae regno, clientelae sedis Apostolicae obnoxio, sensim avellatur. Ut tamen aequitatis haberet rationem, simul etiam caveret, ne quidquam ex regno Siciliae aliquando decerpatur, mediam utrinque viam deligens, scripsit ad Sanctiam Siciliae reginam, daret operem, ut inter suam neptem Joannam, & Andream Caroli regis alterum filium, nuptiae in posterum tempus concilientur, ita futurum, ut & regis Hungariae postulatis satis fiat, & regno Siciliae integritas sua constet.

Nihil adversum haec obmovendum Carolus censuit, dum hac ratione & filio suo, per quem regnum Siciliae rursus stirpi suae asserendum erat, & Dalmatiae praeterea ex hac sanguinis conjunctione, per Dalmatiam autem Hun-

a) Litt. Pontif. apud Raynald. ad an. 1331. & Pray l. c. pag. 29.

Hungariæ etiam, cuius ad pristinum statum reducendæ studio cum primis tenebatur, satis consultum videret. Eandem ob causam fœdus, quod cum Friderico Imperatore olim pepigerat, a) cum ejus fratribus, Alberto, & Ottone, Austriæ Ducibus, innovavit. b) Quia vero prioribus pactis neutrapars alteri opem ferre obstricta erat, si bellum Bohemiæ inferendum esset, novas tabulas fœderis condideret, quibus sibi mutuo auxilia spondent, etiam si arma in regem Bohemiæ corripienda essent. c)

X. Fœderi hæc occasionem præbuit Rex Bohemiæ, qui Carinthiæ, & Tyroli, ad quas Ducibus Austriæ jus erat, jam dudum inhiabat, veritus tamen rem armis experiri, arbitri interea partes inter Wladislaum Poloniæ regem, & Cruciferos milites, cum rege Carolo suscepit. Induciæ, utriusque studio, annuæ confectæ sunt, quibus nondum evolutis Wladislaus anno sequente obiit, ei- que Casimirus filius, Carolo per Legatum id cumprimis agente, subrogatus est; d) quo ab Ordinibus confirmato, Rex iter in Siciliam cum

1331.

1332.

1333.

a) Hujus mentionem facit Rex in litt. an. 1331, apud Pray. l. c. pag. 30.

b) Anton. Steyrer in rebus Alberti II. addit. ad c. 1. col. 34. apud Pray l. c. pag. 30.

c) Idem apud eund. pag. 31.

d) Dlugossius l. 9. col. 1027.

**1333:** cum Andrea filio suscepit, ut se de nuptiis, inter hanc, & neptem Sanctiæ reginæ olim designatis, certiorum redderet. Modrusiam ex itinere divertens, Spalatensem, quorum præcipua in Dalmatia erat auctoritas, Legatos liberaliter accepit, eisque concessa ab Hungariæ regibus privilegia confirmavit. a) Inde Venetis, qui, cur Rex in Italiam proficisceretur, non ignorabant, matius injectus, ne ex conjunctione utriusque regni, ea, quæ turbulentis temporibus in Dalmatia occuparunt, aliquando amitterent. Modrusia in Apuliam delatus, ne, cujus causa venerat, cum Roberto rege confecto, Andream filium, septennem puerum, Joannem, Roberti, & Sanctiæ nepti, die 27. Septembris despondit. b) Sponso abhinc titulus Ducis Calabriae inditus est.

Non minor ei cura de filio Ludovico fuit. Etsi enim sciret, successionem suæ stirpi, in ipsa sui electione ab regni Ordinibus, edito Decreto, confirmatam esse, ne tamen a suo obitu inter filios, Stephanus enim hoc anno ei recens natus erat, discordia orirentur, aut Ordinum studia in contrarias partes abirent, optabat, ut Ludovicus, se adhuc vivo, Rex Hungariæ coronaretur. Cum Pontifex per id tempus Avenione moraretur.

a) Apud Lucium l. 4 c. 15.

b) Willanus apud eundem. ibid.

raretur, dedit ad eum litteras, quibus, quid cuperet, eidem significavit, qui regis desiderio libenter annuens, scripsit ad Archiepiscopum Colocensem, ejusdemque suffraganeos, Varadinensem, & Zagrabiensem Episcopos, ut, si Archiepiscopus Strigoniensis, ad quem ceteroqui jus coronationis pertineret, regi eatenus nollet obsequi, quemcunque ex his tribus sive Rex, sive filius deligeret, is functionem coronationis ritu solito peragendi potestatem habeat. a)

Reduci ex Italia, prope erat, ut bellum cum Stephano Dusciano, Serviae Despota, qui ditionem suam ultra limites proferebat, confectum fuerit. Frustra commouite, ut a proposito desisteret, facto militum delectu, arma opponere decreverat, sed ubi compertit, juniorem Palaeologum ingenti cum apparatu, Stephano suppetias venire, ne sibi cum Graecis eodem tempore res esset, copias in stativa reduxit, b) quas sequente anno utilius in Tartaros, Hungariam incurstantes, convertit, quibus profligatis, & regno ejectis, c) amicitiam cum Bohemiae rege, quem alias ex foedere, cum Austriae Ducibus inito, excluderat, iisdem conditionibus, in quas decen-

a) Litt. Pontif. apud Raynaldum ad an. 1333. & Pray Par. II. pag. 35.

b) Cantacufenus l. 2. c. 25.

c) Raynald. apud Pray Par. II. pag. 35.

**1335.** cennio ante conventum fuerat, instauravit, a) eumque Casimiro, Poloniæ regi, utroque in Hungariam invitato, conciliavit. Leges conciliationis hæ erant: Rex Bohemiæ, titulo regis Poloniæ, & juri in Gnesnensem, Calissensem, aliasque inferioris Poloniæ urbes, renunciaret, & litteras renunciationis edat, Carolo regi consignandas, Casimirus autem sex millia marcarum regi Bohemiæ dependet, harum vero vadimonium rex Hungariæ in se recipiet. b)

Aliud quoque ~~foedus~~ inter Hungariæ, & Bohemiæ, reges, hujus item filios Carolum Marchionem Moraviæ, & Joannem Carinthiæ Ducem, eodem tempore initum, quo sibi vicissim auxilium contra hostes, alterutrius regna invasuros, similiter profugos, si qui fuerint, utrinque reddituros, polliciti sunt, & ut foederi stabilitatem conciliarent, id ad utriusque paciscentium hæredes eadem ratione pertinere volebant. Illud præterea adjectum, ut, si regi Hungariæ, ejusque hæredibus discordia, bellumve, cum Alberto, & Ottone Ducibus Austriæ, vel horum posteris oriretur, nefas sit, cum eis pacem conficere, nisi regis Bohemiæ, vel illius hæredum, consen-

---

a) Dobner Monument. inedit. Tom. IV. pag. 297. & Katona, Tom. IX. pag. 67.

b) Tabulas exhibet Lunig Cod. Diplom. Germ. Tom. I. col. 1014. & 1015.

sensus accedat. Ceterum, ex numero hostium Rex Hungariæ, præter Casimirum Poloniæ, & Robertum Siciliæ, reges, eos quoque Principes, qui Roberto, sibi que in Italia consanguinitate juncti essent, exemptos voluit. a) 1335.

Præterea, quoniam arbitrium componendæ litis, quæ inter Casimirum Poloniæ regem, & Magistrum militiæ Ordinis Teutonici intercesserat, Hungariæ, & Bohemiæ regibus delatum esset, placuit utrique, ut hæc quoque prius, quam reges Vissegrado discederent, ex æquo dirimatur. Dissidii causa a controverso jure in Culmensensem, Dobrizenensem, Cujaviæ, Pomeraniæ, & Thorunensem provincias, petebatur. Habita igitur inter se deliberatione, & partibus consentientibus, Pomerania Magistro Ordinis attributa est, ceteræ vero provinciæ Casimiro obvenere. b) Nihil mirum videri debet, Carolum tam contento studio ad liberandam a jure Bohemico Poloniam, egisse, cum jam tum illius, cum Hungaria aliquando conjungendæ, spem concepisse videatur. Huc spectabant, præter quingentas marcas auri purissimi, quas regi Bohemiæ dederat, sumtuosa prorsus

ex

---

a) Apud Dobner Monument. ined. Tom. IV. p. 297. Item apud Lunig, T. cit. col. 1011.

b) Conditiones fœderis exstant apud Długossium hist. Polon. l. 9. & apud Pray annal. Par. II, pag. 36. item apud Katona, Tom. VIII. p. 78.

**1335.** ex argento vasa, aliaque unionibus, & margaritis exornata munera, quibus utrumque regem, & Carolum Marchionem Moraviae, regia munificentia excultos, Vissegrado ab se dimisit. *a)*

**1336.** XI. Conciliata in hunc modum inter tres reges amicitia, praeter opinionem lis, quae omnibus communis esset, cum Austriae Ducibus oborta est. Hi Carinthiam, quam Rudolphus Caesar Maynhardo, Tyrolensium Comiti, ea conditione tribuerat, ut, si sine haerede mare obiret, provincia ad Duces Austriae devolvatur, defuncto nuper Duce Carinthiae, partem suae hereditatis esse, Joannes vero, Bohemiae Rex, ultima defuncti patris voluntate, ad filiam Margaretham, quae Joanni filio suo desponsa erat, pertinere contendebant. A litis contentione, ad arma itum. Hungariae, & Bohemiae reges ditioni Ducum, quam Polonus, viciniores, copias suas ex pacto Austriae immiserant. *b)* Carolum id praecipue irritaverat, quod Ludovicus Imperator, jus feuda in Hungaria conferendi, sibi arrogarit, idque in Duces Austriae transfulisset. *c)* Vastata hostiliter, ut fit, provincia, cum Imperator Ducibus auxilio veniret, uterque militem retraxit, paulumque post induciae inter regem, & Duces

*a)* Thurocz Chron. Par. II. c. 97.

*b)* Chronicon Salisburg. apud Hier. Pez, Tom. I. col. 411.

*c)* Vid. documentum apud Fray P. II. pag. 38.



ces a 15. Decembris, ad diem Pentecostes futuri anni, Laureaci coaluerunt; ne quid autem interea dissidii interveniret, tres limitum Præfecti a rege, & totidem a Ducibus constituti sunt, duo cis, ultraque Danubium versus Austriam, tertius, qui ad Stiriae, & Carinthiae confinia excubarent: captivi utrinque dimissi, libera mercatorum in utriusque ditionibus commectio indulta, & Hungaris, qui ad Ducem partes secesserant, venia transfugiri data. a)

Ex induciis facile anno insequente pax conflata, & litteris editis confirmata fuit. Rex non modo foedera prius cum Austriacis inita, rata habuit, sed, quod præcipuum discordiae caput erat, castrum etiam *Svarczenbach*, Ducibus se redditurum pollicitus est, & hæ vicissim juri in arcem *Anchenstein* renunciarunt. b) Sopito feliciter dissidio, incescit regem ea cogitatio, ut rationem secum iniret, qua regnum Poloniae, Casimiro enim hactenus hæres nullus erat, sine armis, nullaque vicinorum Principum invidia, Hungariae conjungi posset. Unicus Bohemiae Rex, qui nuper juri suo in id regnum renunciaverat

---

a) Diplomatar. Stiriae inter Seccoviensia N. 171. & apud Pray I. cit. pag. 39, & 40.

b) Ant. Steyrer, commentar. pro hist. Alberti II. in addit. ad c. 1. & ex hoc Pray Par. II. pag. 41.

rat, destinationi hanc obſtare poſſe videbatur.

1337. Hunc igitur, ne ſibi impedimento eſſet, arctiore, quam per ſœdus proxime initum, vinculo ſibi obſtringendum putavit. Erat Carolo Marchioni Moraviæ filia Margaretha; hæc ſi filio ſuo Ludovico, rege Bohemiæ non invito, deſponderetur, rem non difficulter conſieri poſſe, ſperabat. Egit propterea per

1338. Legatos, nec repulſam paſſus eſt. Conſcripta ſunt pacta nuptialia, & juramento utrinque firmata: Marchio filiæ decem, & Carolus pro Ludovico quindecim millia marcarum argenti, dotis, & dotalitii munus, ſponderent, Sponſa intra anni ſpacium, ducto a die beati Michaelis archangeli initio, Brunam, & hinc in Hungariam; modo ne corporis defectum habeat, traducatur, ut moribus, & linguæ gentis ſenſim conſueſcat: ad hæc, ut fidejuſſores, & pignora ſtatuerent, Marchio in Moravia, & Rex in Hungaria: additum præterea deſenſionis mutuæ ſœdus, & amicitia inter utriuſque regis familiam, Carolum Marchionem, & Joannem Ducem Carinthiæ, Joannis Bohemiæ; tum Ludovicum, Andream Calabriæ Ducem, & Stephanum, Caroli Hungariæ regis, filios conſtabilita. a) Hinc

pro-

---

a) Apud Ludewig, Reliqu. Mſs. Tom. V. pag. 487. *Actum, & datum in Wiſſegrad, Dom. Invoſavit. 1338.* Videtur Ludovicus vel hoc,

pronus ad transactionem de Polonia gradus est factus. Marchio fide iuramenti interposita pollicitus est, se, suosque hæredes omnem conatum adhibitueros, ut, si Casimirus Rex Poloniæ nullum hæredem relinqueret, Rex Hungariæ, huiusque hæredes, Poloniam consequantur; etiam si matrimonium, inter utriusque proles stipulatum, non coalesceret: Rex Hungariæ vicissim suo, suorumque hæredum nomine promiserat, se Casimiro, si hic iura, quæ regi Bohemiæ, huiusque hæredibus cesserat, sibi vindicare tentaret, nullum auxilium daturus, idemque se, si Poloniam adepti fuerint, eadem fide præstituros esse. a)

XII. Tot cum exteris Principibus confederationes, quas familiæ suæ, regni que causa inierat, regem a curanda domi re publica tantisper abstraxerant, & erogationes, quas illarum causa fieri necesse fuit, ærarium fere

eva.

---

vel priore anno, jam coronatus fuisse, cum in eodem documento Rex his verbis loquens inducatur: *Virginem præcellentem, dominam Margaretham, filiam domini Caroli Marchionis Moraviæ, nomine dicti Ludovici, primogeniti nostri, ac pro ipso nunc recepimus — legitime in uxorem nostri Ludovici, primogeniti nostri, regis Hungariæ, &c.*

a) Goldastus in append. document. Datum idem est.

1328.

evacuabant. Ad id reparandum ūsus est remedio, quo multorum, eorumque inprimis, qui Ecclesiastici Ordinis erant, animos a se avertit. Archiepiscopis mandatum, ut ducentas, Episcopis vero, ut quinquaginta argenti marcas, ineunte quōvis anno, xenii instar, ærario regio inferrent. Accedebat & illud, quod Episcoporum bona post obitum homines regii, specie administrationis importune se ingerentes, invaserint, & non tam Fisco regio, cujus nomen referebant, quam sibi ex illis lucri compendia facerent, ut sæpe vix tantum relinquerent, quantum Episcopi humando corpori satis esset. Comititia quoque, in quibus Ordines huic rapacitati modum ponere poterant, in dies differri, aut vix unquam conciri solebant. Cum igitur domi huic malo nullam medelam viderent, communi nomine litteras, querelarum plenas, ad Pontificem dedere, rogabantque, ut regem de his molliter admoneret, ne irritatus graviora forte in se statueret. Fecit, quod rogatus erat, regemque hortatus est, ut a cœpto desisteret, eaque, quæ Nationi in aditu regni promississet, opere ipso præstaret, si modo, quæ ad se afferebantur, vera essent. a) Quo animo litteras Pontificis acceperit, compertum non est, illud constat, regem, seve-

---

a) Raynaldus ad an. 1338. Nro. 24. & ad an. 1339. apud Pray Par. II. pag. 46. & 47.

severam epistolam ad Archiepiscopum Strigoniensem, ceterosque antistites dedisse, quæ 1338. decimam Pontificiam acturate persolveri jubet, ni faxint, graviter se offensum iri significans, incertum, an Pontifici ea re gratificari, an vindictam, a qua nec reges solent immunes esse, ex Episcopis voluerit sumere. a)

In Dalmatia quoque Neliptii factio majora interint, rege foederibus pangendis occupato, incrementa sumserat, qui cupiditate ditionis proferendæ ductus, Sibeniceses, Tragurinos & Spalatenses, in armorum societatem, quasi eorum fortunas contra Breberienes Comites tuiturus, pellexit. Hac simulatione ambiciosi hominis seducti,icto foedere, se ei contra hostes, certo militum numero, adjutores futuros, rege solum Hungariæ, & Venetis exceptis, promissere. Carolus cognito, nec enim aliud erat, hominis dolo scriptis ad Tragurinos litteris, eos datæ fidei admonuit, simul Corbaviæ Comiti in mandatis dedit, ut civibus contra Neliptii molitiones auxilio ve-

D 2

niret,

---

a) Raynald. ad an. 1338. & 1339. verisimilior causa fuit, quod tertia collectionis pars ad regem pertinuerit, ut est apud Koller hist. Ep. Quinqueecl. Tom. II. pag. 476. & Katona Tom. IX. pag. 237. idcirco, ut hanc diligentius exhiberent, urgebat. Vid. etiam Pray præf. ad Diatriben de S. Ladislao rege.

niret, se ipsum propediem in Dalmatia, ad componendos civium animos, affuturum, a)

**XIII.** Cum autem interim nuncium a Casimiro rege Poloniae ad se perlatum esset, illum in Hungariam parere, domi resistere coactus, apparatus ad eum pro dignitate accipiendum fieri iussit. Causa adventus hæc erat. Cum hactenus hærede masculo careret, nec spes illius ulla esset, Convantum Ordinibus Cracoviam indixit, ut de successore sibi subrogando in commune cum iis conferret. Supererant quidem plures, qui eandem cum familia regia originem habebant, Janusius & Semovitus Mazoviae, tum Wladislaus Oppoliae, Duces, in quos non exigua Polonorum pars cum vulgo, qui ab extero Principe abhorrebant, propendere videbatur. Aliter tamen regi, & qui ab intimis ei consiliis erant, visum. Oppolienfis, quod se sponte Bohemorum regia clientelae dediderit, indignus habebatur, qui Polonis imperet, per Mazovienses autem, utervis optaretur, cum ceteroquin regis feudatarii sint, nihil commodi regno, nihil dignitatis etiam nationi accersurum; talem igitur eligendum, qui istis in utroque præcellat, qualis Ludovicus regis Hungariae filius esset, sorore Casimiri natus, cui vel ipsa nascendi conditio, jus proximum suc-

---

a) Lucius de regno. Dalm. l. 4. c. 14. & Mem. istoriche di Tragurio, c. 4. pag. 216.

successionis tribueret. Itum ab omnibus in hanc sententiam est, præsertim cum perpenderent, quicunque ex Ducibus illis deligeretur, facile inter æquales dissidia oriri, & ex his regnum calamitatibus involvi posse, quibus vicini Principes fere in suum lucrum uti soleant, quos Ludovicus, cum patri successerit, in conjunctione utriusque regni, a cupiditate invadendi aliena coercere possit. Casimirus explorato suorum consensu, & præmisso in Hungariam nuncio, ductis secum regni Primoribus, qui nomine Nationis testes transactionis essent, Wissegradum Nonis Julii attingit, habitaque cum Carolo, & utriusque gentis Ordinibus deliberatione, Ludovicum, conditionibus in tabulas relatis, hæredem Poloniæ, & quæ ad illam pertinent, provinciarum, constituit, a) jure successionis solum ad ejusdem filios, legitimo thoro natos, exclusis feminis, restricto, quod tamen postea, ut in loco dicetur, b) unanimi Polonorum consensu, etiam ad illius filias traductum fuit.

Postquam reges, transactione mutuo consensu peracta, ab se divulsi sunt, intellexerunt, sibi ab *Uzbe*go, Tartarorum, qui Crimæam incolunt, Champ litem Romæ moveri. Mi-

D 3

ferat

a) Dlugossus l. 9. col. 1055. & Thurocz Chron. Part. II. c. 98.

b) Nempe ad an. 1374.

**1340.** serat is ad Pontificem, Petranum de Lorto, olim Caphæ dominum, & Albertum, quibus se Elias quoque Ordinis Minorum sacerdos, *Tynibegi*, *Uzbegi* filii, nomine adjuunxerat, ut de injuriis, quas Hungariæ & Poloniæ regum Præfecti limitanei, suæ ditioni inferebant, quererentur, rogarentque, ut illos sua auctoritate ab his deinceps inferendis cōhiberet. Cum nuncii, utra ex parte occasio injuriis primum data sit, rationes non satis expeditas haberent, nec credibile videretur, Principes Christianos sine causa a religione sua diversos laceffere, respondit Chamo, si suos ab invasionibus alienæ ditionis continuerit, se itidem facturum, ut uterque Rex ab inferendis porro damnis se abstineant. *a)* Cum hoc responso dimissi sunt, nec quidquam dehinc ab *Uzbego* propterea obmotum est.

**1341.** Ceterum regi non tam cura de *Uzbegi* querelis fuit, quam ut cum Alberto Duce Austriæ amicitiam, quæ ob illata utrinque damna, aliquamdiu interrupta fuit, redintegraret. Usus est opera Caroli Marchionis Mo-

---

*a)* Wadingus ad hunc an. apud Pray Dissertat. 7. in annales vet. Hunnor. &c. pag. 142. Cum Tartari Crimæani ditionem suam ad id tempus ultra Borysthenem non protulerint, oportuit Bezarabiam illis finitimam juris Hungarici fuisse.



Moraviæ, a) cujus consilio arbitros utrinque constituere placuit. Rex Hungariæ tres ex 1341.  
Austriæ, totidem Albertus ex Hungariæ Optimatibus, deligerent, isti Heimbürgum, illi Posonium se conferrent, & medio utrobique loco coeuntes, quod æquum iis videretur, decernant, quodve decrevissent communiter, ratum, firmumque utraque pars habeat. b)  
Marchio, redintegrata inter utrumque vetere amicitia, Pragam profectus, quod alias cum Casimiro Poloniæ rege sanxerat, fœdus instauravit, quo alter alteri contra quosvis hostes auxilium polliciti sunt, de rege tamen Hungariæ Casimirus speciatim cautum voluit, ut, si Marchio terras illius impeteret, sibi integrum sit, Hungaro suppetias ferre, & vicissim, si hic Moraviam aggrediretur, Marchionem omnibus viribus adjuvare. c)

XIV. Atque id non imprudente rege Carolo factum, de quo periculum non erat, ut alterutrum bello peteret, cum utrique pluribus fœderibus per solennia paeta conjunctus esset, per quæ cum hactenus non solum fa-

D 4

mi-

a) Carolus in. commentar. vitæ suæ, pag. 102.

*Abinde veni Bozoniam, quæ est in motis Hung. & Austriæ, & concordavi regem Hung. cum Duce Austriæ.*

b) Steyrer lib. cit. apud Pray annal. Par. II. pag. 49.

c) Apud Ludewig, Reliq. Mss. Tom. V. pag. 501.

~~1342.~~ miliae suae, sed regno quoque adversus exteros  
 1342. hostes satis consultum videret, intermissas aliam  
 quamdiu curas domi resumit. Jam antea  
 judiciorum formam, Gallicanae pene similem  
 regno invexit, a) & barbarum illum morem  
 explorandae per ferrum candens, & ferventem  
 [aquam, veritatis, abrogavit, b) monomachiam  
 tamen, in dubia alias lite adhiberi solitam,  
 tollere non potuit, quod militari Nationis  
 genio quasi congenita esset. Supererat aliud,  
 graviusque in rem publicam manans vitium,  
 depravata moneta, quae impeditam domi rerum  
 vendendarum, difficilem commercii cum exteris  
 rationem, reddidit. Malum hoc jam post Belam I.  
 dissimulatione, aut incuria regum irrepsit, quod  
 Andreas II. condita lege c) quidem correxerat,  
 verum sub Bela IV. qui post Tartarorum irruptionem  
 primus omnium cupream feriundam curavit,  
 re monetaria Judaeis commissa, d) rursus in-  
 valuit. Accedebat illud quoque, quod reges  
 monetam, ejusque usum ad certum tempus defi-

---

a) Werböcz Trip. Par. II. Tit. 6. §. 12.

b) Kittonich Direct. method. c. 1. Quaest. 9. §. 5.

c) Bulla aurea Andreæ II. an. 1222. art. 23.  
*Denarii tales sint, quales fuerunt tempore regis Belæ.*

d) Patet id ex privilegio illius, quod Judaeis an. 1251. concessit, & Sigismundus, Albertus, ac Corvinus ex parte confirmarunt.

relegerent, a) quo elapso nova, eaque fere  
alio deterior b) successit.

1342.

His incommodis Carolus volens consule-  
nte, decretum edidit, c) quo mandat, novos  
enim Cremnicii denarios probæ usionis cudi, quo-  
rum sex unum grossum, qui ad morem Bohe-  
micum latus dicebatur, nonaginta autem,  
besflorenum auri d) æquarent, quorum cum in-  
gens

a) Bulla aurea cit. *Nova nostra moneta per an-  
num observetur a Pascha usque ad Pascha.*

b) Litt. Belæ IV. an. 1255. *Tempore novæ mo-  
netæ, dum celebris est ipsa moneta, de mensu-  
ra 4. garlarum; unum denarium recipiant (tri-  
buti collectores) cum autem denarii incipient  
descendere pro 3. garlis, unum denarium &c.*

c) Exstat in Corpore juris patr. Tom. I. pag. 159.  
edit. 1779.

d) Monetam auream, regis, nomine insignitam,  
primus regum nostrorum Carolus cudi fecit, prius  
enim in usu erant aurei Byzantini, qui nomen  
ab Imp. acceperunt, ut *Constantiniani, Romani-  
tici &c.* Cartha Martini Comitis an. 1150.  
*Insuper dedi — 70. Bizaneios Romaniticos,*  
*unam marcam argenti, & dimidiam, & ar-  
gentum eusum.* Denarii non semper eodem  
numero æquabant fl. auri. Sub Maria regina an.  
1384. denarii 100. Koronds dicti. Sub Sigh-  
mundo an. 1407. fl. brevis 116. den. valuit,

&amp;

~~1342.~~ ingens copia excusa esset, designata sunt pla-  
 1342. ra per regnum loca, in quibus tam priores  
 demesticae, quam exterarum Nationum mo-  
 netae, cum nova permutarentur, ex quibus,  
 deducto impendio, octingentarum marcarum  
 lucrum Camerae regiae accesserat. Statuta  
 etiam poenae in eos, qui alibi, quam in con-  
 stitutis locis, monetas abrogatas permutarent,  
 ne autem novae monetae accideret, quod an-  
 tiquatis, mandatum, ut denarii certis notis  
 insignirentur, ut, si forte reperirentur non  
 esse iusti valoris, facilius, a quo percussi es-  
 sent, ad pensandum damnum cognosci possit.

Hoc ei, quod in commodum rei publicae  
 praestitit, supremum erat, sexto post mense,  
 XVI. Julii, cum crebro podagrae doloribus  
 vexaretur, exstinctus, & Albæ regiae condi-  
 tus. Defuncto Pontifex Avenione, & Alber-  
 tus Dux Austriae, in Carinthia tum commoratus,  
 parentarunt, Casimirus autem Rex Poloniae,  
 & Carolus Marchio Moraviae, in Hungariam  
 profecti, magnificas exequias Vilsgradi ha-  
 buere. a) \* Rex de Hungaria optime meritus,  
 quam

---

& an. 1410. 1413. grossus 7. denarios, & 400.  
 den. *quadring* dicti, valebant 100. majores, &  
 hi fl. auri. Sub Mathia Corvino an. 1458. den.  
 200. & 1462. valebant 300. unum fl. auri.

a) Dlugossius l. 9. col. 1064. Thurocz, Chron.  
 Par. II, c. 99. & Chron. Ms. Trautmonst. l. 6.

quam partim æmulorum, quos habuit, ambitione, partim intestinis factionibus jam ab obitu Stephani V. labefactatam repererat, a ruina servavit, plus sine dubio de illa meritorus,

---

c. 10. pag. 438. Conjuges habuit tres, ex postrema quinque filios habuit, horum, & conjugum nomina, & matrimonii tempus, Chron. Ms. Bibl. Ven. Capituli Posonien. Num. 80. sub Carolo conscriptum, in hæc verba meminit. *An. domini M. CCC. XVI. Domina Maria prima consors domini regis, natione Polona, tertia die post festum S. Lucie in Tumasvar vitam præsentem feliciter terminavit, in Alba regali est sepulta. — An. domini M. CCC. XVIII. accepit Rex dominam Beatricem, filiam regis Romanorum, sororem regis Bohemorum, quæ in revolutione ejusdem anni, obdormivit in domino, & Varadini in ecclesia Cathedrali tumultatur. — An. domini M. CCC. XX. accepit Rex filiam Ladislai (Wladislai) Polonorum (regis filiam) Elizabeth nomine, de qua an. domini M. CCC. XXI. filium (Carolus) habuit, qui eodem an. mortuus est & Alba sepultus — An. domini M. CCC. XXIII. in Wissegrad in festo S. Remigii de eadem regina habuit filium nomine Ladizlaus. — An. domini M. CCC. XXVI. natus est eidem regi filius, quem nomine consanguinei sui Loys appellavit. Hactenus Chron. quod definit in infelici expeditione.*

1342.

turus, si majorem Dalmatiae, & in hac comparandae classi, curam adhibuisset, qua semel constituta, non modo Andreae filio Siciliam, & successoribus suis Dalmatiae possessionem firmasset, sed exemplo quoque Venetorum, & Genuensium, qui soli per id tempus ex Asiae, & Africae mercibus immensas divitias collegerant, propagato, ut illi, per Syriam, & ad Tanaim, ex ipsa maris opportunitate, & regnorum, quae ei parebant, ubertate, commercio, Hungariam posteris suis multo felicissimam relinquere poterat.

LU.

ditione Caroli contra Valachos. De Andrea, & Stephano testatur Thurocz l. cit. Colomani ex illegitimo thoro nati alias memini. Filias, quod sciam, nullas reliquit. Auctoritate Chron. cit. inductus, *Catharinam*, quam aliqui primam ei conjugem tribuunt, omisi, quam autem illius ignorare non poterat.

## LUDOVICUS I.

*Ab Anno 1342. — 1382.*

I. Sexto post patris obitum die, mira omnium consensione coronatus, patrimonium adiit, 1342.

a) interque primas curas, pacta nuptialia, quæ pater cum Carolo Marchione Moraviæ inierat, complexus, per Legatos cum eo egit, ut matrimonium, quoniam sponsa nondum matura viro erat, in quadriennium differretur, interposita juramenti fide, spondens hoc evolutu, servatis, in quas ante conventum erat, conditionibus, se eam in thorum inducturum. b) Dehinc ad reparandum ærarium, quod pater ob immensas in externos largitiones

- 
- a) Lit. Pauli Jud. Cur. an. 1343. *D. Ludovicus Rex in patrimonium regni Hung. jure, & ordine genituræ sibi debitum succedens — die Dominico proxime ante festum B. Jacehi præterito fuisset coronatus &c.* Secundum id, quod regni Ordines in electione Caroli promiserunt his verbis: *dominum nostrum Carolum, ac posteritatem ejus, prout regalis successio exigit, in regem Hung. ac naturalem dominum perpetuum suscipimus &c.* Vid. Notit. præv. §. 3
- b) Ludewig Reliqu. Mss. Tom. V. pag. 492. *Dat. in Vissagrad in festo inventionis corporis B. Stephani Protomartyris 1342. seu 3. Aug.*

- gitiones fere exhausserat, mentem advertens,  
 1342. jura sua regalia, nondum enim terræ, a castris  
 regis olim avulsæ, omnes restitutæ erant, con-  
 stitutis iudicibus, in integrum restitui iussit,  
 a) & prodigas Andreæ III. donationes nullius  
 roboris esse declaravit. b) Id cum Saxones  
 Transilvani ægre ferrent, negato censu ah-  
 nuo res novas moliri cœperunt, qua detre-  
 ctatione offensus, ut malum, facile ad alios  
 1343. manaturum, in ipso ortu opprimeret, magnis  
 itineribus in provinciam contendens, refra-  
 ctarios ad obsequium rediit. c) Vicinum  
 regem cum copiis, Bezaraba Transalpinus  
 Wayvoda, memor injuriæ, quam Carolo regi  
 intulerat, veritus, sponte sua adit, oblatisque  
 muneribus, in fide illius se mansurum pro-  
 misit. d) Adhuc isthuc morantem, ut res pro-  
 vincię coordinaret, mors Roberti, Sicilię re-  
 gis, in Hungariam revocavit.

- Con-
- a) Litt. Pauli, vice Comitatus Comitatus Hünt-  
 en an. 1347. Quod cum nos ex mandato —  
 domini Ludovici — regis pro iuribus, & pos-  
 sessionibus regalibus, in ipso Comitatu exqui-  
 rendis — in villa Hidvögh congregationem ce-  
 lebrassimus &c.
- b) Ibid. Licet dominus Carolus Rex — & de-  
 mum Ludovicus Rex, regi gubernaculo ad  
 ipsum devoluto, litteras, & privilegia — An-  
 dreæ regis — minime acceptassent, &c.
- c) Thureczii Continuator, Chron. Part. III. c. 2.
- d) Idem. c. 3.



Condiderat is testamentum, quo Joannam, neptem suam, Siciliae heredem ex aße scripserat, cui, si sine legitimis liberis decederet, Mariam ejus sororem voluit succedere, quæ, si nuptiæ cum Margaretha, nepte Bohemorum regis, juramento firmatæ non coælueriat, Ludovico Hungariæ regi, sin contra, Philippi Francorum, primo, vel secundo genito auberet: Andreae vero Joannæ marito Principatus Salegnitanus obveniat, cujus proventus si bis mille auri uncias non æquarent, aliunde compensentur, ab administratione vero regni eousque cum Joanna conjugæ abstineret, donec uterque vigesimum quintum ætatis annum compleverint, intereā autem in tutelā Sanctiæ reginæ, eorumque, quos voluntatis suæ executores constituerat, manerent, quorum curæ erit, ne comitatus *Provinciae*, & *Felcalquirii*, unquam a Siciliae regno avellantur. a) Hanc dispositionem

---

a) Lunig, Cod. Diplom. Italiae Tom. II. col. 1102. Comitatum *Provinciae*, & *Felcalquirii*, quos olim Raynaldus Berengarius ab Impp. dono acceperat, Rudolphus Cæsar an. 1280. V. Kal. Apr. Carolo Comiti Andegavensi, ac heredibus illius in feudum Imperii Germ. contulit, ut est apud Lunig, T. cit. col. 986. quos deinde Robertus Siciliae Rex an. 1306. d. 14. Febr. Pedemontie conjunxit, apud eund. Lunig

1343.

nem Ludovicus, spectata sanctione pragmatice de jure successionis a Clemente IV. constituta, suam, fratrisque sui injuriam interpretatus est. Cum enim Pontifex hoc solum pacto Siciliam Carolo I. Andegavensi Comiti contulerit, ut, si plures mares lineæ rectæ existerent, semper primogenitus, nullo autem superstitē, ex filiabus ejusdem lineæ itidem primogenita, in regno succederent, a) jus successionis ad se pertinere, existimabat, nec in Caroli Claudii, abavi sui, ut defuncto Carolo Martello, avo suo, prerogativam primogenituræ in Robertum secundo

nig Tom. cit. col. 1058. Comitatus Avenianensis vero est pars Comitatus Provinciae, atque ex hoc capite Ludovicus jus suum in Avenionem repetebat, tamquam feudum Imperii German. quod feminas a successione excludit.

q) Bulla Clementis Papæ IV. an. 1265. IV. Kal. Martii, apud Lunig, Tom. cit. col. 946. Verba Pontif. sunt: Si enim Comes (Carolus Andegavensis) ipse regnum a nobis receperit, descendentes per rectam lineam ex eodem, & ipsius hæredibus, Sicilia regibus, mares, & feminae in eodem regno succedent, sic tamen, quod de liberis duobus maribus in eodem gradu per eandem lineam concurrentibus, primogenitus, & de duabus feminis primogenita, & de mare & femina in eodem gradu similiter concurrentibus, masculus omnibus aliis præferatur.

genitum, nec in hujus potestate fuisse, ut id ~~excluso~~ <sup>1343.</sup> fratre suo Andrea, qui Joannæ matrimonio junctus erat, contra Clementis IV. institutionem, ad lineam femineam transferret.

Certus igitur jus suum persequi, orabat Elisabetham matrem suam, ut in Italiam maturaret, ac rebus filii interim consulere. Sagax mulier, ut primum navibus Jadrensium a) in Apulliam, indeque Neapolim venit, facile intelligebat, mali originem inde manare, quod Andreas nondum inauguratus esset. Misit igitur Avenionem Nicolaum Hungariæ Palatinum, additis collegis, Vito Nitriensi Episcopo, & Paulo Comite Carizæ regiz, ut filio, impetrata a Pontifice ætatis vena, inaugurationis solennia suscipiendi potestas fieret. Ipsa interea religionis causa Romanam profecta, factisque, pro more ætatis illius, immensi precii donativis, Neapolim redux, sedatis utcumque inter filium, & nurum dissidiis, tametsi ex ambitione impotentis mulieris facile provideret, concordiam non diuturnam fore, in Hungariam reversa est. b)

## II.

a) Lucius I. 4. c. 15.

b) Contin. Chron. Thurocz, sive Joan. Archidiaconus, qui regi a secretis erat, Part. III. chron. c. 4. & Dominic. Gravina in Chron.

**1344.** II. Legati interea, cum apud Pontificem jus successionis in Siciliam Ludovico asserere, frustra conati fuissent, ne nihil egisse viderentur, illud dabant operam, ut Andream, laxato ætatis, quod Robertus statuerat, tempore, coronari pateretur, in quem finem quadraginta quatuor millia marcarum argenti, quin pro tanta summa mandatum haberent, nomine regis, jure jurando, sponderant. Pontifex, quoniam Joanna quoque, licet longe diversis rationibus ducta, & Primores Siciliæ, idem flagitabant, datis ad Andream litteris, titulum regis, & facultatem, ut inauguraretur, eidem concessit. a) Ludovicus, ubi comperit, quid injussu suo Legati egissent, ne fratris causam deseruisse videretur, corrogato per urbes, quæ regis, & reginæ peculium erat, argento, eoque ad Pontificem transmissio, fidem Legatorum liberavit, tametsi ægre ferret, quod jus suum ære sibi vindicare cogeretur. b) Inanes tamen impensæ erant. Joanna enim muliebri simulatione id agebat, ut amoto a regni administratione Aimerico Cardinale, rerum potiretur, quod ubi deluso Pontifice consequuta est, dedita opera coronationem differre, & distributis inter eos, quos sibi addictos norat, primis regni

---

a) Raynald. ad an. 1344. apud Pray, Part. II. pag. 55.

a) Joan. archid. cit. c.

regni officiis, maritum ab administratione excludere, sensimque inita conjuratione, ab se etiam amoliri cogitabat.

Nondum Legati Avenione redierant, cum Rex se Bohemis confocians, in Lithuanos, 1345.  
 nullo tamen fructu, profectus est, ac mox Casimiro Poloniæ regi contra Bohemos ex-  
 fcedere suppetias misit, a) ipse excito cum  
 suis copiis Stephano Bosniæ Bano, cum vi-  
 ginti millibus delectæ militiæ, in Croatiam  
 contendens, cum aliquamdiu ad Bihacium  
 moratur, plerosque optimates, deditis cum  
 Tinino reliquis castris, in fidem recepit. So-  
 li Comites Breberienfes, Venetorum amici-  
 tia freti, obsequium detrectabant. b) Jadren-  
 ses contra missis ad regem Legatis, se ejus  
 clientelæ dedere rursùm voluere, sed cum  
 moras in itinere trahunt, Ludovicus rei igna-  
 rus, copias prius deduxit, quam illi adessent.  
 Id illis, re comperta, crimini a Venetis da-  
 tum. Dandulus Venetorum Dux, ut impa-  
 ratos opprimeret, data ad cives epistola, eos  
 in fide confirmavit, clam vero paratam clas-  
 sem, ductu Petri Canalis, urbi admoveri jus-  
 sit, qui amicitiam simulans, cum aliquot ex  
 Patriciis ad colloquium ex urbe eliciisset,  
 captivos tam diu detinuit, donec Veneti,  
 qui mercimonii causa apud Jadrenses age-  
 bant,

a) Id. ibid. c. 5.

b) Id. c. 7. & anonym. de obsidione Jadræ c. 4.

1345.

bant, cum suis fortunis indemnes dimitterentur, tum, nisi muros urbis demolirentur, bellum civibus denunciaret. Hoc illi malebant, quam tam atroces dominos pati, factoque ad defensionem apparatu, Legatos Neapolim ad Andream, ignari, quam exiguo loco illius auctoritas isthic esset, pro classe, & ad Ludovicum auxilia, imploratum miserunt. a) Is, ut primum, quo in periculo cives essent, cognovit, data ad eos epistola, opem pollicitus est, simul Stephanum Bosniae, & Nicolaum Sclavoniae, Banos, obsessis ut adessent, in Dalmatiam properare iussit. b) Atque hi quidem Venetorum conatus in continenti fortiter represserant, sed cum desituti classe essent, & praeterea rumor in castris de caede Andreae percrebresceret, languentibus sensim operis, nihil ad summam rei effectum est, & cives Venetis se submittere coacti sunt.

Dolor non tam ab infelici expeditione, quam ex caede fratris conceptus, regem vehementer consternavit, praesertim quod certis indiciis comperisset, paucis ante diebus, quam jussu Pontificis coronandus esset, a Joanna, specie venationis, *Aversam* eductum, ficariis proditum, & ab his laqueo suffocatum esse. c) Suppresso tamen moerore, vindictam

a) Anonym. de obsidione Jadrensi. c. 10. — 14.

b) Idem c. 15. — 17.

c) Gravina in Chron. de rebus in Apulia gestis, apud Muratot. script. Ital. Tom. XII. p. 553.

dictam alteri tempore servavit, datisque ad eos, quos fratri addictos noverat, litteris, postulabat, ut in sicarios quæstiones instituerent, ipse interea Viennam, quod Ludovicus quoque Imperator venerat, profectus, fœdera cum Alberto Austriae Duce instauravit, quibus de compensandis utrinque damnis, & malefactoribus ab utriusque ditione arcendis cautum: a) amicitia quoque cum Imperatore inita, & de Margaretha ejus filia, fratri suo Stephano despondenda, consultatum; b) tum, quo profectio imprimis spectabat, consilium de communi in Italiam expeditione susceptum, ad quam Lombardi etiam, qui vicinam Pedemontii partem sibi ereptam ægre ferebant, invitati. c)

III. Pontifex, habito confœderationis hujus indicio, ut periculum ab Italia averteret, jam ante annum quidem per litteras regem commonefecerat, ut se ab Imperatoris, quem sacris interdixisset, societate abstraheret, d) frustra tamen in eo mitigando operam locavit. Magis fraterna cæde saucius erat regis

E 3 ani-

Villanus I. 12. c. 9. & seq. vid. Pray Par. II. pag. 62. — 68.

a) Ant. Steyrer in addit. ad vitam Alberti II. col. 187. apud Pray Par. II. pag. 68.

b) Steyrer ibid. ex Protoc. Ms. Alberti Ducis.

c) Baluzi Miscell. Tom. I. pag. 245. & sequ.

d) Raynaldus ad an. 1345.

1346.

animus, quam ut Pontificis admonitioni locum daret, &, ut primus doloris sensus modum fere nescit, per Legatos suos in plectendis cædis autoribus desidiâ non obscure ei oggerere videbatur. Et si enim hos sacrorum communione privasset, in Joannam tamen, quam præcipuam cædis causam fuisse, communis vox populi faceret, a) indulgentior esset,

a) Id serius postea Carolus Dyrrachinus, dum Ludovicum Andegavensem an 1382. ad singulare certamen provocavit, in hæc verba firmat: *Et posé les cas qua son eut esté bon & valable, encor n'en pouvoit elle (Reine) frustrer les plus proches du sang de Charles, qui legitement succedoien à la couronne, & au sceptre de Naples, tutre qu'elle avoit esté déclarée meutriere infame de son mari, pour avoir meschamment & cauteleusement fait estrangler d'un lacs & pendre aux fenestres de son chasteau, André d'Hongrie son premier, & legitime espoux &c.* Lunig, Tom. II. cod. dipl. Ital. col. 1181. Clarius id Rex in suis litt. *Quidam enim sceleratissimi iniquitatis filii, & perditionis alumni, summum cogitantes, & cogitatum audentes nefas perficere, prædictum Andream, adolescentem ætate, moribus compositum, gestuque modestum, ac nullam in se machinationem fieri, eum quasi in propriis laribus, & inter suos securus existere crederet, circa primum noctis si-*  
leq-



esset, quam ceteroquin criminis enormitas pateretur, rogatum itaque velle, ut, Ioanna exauctorata, regnum fratri suo Stephano, ad quem alioqui secundum se jus illius pertineret, & quem non pauci ad id capessendum vocarent, conferre vellet. Pontifex ægrum adhuc a dolore regis animum molliter tractandum ratus, primum, Cardinalem Talayrandum, quem Ludovicus in suspicionem quoque sceleris vocaverat, immunem ab hoc crimine pronunciavit, tum, quod Joanna nondum patratae cædis convicta esset, nequaquam se ei morem posse gerere, respondit, facturum tamen, ut, si modum ostenderit, quo illa cædis conscia, & adiutrix fuisse, doceri possit, ex juris norma ei satis fiat. a)

Facile Rex intellexerat, quid huic tergiversationi subesset, dissimulandum tamen putabat, donec melior occasio jus suum persequendi se offerret, spem in nuperno Viennen-

E 4

fi

---

*lentium, ut cameram, in qua sibi erat nocturna quies, exiret, proditorialiter seduxerunt, ipsumque, tamquam agnum ad victimam, foras educum, morti turpissimæ, cogitatu terribili, dictuque lamentabili, immaniter traderunt. Adjuncta cædis vid. apud Pray Par.*

II. pag. 62. &c. ex Gravinæ Chron.

a) Raynald. ad an. 1346. apud Pray Par. II. pag. 69.

1346.

si conventu præcipue desigens. a) Cum enim constaret, Robertum Siciliae regem ab Henrico VII. Imperatore, indignum regno Neapolitano, velut feudo Imperii Germaniae, olim fuisse declaratum, b) satis expeditum videbatur negotium fore, ut Ludovici Imperatoris opera, cui perpetuum fere cum Pontificibus dissidium fuit, regnum Neapolitanum ad se, legitimum aliqui hæredem, devolvatur. Sed ad id necessarium erat, ut prius Venetos tota Dalmatia exigat. Commode a Jadrensis, quos Veneti terra, marique premebant, nuncium accepit, quos, ut in fide persisterent, paucis per litteras cohortatus, c) cum ducentis equitum millibus in Dalmatiam venit, & ad Jadram constitit. Hic de modo liberandæ urbis consultans, cum Veneti nullam pugnae copiam faciunt, & equestri militia obsidioni minus idonea, & machinis, ad quassanda Venetorum munimenta, esset destituta, civium præterea inhumanitate offensus, copias biduo post reduxit, eventu spei, quam conceperat, prorsus contrario. d) Ferunt, Du-

a) Chron. Ms. apud Linck Tom. I. pag. 731.

b) Lunig, cod. dipl. Ital. Tom. II. col. 1075. Datum 7. Kal. Maji an. 1311.

c) Anonym. de obsid. Jadrensi l. 2. c. 2, Ceterum de cædis auctoribus excommunicatis, vide bullam Clementis V. apud Lunig Cod. dipl. Ital. Tom. II. col. 1112.

d) Anonym. de obsid. Jadren. l. 2. c. 10, & Joan. Archid. Chron. Par. 3. c. 8,

Ducum suorum, quos Veneti auro corrupe-  
rant, locordiam infelicis exitus causam fuisse. 1346.  
Accessit, quod nova injuria se a Joanna af-  
fectum existimaret, quæ filium a cæde mari-  
ti enixa, aliis, nec pro dignitate regia, edu-  
candum credidisset. Hujus curam quidem  
Pontifex se habiturum, Elisabethæ reginæ  
de indigno facto conquerenti, respondit, ad-  
diditque, Carnotensem Episcopum a se mitti  
Neapolim, qui de Joanna in suspicionem cri-  
minis vocata quæstionem habeat, sed regnum  
Stephano regis fratri prius conferri non pos-  
se, quam hæc ex legum scito rea comperire-  
tur, a) volens, ut ex eventu patuit, hac ra-  
tione regem ab Italica expeditione avertere.

IV. Ut autem rem serio agere videretur,  
sequente anno juramentum fidelitatis Carolo 1347.  
Martello, Andræ posthumo, præstare Nea-  
politano jussit, b) qua re mitigatus quidem  
Ludovicus videbatur, nihil tamen propterea  
a studio parandæ in Italiam expeditionis re-  
misit. Prius tamen res Croaticæ penitus  
componendæ erant. Restabat arx *Ostrovicza*,  
liti adhuc obnoxia, quam, ut temporis lu-  
crum faceret, cum castro Zrinienſi, non in-  
vito domino, permutavit, c) tum quoniam  
fru-

a) Raynald. ad hunc an, apud Pray, Par. II, p. 73.

b) Lucius de regn. Dalm. l. 4. c. 16.

c) Lucius Mem. istoriche di Tragurio pag. 241.  
ex document. d. 2, Aug. an. 1347.

**1347.** frustra operam in conducenda Genuensium classe hactenus posuerat, nec Veneti inducias parum æquis conditionibus propositas inire vellent. Nicolaum *Konth*, cum magna pecuniarum summa, in Italiam, quo loco isthic res essent, exploratum præmisit, a) qui cum non paucos a Joanna alienatos reperisset, eumque mox Nicolaus Quinqueecclesiensis Episcopus, frequenti Nobilium comitatu stipatus, fuisset consequutus, complures urbes regis fidei se permiserant, & copię, quas Carolus Dyrrachinus opposuerat, aut dilapsę aut nostrorum signis adscriptę sunt.

**1348.** Hoc initio facto, Rex majora designans, ingentem secum ex Hungaris, Cumanis, & Germanis ducens exercitum, terrestri itinere in Italiam profectus, & quacunq; ibat, a plerisque honorifice acceptus, *Aversam* venit. Hic fraternę cędis memoria admonitus, Carolum Dyrrachinum, officii causa ad se vocatum, eodem, quo frater perierat, mortis genere affici iussit, sententia magis, quam ceteroquin ejus indoles ferret, præcipitata. Hęc severitas in principio adhibita ut plerisque metum incusserat, ita multos quoque ad obsequium reduxit. Inde Neapolim, quam Joanna cum Ludovico Tarentino, Avenionem profuga, deseruerat, ingressus, habito conventu, ultionem ex cędis autoribus sumsit, omnes-

a) Joan. Archid. Chron. Par. III. c. 9.

omnesque fidelitatem. Corolo nepoti jurare coegit, ipse, constitutis magistratibus, & Stephano Transilvano Vayvoda, ac Volfardo, qui, se absente, copiis præsensent, in Italia relictis, ob grassantem pestem, *Barleta* solvens, *Uranam* a) primum, tum in Hungariam rediit, b) nepotem suum, & fratres Caroli Dyrrachini, ne turbas darent, secum ducens, illum, ut matri suæ educandum traderet, hos autem honesta custodia teneret, donec, quem finem res Italæ habituræ essent, ex eventu videret. c)

1348.

Redux, rationem suæ expeditionis Pontifici volens reddere, Nicolaum Nitriensem Episcopum, & Georgium Comitem castri ferrei,

1349.

- 
- a) *Uranam* Ludovicus, sublato Templariorum Ordine, Hospitalariis contulit, instituto Prioratu Ordinis. Vid. Pray Dissert. de Prioratu Auranæ.
  - b) *Memoriæ Spalaten.* apud Lucium, Mem. istoriche di Tragur. pag. 244. *Primo Junii Comes Tragurien. scribit, regem Ung. de partibus Apuliæ venisse Uranam, & versus Ostroviczam direxisse gressus suos.*
  - c) *Rationem regii itineris in Italiam, & reditus,* vide apud Pray Par. II. pag. 74. — 77. ex Chron. Gravinæ. Addit Joan. Archid. Par. III. Chron. c. 11. regem, ad jus suum tuendum, abhinc suis titulis etiam *regis Hierusalem, & Siciliæ* addidisse.

1349. rei, Oratores ad illum destinavit, qui id ante omnia agerent, ut Pontifex regnum Neapolitanum, quod prius nascendi conditione præfeminis, & nunc armorum etiam jure, suum esset, sibi confirmare ne gravetur, sin autem difficilem viderent, rem omnem ejus arbitrio relinquerent, modo ne Joannæ crimen impune maneret. Pontifex, ne res in Italia, aliquin perturbatæ, magis miscerentur Guidonem Cardinalem in Hungariam proficisci jussit, qui captata opportunitate temporis, regi denunciaret, Neapolitanum regnum, spectata Caroli ejus proavi testamentaria dispositione, neutiquam eidem conferri posse, reliquaque; quæ per Oratores suos Rex obmoverat, pro sua prudentia dilueret, ceterum polliceretur, ei, ut justitia posceret, de Joannâ satisfactum iri. a)

1350. Hæc Ludovicus dissimulanter magis audit, quam ut sibi improbari, vel placere ostenderet, rei tamen eventum præstolari constituerat, cum præter opinionem perlatis ad se nunciis ex Italia, Joannam cum Ludovico Tarantino rediisse Neapolim, ac plerasque urbes in potestatem redegissee comperit, Vayvodam Transsilvanum, etsi aliquot pugnis victorem, in angustias redigi, ac incolas in fidem nutare. Itaque, cum verba sibi data fuisset

ex

a) Litt. Pont. apud Raynad. ad an. 1349. & Pray, Par. II. pag. 78.

existimaret, ingentes apparatus impositis extra ordinem tributis, in bellum Italicum fecit. 1860.

a) Postquam, superato Adriatico, cum copiis ad Apuliam applicuit, fere omnes urbes per iter partim armis, partim spontanea deditione recepit. Neapolitani, quod duriores, quam tempus pateretur, condiciones Rex prescriberet, defensionem parabant, ad vim tamen non ventum, quod Cardinalis Guilielmus opportune interveniens, pacato Ludovico, inducias ad sequentis anni Calendas Aprilis inter partes conciliarit. Facile igitur in hæc capita utrinque conventum; Pontifex Joannem de mariti ore in jus vocaret, quæ si res eximinis compelleretur, regnum Neapolitanum Ludovici esset, sin contra, quæ bella parva hæcenus erant, Joannæ restituat, hæc autem sumtus in bellum factos trecentis aureorum millibus penset. b) Constitutis in hunc tenorem induciis, Rex Romam profectus, insigne specimen temperantiae edidit, recusato enim, quam si urbis Tribunus cum Patriciis deferabat, *Dominus Romanorum*, titulo, ne in invidiam apud Pontificem incideret, Neapolim, & hinc, imposito urbibus presidio, in Hungariam reversus est. c)

At-

a) Litt. regis apud Pray, ibid. pag. 83.

b) De secunda hac in Italiam expeditione vid. Pray Par. II. pag. 83. — 86. ex Gravina Chron.

c) Joan. Archid. Par. III. Chron. c. 11.

1350. Atque hic oculam a bello nactus, quem fructum hactenus ex duplici Italica expeditione retulisset, quemve deinceps, Pontifice; ut patebat, - causæ suæ, si non adverso, certe minus favente sperare posset, cepit perpendere, propeque erat, ut cogitationem de regno Neapolitano penitus poneret. Nec enim, etsi id clam actum fuerit, ignorabat, Pontificem biennio abhinc, comitatum Avenionensem, contra Roberti regis constitutionem, a) octoginta millibus florenorum auri, a Joanna emisse, b) proin non videri verisimile, ut, hac exauctorata, se regem Neapolitanum declararet. Cogitabat quidem fratrem suum Stephanum, Mariæ, sorori Joannæ, nuptiis illigare, ut vel hoc nexu jus regni illius in suam familiam transferret, verum & Pontificis, in ferenda sententia, lenitudine, & muliebri, fraudumque feracissimo Joannæ ingenio, absteritus, ut vicissim Pontifici negre faceret, rursus cum Ludovico Imperatore de Margaretha ejus filia, fratri suo despondenda, egit, & cum utrique facile conveniret, sponsa Stephano, quem Rex, ut nuptiis etiam dignitas accederet, Ducem Trans-

a) Confer. ea, quæ ad annum 1343. de Comitatu Provinciæ, in qua Avenio est, dicta sunt.

b) Spodanus ad an. 1348. Nro. 4.



Transilvaniæ renunciaverat, a) constituta sexaginta millium florenorum dote, collocata est, b) ex quo connubio Joannem, c) & Elisabetham, d) postea fustulit. 1359.

V. Fratris nuptias bellum Lithuanicum consequutum est. Erant Lithuani non solum Casimiro regi Poloniæ infesti, sed in Russiam quoque, quæ Lodomeriam, & Haliciam, provincias juri Hungariæ obnoxias, complectebatur, hostiliter incursabant, quibus propulsandis copias suas Polonicis conjungens, Li-

a) Litt. autogr. Stephani Ducis an. 1351. *Dat. an. domini VII. cal. Aprilis Ducatus autem nostri, an. primo. Sigil. pendens cum perigrapha: S. domini Stephani Dei gratia Ducis Transilvani.*

b) Hujus mentio fit in litt. Rudolphi Ducis Austr. an. 1359. apud Steyrer ex Tabular. Cæsar. col. 285. *omnes & singulas Ligas — pridem contractas — per D. Albertum, olim Ducem Austriæ, nostrum genitorem — cum sereniss. Principe, D. Ludovico, rege Hung. — ac cum domino Johanne, illustri Duce Sclavoniæ, Croatiæ, & Dalmatiæ, suo nepote, consanguinea nostro, — nos servaturos &c.*

c) Quamdiu hic vitam produxerit, reliqueritne, an contra, liberos, incertum est.

d) Hæc postea Alberto III. Austr. Duci nupta fuit, ut est apud Steyrer, in addit. ad vitam Alberti II. col. 286.

**1261.** Lithuanos prælio victos, regno exegit, capto quoque eorum Duce, sed, postquam fidelitatem promississet, rursum dimisso, c) Lithuanis domitis, res Italicas resumit. Pontifex quidem, secundum datam fidem, Joannam in jus interea vocaverat, sed cum in progressu litis pateret, notam toti familiæ regie, ceteroquin innoxie, constari, liberam a suspitione cædis mariti pronunciandam censuit. b) Nec id regi, ex prorogato tam diu iudicio, improvisum erat, litem autem, re iam transacta, instaurare, ob bellum, si id faceret, in longinquas terras transferendum, nec regno utile, nec sibi consultum putabat. Tempori igitur, & Joannis Brundisii Archiepiscopi, Pontificis Legati, precibus, cedens, non solum Principes, quos nuper captivos Neapoli abduxerat, se liberos dimissurum pollicitus est; sed Oratores etiam Joannem episcopum Nitriensem, & Volfardum Comitem castri ferrei, Avenionem misit, his mandatis instructos, ut, si quid illis, regni Neapolitani causa, superesset, suo, & fratri sui Stephani nomine, cum Pontifice transigerent. Mandatorum autem hæc capita fuisse: quidquid in Italia regiis armis, aut deditione occupatum esset, id Pontifici redditum

iri

a) Joan. Archid. Chron. Par. III. c. 29. & Dlugossius I. 9.

b) Villanus hist. Neapol. I. 2. c. 14.

iri sponderent, servatis solum Principatus Salernitani, & honoris montis sancti Angeli, 1351.  
 quibus hactenus jure paterno usus fuisset, titulis: Pontifex contra universis, qui regis, vel Andreæ, fratris illius, tam ante Italicum bellum, quam eo durante, partes fuissent sectati, omnium erratorum veniam faceret, eosque, qui regno excedere vellent, liberos cum fortunis suis dimitteret, commeatuque juvaret, demum illos, qui partem in cæde fratris sui habuissent, arbitrio, & fidei Pontificis relinquerent, quem non dubitet facturum, quod æquitati consentaneum esset. a)  
 Adderent illud etiam, si ex usu viderent, regem trecenta aureorum millia, quæ, si regnum Joannæ cederet, ab illa ex pacto solvenda erant, ultro eidem condonaturum. b)

Hæc regis ad Pontificem mandata Oratoribus data erant. Domi interea regni Ordines, ne ob tam crebra bella in exteris regionibus gesta, & sumtus in ea factos, immunitatibus suis præjudicium fieret, idque sensim in usum, & exemplum ad posteros transiret, rebus suis consulere volentes, regem communi nomine rogabant, ut, quas  
 Andre-

---

a) Raynald. ad hunc an. apud Pray Par. II. pag. 89.

b) Litt. Pontif. ad Joannam reginam, apud Raynald. ad an. 1352. & Pray l. cit. p. 91.

**1351.** Andreas II. a) prærogativas Nobilibus confirmasset, ipse etiam ratas habere vellet. Ludovicus non immemor, quam operam Nobiles, sponte sua ad signa convolantes, præbuit etiam suis facultatibus, in bello Italico navassent, libens volensque precibus Ordinum detulit & prærogativas, una solum, quæ de donatione mortis causa in usu erat, antiquata, novo diplomate confirmavit. b) Cum enim prius Andreas II. indulserit, c) ut, si quis Nobilium sine mare hærede obiret, relicta filiæ solum quarta possessionum parte, reliquum pro arbitrio legare possit, multique sumpta hinc occasione, bona avitica Ecclesiis, aut aliis, rege etiam, ad quem ceteroqui bona ejusmodi pertinebant, inconsulto, conferre solerent, Rex æquitati naturali consulens, hanc libertatem abrogavit, statuitque, ut in simili deinceps eventu, fratrum prima semper ratio in testamentaria dispositione habeatur. d) Cetera bullæ aureæ capita partim uberius explanavit, partim etiam auxit. Postremi generis duo imprimis sunt, quorum alterum ad subjectos, ad dominos alterum spectat. Illi ne ab his pro libidine premerentur, de-

---

a) Conf. dicta ad an. 1222.

b) Exstat in Cod. jur. patrii, T. I. p. 165. edit. an. 1779.

c) Bull. aureæ art. 4.

d) Decreti conclus. §. 11.

decrevit, ut seculares domini partem nonam 1351.  
 frugum, & vinorum, Ecclesiastici vero præ-  
 ter hanc, insuper decimam, perciperent, si  
 qui secus fecerint, nona pars, sine relaxatio-  
 ne, ad regem pertineret. a) Rursus, quemad-  
 modum nefas esset, colonos alterius, invitis  
 dominis, suo fundo adscribere, ita colonis in-  
 tegrum esset, ad alios dominos migrare, si  
 quid tamen mali prius perpetrassent, nequa-  
 quam arbitrio dominorum, sed secundum ju-  
 ris normam, pœna eis statueretur. b) Veri-  
 simile est, hac lege servitutem, qua coloni olim  
 glebæ adscripti erant, vendique poterant, c)  
 sublatam fuisse.

Ad fundorum dominos quod spectat, il-  
 lud constitutum, ut, si in Nobilium possessio-  
 nibus fodinæ auri, argenteve reperirentur,  
 has Rex possessoribus ne auferret, sed aliis  
 fundis regii juris ex æquo pensaret. d) Olim  
 enim in cujuscunque terra hæ repertæ erant,  
 proventuum ex illis pars ad fundi dominum,  
 & pars ad terræ Principem, e) ex vetusta re-

F 2

gni

---

a) Decr. art. 6.

b) Ibid. art. 16. & 18.

c) Conf. Notit. præv. §. 24.

d) Decr. art. 13.

e) Hoc discrimen inter Principem terræ, & fun-  
 di dominum jam Andreas II. in dipl. an. 1231.  
 quo immunitates Nobilibus iterum confirmat,  
 his verbis declaravit: *item, pro singulis mar-*  
*turinīs quatuor pondera persolvantur, quantum-*  
*cun-*

**1351.** **1351.** qui consuetudine pertinebat. a) Latius illud beneficium spectabat, quo Rex, sublati, qui hactenus erant, diversis Nobilium gradibus, b) omnes, qui hoc nomine censebantur, eodem jure gaudere, omnique onere, præter militiæ professionem, solutos esse voluit, c) ut & fortitudinem illorum, qui in bellis inclauerant, remuneraretur, & alios ad similem deinceps virtutem præstandam incitaret. d)

**1352.** **1352.** VI. Nec diu illius exercendæ occasio defuit. Tartari a Lithuanis concitati, in Podoliam, & ex hac in fines Transsilvaniæ, irruerant. H. s. Andreas Vayvoda Transsilvanus, ius-

---

*cunque inde provenerit, tertia pars domino fundi, & duæ partes domino terræ persolvantur.*

a) Dipl. Ladislai Chuni, an. 1283. *Si in aliqua terrarum Ecclesiæ Strigoniensis Archiepiscopi vel Capituli, argenti fodinam, auri fodinam invenire contigerit, totum commodum, seu lucrum, plene & sine defalcatione aliqua, tam illud, quod de hujusmodi fodinæ ad Fiscum regium, seu illud, quod ad terræ dominos juxta approbatam regni consuetudinem devolvi suevit, Ecclesiæ Strigoniensis. — possideat.*

b) Vid. Notit. præv. §. 23.

c) Decr. art. 11.

d) Olim non facile aliquis alia ex causa in cœtum Nobilium a regibus cooptatus fuit, quam si in bello rem fortiter gessisset, quod innumera diplomata testantur.

jussu regis cum quadraginta equitum millibus obviā profectus, ut latrocinantes, prædæque intentos reperit, magna clade affectos ultra Borysthenem rejecit, facile in Crimæam quoque, si annonæ penuria non laborasset, penetraturus. a) Tartaris profligatis, facile promore illius temporis, Rex a Pontifice obtinuit, ut, si quas schismaticorum terras occupaturus esset, has sui juris faceret. b) Ceterum ne, si barbari iterum Transsylvaniæ fines infestarent, suos magno impendio cogere-  
retur educere, regnum Rursiæ, Lodomeriam, & Haliciam, complectens, Casimiro regi Poloniæ ea conditione interim celsit, ut, si is filium ex conjugē obtineret, hic, numeratis regi Hungariæ centum millibus florenorum, utramque provinciam possideat, si vero sine filio obiret, rursus, quemadmodum & regnum Poloniæ, secundum priora pacta, ad jus Hungariæ devolveretur. c) Repetita de successione in Poloniam utriusque partis consensio, regem viduum admonuit, ne, dum comparandis sibi alienis regnis studet, suum hærede destitueret, ut animum ad ducendam conjugem adjiceret. Præ ceteris delegit Eli-

F 3

fabe-

a) Chron. Part. III. c. 6.

b) Raynald. ad an. 1352. apud Pray Par. II. pag. 92.

c) Sommersberg, Tom. II. script. Siles. in Mantissa, pag. 81.

**1352.** sabetham, Stephani Bosniæ Ducis filiam, quæ hactenus in aula a regis matre, velut obfes, educabatur. *a)* Conjugii hujus causa, non sola spes tollendæ prolis erat, sed ut foceri præterea, & Bosnenfium opera, ad eliminandos tota Dalmatia Venetos, quod, composito bello Italico, secum constituerat, uteretur.

**1353.** Eandem ob causam Carolum Imperatorem Viennæ convenerat, *b)* eoque Posonium deducto, conscriptis Tabulis, pro Ducatu *Ploënsi*, & *Mazoviæ*, oppida *Beuten*, & *Creuzenberg*, uxorio titulo olim acquisita, suo, & Casimiri nomine eidem celsit, pollicitus præterea, idem a Casimiro, intra quadrimestre spacium, peculiari scripto confirmandum esse, *c)* utque illum sibi magis conciliaret, jus quoque suum

---

*a)* Hoc anno, non item sequente, ut aliqui putant, nuptias coaluisse, docent autogr. litt. regis an. 1352. fer. 4. prox. post fest. B. Georgii M. demum, cum vice tertia dominam Mariam, sororem Domini Stephani Ducis Bosnensis, proximam nostram carissimam, domino Helfeneero Pazzoviæ (fors Passaviæ) nuptui sociandam transmississemus &c. non vocaturus carissimam, nisi filiam Ducis Bosniæ jam conjugem habuisset. Hujus Mariæ nulla apud Orbino, Luccari, & du Cange exstat memoria.

*b)* Chron. Zwetlen. ad an. 1353.

*c)* Goldastus in append. documentor. f 61. & Du Mont, corps diplom. Tom. I. Par. II. pag. 284.



um in *Svidnicensem*, & *Jawrensem*, Silesiæ Ducatus, in eundem transtulit, a) simul aliud, quo 1353. utriusque familia arctius jungeretur, fœdus cum eo sanxit, fide juramenti interposita, spondens se eidem, ejusque hæredibus contra omnes hostes, Casimiro solum rege, & Alberto, Austriæ Duce, exceptis, suo, hæredumque suorum, & coronæ Hungariæ nomine, auxilio futurum, facturum præterea, ut, si filios, filiasve, obtinuerit, mutuo connubio cum Caroli liberis jungantur, nec aliis, eo, vel ejus hæredibus inconsultis, despondendos esse. b) Ex hac fœderis lege postea factum, ut Sigismundus, Imperatoris filius, Mariæ, Ludovici filiæ, matrimonio junctus, in solium Hungariæ eveheretur.

Hæc eo spectabant, ut conciliatis regno vicinis Principibus, nihil impedimenti ab iis sibi poneretur, si, Dalmatiæ causa, Venetos

F 4 bello

---

a) Goldastus 1. cit. f. 60. Vid. etiam Pray, Par. II. pag. 93.

b) Ludewig, Reliqu. Mss. Tom. 5. pag. 495.  
*Quod si aliquando filios, vel filias obtinuerimus in futurum, quod illos, vel illas matrimonio, sive nuptu invicem copulare volumus, nec debemus quibuscunque spondere personis, absque prædictorum regum Boh. consilio, favore, & consensu &c. Dat. Budæ 1353. Indict 6. mense Sept. die 15. Idem exhibet Lunig, Cod. dipl. Germ. Tom. I. col. 1107. apud Katona Tom. X. pag. 87.*

**1353.** bello peteret. Huc enim abhinc, quam obtinendi regni Neapolitani spem amiserat, omnis destinatio illius tendebat. Classe tamen, qua Veneti valebant, & sine qua conatum suum inutilem futurum vidit, cum destitutus esset, societatem armorum cum Genuensibus, qui per id tempus bellum cum Venetis habebant, iniit, ut, dum illi contra hos mari, ipse in continenti, rem gererent. Ita utrinque conventum, sed incertum, qua via, indicium ad Venetos perlatum fuerit, qui, ut periculum a se amolirentur, missis ad Imperatorem Legatis, eum orabant, ut regem a proposito Genuenses juvandi averteret. a) Dedit id Rex, quamquam invitus, amicitiae Imperatoris nuper contractae, nec tamen propterea a faciendo necessario ad bellum apparatu destitit, &, quoniam Legati Venetorum spem Imperatori fecere, litem de Dalmatia sine armis componi posse, Rex arma, tamquam aliud agere, quam designabat, videretur, in Rasciam traduxit, & Stephanum Duscianum, qui se Rasciae, & Serviae Imperatorem ferebat, solo armorum metu a foedere Venetorum abstraxit, b) utque hos magis sui securos redderet, copiis trans Bogum ductis, in Tartaros, qui Crimaeam colunt, movit, horumque Chamum obviam sibi

---

a) Willanus apud Lucium l. 4. c. 17.

b) Du Cange Illyr. vet. & nov. pag. 61.

sibi factum, & tributum quotannis promittentem, in clientelam recepit. a)

VII. Inde in Hungariam reversus, Casimiro regi summam æris, quod titulo concessi nuper regni Rursiæ debebat, donec pacatior illius possessio esset, relaxavit, b) simulque auxilium contra Lithuanos addixit, & ne fratrum suorum, Andreae, & Stephani c) obitus, pactis de successione in Poloniam aliquando officeret, Nicolaum Strigoniensem Archiepiscopum, additis ex primo ordine collegis, in Poloniam misit, qui foedus de successione, inter Carolum patrem, & Casimirum olim sancitum, suo, & matris Elisabethæ, nomini.

a) Villanus l. 4. c. 5. Conf. Pray, Par. II. p. 95.

b) Dogiel Dipl. Pol. Tom. I. pag. 37. 38. & 39. documenta hæc exhibet Katona Tom. X. pag. 107. sequi nomine *Ruthenici regni*, cujus in Tabulis fit mentio, non aliud venire potest, quam Lodomeria, & Halicia, ut supra memoratum fuit.

c) Hoc, vel priore anno obierit. Priore die epiph. privilegia Kapronczenſibus concessit, hoc autem, vidua Margaretha, eadem confirmavit: *presentaverunt nobis universitas civium — de Kaproncza, quod vos contra libertatem eorum, quam dominus Stephanus Dux, condam conthoralis noster ipsis contulisset — moleſtaretis, &c. Dat. Budæ, fer. 2. prox. post festum S. Georgii M. 1355.*

1355.

minibus innovarent, eique Joannem Stephani filium, nepotem suum, hujusque, si quos habiturus esset, filios nova pactione includerent. a) Casimirus, quod nullam obtinendæ prolis spem haberet, vicissim nomine regni sui Legatos ad Ludovicum misit, qui, ut immunitatibus suis consulerent, novas prioribus pactis condiciones adjecere, quarum hæ præcipuæ erant: ne Rex quidquam contra regni vetusta jura statuât, neve id novis exactionibus, tributis, & vectigalibus oneret, si necesse esset, ut cum exercitu in regnum veniat, Ecclesiasticis, & Nobilibus annonam ne imperet, aut pabulum gratuito exigat, sed depenso justo pretio solvere velit, postremo, si regem, ejusque nepotem Joannem, sine macula prole contingat obire, pacta de successionem sint irrita, & Poloni juramento fidelitatis soluti declarentur. b)

Ludovicus, quod æqua postulari videret, petitis libenter annuit, addiditque præterea, quinque millia *sexagenarum grossorum Bohemicorum* seniori filiz Casimiri, si nuptui locabitur, quemadmodum a Carolo, patre suo, constitutum erat, a se, vel successoribus suis, bona fide solutum iri, atque hæc, edito juramento, ac conscriptis tabulis, Budæ VIII, Ca.

---

a) Dogiel, & Katona, l. supr. cit.

b) Dlugossus l. 9. ad hunc an. apud Pray, Par. II. pag. 96.

Calendas Julii confirmavit. *a)* Dimissis Gasimiri Legatis, & lite, quæ ob viciniam fundorum, quæ inter Præpositum Capituli veteris Budæ, & regis Castellani orta erat, diremta, *b)* nuncii a Venetis adfuere, qui, quod induciæ ante octennium initæ, ad finem vergerent, has, propositis conditionibus *c)* confirmari petebant. Rex simulatione hac offensus, non enim ignorabat, Venetos interea adversum se foedus cum Raschiis, & urbibus Spalato, Tragurio, & Sibenico, pepigisse, Nuncios re infecta remisit. *d)*

Abhinc Rex animum in bellum Venetum obfirmavit, ne quid autem interea domi non satis tutum relinqueret, pristinam cum Alberto Austriæ Duce amicitiam novo foedere confirmavit, quo alter alterius ditiones contra hostes se tuituros, receperant, idemque hæ-

*a)* Id ibid. pag. 97.

*b)* Id. ibid.

*c)* Laurentius de Monacis Chron. Venet. l. 6. narrat, inter conditiones, de quibus utrinque agebatur, etiam hanc fuisse, regem nempe voluisse quidem Dalmatiam Venetis permittere, si isti quotannis album equum ei dono mitterent, sed Venetos servilem hanc conditionem inire noluisse. Quam absurdum commentum, Dalmatiam pro albo equo! quasi Hungaris equi hujus coloris defuissent.

*d)* Lucius l. 4. c. 17.

1356.

redes utriusque facere obstricti essent: Albertus vero seorsim fidem dederat, se nemini; qui Casimirum bello peteret, auxilium, opemve præstiturum, Ludovico præterea, si quos ex Alberti ditionibus ad signa vellet conducere, fas, integrumve esset. *a)* Supererat adhuc lis dirimenda de dote, inter Margaretam, Alberti II. Austriæ Ducis filiam, & Joannem Lucenburgensem, Caroli Imperatoris fratrem, constituta, cujus vadimonium Carolus, regis pater, in se olim receperat. Hanc illa nunc repetebat, quod paterni vadimonii onus cum regno ad filium transisse, contenderet. Rex, ne temporis jacturam faceret, arbitrium Alberto commisit, a quo lis in hunc modum diremta est: Ludovicus triginta florenorum millia Duci custodienda, Margaretæ autem ex proventu Tirnaviensis urbis tria millia quotannis, daret, quæ, si a die prolatae sententiæ, documenta, quibus sibi dotem deberi doceat, ad futurum Pascha non proferret, Ludovicus viginti millia reciperet, & decem Margaretæ manerent, proventu tamen urbis Tirnaviensis eo usque frueretur, donec controversia, productis a Ludovico quoque documentis, uberius illustrari possit. *b)*

Hac

*a)* Steyrer I. cit. col. 186. ex Tabul. Cæsar. apud Pray. Par. II. pag. 100.

*b)* Idem ibid. col. 187. Dat. Vien. *Dominic. post epiphan.* apud Pray, ibid.

Hac cura expeditus, omnes cogitationes ad recuperandam Dalmatiam convertit; sed quia classe ad id necessaria destitutus, nec hujus a Genuensibus, qui, contra regis expectationem, anno priore pacem cum Venetis confecerant, impetrandæ a) spes ulla esset, bellum in ipsam continentem, & Venetæ ditioris viscera transferre statuit. Id quidem, cum per alienas terras copiæ ducendæ fuerint, arduum in principio videbatur, postea autem, quam cum Alberto, & Maynhardo, Goritiæ Comitibus, armorum societatem iniisset, & Patriarcham Aquilejensem, cum Cenetensi Episcopo, in suas partes pellexisset, spem minime dubiam de felici exitu concepit. His ex sententia confectis, Zagrabiam cum copiis movit, & vulgatis litteris jus suum in Rasciam se vindicaturum, præferebat, idque Pontifici per Procuratorem significari curavit. Laudavit propositum Pontifex, regemque propterea honorifico *Signiferi Ecclesiæ* titulo cohonestavit, at Veneti, rem serio a rege agi putantes, ne foederatis suis deessent, in fraudem indueti, præcipuam militiæ partem iis auxilio misere. b)

Hoc

---

a) Die 1. Jun. an. 1355, apud Lucium Memor. istor. di Tragurio pag 247.

b) Hist. Cortusior. l. 11. c. 8. Tom. VIII. script. rer. Ital. apud Muratorium. Raynald. ad an. 1356. apud Pray, Part. II. pag. 101.

**Hoc tempus Rex occupandum ratus,**  
 1356. Joannem *Chuz*, Croatiae Banum, in Dalmatiam proficisci, Jadramque tentare iussit, ipse cum robore exercitus, accelerato per Carniam itinere, in Forum Julii irrumpens, *Tarvisio*, *Conigliano*, *Asalo*, *Serravallo*, & finitimis locis subactis, Paduanos cum Francisco *Cararia*, eorum domino, in fidem recepit. Perculit ea res Pontificem non minus, quam Venetos; ille regem frustra a victoriae cursu revocare conatus est, illi animum illius, missa *Tarvisium* Legatione, periclitati, pacem, reddita civibus *Jadrensis* libertate, & quibusdam urbibus restitutis, aliis vero, cum pensione annui census, sibi reservatis, offerebant, sumtus quoque belli se pensaturos polliciti. Abnuvit Rex, nisi tota Dalmatia decederent, & milite in hostico hibernare jussu, in Hungariam rediit, nova supplementa lecturus. *a)*

**VIII. Transacta hyeme, Hungari in Italia relictis, insignem ad *Nervesam* ex Venetis victoriam, metu latissime circumlato, adepti erant. Nec minus feliciter Banus Croatiae, quem Rex in Dalmatia jusserat resistere, rem interea gessit. *Tragurium* enim, *Spalatum*, & *Sibenicum*, post confirmata civium jura, se ei ultro dedidere, quorum exemplo *Jadra* quo-**

*a)* Vilanus l. 6. c. 63. Lucius de regno Dalm. l. 4. c. 17.



quoque, & Nona, cum Rex in Dalmatiam venit, in potestatem redactæ. Veneti tam 1357. felici armorum progressione territi, ne Marchiam quoque Tarvisinam, ab Hungaris infessam, amittere cogerentur, missis Jadram Legatis, pacem a rege flagitarunt, quam, precibus Francisci Cararia adductus, non aliter se concessurum, respondit, nisi omnia, quæ in Croatia, & Dalmatia occupassent, bona fide redderent, & Duces Venetorum in publicis litteris, titulo Dalmatiæ & Croatiae, a) deinceps abstinerent, ita, quæ in Marchia Tarvisina armis sua fecisset, se redditurum esse. Id quasi præludium pacis erat. Actum est de hac missis ultro, citroque internunciis, crebroque res adhærere videbatur; donec, sublatis obstaculis, in has condiciones utrinque conventum esset. Veneti tota Dalmatia, intra viginti duos dies, a subscripta pace decedant, initio a medietate *Quarnici* seu *Carnici* sinus, b) ducto, ad Epiri limites, ubi  
Dyr-

a) Solebant enim in publicis edictis, hoc titulo uti: *N. Dei gratia Dux Venetiarum, Dalmatiæ, atque Croatiae Dux, Dominus quartæ partis, & dimidiæ totius Imperii Romanicæ.* Hoc primus omnium, quod sciam, usus est Andreas Dandulus an. 1343. Vid. volumen statutorum, Legum, ac jurium D. Venetor. Venetiis an. 1564. & Librum Promissionis ibid.

b) A vicina Carnia, seu Carnioliâ sic dictus. In hac medietate sinus, est *Flumen S. Viti*, cum suo

**1357.** Dyrrarchium est: quidquid hoc spatio, urbium, insularum, portuum, aliarumve utilitatum, continetur, regi, astu, dolove procul, tradent, juriq̃ue, quod se in hæc habere putabant, aut habere poterant, in perpetuum renunciabunt, idque cum dominio, proprietate in Ludovicum, hujusque successores Hungariæ reges transferent, nec unquam actione ulla, aut beneficio juris, & legis adversus hanc celsionem se ufuros, juramento promittent, ac titulis Dalmatiæ, & Croatiæ omnino abstinebunt. a) Rex con-

---

suo Territorio, itaque juris Hungarici, non item, ut aliqui putant, in ditione Carniolæ, aut Istriæ. Atque hi erant Dalmatiæ limites sub Andrea II. teste Archidiac. Spalaten. hist. Salonit. c. 1. *Nunc ergo Dalmatia, est regio maritima, incipiens ab Epyro, ubi est Dyrrachium, & protenditur usque ad finem Quar-narium.*

a) Forma celsionis hæc erat: *vigore instrumnti prædicti, contenti fuimus renunciare, & effectualiter renunciamus defacto, in manibus prædicti regis, suo, & successorum regum nomine, toti Dalmatiæ, a medietate Gvarnarii, usque ad fines Duracii (Dyrrachii), omnibus civitatibus, terris, castris, insulis, portubus & juribus, quæ habuissemus, & tenuissemus, & tenebamus in eisdem quoquo modo, & specialiter, civitatibus Nonæ, Jadræ, Scardonæ, Sibe-*

contra, quæ in Marchia Tarvisina, Istria, & in ditione Cenetensium occupavit, Venetis in 1258 solidum restituet, utrique parti secura, & libera navigandi, a) mercandique potestas erit, malefactores neutri recipient, nec piratis

*Sibenici, Tragurii, Spalati, & Ragusii, in terra firma existentibus. Item in terris adjacentibus, videlicet, Cherso, Veglia, Arbo, Pago, Brachia, Lefina, Corfula, cum insulis earundem, cum omnibus pertinentiis, & utilitatibus earundem, ac titulis Dalmatiae, & Croatiae, quibus uti consueveramus, & totum jus, & proprietatem, si quas habuissemus, in ipsum dominum regem, & successores suos, sponte, deliberate, & cum maturitate transferentes, renunciantes insuper omni actioni, & omni juris, & legis beneficio, quibus ullo unquam tempore possemus contra prædicta, vel prædictorum aliquod, nos juvare, & promittentes solemniter, sub vinculo sacramenti, pro nobis, & Communi Venetiarum, corporaliter præstiti, de ipsa Dalmatia, civitatibus, terris, castris, locis, insulis, juribus, & titulis, ac ipsorum possessione, seu dominio, nullo unquam tempore per nos, vel alios, nos intrmittere, vel aliququaliter impedire, usque ad fines antedictos.*

e) Hactenus enim sibi dominium maris Adriatici arrogabant.

tis portum præbebunt, aut mare ab his infestari sinent, præteritorum denique oblivio, & amicitia utrinque perpetua sit. a) Tabulæ pacis sequente anno, Jadræ quidem XVIII. Venetiis autem XXIII. Februarii promulgatæ sunt, tum Stephanus Zagrabiensis Episcopus, & Nicolaus Drugeth, Judex curiæ regiæ Venetias missi, ut juramento Ducis, pacta confirmantis, interessent, & pacis tabulas permutarent, quas ille XXV. ejusdem mensis illorum manibus, regi tradendas, consignavit, & regio nomine scriptas vicissim ab eisdem recepit. Ne autem, quos armorum socios habuit, Patriarcham Aquilejensem, Episcopum Cenetensem, Franciscum de Cararia, Albertum item, & Maynhardum, Goritiæ Comites, deseruisse videretur, his quoque editis litteris tertio post mense cautum voluit. b) Hunc in modum Dalmatiam, quæ partim decessorum socordia, partim intestinis dissidiis, in Venetorum potestatem sensim venerat, pristino Hungariæ juri vindicavit, non facile deinceps amittendam, si successores sibi similes post se reliquisset.

IX. A confecta pace illud ante omnia  
 1359. Ludovicus satagebat, ut & regni juribus, citra

a) Lucius I. 4. c. 17. Laurentius de Monacis Chron. Venet. I. 6. Pray Par. II. pag. 108.

b) Tabulæ exstant in Hist. Cortusior. I. 11. c. 12. apud Pray Par. II. pag. 110.

tra regiae dignitatis diminutionem confuleret, & regionum proventuum administratio ita in ordinem redigeretur, ut & Fiscus regius haberet, unde publicis necessitatibus posset succurrere, nec civitatibus, quae commodo portu erant instructae, nervus mercimoniorum succideretur. Jam anno priore Jadrensis privilegia confirmans, liberaliter indulgit, ut prisca quidem judiciorum ratio eis libera esset, si qui tamen sibi minime satis factum existimarent, his regem impune liceret appellare: a) Croatis vero, & extraneis per eos, quos ex Hungaria missurus esset, jus administratum iri. b) Traguriensium quoque jura rata habuit, proventus tamen per Legatos suos c) ita existimabat ordinandos, ut media pars ærario regio inferretur, & altera civitatis esset. d) Sed cum hanc ordinationem ci-

G 2

ves

a) Lucius de regn. Dalm. l. 6. c. 2.

b) Misi erant, Nicolaus Colocen. Archiepisc. electus Strigonien. Stephanus Nitrien. Episc. Nicolaus de Zeech Jud. Curiae reg. Joan. Chuz, Banus Dalm. & Croat. & Gregorius Custos Eccl. Varadinen. Capellanus regius, ut est apud Lucium Mem. istoriche di Tragur. pag. 271.

c) Idem ibid. pag. 272.

d) Id. ibid. pag. 273. Initium documenti [hoc est: *Stephanus Dei gratia Episcopus Nitriensis, sacrae Theologiae Magister, Joan. de Brendesfeh,*

**1359.** ~~\_\_\_\_\_~~ ves graviter ferrent, non solum hanc retractavit, verum universe etiam Dalmatas jure suo municipali deinceps uti permisit, solam maritimi salis Cameram ad eum morem, qui in Hungaria obtinebat, coordinatam esse voluit.

a) His in Dalmatia constitutis, Posonium concessit, ut cum Rudolpho Austriæ Duce, qui Alberto patri, ante annum defuncto, successerat, pristinam amicitiam confirmaret. b)

**1360.** ~~\_\_\_\_\_~~ Mox sequente anno, *Bernabonem*, qui Bononiæ tyrannidem adversus Pontificem arripuerat, ut Curiam Romanam, ob simulatam nuper in Rascios expeditionem pacaret, per Joannem Colocensem Præpositum admonuit, ut ab injuria porto inferenda desisteret, alioquin sciret, se arma in illum Ecclesiæ causa sumpturum, cumque is morem regi gesturum pollicitus esset, neque promissis flaret, copias auxiliares, quæ homini reprimendo satis essent, in Italiam misit, c) præcipuum tamen robur militiæ domi retinendum erat, quod Carolum Imperatorem cum Duce Austriæ aliquid

---

*steck civilis Professor, sereniss. Principis Domini Lodovici regis Hung. ad partes Dalm. Legati, &c.*

a) Id. ibid. pag. 274.

b) Steyrer I. cit. pag. 285. apud Pray Par. II. pag. 112.

c) Raynald. ad an. 1360. & Villanus I. g. c. 91.

quid adversum se moliri suspicaretur. a) Oe-  
 casio ex convicio sumta fuit, quo Imperator Eli- 1361.  
 sabetham, regis matrem, velut parum pudicis  
 moribus præditam, criminatus fuerat. Ma-  
 tris injuriam Ludovicus suam interpretatus,  
 b) bello ulcisci constituerat, & facto ad id ge-  
 rendum apparatu, ut Rudolphum quoque,  
 quamquam Imperatori fœderatum, in socie-  
 tatem armorum pertraheret, Viennam pro-  
 fectus, novum cum eodem, & illius fratribus  
 Friderico, Leopoldo, & Alberto, fœdus pe-  
 pigit, quo se Duces unanimi consensu regi  
 obstrinxerant, se eidem contra Imperatorem,  
 hujusque fratrem Joannem Moraviæ Marchio-  
 nem, omni sua potentia affuturos, salva ta-  
 men lege, qua Rudolphus, ceu Dux Austriæ,  
 jubebatur Imperiali exercitui duodecim mili-  
 tes cum mensis unius stipendio contra Hun-  
 garos adungere. c)

G 3

Eidem

- 
- a) Lucius Mem. istor. pag. 277. ex regesto consi-  
 llii Tragurien. 1361. die 15. Dec. — nova fa-  
 cit D. Rex civibus notificare, videlicet, quod  
 D. Imp. Rom. & Dux Austr. videntur velle  
 movere guerram dicto D. regi indobito &c.
- b) Michovius pag. 157. apud Pistorium Tom. II.  
 script. Pol.
- c) Steyrer l. cit. col. 333. apud Pray Par. II.  
 115. error tamen apud hunc, & Katona in  
 annum irrepsit, & rescribendus est, 1362.

1362.

Eidem foederi paulum post, quam Rudolphus Polonium venit, Casimirus quoque Rex Poloniæ, & Maynhardus Bavarix Dux & Comes Tyrolis accesserant, cautumque, ne quis, inficiis foederatis, bellum cuiquam obmoveat. a) Id in causa erat, cur deinde res ad arma cum Imperatore non venerit. Ludovicus, ut vicissim Rudolpho gratiam referret, castrum *Schwarzenbach*, quod sæpe dissensionum fomes inter Hungaros, & Austrios erat, eidem restituit, & argentum, ob defensum olim ab Hungaris *Neostadium*, ex pacto debitum, condonavit. b) Transactum deinde est de controversia, quæ in confinibus Hungariæ, & Austriæ, titulo decimarum, censuum, juris item montani, & emphyteutici, inter utramque Nationem crebro oriri solebat. Ad hanc dirimendam, quatuor constituti utrinque arbitri, qui de jure sine partium studio cognoscerent, quodque statuissent, Rex, & Duces ratum haberent. c) Aliis autem Tabulis, si bellum re ipsa gerendum fuerit, ita paciscentibus convenerat, ut, quæ armis parta essent, ex æquo utrinque dividantur, nec fas sit cuiquam, inconsulto alio, ab

a) Steyrer ibid. Dat. Pelsonii ultima Febr. 1362.

b) Id. ibid. Dat. Budæ d. 10. Mart. apud Pray Part. II. pag. 117.

c) Id. Steyrer col. 337 Dat. Bud. eod. d. & an. Idem col. 336. Dat. Bud. eod. an. & d.



ab armis cessare, a) sin aliquid, durante bello, accideret, quod foederatos in discordiam posset adducere, id ad finem expeditionis ut rejiceretur, constitutum. b)

Nec Imperator, qui per id tempus Norimbergæ agebat, postquam confederationis inter regem, & Rudolphum sancitæ indicium ad se perlatum est, segnius se ad vim repellendam comparabat, eoque gravius Rudolphi factum tulit, quo minus id, post initum Pragæ anno priore secum arctissimum foedus, de genere suo suspicari poterat. Bellum itaque, facto utrinque apparatu, prope certum videbatur, cum Innocentius VI. Pontifex, misso ad Rudolphum Ægidio Vincentino Episcopo in mandatis dedit, ut Ducem præprimis Imperatori reconciliaret, datisque insuper ad Rudolphum litteris, eundem, ut cum socero in gratiam rediret, impense cõhortatus est. Valuit Pontificis auctoritas, & ardor belli sensim in Rudolpho refrixit. c)

X. Suberat aliud etiam, quod Rudolphum a belli proposito avertit. Obierat sub ipsum anni sequentis initium Maynhardus, Comes Tyrolis, quẽm Rex Ludovicus in societatem foederis contra Imperatorem priore

G 4

anno

a) Idem col. 337. Dat. Bud. eod an. & d.

b) Idem col. 338. Dat. Trenchini d. 15. Aug. eod. an. apud Pray Par. II. pag. 119.

c) Raynald. ad an. 1362.

**1363.** anno adfciuit. Is, si sine prole obiret, consentiente matre sua Margarita, Principes Austriæ quadriennio abhinc, hæredes suos scripserat. a) Cum igitur, ad novam possessionem pacate adeundam, favore Imperatoris egeret, inconsulte se facturum existimabat, si in illum, tam alieno tempore, bellum moveret, nec dubitabat regem id communi amicitie daturum, ut mitiora consilia admittat. Ludovicus, cui matris injuria cordi erat, videns, unum ex confœderatis suis morte sublatum, alterum vero prope esse, ut fœdus, familie sue causa, deserat, ipse etiam nutare cœpit, cum illum, in quam partem se daret, hærentem, Petrus Vulterranensis Episcopus, ab Urbano V. ad componenda Principum dissidia in Germaniam missus, convenit, facileque persuasit, ne rem, quæ amica compositione finire commode possit, armis velit decernere, & Turcis interea, post occupatam Adrianopolim, latius, in vicinas quoque ditiones juri Hungariæ obnoxias, grassandi occasionem daret. b) Cessatio igitur, licet Imperator, & Rex in limitibus jam cum copiis suis constiterint, ab armis interim facta, donec internunciorum opera dissidium componeretur. Protracta est negotiatio in  
men-

---

a) Nempe an. 1359. Tabulis Monachii Non. Sept. conscriptis.

b) Raynald. ad an. 1363.

menſem Decembrem, a) cum Bulcus, Svid-  
nicenſis & Jaurenſis Dux, qui utrique diſſi- 1363,  
dentium cognatione conjunctus erat, Ludovi-  
cum Trenchinii conveniens, eo rem denique  
adduxit, ut litem Caſimiri regis Poloniae ar-  
bitrio dirimendam permitteret. Inde in Po-  
loniam digreſſus, Caſimiro, qui minus ſoro-  
ris convicio, quam Ludovicus matris ſuæ,  
exacerbatus erat, facile perſuaſit, ut paciſi-  
cato.

a) Ad hoc temporis intervallum cenſeo expedi-  
tionem in Boſniam, cujus Archidiac. Chron.  
Rar. III. c. 33. meminit, & aliqui an. 1359.  
affigunt, locandam eſſe. Cum enim in hac  
Nicolae Strigomien. Archiep. Sigillum regis fur-  
to ſublatus ſit, nimis multi anni inter hunc,  
& 1364. quo Rex novum Sigillum amiſſo ſub-  
ſtituit, interceſſiſſent, quibus malevoli facile  
commentitiſ Sigillo in aliorum damna abuti  
potuiſſent, cum tamen conſtet, regem inter an.  
1359. & 1364. quo novum Sigillum confectum  
eſt, multas donationes feciſſe, quin novi Sigil-  
li mentionem faciat. Forte huc etiam perti-  
neat expeditio in Bulgariam, quam Archidiac.  
priori conſeſſim ſubjungit, in qua Straſcimirus  
Bulg. Imperat. captivus in Hung. ductus eſt,  
cum & facilis ex Boſnia in Bulgariam aditus  
ſit, & Rex an. 1364. Banum Bulgariae preſe-  
ceat, quod Straſcimiro rerum potente factum  
non eſſet. Sed hæc, cum nulla certa chro-  
nologia ſigi poſſit, in modum conjecturae.

**1363.** catoris partes in se reciperet, qui delatum sibi arbitrium eo libentius est amplexus, quominus illi laboris exantlandum erat, quod Catharina Rudolphi Ducis Austriae conjunx, Imperatoris filia, patris animum jam ante primum ad amplectendam pacem reddidisset, a)

**1364.** Quo celerius autem haec conficeretur, Imperator Cracoviam ineunte anno profectus, ut Casimirum sibi addictum redderet, Elisabetham, ejusdem neptem, Bogislai, Pomeraniae, & Stettinensis Ducis filiam, sibi matrimonio conjunxit. Cracovia Pragam rediit, Brunam contendit, quo Ludovicus Rex & Rudolphus cum fratribus, Austriae Ducibus, jam convenerant, ut pacis negotium, hactenus affectum, mutuo consensu perficeretur. Consentientibus itaque partibus, Tabulae IV. Idus Februarii in haec pacta conscriptae sunt: dissensiones, quae verbis, factis, & gestibus utrinque, quibuscunque ex causis, intervenissent, penitus oblitteratae sint: ad haec juramento cautum, ne alter alterius terras, quas nunc possidet, aut deinceps possessurus esset, damnis afficere, jura, quocunque nomine vocarentur, violare vel alios ad id faciendum consilio, auxilio, clam, palamve juvare unquam ausit. b)

Actum

a) Steyrer l. cit. col. 375. Dat. Cracov. in vigil.

B. Luciae, apud Prag. Par. II. pag. 120.

b) Steyrer ibid. col. 382: apud Prag. P. II. p. 121.

Actum etiam eodem tempore de jure successione mutua. Carolus Imperator, Wenceslaus ejus filius, & Joannes Marchio Moraviae, si eos hærede contingeret carere, jus succedendi in omnibus terris suis, in gentem Austriacam transcripserunt, a) hæc vicissim eadem lege, si præter Austriacum, etiam regis Ludovici genus, exstingueretur, jus in Austriam, ceterasque ditiones suas, ad Carolum, hujusque posteros transiturum sponderat. b) Imperator ut Rudolphum, hujusque hæredes, novo beneficio sibi, ac familie suæ obstringeret, Tyrolim, cujus possessionem nuper adierat, eidem clientelari jure concessit. c)

Lu-

- a) Steyrer l. cit. in addit. ad c. 3. col. 379.  
 b) Steyrer l. cit. col. 383. apud Pray pag. 122.  
 c) Apud Steyrer ad hunc an. c. 3. col. 23. & c. 7. col. 30. Hoc circiter tempore Valachi, Romanorum olim colonia, in Moldavia rursus propagari cœpere. A Cumanorum enim in eas partes adventu, & Tartarorum irruptione, se in montes Marmarossenses recesserant, ibique ad Ludovici regis ætatem pacati colebant, donec an. 1359. ut Cantimirus hist. Moldaviæ, c. 34. scribit, quidam *Drageshus*, vel, ut vult Archidac. Chron. Par. III. c. 49. *Bogdanus*, coloniam ad fl. Moldavum, a quo deinceps Cumania, nomen Moldaviæ adhæsit, deduxisset. Hujus successores deinde Ludovicus ad profitendam cli-

**1364.** Ludovicus, confirmata cum Imperatore amicitia, in Hungariam reversus, inter primas curas, id sibi præcipue perficiendum putabat, ut amisso nuper in Bosnenſi expeditione Sigillo regio, ne malevoli illo ad damnum aerarii regii, & jurium Nobilitatis, abuterentur, novum substitueret, quo non solum suas, quas hæcenus edidisset, sed Caroli quoque, patris sui, donationis litteras, confirmari voluit, alioquin irritas, & omni robore destitutas esse, publico edicto declaravit. a)

Con-

---

entelam, & censum quotannis pendendum adiegit. Qui abhinc Moldaviæ, & Valachiæ imperarint, vid. Pray Dissert. VII. in annal. veter. Hunnon &c. pag. 140.

a) Exstat illius Formula in cod. jur. patr. Decreto regis præfixa. Solebat ea, cum appensione novi Sigilli, plerumque integra adscribi, si spaciū erat, in adversa litterarum parte, quæ ad confirmandum afferebantur, aliquando etiam in aversa; id tamen, ut sæpe observavi, rarissime. Ceteram, ob concurrentium frequentiam, Cancellarius, vel hujus vicarius, annum 1364. & diem solum in margine inferiori solebant adnotare, ut, anno M. CCC. sexagesimo quarto, III. Non. Martii (vel alio die, quo Sigillum novum appendebatur) regni anno vicesimo tertio. Criteria autem, quibus novum a perduto Sigillo discerai possit, vide Pray Comment.

Concurfatio igitur omnium ingens ad regem ~~facta~~, qui jurium fuorum indemnitati confu- 1964.  
tum volebant, quo beneficio & fuorum ani-  
mos fibi devinxit, & tam publicæ, quam pri-  
vatæ rerum fecuritati profpexit.

XI. Hæc regis beneficentia ad exteros ~~quoque~~ pertinuit, præfertim, qui mercimoni- 1365.  
orum caufa in Hungariam commeabant, &  
propterea rationem temporariam aliquando  
in regno solebant figere. Ex his præter Ita-  
los, qui omnium primi jus civitatis Strigonii  
fub Carolo rege obtinuerant, a) fuere Norim-  
bergenfes, & Pragenfes, quibus Rex jam an-  
tea mercatus caufa, immunitates largitus erat.  
His fimiles etiam, cum Brunæ erat, rogatu  
Caroli Imperatoris, civibus Wratislaviensib-  
us, edito fcripto indulfit, promiffa persona-  
rum, & mercium fecuritate, modo confue-  
tum vectigal penderent, b) volens hoc exem-  
plo fuos etiam ad id genus induftriæ, cum ob  
propriam cujusvis, tum publicam quoque re-  
gni

---

ment hift. de vét. reginas Hung. coronandi  
more. Peflini 1792. pag. 48.

- a) Exftant litt. eorum an. 1330. Sigillam ex una  
parte refert hanc epigraphen: *Sigillum Lati-  
norum civitatis Strigoniensis*: ex alia vero:  
*fecretum Latinorum civitatis Strigoniensis*. Ipla  
civium nomina Italos produnt, ut Baldini, Ge-  
dini, Geletj, Rubini, Nigroni &c.

- b) Katona Tom. X. pag. 360.

~~\_\_\_\_\_~~ 1966. qui utilitatem, sensim consuefacere. Adven-  
 nerant etiam Jadrensum nuncii, qui civium  
 nomine regem orabant, ut vetusta urbis jura  
 a regibus olim indulta, adversus Præfecto-  
 rum injurias tueri, eaque instar novi be-  
 neficii, confirmare vellet. Annuit benevole,  
 spe etiam facta, ut tres insulæ, quas Siben-  
 censes, tempore Venetorum, sibi per vim as-  
 seruerant, ubi certiora edoctus fuërit, eisdem  
 restituantur. a)

Interea Turcæ ditionem suam latius in  
 dies proferebant, & Orientis Imperio sensim  
 imminere videbantur. Joannes Palæologus pe-  
 riculi vicinia admonitus, Principum Christia-  
 norum, ac Ludovici imprimis, & Pontificis,  
 opem implorat, spem eminus ostendens, se,  
 si sibi auxilio essent, cum suis ad unionem  
 Ecclesiæ Romanæ rediturum. Intererat etiam  
 ipsius regis, ne tam vicinum suis ditionibus  
 hostem, porro grassari pateretur. Idem erat  
 Petri regis Cypri, idem Christianorum, qui  
 Macedoniam, Thraciam, & Ægei insulas co-  
 lebant, desiderium, qui facile ad quinquagin-  
 ta millia numero coaluerant, ut barbaros ex  
 Europa ad pristina Asiæ latibula retruderent.  
 Ludovicus, ut rem mari quoque posset agere,  
 a Venetis petiit, ut sibi in hunc usum aliquot  
 triremes suis sumtibus apud eos construï pa-  
 teren-

---

a) Lucius Mem. istor. di Tragur. pag 281. ex  
 Protoc. Jadrensi, d. 2. April. an. 1366.



terentur, verum illi, quorum intererat, ne ~~\_\_\_\_\_~~ Rex post occupatam Dalmatiam, etiam mari 1366

potentior illis fieret, id quidem negarunt, sed ne nihil pro re Christiana in communi periculo viderentur agere, quinque ex suis triremes in expeditionem se missuros promiserunt.

a) Interjectam moram Rex fortassis æge laturus erat, nisi ab ipso Pontifice fuisset monitus, ut a proposito tantisper desistat, donec Græci certiora ineundæ unionis indicia præberent, hanc enim sæpe quidem ab iis tentatam, sed variis subterfugiis interturbatam fuisse, ceterum, modo ei videatur, facturum rem sibi, & vicinis perutilem, si, ad refræandos Turcas, cum parte copiarum Græcis succurreret. b) Hæc Pontifex ad regem X. calendas Julii, postea autem, quam ex eo intellexerat Palæologum serio, interposita etiam juramenti fide, animum ad unionem adjecisse, aliis ad eundem, utrumque Archiepiscopum, & regni Palatinum, datis litteris, ad bellum suscipiendum cohortatus est. c)

Susceptane re ipsa, an sicut ante tentata per Pontificem cruciatorum expeditio, hæc etiam adhæserit, ambiguum esse videtur. d)

Certe

---

a) Lucius I. 5. c. 1. ex Caroldo script. Veneto.

b) Raynald. ad an. 1366.

c) Idem ibid.

d) Sunt tamen, qui putent regem contra Turcas profectum, & victorem fuisse, cujusdam Me-

~~1566.~~ Certe post mortuum anno superiore Rudolphum Austriæ Ducem, plures curæ regem dissentantem habebant, quam ut bellum Turcis obmoveret, sive Palæologo, ut postea patebit, non satis fideret, sive, quod ceteri Christianorum Principes, in se unum id oneris velant rejicere, satis esse ratus, si Transalpinus Vayvoda, ex una, ex altera parte vero Tvartkus Bosniæ Banus, clientelari jure sibi obnoxius, in hostem excubarent, quem propterea etiam regis titulo condecorari passus erat, attributa eidem, pro Chelmenfi Comitatu, ditione Narentana, ne Turcis in Dalmatiam aditus pateret. a)

Ipse componendo interea dissidio inter Albertum, & Leopoldum, Rudolphi defuncti fratres, qui ditiones Austriacas, posthabita Alberti patris dispositione, parabant dividere, operam impendit. Erat & illud in causa, quod Imperator transactionem de successione inter suam, & Austriacam Domum, ante biennium initam, familiæ suæ tam diu inutilem existimaret, quamdiu pacta inter Ludovi-

---

nesdorffer auctoritate inducti. Vid. Katona Tom. X. pag. 395. Si hic idem sit cum homonymo, qui in fine Chron. Buden. quod sub Mathia Corvino conscriptum est, aliqua de hoc rege adjecit, oportuit centenario bene majorem fuisse.

a) Du Cange, Illyr. vet. pag. 120.

dovicum regem, & duces Austriæ, eorum-  
que hæredes, de successione mutuo inter se  
iuncta, stabilitatem haberent. Cum enim  
Imperatori, ejusque posteris, successio in di-  
tationibus Austriacis, non aliter asserta fuerit,  
quam si regis, & Ducum stirps exstinguere-  
tur, recens autem Elisabetha, Stephani, fra-  
tris Ludovici, filia Alberto Duci sponsa esset  
designata, cui in omnem eventum jus suc-  
cessionis, præ gente Lucenburgica olim compe-  
teret, a) nihil prætermittendum Imperator  
statuit, ut hæc pacta, salvis tamen amicitiae,  
quam cum Ludovico inierat, legibus, rescin-  
derentur.

XII. Ad id autem consequendum, usus  
est opera Ladislai Ducis Opulæ, quem Lu-  
dovicus regni Palatinum haud ita pridem re-  
nunciavit, & jure cognationis magno apud  
eum loco erat. Hujus suasu flecti se passus est,  
& editis XXVIII. Februarii litteris, Duces  
Austriæ ab ea sponsione, qua eidem jus suc-  
cessionis in illorum terris stipulati erant, pe-  
nitus liberos pronunciavit, & Imperator vi-  
cissim, habito regis consensu, priora pacta,  
inter hunc, & Duces, de ferendis mutuo auxiliis,  
& designato inter Albertum, & Elisabetham  
ma-

a) Steyrer l. cit. in addit. ad c. 3. pag. 384. &  
387. Lunig, Cod. Dipl. Germ. Tom II. pag.  
522. & seq.

**1367.** matrimonio, inita, litteris suis XX. Martii vulgatis, dissoluta esse, testatus est. Supererat, ut Ludovicus quoque Tabulas foederis, quo se Duces eidem obstrinxerant, restitueret, cum autem hæ nuspiam reperirentur, alias litteras XX. Octobris conscribi, eisque reddi iussit, quibus deperditas nullius vigoris, & irritas, nec, si reperirentur, se illis ullo modo usurum esse, suo, & hæredum suorum nomine declaravit. a)

Cum regi hactenus, præter filias, nulla proles mascula fuerit edita, non invitus huic juri renunciavit, cum, quod Imperatori, cujus in augenda sua domo studium magis patebat, quam ut celari potuerit, ea in re gratificari vellet, tum quod Poloniam, quam a Casimiri obitu ex pactis aditurus erat, magna sui parte limitibus Hungariæ conjunctam, præditionibus Austriacis longinque dispersis, regno suo utiliosam existimaret, nec, quod Joanna Neapolitana hactenus prole careret, spem regni illius aliquando familiæ suæ asserendi penitus posuisset. Hanc ob causam, cognatum suum, Carolum Dyrrachinum, Ludovici illius, qui regis partes contra illam, & Ludovicum Tarentinum, olim tuebatur, filium, jam bienno ante ex Italia in Dalmatiam, & priore anno, cum aliquamdiu Spalati, & Jadræ morari iussus esset, in Hungariam accersit,

---

a) Du Mont, Tom. II. Par. I. pag. 53. — 56. Nro. 37. — 40. & pag. 66. Nro. 54.

sint, ut, tradita ei una ex filiabus, sibi succederet. a)

1367.

Huic Jadrenses, & Spalatini debent, quod Ludovicus pristinam iudiciorum formam, qua civium lites, de quibus difficile iudicium esset, ad curiam regiam deferri iusserat, mutari pateretur, daretque illis veniam, ut, si partibus post rem semel, iterumque iudicatam, non conveniret, Paduam, vel Bononiam, aut Perusium, quæ urbes peritissimos illius temporis Jurisconsultos habebant, pro causæ cognitione proficisci possint. b)

Indignum tamen regi videbatur, ut sui, iudiciorum causa, exteros precario, magnisque impendiis, consultum ire cogantur, quasi vel nulla domi iustitiæ ratio haberetur, vel deessent, qui lites cognoscere, & his cognitis, sententiam ex æquo ferre nossent. Id ei cogitationem ingesserat, ut scientiarum Academiam, ad eum morem, quo non ita pridem Imperator Pragæ, Casimirus Cracoviæ, & Rudolphus Dux Austriæ, Viennæ condiderant, ipse in Hungaria quoque institueret, ne hac etiam parte vicinis Principibus quidquam cedere videretur. Re cum Urbano Pontifice communicata, & ab hoc dilaudata, Quinqueecclesias delegit, urbem situ opportunam, ad quam discere vo-

H 2

len-

a) Lucius de regn. Dalm. l. 5. c. 1. pag 395. & Mem. istor. di Tragurio, pag. 283.

b) Lucius Mem. istor. di Tragur. pag. 84. 85.

1367. lentibus, facilis undique ex hæreditariis terris aditus esset, & in qua omne disciplinarum genus, præsertim juris civilis doceretur, Theologia solum excepta, quam cur Pontifex exemptam esse voluerit, incertum est, etsi ceteroquin iisdem hanc Academiam, quibus ceteræ per Europam gaudebant, prærogativis ornarit. a)

1368. Jam Avenione in Italiam Urbanus tum redierat, cum hanc regis institutionem ratam habuit. Causa reditus erat nimia Bernabonis potentia, ad quam, per diuturnam Pontificum Roma absentiam, oppressis ceteris Italiæ Principibus, sensim evaserat. Ad hanc reprimendam jam priore anno Ludovicus cum Carolo Imperatore, Francisco Cararia Paduano, & Marchionibus Estensibus, percusso fœdere, auxilium Pontifici pollicitus erat, b) ac idcirco Legatos etiam suos iis, quos Imperator in Italiam miserat, adjunxit, qui illum Viterbio Romam deducerent. Vix in urbem reductus est, cum Ludovicus Andium Comes, Caroli Galliarum regis frater, absentia illius Avenione usus, Comitatum Provinciæ invasit, cui cum Joanna regina impar resistendo esset, Rex autem vereretur, ne hac usurpatione tam insignis portio sensim à jure re-

a) Jos. Koller hist. Episc. Quinqueeccles. Tom. III. pag. 95.

b) Raynald. ad an. 1368.

regni Neapolitani avellatur, misso ad Urbanum Joanne, quondam Dalmatiæ, & Croatiae Bano, intercessit, diserte professus, se quidem Joannæ reginæ nihil velle obturbare, quia tamen, si illa obiret, regnum Neapolitanum ad se pertineret, committi a se non posse, ut Comitatus Provinciæ in jus alienum transiret. Respondit Pontifex, ut fere decessores illius ad similes regis querelas olim solebant, facturum se; quod æquitas suaderet, neve Rex de injuria queri possit. *a)*

1368.

XIII. Interea, licet Rex partes Pontificis cum Imperatore contra Bernabonem communiter tuendas susceperit, hærebat tamen illud animo, quod artificio illius circumventus, se persuaderi siverit, ut pactis, cum Domino Austriaca initis, renunciaret. Id in causa erat, ut non modo in anni prioris exitu fœdus cum Ducibus Baviariæ, contra Austriæ Duces, litteris Budæ, & Monachii, mutua stipulatione consignatis, iniret, *b)* sed hoc quoque ineunte, cum Casimiro, dum regis visendi causa Budam venerat, præter priora de successione pacta, nunc rursus utriusque consensu innovata, etiam alia inter se sancirent, quibus sibi mutua auxilia contra omnes hostes, etiamsi cum Imperatore bellum ge-

1369.

H 3

ren-

*a)* Idem ad an. 1369.

*b)* Ofelius specimem Diplomat. Bojoar. Tom. II. pag. 187. & 191. sequ.

rendum esset, promittere. a) Quam opportuna regi hæc pactorum instaurationis fuerit, sequente anno, quo Casimirus rebus humanis exemptus est, patuit. Poloni enim cum viderent, regem mascula prole destitutum, in varias partes distrahebantur, pars Duci Stettinensium addicta erat, alii filiarum quoque

Casimiri rationem haberi volebant, b) prudentiores contra, pactis olim initis, & sæpius confirmatis, standum existimabant, præsertim quod ad refrænandos Lithuanos, aliosque hostes, Ludovicus maxime omnium idoneus esset. Hæc pars, ut melior, & æquitate nixa, prævaluit, missaque in Hungariam Legatione, Ludovicum ad capeßendum regnum invitavit, qui haud diu moratus, Cracoviam cum matre Elisabetha venit, & compositis, quæ de coronationis loco ortæ erant, difficultatibus, die XVII. Novembris coronatus, regni possessionem adiit. Parum tamen aberat, quin ab inauguratione, Polonorum animos a se averterit. Graviter ferebant, quod ditionem Vielunensem, & præcipuam Siradiensis provinciae partem, Ladislao Opulæ Duci, & Hungariæ Palatino contulisset, veriti, ne illæ sensim a Polonia abstrahantur, quos tamen facile pacavit, utraque provincia in feudum eidem collata, quæ, si is sine masculino hærede obiret,

a) Dogiel Diplom. Pol. Tom. I. pag. 39.

b) Cromerus hist. Pol. l. 13.



obiret, rursus Poloniæ unirentur. His constitutis matrem, quæ, se absente, rem publicam administraret, in Polonia reliquit, ipse, acceptis secum regni clenodiis, in Hungariam reversus est. *a)* 1370.

Hic exacta hyeme, in Palæologum, qui ante annum Romam, & inde, post unionem cum Romana Ecclesia transactam, Venetias profectus, in procinctu redeundi erat, intentus, mandata ad Tragurinos dedit, ut iter illius, &, si fieri posset, etiam consilia explorent, ac, si quid compererint, se diligenter edoceant, *b)* paulum tamen post ipse cum conjuge in Dalmatiam venit, ut, si quid forte contra hanc Venetos cum Palæologo moliri velle intelligeret, celerius periculo consulere posset, verum Imperator, magis de re sua, quam aliena, sollicitus, Venetis navibus Dalmatiam prætervectus est, & regem progressiones Turcarum, ac Valachia factionibus turbata, in Hungariam revocarunt. H 4

*a)* Idem ibid.

*b)* Fragmentum litt. reg. an. 1371. d. 9. Apr. apud Lucium Mem. istor. pag. 293. *Quare vifis præsentibus, modum, & viam inveniatis, quibus de voluntate, & processibus dicti Imperatoris Græcorum possitis indubitanter experiri, ut nos jugiter continuatis vicibus, de iisdem valeatis litteraliter per nuncios informare &c.*

1371. **runt.** Nec diu hic moratus, Nicolaum Transilvaniae Vajvodam in Valachiam proficisci iussit, ipse cum robore exercitus in Bulgariam movit, cum ut Turcas in metu contineret, tum ut Vajvodæ, si opus esset, subsidio veniret. Ac ille quidem cum Valachis congressus, caeso eorum duce Dragomiro, victoria primum potitus, postea præcipitatus in insidias, magna militiæ jactura interiit. Quo cognito Rex transmissio Danubio, Valachos obsistere ausos, in fugam conjecit, captoque Zevrino, provinciam rursus ad obedientiam reduxit, Wladislao Transalpino Vajvoda in fidem recepto, a)

1372. **XIV.** Bellum Valachicum, fere erat, ut Bohemicum exciperet. Intercesserat Imperatori dissidium cum genero suo Ottone Marchione Brandenburgico, cui cum Ludovicus fœ-

a) Chron. Par. III, c. 38. Tab. Acutheanæ, Script. rer. Hung. Tom. III. pag. 659. & litt. Wladislai Vajvo, Transalpini, an. 1372. rogantis, ut donationem, quam suo cognato fecit, ratam habere velit. *Quare, inquit, supplicamus serenissimo domina nostro Ludovico, illustri regi Hung. domino nostro naturali, ejusque successoribus, quatenus litteras nostras in pigore suo confirment, & corroborent, &c. Dat. in Argies in nostra residentia sub an. domini 1372. in die divisionis Apostolor. proxime præterito.* Integras vide apud Katona Tom. X. pag. 540.

foedere esset junctus, partem socialis belli ad se itidem pertinere existimabat. Facto igitur belli apparatu, Marchioni auxilio venturus erat, nisi Gregorius XI. cui ab adito Pontificatu, concordia Principum Christianorum vehementer cordi erat, Joannem, Patriarcham Alexandrinum, ad Imperatorem misisset. Is occasionem hanc, velut sponte oblata, libenter amplexus est, ut Silesiam sibi tutam redderet. Quamvis enim Casimirus jam olim juri suo in eam renunciaverit, verebatur tamen, ne Ludovicus, qui recens Poloniae possessionem adierat, matris suae titulo, jus sibi in eam aliquando arrogaret. Patriarcha explorato Imperatoris animo, Ducem Teschinensem convenit, & collatis cum eo consiliis, dissidentes optime conciliari posse judicabat, si inter Sigismundum, Imperatoris filium, & aliquam ex Ludovici filiabus, sponso matrimonii conciliari posset. Egit propterea cum rege, qui non invitum se futurum, Imperatori per litteras significari curavit, eamque ob causam misit Ladislaum Ducem Opuliae, regni Palatinum, & Thomam Strigoniensem Archiepiscopum, qui cum illo rem transigerent. Imperator, ut negotium facilius conficeretur, litteris juramento firmatis, promiserat regi, suo, & filiorum, fratris, & nepotis haeredumque suorum nominibus, se Hungariam, Poloniam, Dalmatiam, Vajvodatum item Moldaviae, ceteras-

ras-

**1372.** rasque provincias, juribus Hungariæ obnoxias, non invasurum, nec, si hæc se sponte ei vellent subdere, unquam consensurum. a)

Patriarcha cum his litteris, &, quæ privatim ab Imperatore acceperat, mandatis, Budam profectus, ante omnia de sponsione matrimonii agendum sibi esse putabat; ut ad reliqua regem deinde prioniorem haberet. Assensus est, & cum conjuge juramento se obstrinxit, se filiam ultimo genitam Sigismundo collocaturum, si vero filius sibi nasceretur, ut filia primogenita, si hæc quoque moreretur, secundo genita, eidem in manus conveniret. Hæc Patriarcha hactenus ex sententia. Sed dum eo ventum esset, ut Rex foederi cum Ducibus Bavarix inito renunciaret, negavit se facturum. Tractatio igitur eatenus adhæsit, dedit tamen similes iis, quas ab Imperatore acceperat, litteras, jure jurando pollicitus, se, conjugem suam, hæredesque, numquam invasurum esse Bohemiam, vel ad Ducatus Silesiæ, Moraviam, aliasque, ubicumque has Imperator possideret, terras occupandas aspiraturum. b)

Re

---

a) Apud Dobner Monument. hist. Tom. II. pag. 385. Dat. Budæ, 20. Febr. 1372. & pag. 386. Dat. Wratislav. 14. Mart. eod. an.

b) Acta Legation. apud Dobner l. cit. pag. 388. Item Du Mont. Tom. II. Part. I. pag. 38. & Lunig Cod. Dipl. Germ. Tom. I. col. 1342.

Re huc, quo volebat, adducta id enim præcipue mutua hac stipulatione agebat, ut, si quid in hostes moveret, regna sua ab exteris tuta essent, bellum in Venetos decrevit, ut Francisco de Cararia, secundum pacta auxilio esset, cui jam antea Stephanum Vajvodam Transilvanum suppetias miserat, qui pugna quidem, intercepto copiarum duce, primum victor, sed postea insidiis circumventus, ipse quoque cum mille Hungaris interceptus est. a) Veneti iram regis subveriti, Pantaleonem Barbarum Budam Legatum misere, qui, causa rupti fœderis in Carariam rejecta, regem placare niteretur, sed is dubia responsa dabat, dimissoque Legato, rursus societatem armorum cum Cararia iniit, & Duces quoque Austriæ, qui Tergestum sibi ante quinquennium per Venetos ereptum recuperare cupiebant, in suas partes pertraxit. b) Ne quid

a) Dandulus in Chron. ad an. 1372.

b) Litt. regis ad Spalatinos apud Lucium Mem. istor. di Tragurio, pag. 297. *Noveritis, quod Dux, & commune Venetiarum, Pantaleonem Barbarum Ambassatorem eorum, ad nos duxerant transmittendum, quem ad nostri præsentiam noluimus assecurare pro eo, quia, dum cum ipsis de pace tractabamus, nobis non curaverunt dare responsum. Nunc vero prioris nostræ intentionis non existimus, nec esse volumus, quia*

1373.

quid autem in Polonia interim turbaretur, non enim optime in matrem regiæ hæcenus animati erant, Ladislaum Opulientem, qui Palatini magistratu fungebatur, Ducem Ruffiæ præfecit, a) ut, si res posceret, in omnem eventum, Elisabethæ e vicinia re, & consilio adesset. Veneti autem, ex repulsa sui Legati, regem aliquid adversum se moliri velle, non vane suspicati, prius, quam Ludovicus copias suas cum Ducibus Austriæ, & Paduano conjungeret, Delphinum, classis Præfectum litus Dalmaticum, ne quid suppetiarum inde submitti ei possit, oberrare jusserunt, tum summo studio, si bellum illis ingrueret, ad id propulsandum apparatus fecere, re ipsa autem omnis molitio Paduanum spectabat. Id ille veritus, vidensque, auxilium a rege, & fœderatis tempori vix adfuturum, pacem cum

---

*quia cum Ducibus Austriæ, fratribus nostris, & domino Paduano (Cararia) taliter sumus colligati, & uniti, quia dictos Venetos damnificare nos oportet, &c. Dat. Budæ 5. die mensis April. 1373.*

a) Litt. autogr. *Nos Emericus regni Hung. Palatinus — memoriæ commendamus — Quod ipso D. Ladizlao, Duce, & Palatino per D. nostrum regem in dominum regni Ruzziæ sublimato, ipsoque honore Palatinatus, per regiam maiestatem nobis collato &c. Dat. in Wissegrad. 1373.*

cum Venetis inire coactus est. Conditiones  
latis duræ erant: primum, impensas in belli 1373.  
apparatum factas, centum millibus aureo-  
rum compenſet, tum Venetias filium mittat,  
qui loco patris erratorum veniam petat, de-  
nique caſtrum *Ordicum*, Brentæ fluvio adſi-  
tum, funditus jubeat convelli. a)

XV. Ludovicus, cujus in hac pacificatio-  
ne nulla mentio facta erat, videns, conſilia 1374.  
ſua ante tempus eſſe prodita, a bello quidem  
nunc abſtinendum ſibi eſſe putabat, ſed eo ma-  
gis operam in conciliandis ſibi foederatis col-  
locavit, cum ut plures Venetis hoſtes conci-  
ret, tum, ne regnum Neapolitanum, a Joan-  
næ obitu, a ſua in alienam familiam trans-  
ferretur. Hunc in finem miſit ad Carolum  
Galliæ regem Oratores, Stephanum Zagrabi-  
enſem Episcopum, & Joannem Zudar, Scla-  
vonix Banum, qui de aliqua ex filiabus ſuis,  
Ludovico Caroli filio conjungenda tractarent,  
data poteſtate, quæ inituri eſſent, pacta, ju-  
ramento quoque confirmandi, id ſibi tamen  
ſervatum velle, ut, ſi quam Carolus filio ſuo  
delegerit, de hac, aliisque decernendi arbi-  
trium penes ſe eſſet; in ſponſam vero, &  
ſponſum, omne jus ſuum in dominia Siciliæ,  
Neapolitanum, Apuliæ, Calabriæ, Principa-  
tum Salernitanum, Comitatus Provinciæ, Fol-  
calquerii, ac honorem montis ſancti Angeli,  
ple-

a) Dandulus in Chron. ad an. 1373.

**1374.** plene, integreque, cum jure hæreditario, translatum iri, suo nomine pollicerentur. *a)*

Non minor illi cura erat de Polonia. Cum enim ex pactis jus successionis ad solos mares restrictum fuerit, filio autem hactenus careret, vehementer optabat, ut id ad filias quoque traduceretur. Hac de causa comitia Poloniæ Ordinibus Cassoviam indixit, ut iis consentientibus negotium transigeret. Sed in ipso confestim principio offendit, cum Casimiri exemplo, tributum a Prælatibus, Proceribus, ac Nobilibus, feudorum causa exigeret. Grave id omnibus visum, quod Casimirus ipse id tributum se sublaturum crebro promississet, regemque orabant, ut se ab hac exactione insolita, suisque immunitatibus adversa, deinceps liberos pronunciare vellet. Assensus est, fidemque dedit, se præcipuam tributis feudalis partem remissurum, exigua solum in signum domini, retenta, si, cum hactenus prole mascula destitutus sit, vetera pacta de successione antiquarent, & idem jus in filias suas transferrent, *b)* eamque regno, quam ipse, aut mater deligerent, cum jure hæ-

---

*a)* Dat. Budæ, 16. d. mensis April. an. 1374. apud Pray, Par. II. pag. 136. Laurent. de Monacis in Chron. pag. 116. memorat, Catharinam ex regis filiabus sponsam fuisse designatam, quæ tamen paulo post obierit.

*b)* Dlugossus hist. Polon. l. 10.



hæreditario, præficerent. Quod cum illi communi omnium consensu ratum habuissent, Rex 1374. ut ejus rei testimonium ad posteros exstaret, in publicas tabulas referri jussit. a)

His

a) Andr. Zalufzki specim. hist. crit. Polon. pag. 147. Operæ pretium est, integrum hic depro-  
mere. *Ludovicus &c. Licet alias nostris promissionibus instrumentorum, seu privilegiorum, Nobilibus ipsius regni Poloniæ fuisset obligati, quod decedentibus nobis de hac luce, masculinam prolem nostram tantum, & non feminam deberent habere, & sibi recipere nostrum in hæredem, & successorem regni Poloniæ, demum Baronum, militum, Nobilium, & aliorum omnium consensu, & voluntate accedente, filias nostras, non exstante prole masculina, sibi in dominos, & hæredes regni prædicti, acceptarunt, quas fieri nostros successores, & coronam regni Poloniæ ipsas volunt, & voluerunt obtinere. Tamen in eo casu, quo filiam, vel filias, divina nobis providente clementia habuerimus, unum ex eisdem masculum, illis deficientibus, unam ex nostris filiabus, nunc natis, & exstantibus, ac in futurum nascituris, quem, vel quam nos, vel excellentissima domina regina, mater, & consors nostra carissima, ipsis assignabimus, & assignabunt, illum, vel illam habeant pro hærede, & successore nostro, & ipsi regnicolæ assumere teneantur,*

His regnorum suorum causa intentum;  
 1374. Pontifex, ad quem interea Palæologus Joannem Lascarum pro sollicitandis contra Turcas auxiliis miserat, datis ad eum litteris interpellavit, ut ad reprimendas progressiones Turcarum, qui ejus ditionibus in dies magis appropinquarent, studia sua reliquis Christianorum Principibus, cum non tam istorum, quam ipsius res, agatur, conjungeret, idemque Stephano Zagrabienſi Episcopo, & Petro de Zudar, qui legatione apud Carolum Gallie regem perfuncti, Pontificem Avenione, regni Neapolitani causa, convenerant, in mandatis dedit, ut, cum in Hungariam redierint, regem de instantis periculi magnitudine commonefacerent. a)

Legati a suo reditu, quo negotium de  
 1375. sponſione matrimonii in Gallia adduxerint,  
 &

*tur, & habere, prout eisdem per Barones, Nobiles, Proceres, civitates, & singulos inhabitatores regni Pol. fit, & facta est de nostra voluntate obligatio homagialis, & promissio fit, & facta est ex nunc prout ex tunc, & ex tunc prout ex nunc in Principem, hæredem, & legitimum successorem, & deinde, vel abinde successores eorundem, vel earundem, locum regiminis habeant obtinere, in regno Pol. prænotato. &c. Dat. Cassoviæ, 17. Septem.*

1374.

a) Raynald. ad an. 1374.

& quæ a Pontifice sibi fuissent commendata, ad regem retulere. Ut primum, quoniam mandata sua accurate exequuti fuissent, ratum habuit, ita alterum, quod nihil certi de decimis sacerdotiorum in usum belli Turcici impendendis, a Pontifice afferrent, non eodem animo accepit, nec eo potuit adduci, ut inter foederatos Principes nomen quoque suum profiteretur, sive nondum eos ab illis apparatus fieri vidit, ex quibus belli, cujus maxima vis terra, non item mari, quo Turcæ nondum valebant, exantlanda erat, felicem exitum sperare posset, sive necdum tam vicinum esse periculum, sibi persuaderet. Eo autem solertius, etsi semel, iterumque a Pontifice esset monitus, ut Græcorum Imperatori subveniret, suum propositum, de filiabus honesto matrimonio jungendis, prosequutus, Hedvigem natu minimam Vilhelmo, Leopoldi Ducis Austriæ primogenito, despondit. a) Provideo, quantum in se erat, in hoc delectu, usus consilio, ne filias ejusmodi Principibus locaret, quibus vel longinque jus esset in Poloniam, quam Hungariæ, magno utriusque

---

a) Dlugossus l. 10. & videtur jam anno priore aliquid de hac sponsione agitatum fuisse, ut patet ex litt. Leopoldi Ducis, dat. Erenbergæ d. 18. Aug. apud Andrian epoch. Habsburgo-Austr. pag. 60.

**1376.** usque regni commodo, semper conjunctam, Mariæ, natu mediæ, &, cui hæc nuptura esset, viro, destinavit.

XVI. His ad eum, quem optabat, finem deductis, Carolum Dyrrachinum cum conjuge Margaretha, in Italiam misit, a) specie quidem revisendæ patriæ, & ut Joannam reginam salutaret, re ipsa autem, ut, si quos per iter, non optimo in Venetos animo comparatos, reperiret, hos ad commune secum fœdus ineundum adducere conetur. Successit conatus. Ad erant non longe post a Patriarcha Aquilejensi, Cararia Paduæ domino, & Foro-Julien-sibus Legati, cum quibus Vissegradî armorum societas his conditionibus in quinquaginta annos sancita: Rex suo, & hæredum suorum nomine, ditiones sociorum contra omnes hostes, Papa, Imperatore, ac Ducibus Austriæ exceptis, tuebitur, & tuiturum se promittet: nulli ex confœderatis, si bellum moveri contingeret, pacem, vel inducias cum hoste, aliis insciis, pacisci integrum erit, si quid, quod

---

a) Litt. regis ad Jadrenses, apud Lucium Mem. iltor. pag. 303. *Cum nos serenif. Principem D. Carolum de Duracio, & inclitam D. Margaritham, ejus uxorem, versus ipsorum patriam remittere intendimus, — mandamus, quatenus — unam Galeam, ad transfretationem dispositam — promptuetis, &c. Dat. Budæ, in Dominica Ramis palmarum. 1376.*

quod ad ditionem Patriarchæ olim pertinuit, per quemcunque recuperatum fuerit, eidem bona fide reddetur; cetera cujusvis occupantis erunt: Marquardus Goritiæ Comes, alii-  
1376.

que, qui claustra, per quæ in Foro-Julium aditus est, obsepirent, vel iter copiis illuc du-  
cendis impeditum redderent, ii loco hostium habebuntur. Pactis, præter Strigoniensem, & Colocensem Archiepiscopos, reliqui quo-  
que Episcopi, & Nicolaus Gara Palatinus, cum regni Baronibus, subscribere. a)  
1377.

Jam Legatos, confirmatis pactis, ab se dimiserat, cum allato e Polonia nuncio comperit, Lithuanos in Poloniam irrupisse, & præsertim in Sandomiriensi provincia late graf-  
lari. Sine mora igitur cum parte copiarum ipse per Sanocenses alpes præit, reliquis ac-  
celerato itinere consequi iussis. Appropin-  
quanti cum Polonorum turmis, quas interea optimates, nam Episcopi suas negabant, re-  
gi conjunxerant, Kyestutus Lithuanorum Dux obviam factus, pacemque implorans, hanc,  
restitutis, quas occupaverat, arcibus, reddi-  
tisque captivis, facile impetravit. b) Pacata  
Polonia, in Hungariam reversus, & Tyrna-  
viam divertens, quo Imperatrix, & utraque  
regina advenerant, filiam Mariam Sigismun-

I 2

do

a) Tabulas exhibet Muratorius Tom. III. Anti-  
quit. Italiæ apud Pray Par. II. pag. 141.

b) Dlugoffus l. 10.

**1378.** do Imperatoris filio despondit, eumque, ut sensum moribus, & linguæ Hungariæ confuesceret, apud se retinuit. a) Insequente dein anno Heimburgi, quod altero lapide Pofonio distat, cum Leopoldo Austriæ duce congressus, dotem ducentorum millium florenorum, quam filiæ Hedvigi, Vilhelmo Leopoldi filio desponsæ, jam prius constituerat, nova pactione firmavit, centum millibus, Leopoldus enim trecenta se daturum sponponderat, amicitiae causa condonatis. Solutio autem dotis a festo Sancti Georgii in quinquennium prorogata est, & cautio de redditibus viginti millium ab utroque in suis ditionibus præstita; adjecta tamen hac conditione: ut, si inito matrimonio nullam prolem susciperent, vel alteruter conjugum obiret, superstes fructu quadraginta millium ad dies vitæ frueretur, hoc autem mortuo, viginti Leopoldo, ejusque posteris, & alia viginti millia Ludovico, & hujus hæredibus obvenirent. b)

Sub hæc Legati a Genuensibus regem convenere, cumque in armorum societatem contra Venetos invitarunt. Jam diu is alieno in illos animo erat, quod mercimonium salis Pagensis, magno ærarii detrimento, per  
Adria-

---

a) Dubravius hist. Boh. l. 22.

b) Dat. apud Hamburgum d. 15. Jan. 1378. Integras pactionum litt. vid. apud Katona. Tom. X. pag. 643.

Adriaticum vetuissent. Itaque, cum jam antea cum Paduano, & Foro-Julienſibus in hunc finem foedus pepigerit, juſſam ſibi cauſam oblatam eſſe exiſtimans, non difficilem ſe illis præbuit, præſertim, quod Anconitani quoque clam polliciti fuiſſent, ſe in partem belli venturos eſſe. Sed Veneti id, quod clam agebatur, ſuſpicati, foederatorum conatus occuparunt, & Piſanum, claſſe ſubito inſtructa, Tyrrhenum oberrare juſſerunt, qui, ſuſis Genueſium triremibus, in litus Dalmatiæ inuectus, eodem impetu, quod Banus Dalmatiæ, quamquam rogatus, ſuppeticas laborantibus ſubmittere negligeret, a) Catarum, Sibenicum, & Arbam interceptit; Tragurium & Jadræ civium virtute ſervatæ ſunt. b)

1378.

1379.

XVII. Ludovicus, cum videret belli initium parum feliciter cadere, nec conceptæ ſpei reſpondere; Carolum Dyrrachinum, qui anno priore ex Italia redierat, c) cum decem

a) Acta Capituli Jadren. apud Lucium Mem. iſtor. pag. 310. 1378. d. 11. Decembr. Thomas Dominici Syndicus Sibenici, Jadræ coram Bano Nicolao proteſtatur, Venetos Sibenicum exuſſiſſe, quia non habuerunt milites, ab eo re-quiſitos toties, ad reſiſtendum, & quod pejora timentur &c.

b) Dandulus in Chron. apud Murator. Tom. XII. Script. Ital.

c) Lucius Mem. iſtor. pag. 305.

1379. cem millibus Hungarorum delectæ militiæ in Italiam misit, ut Patriarchæ Aquilejensi, Paduano, ceterisque fœderatis conjunctus, Venetorum vim a mari in continentem averteret, ea tamen conditione prius obstrictum, ut interposita juramenti fide polliceatur, se nunquam ad Hungariæ, & Poloniæ regna aspiraturum, nec quidquam contra filiarum suarum jura moliturum esse. Qua fide promissis steterit, postea patebit. Ut in Forojulium venit, expugnatis brevi aliquot arcibus, Tarvisum obsidione cinxit, & Genuenses, reparata interim classe, Venetos insigni clade profligatos, pene ipsi urbi incluserant, qui cum se in has angustias redactos viderent, primi Ordinis viros ad Carolum miserunt, qui de pace cum illo agerent, a) sed ab hoc, quod ad hanc conficiendam nulla mandata, nec potestatem haberet, ad regem remissi sunt. Hos ille quidem liberaliter acceperat, sed condiciones hujusmodi præscripsit, ex quibus Legati intelligerent, sibi rem cum eo esse, qui fortuna armorum pro habitu temporis uti nollet.

Earum hæc summa fuit: Solemnioribus diebus erigeretur in foro sancti Marci vexillum regis; Ducem suum pro legitimo non habeant, nisi Rex electionem illius confirmasset.

---

a) Dandulus in Chron. apud Murator. Tom. cit. Script. Ital.



masset, sumtus bello impenso, quingentis aureorum millibus designato tempore rediment, interea vero thesaurus ad sanctum Marcum repositus, & pileus Ducalis in pignoris loco esset, præterea tributum quinquaginta millium aureorum, quotannis regi dependant. a) Veneti, intellecto tam duras conditiones sibi a rege dictari, mandata Legatis dedere, ut capto, ex temporis protelatione, consilio, regis animum ad mitiora sensim flectere conarentur. Favuit illis interjecta mora, cumque frequenti nunciorum ultro, citroque missitatione, Rex mitigari videretur, tractatio pacis prorogata fuit. b)

1379.

1380.

Ad cujus accelerationem Joanna Neapolitana, sive sponte sua, sive a Venetis subornata, non parum contulisse visa est, dum Ludovicum Andegavensem, Ducis Calabriæ titulo insignitum, pro filio adoptavit, hæredem-

I 4

que

- a) Sanutus, apud Murator. Tom. XXII. pag. 693. *Capitoli che volevano i inimici, mediante il Re d'Ungheria dovendo conchiudere la pace co' Veneziani.* Easdem refert Paul. Maurocenus hist. Venet. l. 14. pag. 329. Addit Kerchelics hist. Eccles. Zagrabien. pag. 137. sed non indicato, ex quo habeat, autore, etiam hanc fuisse, ut Sigilli Venetorum inscriptio, qua *se maris dominos*, dicebant, tolleretur.
- b) Dandulus in Chron. Tom. cit. pag. 449.

1380.

que regnorum suorum scripsit, jure successionis ad legitimas ejusdem proles extenso. a) Hac injuria Ludovicus graviter offensus est, præsertim, quod clausulam illam primæ institutionis, qua cautum erat, ut iis solum, qui a Carolo I. sanguinem ducerent, jus ad ea regna esset, Clemens VII. a factionis Urbano VI. oppositus Joannæ gratia, publicis litteris irritam declarasset, b) cum ceteroquin secundum illam, sibi primæ, & Carolo Dyrrachino secundæ in Siciliam deberentur. Erigebat tamen illud, quod Urbanum VI. Carolo favere intelligeret, cui ut ad consequendum regnum adjumento esset, pacem sibi necessariam esse vidit, quæ ut facilius coalesceret, arbitrium illius, Venetis quoque consentientibus, Amadæo VI. Sabaudia Ducis oblatum est. Quamquam mors quoque matris, quæ in finem hujus anni incidit, c) ne quid rerum in Polonia

---

a) Litt. adoptionis exstant apud Lunig, Cod. Dipl. Ital. Tom. II. col. 1142. *Dat. in castro nostro Ovi prope Neapolim 1380 Indict. II. d. 29. Jun.*

b) Apud eund. ibid. col. 1145. *quod præfatus sanctis. D. noster, D. Clemens Papa VII. clausulam de successionem regni Siciliæ loquentem de infeudatione facta cl. mem. D. Carolo I. — qua cavetur, quod nullus in dicto regno succedere possit, nisi sit de descendantibus a dicto D. Carolo — per suas litteras Apostolicas — re vocavit, & viribus vacuavit.*

c) Dlugossus l. 10. sed ad an. 1381.

nia, ab ejus obitu, novaretur, regem, ut pro-  
niores, quam antea, ad amplectendam pacem animo esset, permoverit. 1381.

XVIII. Cum enim Clemens VII. se rebus Polonicis ingereret, & Wladislao, Duci Cujavie, qui Casimirum tertio consanguinitatis gradu attingebat, jus in Poloniam, præ Ludovici filiabus, competere declarasset, a) veritus, ne Poloni hac declaratione in transversum agantur, Conventum illis Budam indixit, in quo habita cum iis deliberatione, & confirmatis animis, *Zavisum*, Episcopum, *Dobeslaum* Castellatum Cracoviensem, & *Sandivogium*, Calisiensem Palatinum, vicarios constituit, qui regis nomine interea rem publicam administrarent, dum pax, cujus spes proxima esset, cum Venetis stabiliatur. b) Ac in hac quidem conficienda, Dux Sabaudie omnem hactenus operam impendit, ut Legatorum opiniones conciliaret. Sed, ut fere sit, dum quisque illius, cujus personam gerit, privato commodo studet, diu, multumque tædii exhaustum ei erat, donec omnes in eandem sententiam conspirassent. Pax itaque his conditionibus confecta est. c)

Capti-

a) Katona Tom. X. pag. 697.

b) Dlugoff. l. cit.

c) Has conditiones prolixè referunt, Sanutus, apud Murator. Tom. XXII. pag. 693. & Maurocenus hist. Venet. l. 16. pag. 354.

Captivos utraque pars liberos dimittet;  
 1381. spolia bello facta, tam Veneti, quam Genu-  
 enses, retinebunt; Paduanus Venetis restituet  
*Cavarzeram*, *Moranzam*, & turrim *Curani*,  
 lis vero de limitibus inter utrosque orta, Du-  
 cis Sabaudiae, & Legati Florentinorum, arbi-  
 trio dein dirimenda servetur; Patriarcha Aqui-  
 lejensis in eundem statum, in quo ante bellum  
 erat, reponatur. Veneti per quinquennium,  
 regi septem mille aureos quotannis solvent,  
 hic vicissim salem in Dalmatia, & Slavonia  
 deinceps fieri prohibebit, juriq, quod in  
 insulam *Pagum* habet, vel habere posset, re-  
 nunciabit: a) arx *Tenedus*, de qua mercimo-  
 nii causa, inter Venetos, & Genuenses, diu-  
 turna controversia erat, donec, ad utros per-  
 tineat, decernatur, in fide Ducis Sabaudiae  
 manebit, praesidiarios tamen utrique suo aere  
 alent: ad tollendam autem inter utrosque dis-  
 fidiorum causam, neutris mercatum ad *Ta-*  
*naim* exercere, fas erit; denique ad pacem  
 in solidum firmandam, Veneti, & Genuenses  
 vicissim sibi obsides dabunt, Florentini vero  
 cau-

a) Maurocenus l. cit. *Che Venetiani dassero per*  
*cinque anni sette mille ducati all' anno al Re*  
*d' Ongaria, & elli all' incontro fusse obligato*  
*non permetten che fussero fatti sali nella Dal-*  
*matia, nè in Schiavonia, e rinonciasse ognè*  
*ragione (che) haveffe, ò potesse havere nell'*  
*isola di Pago.*

cautionem pacis in se recipient. Conditiones Taurini XXIV. Augusti, & Venetiis III. Septembris promulgatæ, ac in Hungariam ab Andrea Gradonico, Dominico Trono, & Marco Zeno perlatæ sunt, qui eas a rege confirmari flagitarent. 1381.

Ludovicus iis expensis, illas, quæ de renunciatione juris in Pagum insulam, & de sale Dalmatico, ac Sclavoniæ, erant propositæ, tamquam juri suo majestatico probrosas, rejecit, a) censui autem quinquenni, septem millium aureorum, substituit, centum millia quotannis pendenda. b) Sed, cum id Legatis nimium, regi autem septem mille per quinque solum annos solvenda, parum videretur, nec belli impensas æquare, data Legatis mora est, ut nova mandata Venetiis præstolari possint, quibus acceptis, ita utrinque conventum: Rex illa, quæ Dux Sabaudix, de Patriarcha Aquilejensi, Paduano, & Genuensibus constituerat, rata habuit, de centum autem aureorum millibus statuit, ut Veneti quidem

---

a) Cameras enim salium etiam postea existisse in Dalmatia, docent litt. Elisabethæ reginæ ad Traguriem, dat. Jadræ 1383. apud Lucium Mem. istor. pag. 327.

b) Sanutus apud Murator. Tom. cit. pag. 693.  
*e come altrove ho veduto, i nostri erano contenti di darli al Re d' Ungheria, e darli ogni anno ducati centomila.*

dem hæc regi se debere agnoscant, sed de  
 1381. his censum dumtaxat septem mille aureos ei-  
 dem, & successoribus Hungariæ regibus, in  
 festo Divi Stephani regis, quotannis persol-  
 vant. a) Mitigatis in hunc modum conditio-  
 nibus, juramentum ab utraque parte de iis  
 bona fide servandis præstitum est, additumque,  
 ut idem deinceps tam reges Hungariæ, quam  
 Venetorum Duces, quotannis innovent. b)

In-

a) Hæc septem millium pensitatio durabat etiam  
 sub rege Sigismundo, ut patet ex Hist. génér.  
 & particul. de Bourgogne &c. à Dyon, 1748.  
 pag. 185. Chambre des comptes de Dyon, N.  
 182. Exstant in hac litt. Joannis primogeniti  
 Burgundiæ Ducis, & in his sequentia: *potesta-*  
*tem ipsis (quos Venetias miserat) & cuilibet*  
*eorum concedens, emendi, aquirendi, — a*  
*sereniss. Principe & D. D. Sigismundo, Dei*  
*gratia Hung. Dalm. & Croat. rege inclyto,*  
*& consanguineo nostro, & a corona regni*  
*Hung. habentibus mandatum legitimum — a di-*  
*cto D. rege — censum, se Datiam 7000. flor.*  
*omni an. & præcipue in festo S. Stephani, cu-*  
*juslibet anni debitum eidem regi — & coronæ*  
*regiæ, per Ducale dominium Venetorum, —*  
*census & annui redditus pro summa 100000.*  
*flor. auri, &c. Dat. Trevise d. 15. Jan.*  
 1397. Pactionem hanc consensu utriusque  
 partis revocatam fuisse, nusquam hactenus re-  
 peri.

b) Danduli continuat. apud Murator. Tom. XII.  
 pag. 467. Juxta formam pacis, illustr. D.

Dux

Interea vero, dum de concilianda cum Venetis pace agebatur, Carolus Dyrrachinus Romam profectus, feudum regni Siciliae ab Urbano VI. impetravit, praestititque juramentum fidelitatis, id inter cetera etiam pollicitus, se nunquam procuraturum, ut in Imperatorem, regemque Germaniae, vel dominum Lombardiae, aut Tusciae eligeretur, quod si ipse, vel posterius ejus promissis non starent, tum ipse ejusque haeredes, nisi admoniti, intra quatuor menses electioni renunciant, omni jure in Siciliam, & provincias ei adnexas, tam ipse, quam ejus haeredes, privati censeantur, cetera, regnum iisdem, quibus Carolo I. olim collatum erat, conditionibus, & jure successionis ad legitimos utriusque sexus liberos traducto possideret. a) Carolus data fide se omnia servaturum, Roma cum Hungaris, quibus se Itali quoque per iter conjunxerant, digressus, recta Neapolim contendit & Ottonem Bavarum, Joannae maritum, copias ausum opponere, vicit, cepitque, mox a civibus in urbem inductus, Joan-

---

*Dux cum suis Consiliariis, in manibus venerab. Ambasciatorum regiae, subsequenter sereniss. D. Rex, in manibus eorum Ambasciatorum — eam perpetuo observare solemniter juraverunt. Hoc equidem juramentum per singulos ipsarum partium successores, debet perpetuo innovari.*

a) Lunig Cod. dipl. Ital. Tom. II. col. 1147 & 1150.

1381.

Joannam, quæ se in arcem subduxerat, ad deditionem compulſit, a) remque feliciter a se geſtam Ludovico ſignificavit, obteſtatus, ut, cum præcipuus ſibi ad adipiſcendum regnum auctor exiſtiſſet, ſe in eo etiam conſervando adjutum iret.

1382.

XIX. Re enim vera non temnendum hoſtem in Andegavenſi nactus erat, cui Clementis VII. ut Urbano VI. & Carolo ægre fa- ceret, novum ab ſe excogitatum regnum Adriæ, quod bonam partem terrarum ſtatus Pontificii complectebatur, in morem feudi contulit. b) Andegavenſis favore Clementis ſubnixus, cum exercitu Picenum, & Marſorum regionem emenſus, cum Neapolim deſtinare ferebatur, Carolus ſuppetias, ad eum reprimendum, ex Hungaria ſlagitavit, quæ ut tempori adeſſent, regina, Ludovicus enim aberat, datis ad Dalmatiæ, & Croatiæ Banum litteris, naves, & militem in promptu haberi juſſit, c) quæ mandata Ludovicus brevi poſt, ad eundem Banum, & urbes Dalmaticas repetiit, diſerte imperans, ut Carolo contra Andegavenſem, terra, marique, omnibus viribus aſſiſterent. Interea Carolus, Andegavenſi moras neſtente, prius quam armis fortunam experiretur, & ſuppetiæ ex Hungaria

---

a) Collenutiſ hiſt. Neapol. l. 5.

b) Lunig, Tom. cit. col. 1167.

c) Lucius de regno Dalm. l. 5. c. 1.



garia adessent, illum legatione tentandum  
 censuit, utrum pactis conventis eum ab Italia  
 avertere posset. Vix Legatus, cujus rei cau-  
 sa venisset, exposuerat, cum illum contra da-  
 tam fidem necari iussit, qua perfidia Carolus  
 irritatus, vecordem ad singulare certamen,  
 quo lis de jure utriusque in Siciliam decer-  
 neretur, per litteras, ut condicto loco adef-  
 set, provocavit, a) verum is comperto, Joan-  
 nam eodem mortis genere, quo illa maritum  
 olim sustulit, eodemque loco affectam esse,  
 b) responsum in mensem Novembrem distu-  
 lit, c) & in Anconitanum agrum copias tra-  
 ducens, post mulctatos magna æris summa  
 cives, iter Neapolim instituit, quod Anconi-  
 tani ad Jadrenses, & hi ad regem perscripse-  
 re, magnopere veriti, ne Caroli res, licet  
 Banus Dalmatiæ cum copiis Barolum jam ap-  
 plicuisset, in summum discrimen adducantur. d)

Ludovicus toto fere eo tempore, quo  
 æmuli de Sicilia inter se contendebant, Zolii  
 cum Polonis, quamquam jam corpore æger,  
 de successore agebat. Vi pactorum quidem  
 in ejus arbitrato erat, utram ex filiabus  
 eis vellet præficere, parumque aberat, quin  
 primum Hedvigem destinaret, sed cum Wil-  
 helmus

a) Lunig, Tom. cit. col. 1182.

b) Scipio Mazzella in vit. regum Neap. pag. 157.

c) Lunig, Tom. cit. col. 1183.

d) Lucius cit. l. & c.

**1382.** helmus ejus sponsus vix earum opum esset; ut regnum contra Lithuanos, & intestinas factiones, quarum non obscura indicia erant, satis tueri posse videretur, Sigismundum Mariæ sponsum eis proposuit, ita futurum, ut Polonia Hungariæ conjuncta, ob viciniam mutuum sibi semper auxilium ferre possint. Hac ratione usus, tandem persuasit, ut Sigismundo fidelitatis sacramentum, licet non sine difficultate, dicerent, quo præstito, copiis Hungaricis instructum, & curæ Gnesnensis Archiepiscopi, & Sandivogii commissum, pro capeffendo regno, & ad redigendos in ordinem refractarios, in Poloniam misit, a) ipse Tyrnaviam, ex morbo jam graviter languens, profectus, XI. Septembris ibidem obiit ætatis sexto, ac quinquagesimo, postquam quadraginta annos regnasset Corpus XVI. ejusdem mensis Albam delatum, & in sacello, quod Basilicæ adstruxerat, suoque funeri vivus destinavit, magno omnium luctu conditum est. b)

XX. Rex consensione omnium, & sine invidia cognomen *Magni* adeptus, fines regni a mari Adriatico ad Balthicum protulit: scientiæ

---

a) Dlugossus l. 10.

b) In die emortuali scriptores variant. Memoriale Pauli de Paulo apud Lucium diem 12. & Calendar. Missalis Strigonien. an. 1501. diem 10 alii 11. statuunt.

entiæ pollicites, ac militaris perinde gnarus, 1382.  
quarum usu suos tam obeundis ad exteros  
Legationibus, quam tractationi armorum,  
& disciplinæ ad artem excultæ, idoneos red-  
didit: juris regii, regnique ex æquo tenax.  
Nobilium animos ea dexteritate, quo vellet,  
flectendi præditus, ut, tametsi non raro ex-  
traordinaria onera imponeret, tamen, cum  
necessitas boni communis, regni honor, &  
gentis fama poscebat, semper, obsequentes  
haberet. Nec minor illi colonorum, qui  
quoddam quasi rei publicæ cornucopiæ sunt,  
cura erat, quos a mancipatu, non invitis re-  
gni Ordinibus, liberos, non tamen dominos,  
esse voluit. Sed iræ non nunquam, insuper  
etiam habita conditionis, & status ratione,  
præcipitis, idem tamen, cognita veritate,  
vindex injuriæ, & innocentiae defensor. a) Ce-  
terum,

a) Id patuit, primum in Carolo Dyrrachino se-  
niore, quem, etsi is in auctores cædis Andreae,  
fratris Ludovici, quæstiones exercuerit, &  
quosdam ex his, invita etiam Joanna regina,  
pœnis affecerit, tamen morti, non auditum,  
nec convictum addixit, postea tamen, ubi ve-  
ritas patuit, Carolo ejus filio ad consequen-  
dum regnum Neapolitanum, auctor & adju-  
tor fuit. Dein in Stephano Zagrabien, Episco-  
po, quem ad falsas criminationes Nicolai  
Konth Palatini, primum carceri includi,

K

dein

1382. ~~\_\_\_\_\_~~ terum, id ei ante omnia semper cordi fuit, ut nullam occasionem, qua regno, suisque commodum aliquod posset accedere, sibi præterlabi sineret. Si vitam porro produxisset, dubium non est, quin, quod constitutum habebat, & ad id tempus Hungariæ defuit, post recuperatam Dalmatiam, opportunitate maris, ad instituenda mercimonia usus fuerit. Huc ipsa, quam postremum cum Venetis iniit, pax spectabat. Nec enim frustra per Legatos suos, apud Sabaudicæ Ducem, cui concordie arbitrium erat commissum, id agere visus est, ut Genuensibus, sed præcipue Venetis, qui ea ætate ex Europæis fere soli, ex mercimoniis ad eam potentiam evaserant, ut sibi dominium maris Adriatici arrogarent, a) deinceps facultas ad Tanaim mercandi veta-

---

dein exulare iussit, postremum declarata ejus innocentia, rursus illum sedi suæ restituit. Vid. Pray Hierarch. Part. II. pag. 546.

- a) Id tamen an. 1509. d. 18. Apr. pace cum Julio II. Pont. inita ejurarunt, ut refert Onuphr. Panvinus in vita Julii II. *ictoque subinde fœdere, quo illi maris imperium ejurabant, — in amicitiam, fidentque recepit.* Cum sibi tamen custodiam maris arrogare pergerent, huic quoque, ut Raynald ad an. 1510. refert, *specialiter, & expresse renunciarunt.* In desponsationem maris, quam quotannis, injecto annulo,

vetaretur, quo facilius Dalmatiæ possessio-  
nem posteris suis firmaret, ex qua, post clas- 1382.  
sem jam comparatam, & renunciatum Præ-  
fectum maritimum, a) quod ipsa rerum ex  
ditionibus hæreditariis convehendarum vici-  
nia, & ubertas, velut præ manibus esset,  
mercimonium in orientem propagandum fa-  
cile institui poterat, si aut ipse, in Polonia,  
& regno Neapolitano, asserendis minus in  
partes distractus, aut successores illius, inte-  
stinis factionibus impediti, magis in occultos  
Venetorum, qui Dalmatiæ semper inhiabant,  
conatus intenti esse potuissent.

K 2

MA.

nulo, celebrant, Ludov. Helianus in oratione  
ad Maximilianum I. Cæs. ita ludit. *Mare,*  
*quod omnibus gentibus commune esse debet,*  
*suum dicunt. Et sive mariti Thetydis sint,*  
*sive uxores Neptuni sint, singulis annis illud*  
*desponsavere annulo injecto. Arrogantiam in-*  
*auditam, elementa desponsare!*

n) Lucius Mem. istor. pag. 327. ad an. 1383.  
exhibet litt. reginæ inscriptas: *D. Simoni de*  
*Auria de Janua Admirato nostro.*

---

## M A R I A I.

*Ab Anno 1382. — 1386.*

**I.** Altera die, a condito funere, patri jure genituræ successit. a) Tribuit hoc Natio, quæ hactenus nulli feminæ paruit, Ludovici meritis, Polonorum exemplo adducta, ac idcirco a coronatione peracta, regem malebat, quam reginam, appellare, b) ut non tam feminæ, quam viro, parere viderentur, tametsi postea non paucos hujus imperii tæderet. Cum teneræ adhuc ætatis, nec ferendo tot regnorum oneri par esset, mater, quæ jam sub Ludovico regni negotia, illo absente, curabat, filiæ, & suo nomine, ex Ordinum consensu, rem publicam curandam accepit, Nicolao Gara Palatino in consiliorum commu-

---

a) Id Decret. Cod. jur. patrii, an. 1384. aperte testatur.

b) In litt. & Sigillis quidem *regina* vocatur, Natio autem appellabat illam regem, teste Laur. de Monacis, qui apud eam legatione fungebatur, in miserab. carmine,

Hanc regem appellant animis concordibus omnes

Regnicolæ, illustrent hoc regis nomine sexum. Et ipsa regina in litt. an. 1383. fatetur, se, *uti filium masculinum patri successisse.*

munionem adscito. Ita se initia domi pacate dabant. Foris alia facies. Jadrenses quidem, ut regis mortem rescivere, confestim per Legatos suos fidelitatem utrique reginæ sponderant, quæ Joannem Bissenum, ut reliquas quoque urbes in fide confirmaret, in Dalmatiam accelerare iusserunt. At in Bosnia Tvartkus, qui Ludovici beneficio regis titulum adeptus erat, contempto feminarum regimine, Chelmensem Comitatum, sibi antea a rege ademptum, vi occupavit, nec satis secundæ res e Polonia afferebantur. Sigismundus juvenili impetu abreptus, plerosque Optimatum adeo offenderat, ut coitione inter se facta, de eo exauctorando, & Hedvige Semovito Mazoviæ Duci locanda, deliberarent.

a) Præfecti quoque Rursiæ, b) arcus, quibus præerant, & inter has *Camienecum*, Duci Lithuaniæ *Liubarta*, accepta auri, argenti que copia, vendiderant, quos Elisabetha in Hungariam accersitos ob perfidiam, partim

K 3

in

---

a) Lucius de regn. Dalm. l. 5. c. 2. Dlugos. l. 10. Paulus de Paulo script. rer. Hung. Tom. III. pag. 724.

b) Hoc nomine Lodomeria, & Halicia veniunt, quibus hoc an. præerat Joan. *Desçu*, ut habent litt. Elisabethæ an. 1382. d. 5. Nov. sed ad hunc, qui reliquis etiam annis magistratus in Hung. gessit, crimen perfidiæ non pertinuit, verum ad illos, qui sub eo arcibus præerant.

in carcerem coniecit, partim morte mulcavit, totique eorum stirpi perpetuam infamiae notam inussit. a)

1383.

Hæc importuno tempore adhibita severitas, quoniam consilio Palatini, quasi is cæsorum bonis inhiaret, patratam fuisse existimabant, huic odium conscivit, & multorum animos a regina avertit. Mali contagio brevi in Croatiam, & Dalmatiam propagata est, & paulatim futuræ seditioni occasionem præbuit. Caput hujus erat Joannes de Palisna, a rege paulo ante obitum Prior Auranæ renunciatus. Huic se sensim socios junxerant, Paulus Zagrabienfis Episcopus, hujusque fratres, Joannes, & Ladislaus Horváthii, b) quos Ludovicus olim ex humili loco ad dignitates evexerat. Hæc quidem clanculum in Croatia cudebantur, magis vero aperte in Polonia. Ex conventu *Siradiam* indicto, Legati ad reginam venere, qui Hedvigem ad capeffendum regnum flagitabant. Postulata autem erant tam nervose proposita, ut ea negare, non satis consultum videretur. Cessit igitur Elifabetha, & Nicolao Vesprimienfi Episcopo, additis eidem duobus collegis, *Siradiam* misso, in mandatis dedit, ut, si commode fieri posset, aliam Polonis mentem in-

gere-

---

a) Dlugosz. l. cit.

b) Id patet ex litt. Alberti regis, an. 1438. apud Pray, Dissert. de Prioratu Auranæ pag. 27.



gereret, An contra, eosdem a præsito Mariæ & Sigismundo, fidelitatis juramento absolvet, spemque faceret, Hedvigem proxime adfuturam, modo peracta coronatione eam, donec adolesceret, redire ad matrem patere-  
rentur, a)

Dimisso Cassovia, ibi enim tunc agebat, cum his mandatis Episcopo, ipsa in Dalmatiam, quo jam ante Nicolaum Præpositum Poseganum cum Detrico Bubek, ad res Jadrensiū componendas præsiserat, cum utraque filia, profecta est. Adventu suo castrum Auranz in fidem recepit, Joanne de Palisna exauctorato, atque hoc præcipiti facto, novos homini ad seditionem maturandam stimulos subjecit. Morantem adhuc in Dalmatia, Sandivogius e Polonia convenit, orabatque communi Ordinum nomine, ut, promissi memor, Hedvigem in Poloniam mitteret, cumque illa dictis ejus ægre fidem se habere simularet, nobilissimos juvenes, quos in comitatu habuerat, obsides in Hungaria mansuros promisit, modo ne Polonorum vota porro differret. Verum illa rursus simulatione usa, clam ad Castellānum Sandomiriensem mandata misit, ut arcem Cracoviensem, hæc curæ Sandiyogii credita erat, fidei Hungarorum traderet, quo ille comperto, celerrimis itineribus nuncios prævertit doli indignitate vehem.

K 4

men.

---

a) Dlugosz, l. cit. -

**1383.** **menter commotus.** Elisabetha cognito hominis repentino habitu, obsides, parum futuri provida, in carcerem conjici jussit, &, ne profugus aliquid propterea apud Polonos moliretur, Janusio Mazoviæ Duci stipendium annuum, bis mille, & quadringentis auri florenis auxit, a) minime dubitans, hunc, si quid Sandivogius moveret, præ ceteris idoneum esse, qui conatum illius reprimeret.

**1384.** **II.** Verum, ut in Hungariam reversa est, spe sua magnopere se delusam vidit. Poloni Sandivogii querelis, & Elisabethæ dicteris, quæ sibi incauta excidere passa erat, offensi, extrema periclitari constituerant, missoque ad illam nuncio declararunt, nisi Hedvigem ad octavam diem Maji in Poloniam mitteret, se de deligendo rege deliberaturos esse. Illiberali hoc nuncio commota, Sigismundum milite, & ære instructum, in Poloniam proficisci jussit, qui cum Sandecium pervenisset, nuncios obviam habuit, qui, ne ultra progrediretur, regni nomine vetuerant, si faceret, pro hoste habitum iri. Hæc denunciatione territus, substitit, aliquot primi ordinis viros, cum quibus aliqua conferre cupiat, ad se mitti petiit. Missus est inter reliquos etiam Sandivogius, cui spem fecerat, si adventus Hedvigis ad diem Pentecostes differri posset, obsides liberos dimittendos

a) Dlugos, I, cit. Katona Tom. XI. pag. 52.

dos esse, quod cum ille ad ceteros referret, 1384.  
neminem, qui consentiret, reperit, quin tam  
diu se a femina circumduci graviter ferentes,  
a misitatione nunciorum deinceps abstinendum censuere. Sandivogius videns, rem huc  
rediisse in Hungariam profectus, in quo discrimine Poloniae status esset, Elisabetham  
admonuit, orabatque, ne porro se duram  
præberet. Visa est flecti, &, dimissis obli-  
dibus, quamprimum per regni negotia lice-  
rit, se votis Polonorum satisfacturam promi-  
sit. a) Ita periculo, quod inde imminebat,  
utrumque consultum videbatur.

Non item in Croatia, & Dalmatia. Mali  
causa domi latebat. Nicolaus Gara Palati-  
nus, reginarum benevolentia abusus, regiam  
pene potestatem exercebat, dignitates, qui-  
bus volebat, sæpe non optime meritis, con-  
ferre solitus. Inde ei cum Ladislao Opolien-  
si Duce simultas intercessit, quæ etsi quidem  
interventione aliorum sublata fuerit, valuit  
tamen exemplum ad illos, qui a Palatino  
offensi, conjurationem in Croatia clam in-  
struebant. Joannes Palisna, illo autore, se  
nuper exauctoratum, ratus, ad Tvardkum  
Bosniæ regem confugit, Horváthii uterque  
jam ante cum eo consilia conferebant, nuta-  
bat quoque in Dalmatia Laczkovichus, quod  
Templino de S. Georgio locum cedere de-  
buerit,

---

a) Dlugoss. ibid.

**1384.** buerit, cumque hic post aditum magistratum, aliquot conjuratorum socios, quos Jadræ reppererat, supplicio affecisset, ad factiosos aperte secessit. Elisabetha, ne malum ad alios quoque serperet, consortium illius, sociorumque gravissime vetuit, a) ignara, contagionem ad Hungariam quoque jam pertigisse, cujus indicia cum non obscure se haberent, adhibito in consilium Palatino, suavit filiae, ut Nobilium immunitates secundum regni consuetudinem, quod hactenus intermissum, & plerisque offendiculo erat, confirmaret. Fecit, quod mater suaserat, & Decretum Andree II. de prærogativis Nobilium, ad morem patris sui Ludovici, ratum habuit. b)

**1385.** Hoc modo seditionis, quæ ad paucos in Hungaria pertinuit, occasio, videbatur sublata esse. Ne autem Polonos quoque ob negatam toties Hedvigem, res novas moliendi cupido incesceret, filiam tandem dimittere constituit, & Leopoldum Austriæ Ducem de suo proposito edocuit. Ille pactorum memor, vidensque filio suo per Hedvigem regnum parari, Budam properans, sponsonem matrimonii, auctore Ludovico rege, inter Hedvigem,

a) Paulus de Paulo Tom III. script. rer. Hung. pag. 725. Litt. composition. Vid. apud Katona Tom. cit. pag. 77.

b) Exstat Decret. in Cod. jur. patr. Tom. I. pag. 171.

gem, & Wilhelmum filium suum initam, rursus consentiente regina, & sponsa, editis literis confirmavit, pollicitus, ut primum Hedvigis filio suo conjuncta fuerit, se stipulata olim ducenta florenorum millia numeraturum, facturumque, ut a suo obitu filius æquam

1385.

ditionum partem, cum fratribus obtineat. a) Sed hanc utriusque sponsi spem Poloni interverterant, qui quidem, nulla mora interposita, Hedvigem, ut a Demetrio Archiepiscopo Strigoniensi, magno Procerum comitatu stipata, in Poloniam adducta est, a Gnesnensi Archiepiscopo coronari, sed curam, & administrationem regni, tamdiu solum ei creditam voluere, donec de marito ei jungendo decernerent. b) Nec enim priore matrimonii sponsione, qua Wilhelmo obstricta erat, quod se inconsultis esset inita, se teneri existimabant, & ipsa Poloniæ, quam Lithuani crebro infestabant, ratio videbatur poscere, ut, præ Austriaco, Ducem Lithuanie, qui honestissimas condiciones proposuerat, reginæ conjugem darent, ita futurum, ut illi ex hostibus amici fierent, & Lithuania Poloniæ semper conjuncta maneret. Hac ratione Elisabetha, dum Polonos a fidelitatis jura-

---

a) Confirmationis pacta exstant in Cuspiniani Austria, pag 644. & apud Pray Part. II, pag. 174.

b) Dlugosz. I, cit.

juramento, quod Mariæ, & Sigismundo præ-  
 1385. stiterant, præpropere usa consilio, absolvit,  
 simul Caroli regis conatus, Poloniæ causa ad-  
 hibitos, & destinationem Ludovici, qui illam  
 ab Hungaria nunquam separari cupiebat,  
 feminea imbecillitate intervertit.

Dimissa in Poloniam Hedvige, nihil inde  
 jam metuendum erat, sed ex Croatia utrique  
 reginæ eo gravius periculum incubuit, quo  
 magis occulte struebatur. Paulus Zagrabien-  
 sis Episcopus, qui cum Palisna crebro  
 alias consilia sua conferebat, religionis præ-  
 textu, Romanum iter simulans, in Siciliam  
 ad Carolum regem, quo jam aliquot ex con-  
 juratis præcesserant, profectus est, ut eum ad  
 occupandam Hungariam sollicitaret. Sed is  
 datæ olim Ludovico fidei, &, quæ ab Elisa-  
 betha acceperat, beneficiorum memor, ad  
 hæc precibus conjugis suæ permotus, nec  
 satis eorum, a quibus invitabatur, constan-  
 tiæ fidens, abnuit primum, mox tamen, cum  
 a Joanne Sclavoniæ Bano, ope Tragurino-  
 rum, litteras, quibus idem sibi suadebatur,  
 a) accepisset, Zagrabienfis Episcopi, parum  
 de

---

a) *Joannes Banus totius Sclav. communitati de  
 Tragurio salutem. Requiritur vos diligenter,  
 quatenus litt. nostras D. regi Carulo destinan-  
 das per unum ex vobis virum eidem.—transmit-  
 tatis &c. Dat. Zagrab. in quindena S. Michaelis.  
 1385. apud Lucium Mem. istor. pag 328.*

de ordinis sui dignitate, quod Carolus a Pontifice sacris interdictus esset, solliciti, importunitate victus, consensit, & constitutis domi adversus suum æmulum, Ludovicum Andegavensem, rebus, Segniam appulit. Hinc Zagrabiam progressus, conjuratos, qui ad elevandam apud vulgum invidiam, illum regni Gubernatorem appellabant, copiis instructos reperit, quibus sensim, ut propius Budam movit, aliæ, atque aliæ se adjunxerant, ut numero justum prope exercitum conficerent. Elisabetha adventu illius perculsa, matrimonium filiæ, quod hactenus, ut sola regnaret, distulit, accelerati, & hoc ex ritu Ecclesiæ celebrato, generum confestim in Bohemiam, auxilia adversus conjuratos allaturum, properare jussit, simul appropinquanti Carolo nuncios obviam misit, percontatum, hostisne cum tantis copiis, an amictis veniret? cumque amicū se venire, & post composita dissidia, Neapolim rediturum, nunciasset, venientem utraque regina, qua subito fieri poterat, pompa accepit, utque in palatium regium diverteret, orabant, quod ille decoris, & in reginas observantiæ, causa, ut præferbat, renuit, re ipsa autem, ut consilia cum conjuratis, eo magis inobservatus, conferre possit. Non diu tamen simulatio tenuit. Paulo enim post, habita cum suis deliberatione, reginis nunciari jussit, se communi Nationis consensu regem esse electum, proin-

**1385.** consultum illis velle, ut se regno sponte abdicent, ne quid se indignum, si tergiverfentur, plebs in illas committat, ita regiæ dignitatis rationem habitum iri. Maria, quæ se a summo fastigio ad communem conditionem repente dejici vidit, in lacrimas effusa, id unum orabat, ut sibi conjugem, in Bohemiam sequi liceat, verum mater ad simulationem magis comparata, Carolum exemplo adiit, eique, summa rerum tradita, id faustum, felixque illi precata est. Hoc conjurati, ut perfidiam boni publici larva tegerent, exspectabant, Carolo, per urbis vicis, regē tumultuarie declarato. a)

**1386.** III. Cum rei hucusque perductæ felix exitus in celeritate consisteret, Albam sine mora properatum est. Sed illud improvide a Carolo factum, quod utramque reginam in comitatu adesse voluerit, quarum jam in ipso itinere, cum illas, velut captivas, in triumphum duci viderent, commiseratio tetigit, & cum Albensē Ecclesiam ingressæ, ad tumulum Ludovici constitissent, in ploratus, & lamenta effusæ, a pompa coronationis, omnium animos, & oculos averterent, ac multos facti poenitudo subiret, nec coronatio, ea, qua alias solebat, populi lætitia, & acclamatione perageretur. Id non opti-

---

a) Chron. Par. III c. 2. — 6. Et Laurent. de Monacis carmen, de casu illustrium reginar.



optimum usurpatori auspiciū erat. Elisabetha, postquam cum filia Budam rediit, 1386. vindictam ex Carolo sumere constituerat. Re cum Palatino communicata, visum est, ut ia simulato ad filiæ nuptias itinere, equites pro more paratos habeat, facinoris autem, quod meditabatur, exequendi cura Forgacſio data est. His inter se statutis, Carolum ad se venire rogat, ut de litteris, quas se a Sigismundo accepisse præferebat, cum eo rei publicæ causa, deliberaret. Ille prope vesperam, paucis Italis comitatus, adfuit, cumque in consultando tempus producitur, illi tædio capti discedunt, & Forgacſius, accepto signo, nihil moratus, hospitem nil tale opinantem, gravi vulnere, quod a fronte ad oculum hiabat, ense perculit, mox Palatini milites portas occupant, Italos concubia nocte interimunt, &, ubi illuxit, quosunque ex conjuratis nancisci poterant, neci dedunt, Croatæ Horvathii ductu, per portam Sabbathi, nunc Viennensem, vi facta, ægre periculum evasere. Carolus, post tricesimum, quam coronatus erat, diem, Willegradum ductus, seu ex veneno, seu potius ex neglecta studiose vulneris cura, diem obiit. a)

Hæc

---

a) Chron. Part. III. c. 3. Laurent. de Monacis I. cit. Confer Mariæ reginæ litt. an. 1386. apud Pray, Dissert. de Prioratu Auranzæ pag. 23.

**1386.** Hæc erat rerum in Hungaria facies, cum Sigismundus collectis in Bohemia auxiliariis copiis Jaurino appropinquans, ibidem, & stipendiorum defectu, & ob litem, quæ ei cum Jodoco, & Procopio Marchionibus Moraviæ, ob fundos inter Vagum, & Danubium obæratos, intercessit, adhærere coactus est. a) Elisabetha interim a Polonis auxilia sperabat. Non erat illa clam, quantopere illi ab ineundo inter Hedvigem, & Wilhelmum matrimonio abhorreant, & in Jagellonem Lithuanix Ducem, quod is se sacra Christiana amplexurum, & Lithuaniam Poloniæ adjuncturum polliceretur, propensi essent. Cum igitur ex temporis ratione videret, hunc, præ Wilhelmo, sibi contra molitiones conjuratorum, auxilio esse posse, irritata priori sponsione matrimonii, etsi perinvitam, Jagelloni, cui post susceptum baptismum nomen Wladislai inditum, conjugem dedit, eique in filium dein adoptato, vicissim, si res posceret, subsidio se affuturam promisit, licet ipsa domi satis negotii, ad reducendam quietem publicam haberet. b)

Un.

a) Balbinus hist. Miscell. Dec. 1. l. 8.

b) Dogiel cod. Dipl. Tom. I. Part. I. apud Kationa hist. Tom. XI. pag. 161: Cod. jur. patr. Carolum, *Interregem* vocat, Dalmatarum monum. eum nuspiam regem dicunt. Hæc mihi ratio

Undique enim nuncii advenerant, conjuratos, qui e nuperna Budensi cæde evaserant, omnia miscere, & adscito in societatem Tvartko, Bosnensium rege, vires resumere. Palatinus, qui ad eos comprimendos, maximam partem ex suis familiaribus, militiam collegerat, improvido plane consilio ductus, autor reginis fuit, ut secum proficiscerentur, ratus, earum præsentia refractarios facile ad obsequium reduci posse. Cum assentiri viderentur, iter in Sclavoniam, in qua, quod amplissimos ibi fundos possideret, nihil periculi esse putabatur, institutum. Conjurati de itineris ratione edocti, conflata tumultuaria manu, delectoque ad Garam, quo via ducebat, apto insidiis loco, in appropinquantes improvise erumpunt. Palatinus viso periculo confestim equo desiliens, currum reginarum fortiter tuebatur, facileque cum suis nefariam hominum colluviem superaturus erat, nisi Croata currui subrepens, pedibus a tergo succulsis, pugnantem humi prostravisset; ita jacentem Horvathus necari iussit, ceteri aut cæsi, aut capti Posegam, & in vicina castra distributi sunt. Reginæ non habita sexus, & regii sanguinis ratione,

---

ratio fuit, cur illum, etsi coronatum, inter reges nostros non censeam, & pro usurpatore habeam.

## SIGISMUNDUS.

*Ab anno 1387. — 1437.*

1387.

I. Infelix reginarum casus magis jam diditus erat, quam ut Sigismundum, etiam absentem, latere potuerit. Itaque, cum sibi, constituto regni Hungariæ tutori, & *Capitaneo*, a) incumberet, ut turbatores rei publicæ hostes, sin aliter non posset, armis ad obsequium compelleret, ineunte anno cum parte copiarum versus Croatiam, ad conjugem liberandam contendit. b) Magis hic omnia misceri reperit, quam ut copias in tot partes prudenter dividere posset. Urbes enim Dalmaticæ in fide nutabant, Tvarthus Clissam interea occupaverat, Joannes Palisna, præterquam quod reginam arcte custoditam servaret, proventus regios usurpabat, & reliqua factionis capita, cum Zagrabiensi Episcopo in Apuliam, novas inde turbas daturi, evasere. c) Non tamen propterea spem liberandæ reginæ posuerat, quod Veneti, accepto

a) De *Tutoris*, & *Capitanei* titulis, vid. Pray, Part. II. pag. 164. item Dissert. in annal. veter. pag. 142.

b) Exstant Sigismundi litt. an. 1387. dat. in Karpioncza, apud Pray Dissert. VII. in annal. pag. 131.

c) Lucius, Mem. istor. pag. 330. & 31.

cepto de capta regina nuncio, ne in Apuliam quoque a factiosis traduceretur, immissa Adriatico classe, omnes portus Dalmatiæ interclusissent, & Novigradum, in quo regina tenebatur, Palisna quoque in eodem incluso, obsidione premerent. Itaque conjugis causa utcunque securus, ne conjurationis malum domi quoque propagaretur, in Hungariam properavit. Acceptus est communi lætitia, & omnium votis 31. Mart. ritu solito, coronatus. a)

Auctoritatem regiam cum potestate adeptus, eo majore cura rem publicam capessivit, quo plura eidem undique pericula imminebant. Factiosi in Banatu Temesiensi, & in Sirmio grassabantur, Tvarikus Spalatenses ad defectionem sollicitabat, & Petrus Moldaviæ Vajvoda aperte ad Polonos defecerat. Hæc cum ad regem crebris nunciis afferrentur, quod in subitaneo eventu fieri poterat, factiosis Nicolaum Gara, cæsi Palatini filium, opposuit, qui ejectis ex Banatu conjuratis, eadem felicitate arma in Sirmium traduxit, Spalatchses, & reliquas Dalmatiæ urbes, datis litteris, ad fidelitatem cohortatus est, sed præcipuum studium ad conjugem liberandam convertens, Alberto de Ungh, qui Joanni de Palisna in Aurani Prioratu suffectus erat,

L 3

man.

a) Długoss. l. 10. Lucius de regno Dalm. l. 5. c. 2. & Sigismundi litt. an. 1388. apud Ptay Hierarch, Hung. Par. I. pag. 109.

**1387.** mandata dedit, ut copias suas Venetis conjungeret. a) Ac hi quidem interea, Barbado duce, Novigradum acriter premebant, eoque brevi post dedito, reginam in libertatem vindicarunt. b) Beneficium a Venetis præstitum omni ex parte integrum erat futurum, si Palisnam regi tradendum servassent, nisi forte vel ille hanc conditionem pactus esset, vel illorum intererat, ut eum dimitterent, quo semper aliqui essent, qui Dalmatiam turbarent, & hac ratione sibi viam, ut ex eventu patuit, ad illam sensim recuperandam sternerent. Utcunque id fuerit, certe regina libertatem suam se Venetis debere, grato animo contestata est. c) Novigrado dimissa, Nonam,

a) Lucius de regn. Dalm. l. 5. c. 2. & Mem. istor. pag. 332. litt. Sigismundi an. 1408. apud Pray Par. II. annal. pag. 182. & Steph. de Lossenz apud eund. pag. 177. ibid. item Dogiel, Dipl. Pol. Tom. I. pag. 597. Dat. in die Translat. S. Stanislai an. 1387. memoratque, Petrum Vajvodam homagium lingua Valachica conscriptum, Wladislao, & Hedvigi, præstitisse; sed id, quod interpret deesset, a se prætermisum fuisse. Id mihi magnopere suspectum est, cum homagii hujus in confederatione an. 1389. nulla mentio fiat.

b) Paulus de Paulo, Tom. III. Script. rer. Hung. pag. 726.

c) Laurent. de Monacis in præf. ad carmen, pag. 323: ita sibi loquentem inducit: *non omittas info-*

Nonam, inde Segniam venit. Hic cum aliquamdiu moratur, ab oratoribus Venetis salutata, mox Zagrabiam profecta est, ubi Sigismundus, magno Procerum comitatu stipatus, conjugem salutavit, Budamque deduxit, ac novo quasi connubio eidem junctus, a) regnum communi potestate cum illa exorsus est, b) quod jure conjugis obtinuit. c)

## L 4

Dal-

*inferere historiae, me Venetorum auxilio, captivitatis jugo subductam, libertatem inter meos perditam, & jam deploratam, ex insperato inter Venetos invenisse, superque ipsorum armata classe, primum omnium funditus eradicata formidine, spem firmam concepisse tantarum fortunarum mearum, reliquiis omnibus praeeritae calamitatis abjectis.*

a) Lucius Mem. istor. pag. 333. ex regest. Consil. Tragur. *Largiantur ducati 10. auri, Joanni familiari D. Marchionis, mariti dominae nostrae D. Mariae reginae Vng. pro novis de consummatione matrimonii ipsorum.*

b) Conf. Notit. præv. §. 3.

c) Sigismundus in litt. 1412. diserte his verbis id testatur: *ipso domino Ludovico rege — in perennis regni patriam — translato, & — serenissima Principe D. Mariae regina, ipsius Nata in solium paternum, vero hæreditatis jure succedente, nobisque regni gubernacula adeptis &c.* Simili ratione Rex Albertus regnum adeptus

**1387.** Dalmatia interim varie agitabatur. Albertus de Ungh, castrum Auranae, quod conjurati adhuc tenebant, aggressus, obsidione quidem cinxerat, sed cum Rex Bosniæ, ad quem Horvathus, a Nicolao Gara Posegæ captus, custodis perfidia dimissus, fuga evaserat, a) copiis agro Jadrensi infusis, prædas latissime ageret, & Olztrovicza intercepta, Auranae appropinquaret, copiis inferior, Nonnam se recipere coactus erat. Tragurientes quoque partim intestinis dissidiis, partim Bosnensium incursionibus, pressi, opem a Venetis petere, eisque se dedere cogitabant, urbe adeo jam populi tumultu concitata, ut plurimum, primi etiam ordinis, civium cædes patrarentur. Rex, quem Albertus Prior Auranae de periculo defectionis admonuerat, propediem auxilia, quibus & cives ad officium revocari, & conjuratorum reliquæ penitus opprimi possint, adfutura promisit, modo ipse, ne malum ad alias etiam civitates serpat, pro ratione sui officii, diligenter ex-cubaret. b)

**1388.** II. Sed prius domi res pacandæ erant. Non paucos ex Hungaris etiam malum Croaticum

ptus est. Vid. Pray Commentat. de vet. reginas Hung. coronandi more, pag. 21.

a) Litt. Sigismundi an. 1408. apud Pray Part. II, pag. 182.

b) Lucius Mem. istor. pag. 334.



ficum afflaverat, in hos, quoniam magis 1388.  
 alieno exemplo, quam pravitate animi, peccassent, clementia potius, quam severitate, utendum censuit. Promulgata igitur amnestia, qui facti pœnitūdine ducti, redibant, in gratiam recepit, qui fidem reginis servaverunt, honoribus, & fundis, auxit, nutantes metu ad obsequium reduxit. Spalatenses, missis Budam Oratoribus, obedientiam professi sunt, multa de hostilitate regis Bosniæ, qua in tertium jam annum premerentur, questi, a) Tragurienses, quod hosti viciniore essent, ancipites hærebant, hos Sigismundus a Dionysio Dalmatiæ Bano, & Aurani Priore jussit interea observari, b) illis immunitates a Ludovico rege quondam concessas, denuo confirmavit, spe facta, cum per regni curas licuerit, se contra regem Bosniæ, qui Catarum, Almisum, & Narentæ fluminis ostia jam occupaverat, eis subsidio venturum, modo ipsi cum Scardonensibus uniti, hostis conatus tantisper morari conarentur. c) Bellum igitur, ut progressionibus Bosnensium modus poneretur, fere necessarium erat, sed, cum interregni tempore æra-

---

a) Farlati Illyr. sac. Tom. III. pag. 331. Sed exactius mandata Legationis exhibet Lucius Mem. istor. pag. 336.

b) Lucius Mem. istor. di Tragur. pag. 337.

c) Idem ibid, pag. 140.

1388.

ærarium publicum non optime constitutum fuisse videret, sumtum, ad id feliciter gerendum, defectus, regem sollicitum habebat, cui levando quoniam alia ratio non succurrebat, Marchiam Brandenburgicam Jodoco, & Procopio, patruis suis, pignori locare statuerat. Hoc regem dumtaxat morabatur, ne id, Joanne, fratre suo natu minore, cui propius in eam, quam sibi, ex sanctione paterna, jus erat, non consulto, aut invito fieret. Quare, utroque patruo, & fratre, *Schintaviam*, prope *Vagum* fluvium, ad conventum invitatis, & consentientibus, pignoris condiciones in hunc modum transegit: patrui Marchiam quidem, numerata prius regi pecunia, a) haberent, ipse autem, si Wenceslaus sine hærede moreretur, invitus ne esset, si ille fratrem minorem, præ se, regni Bohemiæ hæredem constituerit. b) Comparato in bellum necessario nervo rei gerendæ, supererat id etiam, ut cum Wladislao rege Poloniæ litem, ob Petri Moldaviensis Vajvodæ, ab Hungaris ad illum secessionem, componeret, ne sibi interea alibi occu-

---

a) Gqdofr. Hofman in append. Dipl. hist. Lusat. Tom. IV. script. Lusat. apud Pray Par. II. pag. 183. item Balbin. litt. publ. Boh. vol. I. epist. 64.

b) Script. Germ. pecuniam pignoris viginti millia grossor. Bohem. statuunt, quod pro ratione illius etiam temporis, parum est.

occupato, negotium ab illo conficeretur. Egit 1388.  
 propterea per Legatos, & induciæ, a XXIX. Septembris annuæ utriusque consensu confectæ sunt. a) Convocatis dein ad signa copiis, in Bosniam, quo conjuratorum pars se receperat, movit, expugnatisque aliquot castris, ex quibus illi prædas solebant agere, plerosque eorum interceptit. Lazarum quoque despotam Rasciæ, qui defectionem parabat, partim armorum metu, partim, agente potissimum Palatino, Nicolao Gara, illius genero, in pristina obedientia confirmavit. b) Reversus, gravissimum ex conjuratis, quos hac expeditione interceperat, supplicium fuit. c)

Parum tamen hoc severitatis exemplum, 1389.  
 quamdiu Joannes de Palisna superstes erat, ad reliquos factiosos valuit, qui tutum illis latibulum apud Bosniæ regem præstitit, & hunc, ut in Dalmatiam vim converteret, sollicitare non desinebat. Id pleræque urbes Dalmaticæ, Spalatum imprimis, Scardona, & Sibenicum, veritæ, foedus inter se ad mutuam defensionem inivere. Accessit illis sponte sua socius in Apulia Præfectus Barenfis; Tragurienses vero, qui ipsi inter se adhuc dissidebant, & Venetorum litteris, promissæ auxilio, ad defectionem sollicitabantur, nec  
 hos

a) Sommersberg. rer. Siles. Par. II. pag. 81.

b) Vid. Pray Par. II. pag. 182.

c) Kerselevich hist. Eccl. Zagrab. pag. 337.

1389. ~~hos offendere volebant, a) nec tutum arbitrabantur, ut, durante civili discordia, communem cum reliquis Dalmatiæ urbibus causam facerent, quæ ipsæ etiam viribus suis diffusæ, per oratores auxilium a rege flagitabant, si Rex Bosniæ, ut ferebatur, Dalmatiam more suo infestare pergeret. b) Sed hunc metum Amurathes, Turcarum Sultanus Rasciæ imminens, dissipavit. Tvartkus vicino periculo Bosniæ metuens, communem cum Lazaro Despota foedus iniit, junctisque viribus Amurathi obviam profecti, prælium ad Moravam annem conseruere. Victoria Lazaro, & Amurathe in pugna occumbentibus, penes Christianos fuit. c)~~

1390. Turcæ, quamquam victi, reparatis tamen brevi viribus, in Bulgariam anno infestante infusi, Danubio appropinquare conabantur. Tam vicino hoste, si id flumen in potestate haberet, Myrche Transalpinus Vavoda, sibi, suisque consulens, infcio Sigismundo, foedus cum Wladislao Polono, qui ulla regis Hungariæ mentio fieret, pepigit d) quam perfidiam, defectioni proximam, Sigis-

a) Lucius Mem. istor. pag. 343.

b) Idem ibid. pag. 345. & 346.

c) Idem de regn. Dalm. l. 5. c. 3. Litt. Sigismundi regis an. 1408. apud Pray Par. II. pag. 180

d) Dogiel Diplom. Pol. Tom. cit. pag. 590  
Dat. in Szoczov. in fest. S. Gertrudis 1390.

Sigmundus ulcisci cupidus, Vajvodæ Transilvano in mandatis dedit, ut hominem ad officium reduceret, cujus celeritate ille oppressus, foederi hanc conditionem addere coactus est, se nihil contra Hungariæ regem, ejus fiducarius esset, & ditiones ejusdem solitum esse. Sub hæc Tvardkus victoria superioris anni elatus, pluribus Dalmatiæ, & Croatiae urbibus, in fidem receptis, a) se haritimæ oræ dominum gessit, rege multiplici cura magis distracto, quam ut Dalmatis operi ferre posset. Nam & Hedvigis jus in Russiam sibi arrogabat, b) & Stephanus Moldaviæ Vajvoda, excusso jugo, Polonis se parabat adjungere. In hunc, ne Valachia eodem malo corriperetur, ipse profectus, lect in principio infidiis fere circumventus herit, prælio tamen postea fractum, ad pendendum quotannis tributum adegit. c) Similiter deinde fortuna in Turcas, qui Sirmiensem provinciam incursabant, usus, semel, iterumque clade affectos, d) ab agendis prædis aliquam-

1390.

1391.

a) Lucius Mem. istor. pag. 350 & seq.

b) Dlugoff, hist. Pol. l. 10.

c) Lucius de regn. Dalm. l. 5. c. 3. Paulus de Paulo ad an. 1390. Thurocz Chr. Par. IV. c. 9. Litt. Sigismundi an. 1393. apud Pray Dissert. 7. in annal. pag 143. Katona hist. Tom. XI. pag. pag. 293.

d) Katona hist. Tom. cit. pag. 317. & seq.

1392. quamdiu cohibuit. Spes quoque affulgebat, Bosniæ sensim ad pristinam obedientiam reducendæ, quod Joannes de Palisna, conjuratorum caput anni sequentis, XVI. Februarii, & altero post mense Rex Bosniæ XXIII. Martii obierint. a) His defunctis res conjuratorum conclamatae erant. Nam Stephanus Dabiscia, qui Tvartko successerat, in Sigismundi clientelam sponte se dedit, nec quidquam sibi cum perfidis, qui Bosnenses eodem malo fere jam afflaverant, negotii esse voluit. b) Sustentabant tamen se Joannis, defuncti de Palisna, nepotis auctoritate, qui a patris obitu titulum Prioris Auranzæ sibi arrogans, Traguriensibus immunitates confirmare ausus erat, qua temeritate non modo Dabisciam, sed Sigismundum etiam in conjuratos concitavit, qui, ut pestem hanc publicæ tranquillitatis penitus extirparet, in Bosniam properans, nefarios homines, dum securitatis causa in arcem *Dobor* confugerant, hac funditus exusta, in potestatem redegit, c) ac in Hungariam adductos, triginta & duos supplicio affici imperavit. d) Qua severitate conju-

a) Lucius Mem. illor. pag 352. & Paulus de Paulo, Script. rer. Hung. Tom. III. pag. 729.

b) Pray Par. II. pag. 187. Du Cange famil. Dalm. c. 9.

c) Litt. Sigismundi an. 1408.

d) Thurocz Chron. Par. IV. c. 7.

conjuratio quidem, quæ cædis Elifabethæ, & captivitatis Mariæ, reginarum causa erat, 1393. & regnum variis factionibus hucusque miscebat, extincta fuit; sed, cum plerique ex cæsis, plures, easque potentes familias cognitione contingerent, novæ conspirationi occasionem dedit, qua sensim in plures propagata, parum aberat, quin Rex amittendi regni periculum postea adierit.

III. Nondum tamen, quod regi pleraque hactenus ex sententia cederent, in apertum prorumpere ausi sunt, nec, si res ante tempus pateret, ullus in Bosniam receptus jam esset. Dabiscia enim cum Sigismundo novam conventionem inierat, qua Bosniam a suo obitu in illius arbitrio, & potestate, quemadmodum alias quoque sub decessoribus erat, futuram promisit. a) Transactione peracta, Hedvigem in Polonia convenit, & litem de Russia, quam illa, se absente, invaserat, amica compositione feliciter, & sine armis, diremit, b) quæ utilius contra Bajazethem, qui interea traductis in Valachiam copiis, Myrchen Vajvodam, occupata minore Nicopoli, ditione fere omni exuit, convertenda putabat. Metuendum enim erat, ne,

---

a) Pactionum tab. exhibet Lucius de regn. Dalm. l. 5. c. 3. Pray Par. II. pag. 192. & Katona hist. Tom. XI. pag. 353.

b) Dlugosz. histor. Pol. l. 10.

1395.

ne, si Turcæ ex utraque Danubii ripa firmam stationem figerent, Hungariæ aliquando exitii causa essent. Collecto itaque, quantum necesse erat, milite, sub finem hiemis in Transilvaniam movit. Brassoviæ aliquamdiu morantem, Myrche convenerat, & denuo clientelam professus, edito juramento se, & optimates suos obstrinxit, quoties Rex bellum Turcis, eorumque fœderatis, per se, aut suum Legatum moveret, toties se ipsum quoque, vel Legatum suum, cum omnibus viribus, eidem subsidio venturum, facturumque bona fide, ut Rex liberum, & securum per Valachiam commeatum habeat, ibique, quamdiu res poscet, cum suis tuto morari, & castra, ac munimenta in hostico pro se occupare possit, sin autem cum exercitu reverti velit, ipse etiam Vajvoda copias suas dimittere teneatur, iis solum retentis, quæ hostia limitibus arcendo, satis sint. Idem, si regi ex oppositu Valachiæ, in altera Danubii parte, res cum Turcis esset, constitutum, additumque, ut pro ratione belli, hac, vel illa Danubii ripa gerendi, alimenta parabili pretio redimenda, regiis copiis administret.

a) His mutuo consensu firmatis, Rex in Valachiam movens, Bajazethem adventus sui fama territum, in adversam Danubii ripam se

---

a) Pacta exhibet Pray Dissert. 7. in annal. pag.



se recipere compulit, & Nicopoli expug-  
ta, Turcas omni ea ditione exegit. a) 1395.

Recuperata Valachia, eaque Vajvodæ  
restituta, nuncium ex Hungaria accepit, con-  
jugem interea obiisse. b) Inopina mors non  
leve regno periculum conficere poterat, nisi  
id Joannes Strigoniensis Archiepiscopus, ca-  
pto ex temporis ratione consilio, avertisset.  
Vix enim fama de reginæ obitu in Polonia  
percrebuit, cum Hedvigis, ejus soror, se hæ-  
redem regni ferebat, & maritum, ad jus su-  
am aſſis persequendum concitans, cum exer-  
citu Hungariam versus contendit. Archiepisco-  
pus viso periculo, ipse quoque collectis ce-  
lerrime copiis ad regni limites constitit, &  
sive vi opus esset, sive consilio locus daretur,  
jus regis tueri parabat. Wladislaus, ut sibi  
arma opponi vidit, maluit rem pactis con-  
ventis, quam vi, experiri. Habita igitur  
cum Archiepiscopo deliberatione, captus vi-  
ri prudentia, & in tractandis animis dexte-  
ritate, cessit, & juri uxoris, hac etiam con-  
sentiente, renunciâns, exercitum reduxit. c)

Amo-

a) Litt. Sigismundi an. 1408. fer. 6. post. fest.  
Paschæ, Posonii.

b) De mortis an. vid. Pray Dissert. de S. Ladis-  
lao rege, pag. 31.

c) Litt. Sigismundi apud Koller hist. Episcop.  
Quinqueeccles. Tom. III. pag. 290. item Wa-

Amoto hoste, funus reginæ Varadinae deduxit, eique in Cathedrali Ecclesia, regio apparatu iusta persolvit. a)

1396. IV. Sigismundus e Valachia reversus, factum Archiepiscopi, ob partam Hungariæ securitatem, eo collaudato, ratum habuit, et si, quod idem de aliis provinciis, juri Hungariæ obnoxiiis, eadem opera non caverit, non sine causa, ut mox ex eventu patuit, solici-

gner Coll. Docum. I. pag. 80. apud Katona Tom. XI. pag. 385. *Ladislavus Rex Polonia cum consorte sua, nobis affinitate annexæ, regnum nostrum occupare nifus fuit, & toto nisu veluerunt potenter subintrare, nonnullis nostris fidelibus subditis sibi associante, cum suis armigeris gentibus, obviam ipsius Ladislai regis hostiliter progrediente (Archiepiscopo) & viam tutam, & suo armatorum cætu prorsus præcludente, vetante, omnesque tumultus, & erroneos insultus, & cuncta jurgia, qui & quæ prætextu obitus ipsius reginalis, & ob absentiam nostræ majestatum, intra ambitum, & in confiniis regni nostri, emergere potuissent, & oriri valuissent, penitus sua peritia, & sano dogmate, exstinguente, annotatus D. Joannes Archiepiscopus — regna nostra condigno moderamine præfulciendo, sub pacis condigna tranquillitate, indemniter — pro nostra reservavit majestate.*

a) Ibid. & litt. regis an: 1401 XIII. calend. Mart.

licitus esset. Nam Hedvigis, licet juri suo in Hungariam cesserit, non ideo tamen nullam hæreditatis partem ex provinciis Hungariæ obnoxiiis, ad se pertinere putabat. Et re ipsa, specioso hoc titulo persuasa, Vladum Vajvodam Bezarabiæ, quod illius ditio, ob maris opportunitatem Poloniæ proficua esset, jure suo in maritum transcripto, in clientelam recepit. a) Dissimulandum id Sigismundo fuit, M 2 qui

a) Dogiel Tom. I. pag. 623. *Quia pridem regnum Hungariæ ad memoratam D. Hedvigem & hæredem dicti regni Hung. unicam, & superstitem, & consequenter ad præfatum D. Wladislaum regem Pol. conthoralem ipsius jure hæreditario esse comperimus devolutum, pro ut hoc ipsam in litteris dicti Ludovici regis, & regnicolarum Hung. & Pol. regnorum prædictorum, intelleximus fuisse, & esse conditionatum &c. Dat. in oppido Argisch, ipso die sanctæ, & individue Trinitatis, A. D. 1396.* Hæc Vladus. Vereor, ut Dogiel rite legerit, Bezarabiam, & forte rescribendum sit Bazaraba, quod Vajvodis Valachiæ agnomen fere erat commune. Si ita, oportuit Myrchen, de quo priore anno actum, vel sede motum, vel obiisse. Quod de jure Hedvigis in eas ditiones assertur, valde suspectum est, cum Vajvoda solum fateatur, se intellexisse, id in Ludovici litteris contineri, quæ ei non sunt exhibi-

1396.

qui bello in Tarcas apparando totus incubu-  
 erat. Bayazethes, e Valachia nuper ejectus,  
 occupata fere omni Thracia, Constantinopo-  
 lim obsidere constituerat. Non latuit id Ma-  
 nuelem Palæologum, hujus nominis II. qui,  
 cum se hosti imparem videret, missis nunciis  
 Principum Christianorum, imprimis autem  
 Sigismundi, opem implorabat, Pontifex quo-  
 que rogatus, pecuniam liberaliter depromsit.  
 Fama instantis belli, plurimos non modo ex  
 vicinis ditionibus, sed ex Anglia, Gallia,  
 Italia, Belgio, & aliunde in Hungariam ex-  
 civit. Confluxerant tanto numero, ut facile  
 centum, & triginta millia efficerent. Baya-  
 zethes, cognito Christianorum apparatu, co-  
 piis Constantinopoli deductis, obviam illis  
 profectus, Sigismundum cum auxiliariis ad  
 Nicopolim reperit. Nec multo post pugna  
 exorta, sed nimia Gallorum, qui primos or-  
 dines sibi deposcebant, gloriæ cupiditate,  
 inauspicato conferta fuit. Christiani magna  
 pars cæsi, & capti, inter quos Joannes Bur-  
 gundiæ

---

hibitæ, nec tum quidem a Polonis productæ,  
 cum litem Moldaviæ causa, ut in loco dicitur,  
 Sigismundo obmoverunt, quod tamen res, &  
 tempus, poscebat. Et, si Hedvigis jus suum,  
 si quod tamen habuit, in maritum potuit trans-  
 scribere, multo magis id potuit Maria nata  
 major in maritum suum transferre, quemad-  
 modum etiam transtulit.

gundiæ Ducis filius; Sigismundus cum paucis familiaribus in cymbam insiliens, secundo Danubio in Pontum, ex hoc Constantinopolim ægre elapsus, sequente demum anno Ragusam, inde Spalatum appulit. a) Rebus deinde Tininni constitutis, in Hungariam reversus, omnia fere perturbata reperit. Infelix pugnae exitus, multorum animos ab eo avertit, eorum præsertim, qui jam ante ei infensi erant. Ex his Stephanus Laczkovics, & Stephanus de Simontornya, principii fuere, qui Ladislaum Caroli Dyrrachini filium, scriptis Neapolim litteris ad regnum capessendum, ea conditione, invitarunt, ut militiæ utrumque præficeret, &, quid quid ejus nomine, tamquam vicarii illius, acturi essent, ratum haberet, simul per nuncios Bayazethem convenerant, ut filiam suam Ladislao conjugem daret, b) solide persuasi, utriusque affinitate, & potentia, regem facilius so-

1396.

1397.

M 3

lio

a) Litt. Sigismundi an. 1408. & 1409. apud Pray Par. II. pag. 196. sequ. Saidinus orig. Ottom. pag. 183. Lucius Mem. istor. pag. 362.

b) Litt. regis an. 1397. apud Katona Tom. XI. pag. 425. *Et ut celerius — regnicolas nostros ad ejusdem Ladislai regis beneplacita — explenda potuissent subdere, — nunciis suis ad Payzath Turcorum Imp. super eo, ut ipse Payzath filiam dicto Ladislao regi matrimoniali sœdere molirentur copulare &c.*

1397. **l**io deturbatum iri. Hæc initia conjurationis, sed nondum ita matura, erant, ut scelus conceptum tuto exequi se posse sperarent. Hæc inter Sigismundus, varias rationes, quibus Turcarum conatus reprimi, & qui in prælio Nicopolitano capti erant, redimi possint, secum inibat. Ad hos liberandos, Duci Burgundiæ veniam fecit, ut septem aureorum millia, quæ Veneti de centum aureorum millibus, in modum census annui, regibus Hungariæ ex pacto præstare solebant, converteret, a) de subsidiis vero, ad coercendas Turcarum progressiones, in regni conventu cum Ordinibus agere constituit, quem propterea Temesvarinum indixerat, cui Segnientes quoque adesse voluit: sin autem id ob justas causas fieri non posset, se ad finem anni eo venturum, quo urbi-

---

a) *Chambre des Comtes de Dyon, pag. 191. Nro. 189. Pauco fluxu tempore illustris — Princeps, D. Sigismundus — quemdam redditum, seu censum annuum, vel præstationem annuam 7000. ducatorum, — eidem magnifico Principi, ejusque regiæ coronæ, singulis annis per Venetas debitum — hypotecaverat, — pro eo, — & causa redemptionis, liberationis illustrum Principum dominorum, comitis Nivernensis, & Comitis Marchiæ, egregiorumque militum — a manibus infidelium Turcorum &c. Dat. Trevisiæ 16. Jan. 1397. Conf. quæ ad an. 1381. de hoc censu dictæ sunt.*

tribulum Dalmatiæ oratores alioquin convenire jussisset. a)

Præter opinionem tamen factum, ut ob mortem Dabiscizæ, regis Bosniæ, conventum differri oportuerit. Bosnia, quæ, a Ludovici obitu, supina dissimulatione, a regno fere avulsa erat, mortuo Dabiscia, pleno jure ad Hungariam devolvi debuerat, b) nisi *Tvartkus*, cognomento *Scurus*, & *Ostioia*, inter se de ea sibi usurpanda, certassent. In hac Turcarum vicinia, & armorum fortuna, metuendum erat, ne alteruter æmulorum vel opem ab illis impleret, vel penitus ad eos deficiat, quemadmodum *Hervoja*, c) qui se Vajvodam Bosniæ ferebat, facta ad Turcas secessione, eisdem conjunctus, agrum Poseganum

1398.

M 4

ganum

a) Litt. reg. apud Lucium Mem. istor. pag. 365.

*Gratum quippe majestati nostræ non parum exstitisset, ad hanc nostram congregationem Temisensem oratores vestros, quos non ab re evocari feceramus, advenisse. Sed quod actum non est, reformari iterum satis commode potest. Nos quidem Divinitate favente, in festivitate B. Catharinæ — Segniæ esse decrevimus, quo ænup evocavimus ambasciatores omnium Dalmatiæ civitatum &c. Dat. in Temisvar d. 26. Oct. 1397.*

b) Vid. an. 1394.

c) Alias etiam *Hervatic*, & *Wuchich* dictus, ut notat Lucius Mem. istor. pag. 379.

1398. ganum latrocinando, infestare solebat. Ad reprimendum hominem fœdifragum, Joannes Maroth Banus Machovienſis jussu regis profectus, opera balistariorum, qui Tragurio advenerant, prælio victum, trans Savum compulſit. a) Sigismundus interea conventu, quem prius Segniæ haberi optabat, Crisium ad componendas res Croaticas indicto, Stephanum Laczkovich, perduellionis reum, supplicio affici jussit. b) Quo sublato, socii c) 1399. c) conspirationis, quæ ad plures, etiam Ordinis Ecclesiastici, & qui regi a ministerio fuere, jam diffusa erat, de sumenda vindicta, consilia inter se conferebant. Causa, scelus patrare volentibus, in promptu erat. Hæc a clade Nicopolitana, a sanguinario, ut comminiscabantur, regis animo, licentiore ejusdem vita, & ab exteris, quibus familiariter uti solebat, petebatur. Obfirmati in proposito, regem nihil mali de suis suspicantem, capiunt, exterisque regno ejectis, primum *Wissegradi*, postea *Siklofini*, captivum tenere. c)

V.

a) Hujus Rex ante suam captivitatem meminit in litt. an. 1408, in quibus merita Joan. de Maroth, cui etiam libertatem suam adscribit, recenset.

b) Thurocz Par. IV. Chron. c. 12.

c) Quo mense captus fuerit, non est pronum discernere. Windeck apud Menken Tom. I. Script. Germ.



V. Factiosi, ut in proposito exactorandi regis unanimis erant, ita quem illi subrogarent, inter se dissidebant, cum alii Wladislaum, licet Hedvigis jam anno priore, cum tridnana sua filiola *Bonifacia*, obierit, a) e Polonia evocandum censerent, alii contra in Ladislaum Neapolitanum inclinarent, rursus alii Austriae Ducem designarent. Nec deerant, qui regem vel morti addicendum, vel, qui mitius sentiebant, in exilium relegandum, putarint. b) Fuere tamen, qui regis

---

1400

Germ. c. 4. ad an. 1399. perhibet 18. hebdomadis detentum fuisse. Apud Farlati vero *Illyr. sac. Tom. III. pag. 353.* exstant regis litt. ad Tragurienses, an. 1400. de 29. Febr. datae. Cum autem credibile non sit, ut captivus regiam auctoritatem exercuerit, oportebat illum tunc jam liberum fuisse. Abhinc vero si antrosum 18. hebdomadae numerentur, verisimile est, vel exeunte Septembri, vel initio Oct. an. 1400. esse captum.

a) Ludov. Decius apud Pistor, *Script. Pol. Tom. II. pag. 286.*

b) *Litt. reg. an. 1408. apud Pray Part. II. pag. 202. Cum — inopinabilis casus eventu per quosdam Praelatos & Barones regni nostri, ut in exilium relegeretur, capti fuissimus, jamque defuncto rex Pol. & Dux Austriae — in regnum nostrum — subintrare moliebantur &c.*

1490.

sortem miserati, de eo liberando cogitarent, inter quos Nicolai, & Joannis de Gara studi-  
um præcipue eluxit, qui re cum Comite Ci-  
leienſi, cujus natu majorem filiam Annam,  
Nicolaus in conjugio habebat, collata, & po-  
tione factioſorum parte regi conciliata, eum  
in libertatem vindicarunt. a) E custodia di-  
miſſo, ea præcipua cura fuit, ut eos, quibus  
libertatem debebat, & alias quoque bene de  
ſe meriti erant, imprimis Garaios, honori-  
bus, ac latifundiis augeret, b) quo plures  
ad enervandam factioſorum partem ſibi ad-  
dictos haberet. In reos tamen conſeſſim anim-  
advertere inconfultum putabat, ne ani-  
mos nondum pacatos magis irritaret, idque  
res in Dalmatia perturbatæ ſuaſdere videren-  
tur. Spalateneſes enim cum Tragurinis, jam  
ante inter ſe odiis, nunc armis etiam certa-  
bant, & cum Jadrenſes illis præ his fave-  
rent, metus erat, ne aliæ urbes Dalmatiæ,  
alterutram diſſidentium partem ſenſim am-  
plectantur. c) Malo huic Rex ſatis tempe-  
ſtive

---

*ac paulo poſt: tunc præſati Nicolaus, & Joannes  
frater ſuus, revera percipientes, mortis peri-  
culum, exultationemque — nobis imminere &c.*

a) Ibid. Hermannum, Comitem Cileienſem, ha-  
buiſſe in liberando rege partem aliquam, notat  
Chron. Cileienſ.

b) Vid. Katona Tom. XI. pag. 501.

c) Lucius Mem. iſtor. pag. 370.

sive consulere poterat, nisi fratris Wenceslai, cui exaustorato Ordines Imperii Rupertum Comitem Palatinum subrogarunt, infortunium, moram iniecisset. Ut hujus igitur causam, velut Imperii Germaniæ Vicarius, jam ante quinquennium ab eodem constitutus, tueretur, & dignitatem Imperialem suæ familiæ servaret, in Bohemiam cum copiis profectus, habito cum Optimatibus consilio, auxilium fratri pollicitus est, si is præter stipendia militi præbenda, Lusatiæ sibi cederet, & se de successione jure in Bohemia certum redderet. a) Sed cum ille utrumque negaret, offensus in Hungariam rediit. 1400. 1401.

Hæc utcumque, eo absente, pacata erat, Dalmatia non item, in qua Spalatenses a Tragurinis, prædas utrinque agendo, etiamnum dissidebant. Hos, scriptis litteris, Rex admonuit, ut dissidiis, quoad fieri posset, finem facerent, b) ad Spalatenses eadem de causa, quem jam antea illis Comitem præfecerat, Joannem de Gara misit, qui, adhibito in consilium loci Archiepiscopo, dissidentes pactis initis conciliavit, addita, consensu partium, conditione, ut, quæ prior concordiam violaret, quinque aureorum millia Fisco regio persolvat. c)

Non

a) Scheidii biblioth. hist. Part. I. sect. 4. pag. 162.

Martene Collect. anecdot. Tom. I. pag. 1653.

b) Lucius Mem. istor. pag. 370.

c) Idem ibid. pag. 371. — 74.

**1401.** Non perinde conatibus Hervojæ obviam iri potuit, qui cum Jadrensis, quorum amicitia, ad evocandum Neapoli Sigismundo æmulum, necessaria erat, clam agebat, ut partes regis Neapolitani amplectantur, auxilium, si id facerent, contra omnes hostes pollicitus. a) Sero hujus machinationis indicium ad regem pertigit, qui, ne malum Hungariam quoque, priore conspiratione sopita magis, quam oppressa, corripere, promulgata amnestia, erratorum veniam omnibus, cujuscunque ii ordinis, & conditionis essent, promisit, b) modo proventus regio, sine Præ-  
lato-

a) Idem de regno Dalm. l. 5. c. 4.

b) Litt. reg. dat. in oppido Papa, in crastino SS. Simonis, & Judæ, .an. 1401. *Contra, & adversus prælibatos Barones, Prælatos, Praeres, Nobiles, civitates, & generaliter omnes, & singulas personas, cujuscunque præeminentiæ, dignitatis, status, ordinis, & conditionis existant, eorumque successores — nullo unquam tempore per nos, aut per alium, seu alios, tacite, vel expresse, directe vel indirecte verbo, vel facto, quancunque ratione, ingenio, vel cautela, colore, vel subornatione, quidquam mali occeptabimus, nec unquam in animum revocando machinabimur, nec nocumentum, nec impedimentum, vel dānnum seu lāsonem in personis, aut rebus, hæreditatibus, posses-*

latorum, & Baronum consensu usurpatos, compenfarent. Hæc in suos indulgentia regi necessaria erat, cum ut quieti publicæ confu-  
leret, tum ut res familiæ suæ in Bohemia componendi, tempus nancisceretur. Intellexerat, Wenceslaum, Procopio patruo interprete, cum Ruperto, rivali suo, id clam agere, ut hic quidem Rex Romanorum esset, sibi autem titulo Imperatoris Romanorum uti liceret. Indignatus fratris hebetudini, qui abdicato, quod oblinuerat, jure, notam familiæ Lucenburgicæ inureret, collecta militia, in Bohemiam properans, Cutenbergæ ad finem Januarii sequentis anni adfuit, a) & fra-

1401.

1402.

*possessionibus, juribus & bonis eorum quibuslibet inferemus, nec aliquatenus inferri, seu irrogari procurabimus; nec permittemus, neque vindictam, seu ultionem aliquam appetemus, neque verbotenus cuiquam superinde imputando, obijciemus; volumus tamen, ut illa damna, & ablationes, quæ sine consensu, & dispositione Prælatorum, & Baronum nostrorum, prædicto strepitu durante, in preventibus nostris regalibus, per quoscunque commissa, irrogata & facta forent, illa integre resarciantur, & eorum plenaria restitutio, seu satisfactio de iisdem — nobis impendi debeat effective.*

a) Bartschens Histor. der alten Burg, und Städtgens Dosna c. 8. pag. 161. seq.

1402.

fratrem, ut tecum in Italiam, retinendæ dignitatis causa, proficisceretur, a) hortatus est. Consensit primum; eandem sibi opinionem esse, patruī Jodocus, & Procopius affirmabant; & Sigismundus cum Austriæ Duce jam agebat, ut sibi per ejus ditiones liber com-  
meatus daretur, b) eandem ob causam ad Ducem Mediolanensem scripserat, c) nihilque jam erat, quod iter moraretur, cum Wenceslaus, mutato repente proposito, se iturum negavit. Offensus hac seu pusillanimitate, seu pervicacia, fratrem cepit, & captivum Viennæ Alberto Duci custodiendam tradidit, ipse, sumto Gubernatoris Bohemiæ titulo, in Hungariam reditum parans, Procopium, ob insidias sibi in itinere structas, d) captivum Posonium deduxit.

Her-

a) Litt. reg. an. 1402. *Quem (Jodocum) cum pluribus exhortaremur vicibus confidenter, ut cum ipse fratre nostro iret versus Italiam, & nos pro regnorum custodia domi relinqueret, vel euntibus nobis ad Italiam, ipse circa custodiam regnorum remaneret, horum neutrum assumere valuit, quin imo rogatus pro consilio, quid interea faciendum esset, omnia præbere consilium denegavit.*

b) Martene Collect. anecdot. Tom. IV. pag. 77.

c) Annal. Mediolanen. c. 164. apud Murator. Tom. XVI. pag. 837.

d) Litt. reg. cit. an. 1402. *Ipsū Procopium propter evidentes mortis insidias, quas nobis in*

Hervoja per absentionem regis, urbes Dalmaticas non cessabat interea ad defectionem sollicitare, auxilium nomine regis Bosniae, donec Ladislaus Neapoli adesset, contra omnes hostes pollicitus: a) Tragurini promissis illius seducti, jam mense Maio partes illius amplexi sunt, b) Spalatenses primum dubii hærebant, postea tamen Tragurinorum exemplo, in fidem Ladislai itidem concessere, c) Jadrenses autem, postquam classis Siculæ Præfectus Jadram cum quinque navibus appulerat, erectis Neapolitani, & Hungariæ regnorum vexillis, Ladislaum, mense Augusto, regem declararunt. d)

Hæc Sigismundum, e Bohemia reversum, magnopere sollicitum habebant, præsertim quod videret, amnestiam prioris anni nondum in quorundam animos tantum valuisse, ut resipiscerent. Accelsit illud etiam, quod Jodocus post suum reditum, regnum Bohemiae,

---

*in via paraverat, tamquam violatorem salvi conductus, & hostem nostrum publicum — arrestavimus, ipsumque — in curam nostram, & custodiam recepimus usque modo.*

- a) Lucius Mem. istor. pag. 376.
- b) Idem ibid.
- c) Farlati Tom. III. Illyr. sacr. pag. 357. & Kationa Tom. XI. pag. 530.
- d) Paulus de Paulo Tom. III. Script. Hung. pag. 746.

~~1402.~~ hemiae, suppetiis a Ruperto, Wenceslai  
 1402. amulo, adjunctus, sibi usurpare pergeret, ac  
 se praeterea dictis, scriptisque vulgatis, etiam  
 apud externos crimineretur: a) His de cau-  
 sis hominem ingratum, quem prius suum in  
 Hungaria successorem constituerat, b) aver-  
 satus, regni Ordines Posonium excivit, ut de  
 alio, qui sibi post obitum succederet, com-  
 muniter cum iis consultaret. Deliberantibus  
 Albertum Austriae Ducem suggessit, eumque  
 unanimi consensu, si ipse absque mascula  
 prole moreretur, successorem declaravit, c)  
 hanc

a) Litt. reg. an. 1402. cit.

b) Quo tempore id factum sit, nusquam reperi.

c) Litt. autogr. exstant in Tabular. Vienn. Auli-  
 co, ex quibus praecipua excerpo. *Eidem do-  
 mino Duci Alberto, de certa scientia, delibe-  
 ratione, consilio, & voluntate, universorum  
 Praelatorum, Baronum, Nobilium, & regnico-  
 larum, regni nostri Hungariae, omni forma,  
 ordinatione, & dispositione, quibus id melius,  
 & efficacius fieri potuit, appropriavimus, ac  
 dedimus, ymmo appropriamus, & donamus  
 vigore praesentium, praelibatum regnum no-  
 strum Hungariae, cum omnibus Principatibus,  
 Comitatibus, dominiis, provinciis, castris,  
 civitatibus, homagiis, bonis, nec non iuribus,  
 utilitatibus, dignitatibus, honoribus, liberta-  
 tibus, & consuetudinibus, ad idem spectanti-  
 bus,*



hanc præterea conditionem adjiciens, ut, si  
 filiam, vel filias deinceps habuerit, a) Dux 1402.  
 illis honestum, & regiis natalibus dignum  
 matrimonium procurare, ac dotis nomine,  
 cuivis centum aureorum millia dare obstric-  
 tus esset. b) Idem Prælati, & regni Barones  
 cum

*bus, aliisque pertinentiis suis universis, quibus-  
 tunque nominibus vocitatis, etiam si qua sint,  
 de quibus mentio fieri deberet specialis, prout  
 ipsum regnum per divos prædecessores nostros  
 reges Hung. — ac per nos habitum, tentum  
 existit, — tali duntaxat modo, forma, &  
 conditione, quod in casu, quo nos absque hæ-  
 redibus legitimis masculinis, quod absit, de-  
 dere contigerit, ex tunc prædictum regnum  
 nostrum Hung. cum præmissis Principatibus  
 &c. ad præfatum D. Albertum Ducem, foro-  
 rium nostrum, — veluti legitimum hæredem,  
 & successorem, devolvi debeat, & redundare,  
 &c.*

a) Nondum igitur Barbaram Cileiensem duxerat,  
 alioquin, ducta uxore, spes hæredis erat,  
 nec opus fuisset, successorem constituere.

b) Ibid. In casu vero, quo nos filiam, vel filias  
 generare, procreare, vel habere, & eandem,  
 seu easdem, post mortem nostram relinquere  
 contingeret, tunc præfatus D. Dux — debet  
 eandem, aut easdem matrimonio dare, & ho-  
 norifice desponsare, prout nos de sue fidei fin-

1402.

cum Nobilibus, seorsim editis XXI. Septembris nomine suo litteris, a) concordi sententia se ratum habere, testati sunt, regnumque, si Rex sine hærede masculino obiret, ad Albertum Ducem jure hæreditario devolvendum, eundemque, nec alium, si Rex præmoreretur, se regem agnituros, recepturos, & coro-

*ceritate fiduciam gerimus figuralem, & debeat, ac tenebitur eidem, vel cuilibet earundem filiarum, pro dotalitio, seu desponsationis dote, dare, vel tribuere centum millia bonorum Hungaricalium florenorum, &c. Datum Posonii sub Sigillo nostri Vicariatus Romani Imperii, cum secreto Sigillo nostro, a tergo appresso, propter carentiam nostræ Sigilli majestatis, in festo exaltationis sanctæ crucis, anno Domini millesimo CCCCII.*

*De mandato D. regis Johannes Præpositus Quiqueecclesien. regius Secretarius Cancellarius.*

- a) Autogr. exstat in Tabul. secret. Vienn. Aulico. Integrum exhibet Katona Tom. XI. pag. 534. Sed in exemplo ei communicato, nomina Procerum nec rite, nec debito ordine exscripta sunt, quod celeritate exscribentis factum reor. Sigilla annularia sunt 112. quibus appendendis cum locus in inferiori margine membranæ non sufficeret, reliqua ex utroque latere appensa sunt, & nomina membranulis, ex quibus dependent, inscripta.

coronatuſos eſſe, præſtito jura-  
 mento, promiſſere, &, qui ex præſentibus, ſe olim Jodoco 1402,  
 regis patruo, ſimiliter, ut nunc Alberto Duci,  
 obſtrinxiffent, promiſſionem ſuam, qua illos  
 Rex ſolutos pronuntiavit, omnino irritam de-  
 clararunt. a) Sigismundus, peracta in hunc  
 modum tranſcriptione juris, ne quid litigii  
 propterea inter Albertum Ducem, & Jodo-  
 cum patrum ſuum, aliquando intercederet,  
 hunc octavo, poſt die, omni jure, quod ei olim  
 in Hungariam, dicto, ſcriptove conceſſerat,  
 privatum, & literas, quibus eidem a ſuo  
 obitu ſucceſſionem in omnibus ditionibus hæ-  
 reditariis, ſpeciatim autem in Hungaria, pro-  
 miſerat, nullas, vigoreque promiſſionis pe-  
 nitus deſtitutas eſſe voluit. b)

N 2

VI.

u) Dat. Poſonii in feſto B. Matthæi Ap. & Evang. an-  
 no Domini milleſimo quadringentefimo ſecundo.

b) Autogr. itidem exſtat in Tab. Vien. aul. *Uni-  
 verſa, & ſingula conceſſa ſibi — tenore præ-  
 ſentium — prorsus auſſerimus, retractamus,  
 & reclamamus, ac omnimode revocamus, de-  
 cernentes, — totum, quod in adoptione, ſeu  
 circa adoptionem, conceſſionem, translatio-  
 nemque ſucceſſionis jurium, præſertim ad re-  
 gnum Hung. in præſatum patrum noſtrum, &  
 pro ipſo, verbo, facto, vel ſcripto — procu-  
 ravimus, fecimus, ordinavimus — in toto, &  
 in parte, eſſe, debereque perpetuo fore caſſum.*

in-

**VI.** Dum hæc Pofonii agebantur, non  
 1403. optimo loco res in Dalmatia, Croatia, &  
 aliqua etiam parte Hungariæ erant. In hac,  
 qui, promulgata erratorum venia, nondum  
 ad obedientiam redierant, & cum Croatis  
 confilia identidem conferebant, ut primum  
 quid Pofonii actum fuisset, intellexere, con-  
 trarias rationes sequuti, pertractis in suas  
 partes aliquot etiam ex iis, qui fidem Alberto  
 obstrinxerant, fœdus cum Polonis pepigere,  
 quo ad veteres pactiones inter Ludovicum  
 & Casimirum initas, hanc quoque addiderant,  
 ut Rex, quem electuri essent, amicitiam cum  
 eorum rege coleret, quorum alteruter, si  
 Nationi ex paciscentibus bellum moveret, ne-  
 utri opem regi suo fere obstricti essent, a)  
 plausibili ad speciem causa persuasi, se, quod  
 Albertus hoc anno obierit, b) nec jus succes-  
 sionis ad ejus posteros a rege fuisset exten-  
 sum, juramenti, quod præstiterant, religione  
 solutos esse. Fœdere confecto, multi etiam  
 ex iis, qui priore anno in Albertum, non vi,  
 nec

---

*invalidum, ac prorsus irritum, & inane &c.*  
*Dat. Pofonii in die S. Michaelis archang. A.*  
*D. M. CCCC. secundo.*

- a) Pacta exhibet Dogiel, Tom. I. pag. 41. apud  
 Katona, Tom. XI. pag. 557. cum 50. & uno  
 Sigillis. Ex his Dogiel nomina adscribere ob-  
 litus est, quod tamen operæ præcium fuisset.  
 b) Scriptor coæv. apud Linck, Tom. II. pag. 16.

nec metu adducti, consenserant, aperte jam Ladislaum respiciebant, & collecta militia, arces, ac munita loca, illius nomine servabant. Sigismundus hac mobilitate animorum, quæ ad se exauctorandum spectabat, offensus, Posonio confestim cum exercitu movit, eoque trifariam inter Legatos diviso, arces, in quas se factioni receperant, partim vi, partim deditioe, per iter in potestatem redegit. Eadem fortuna eos, qui in Transilvaniam confugerant, repressit. a) Tanto magis reliqui in Dalmatia, et Croatia, auctore Emerico Bubek, quem rex non ita pridem Auranzæ Priorem constituerat, quod reliquum erat perfidiæ, accelerabant, b) & Ladislaum

1403.

N 3

Ja-

a) Pray Par. II. pag. 204.

b) Litt. regis an. 1408. *Dum nonnulli Prælati, Magnates, & Proceres regni nostri, ingrati, & immemores beneficiorum a Celsitudine nostra copiose perceptorum, rebellionis calcaneo ducti, a sinu nostræ clementiæ se avertere attemptando, & in crimen læsæ majestatis incidendo, fraudulento consilio simul conspirando, alium eis ignotum regem, ut puta, Ladislaum filium quondam Caroli de Duracio, in hoc regnum nostrum, in opprobrium nostræ Celsitudinis introducere voluissent, Emericusque Bubek, Prior Auranzæ, qui fere totius ipsius rebellionis, & dissensionis origo fuerat, & eam efficiens &c.*

**Jadræ fictitio ferto coronatum, regem Dal-**  
 1403. **matæ, & Croatiæ renunciarunt, a)**

Sed ipsa hæc acceleratio, præter opinionem, in regis commodum vertit. Cum enim Dalmatæ, & Croatæ, Ladislaum, Dalmatiæ solum, & Croatiæ regem declarando, secessionem ab iis, quos in Hungaria conjurationis socios habebant, viderentur fecisse, Sigismundus non vanam spem concepit, hos facilius ad obsequium reducendi. Hac fretus, præteritorum veniam, etiam si per hæc majestatis jura fuissent læsa, omnibus indulgit, modo intra præstitutum tempus, aut ipsi se siserent, aut obsides mitterent, ut factæ veniæ litteras testes obtineant, ceteroquin ita sibi constitutum nossent, ut, qui designatum tempus præterlabi paterentur, citra spem gratiæ

---

a) Ibid. *Demum vero, & immediate præfati Prælati, Magnates, & Procere regni nostri, ut præmissimus, malo freti consilio, simul conspicientes, nos diademate nostro regio, & corona, quibus regna nostra prædicta annis fere sedecim tenueramus, privare, & de eisdem excludere satagentes, præfato Ladislao, — ut eorum vota valerent adimplere, ad civitatem nostram Jadrensem conductum præbuerunt, eum quodam ferto fictitio coronantes, ac prædicta duo regna nostra, videlicet Dalmatiam, & Croatiam, manibus ejusdem Ladislai — cum castris, districtibus, & tenuis assignando &c.*

gratiæ ex legum præscripto constitutis pœ-  
 nis afficiantur. *a)* Hac benevolentia multi  
 factiosorum, illatis mutuo per cædes, rapi-  
 nas, & incendia damnis, ut fere, cum licen-  
 tiæ speciosus libertatis titulus prætenditur,  
 fieri solet, fracti, ad pristinum obsequium redi-  
 ere. Erant tamen, qui auctoritati Bonifacii  
 IX. Pontificis, cujus seu jussu, seu dissimulatione,  
 Ladislaus a Dalmatis coronatus erat, innixi,  
 gratiam regis penitus respuerent. *b)* Graves  
 propterea litteras ad Pontificem, & Cardi-  
 nales dederat, *c)* simulque vim refractariis  
 adhibendam, ratus, Joannem de Maroth,  
 præ ceteris sibi fidum, in Croatiam ad extir-  
 pandas conjurationis reliquias, misit, qui ad  
 opprimendam penitus factionem, ipsum fa-  
 ctionis caput, Bubekium, Priorem Auranzæ,  
 aggressus, victum, in Bosniam fugere com-  
 pulsit. *d)* Sed cum hic quoque Bosnenfes ab  
 eodem concitati, regem Ostoyam regno exe-  
 gissent, isque ad Sigismundum confugiens,  
 opem implorasset, rursus idem de Maroth in  
 Bosniam proficisci jussus, Bubekio iterum  
 fugato, Bosniæ quietem, & Ostoyam, nomi-

N 4

ne

---

*a)* Exstat in Cod. jur. patr. Tom. I. ante Decret.  
 I. Sigismundi.

*b)* Horum nomina in cit. litt. an. 1408. ordine  
 recensentur, quæ hic referre, parum interest.

*c)* Raynaldus ad hunc an.

*d)* Litt. regis cit. an. 1408. & aliæ an. 1409.

ne Sigismundi, folio restituit. a) Ladislaus  
 1403. cum videret duo fulcra, quibus præcipue nitebatur, sibi erepta esse, nec satis eorum, a quibus ad capeſſendum regnum evocatus fuerat, conſtantiz, & viribus fideret, Neapolim rediit. b)

VII. Sigismundus æmulo liber, & factio-  
 1404. ſis ab hujus ex Dalmatia exceſſu conſternatis, tempore uſus, comitia indixit, ut, compreſſa factione, regno tranquillitatem publicam redderet. In his illud præcipue actum, ut  
 poſ-

a) Litt. regis an. 1405. *Tandem nonnulli Magnates perfidi — ipſum regem Oxthoyam, alias noſtræ Coſtitutionis rebellem, de dicto regno ſuo excludere volentes, ipſoque Oxthoya regi — Budam, ad noſtram Coſtitutionem accedente, nobiſque gemebunde ſupplicante, humiliter a noſtra majeſtate auxilium ſibi dari poſtulavit, cujus ſupplicationibus regio favore inclinati, eundem Joannem Banum — in ſubſidium dicti regis Oxthoyæ tranſmiſimus, qui — caſtrum principale ipſius regis Oxthoyæ, Babulch vocatum, ubi corona ipſius regni Boznæ conſervatur, & illuſtris domina conſors ipſius regis — eum ſuis liberis, reſidentiam fecerat perſonalem, obtinuit, — quæ jam a duorum annorum revolutione citra, præ manibus ſuis retinetur, & pro noſtra conſervatur majeſtate &c.*  
 Item Lucius Mem. iſtor. pag. 390.

b) Lucius de regno Dalm. l. 5. c. 4.



possessio bonorum, quæ dissidii tempore, vel a potentioribus direpta, vel a rege, bene de se meritis, & in fide perseverantibus, collata erant, post cognitionem diligenter institutam, cuivis certa reddatur. Multi enim, qui, ob infidelitatis notam, bona sua prius amittere, post impetratam erratorum veniam, pene ad incitas redacti, jus suum in illa persequi, eisque, quibus donata erant, litem movere parabant. Quæ res cum ansam traheret, & novis iterum dissidiis præbere posset, Rex tempus designavit, intra quod, qui fide dignis testimoniis se a nota infidelitatis purgaverint, vel, post obtentam gratiam, in fide constantes fuisse docuerint, iis bona sua restituerentur, qui neutrum possent, ii ne spem quidem ea recuperandi haberent. a) Hæc in Comitibus: extra hæc autem, aliam dissidiorum causam a Prælatibus, qui præter regni consuetudinem in dirimendis litibus Romam solebant consulere, ortam, penitus tollere cupiens, gravi edicto, addita etiam comminatione, vetuit, ne quis deinceps, cujuscunque conditionis esset, si quæ a Romana Curia de rebus ad forum judicium pertinentibus, responsa mitterentur, iis prius morem gerat, quam Rex suo consensu ea rata haberet. b)

Hoc

a) Decret. hujus an. I. in cod. jur. patr. Tom. I. pag. 176.

b) Edictum vid. apud Pray Hierarch. Par. I. pag. 92.

**Hoc primum, quod dicunt, *Placeti regii*, in Hungaria vestigium est.**

1404.

Quoniam autem prioribus Comitibus non omnia, rege Posonium profecto, decerni poterant, convocatis iterum regni Ordinibus, conventus mense Augusto habitus est, in eoque leges perlatæ, quæ ad coercenda mala, passim per dissidiorum tempus in rem publicam diffusa, opportunæ videbantur. a) Pars illa.

---

a) Decretum hoc Comitales deest in Cod. jur. patrii. Dat. est 1404. *secundo Calendis*, seu pridie cal. Septemb. exstat tamen in *Transunto Capituli Albenfis* an. 1406. fer. 6. prox. ante fest. B. Stephani M. ad preces Fratris Ladislai Præceptoris conventus Crucifer. Domus hospital. Eccl. B. Stephani regis de Alba, & maxima sui parte consentit cum duobus Decretis an. sequentis. In exordio hæc inter cetera leguntur: *Proinde — pensantes, multa incommoda, multaque damna ex diversis consuetudinibus, & sæpe contrariis, in regno nostro vigentibus, nostris regnicolis evenire, celebrato Prælatorum, Baronum, Procerumque nostrorum conventu, de ipsorum consilio, auctoritate, & consensu, maturaque discussione præhabita, pro totius regni bono, utilitate, profectu, & augmento, has leges, sive constitutiones, ex auctoritate regia duximus salubriter constituendas, quas ab omnibus, & singulis regni-*

illarum ad ea delicta pertinet, quæ nostri Jureconfulti *actus potentiae* vocant. De iudiciorum autem ratione id peculiariter constitutum, ne Ecclesiastici de litibus, quæ ad seculares, nec hi de iis, quæ ad illos pertinent, judicare deinceps audent: dubium ortum, ad utrosque litis genus spectet, Rex cum suis Consiliariis declarabit: ponderum, & mensurarum æqualis per regnum usus sit, idemque, qui urbis Budensis: floreni *breves*, a) pro antiquatis deinceps habeantur, nec aliis in emendo, & vendendo uti fas sit, quam florenis auri, qui centum *novos denarios* b) æquabant, qui contra facerent, rebus, quas venum exponunt, priventur: colonis libera ad alios dominos migrandi indulta facultas, si, quæ æquitas postulat, prioribus dominis præstitissent. Infideles nemini liceat hospitio accipere, aut favore prosequi, alioquin ejusdem

---

*regnicolis nostris, tam Ecclesiasticis, quam secularibus, nemine excluso, volumus, & præcipimus, pleno, integre, & inviolabiliter observari.*

- a) Duplicis generis etiamnum in quibusdam regni partibus in usu sunt: unus *Kurta forint*, alter *Fonds forint*, vulgo dicitur, ille 50. hic 51. Crucif. æquat.
- b) Tempore Sigismundi *maiores*, & *minores* denudebantur: ex illis 100. ex his, quos *quadrings* vocabant, 400. æquabant fl. auri.

**1404.** dem criminis participes futuri: sales externos vetitum regno invehere. Qui mineras auri, argenti, aliussve metalli in fundis reppererint, regem non commissurum quidem, ut hujusmodi fundos, invitis dominis auferendo, cum aliis permutet, statuere tamen, ut media pars fisco regio ex mineris pendatur, reliquum autem ex auro, & argento, nefas sit, extra regnum efferre, aut aliis, quam fisco regis vendere, posse tamen quemvis, quantum ad domesticam supellectilem exornandam satis sit, apud se retinere.

**1405.** Hæc præcipua constitutionum hujus anni capita fuere, quas sequente in comitiis Budensibus, *a*) quod quædam locum dubio dare viderentur, partim uberius explanavit, partim novas eisdem addidit, & has rursus eodem anno, mense Octobri, *b*) secundis curis, cum regni Ordinibus cognovit, additis haud paucis, quibus colonorum indemnitati præcipue consultum volebat. Ceterum, quia impacato dissidiorum tempore, fraudes adeo invaluerant, ut nec litteræ regiæ, præsertim quæ ad bonorum possessiones pertinebant, indeque gravia damna emergebant, immunes essent, edictum vulgari per provincias jussit, quo

*a*) Decret. exstat in Cod. jur. patr. Tom. I. pag. 178. Dat. 17. Cal. Maj.

*b*) Ibid. pag. 184. Dat. Budæ in festo S. Domini.

quo litteræ Ludovici regis secreto, Mariæ item, & Elisabethæ reginarum, & quas ipse ediderat, majori, & minori sigillis munitæ, robur, & vim penitus amitterent, nisi novo, quod priori substituerat, Sigillo a se confirmarentur. a)

1405.

Rebus domi pacatis, restabant provinciæ regno adnexæ, itidem ad obsequium reducendæ. Ladislaus a suo Neapolim reditu, postquam biennio abhinc Romam occupasset, rebus Italicis distentus, Dalmatiam curæ interea Hervoyæ credidit; Venetosque orabat, ut eidem, si opus fuerit, auxilio essent, b) qui occasionem hanc eo libentius amplexi sunt, quo faciliorem sibi viam, sensim ad Dalmatiam occupandam aperiri videbant. Bosnia quoque inter Ostoyam, & Tvarckum distracta erat, quorum ille Sigismundi, hic Ladislai patrocínio nitebantur, c) nec Turcæ videbantur quieturi, licet a Timurlane bien-

1406.

a) Verböcz Trip. Part. II. Tit. 14. §. 29. §. autem 50. memorabile exemplum affert impostoris, Gabrielis de Zömlén, qui Sigilla & litteras Sigismundi corrumpere solebat. Critiria autem, ex quibus novum regis Sigillum a priore discerni possit, vid. Pray commentat. hist. de vetere reginas Hung. coronandi more, pag. 48.

b) Lucius Mem. istor. pag. 385.

c) Idem de regno Dalm. l. 5. c. 4.

**1406.** biennio abhinc victi, & Bayazethe in capti-  
vitatē ducto, fracti essent, ortaue inter  
*Zelehim*, & *Solimannum*, æmulatione, ipsi  
quoque inter se dissiderent. Id regi mentem  
indidit, belli illis obmovendi, quibus repres-  
sis non dubitabat, hæreditarias provincias,  
incurtionibus eorum expositas, facilius ad ob-  
sequium reduci posse. Re cum Imperatore  
Manuele Palæologo, Stephano Despota Ra-  
sciæ, Vajvoda item Valachiæ communicata  
societatem armorum cum iis iniit, & cum  
quisque pari studio militem sub signa cogeret,  
exercitus, facile sexaginta millium conflatus,  
a) nervus vero jam ante annum, ex vendita  
Hermanno Comiti Cileiæ, quadraginta aure-  
orum millibus, *Craktorna* insula, b) & deci-  
mis Episcopatus Zagrabienfis, c) comparatus  
in hunc finem erat. Ut autem, se absente,  
res domi tutæ essent, Nicolaus Gara Palati-  
nus, Hermannus Cilejensis, & Comes Mo-  
drufenfis, foedus inter se pepigere, quo, si  
quæ conjuratio interea contra regem emer-  
geret, vires omnes ad hanc opprimendam,  
regemque tuendum, se collaturos, spoponde-  
rant,

a) Windeck in vita Sigismundi c. 20.

b) Erasmus Frölich in Mss. Cilejanis ex Tabula-  
rio Græcen. Aulico.

c) Litt. regis, Dat. Agriæ Sabbath. prox. ante  
fest. BB. Cosmæ, & Damiani. apud Pray Par,  
II. pag. 224.

rant, a) cui confociationi ut major cum auctoritas, tum robur accederet, Rex Hermannum Cilejensem, Dalmatiæ, Croatiae, & totius Sclavoniæ Banum renunciavit. b) Ad hæc, cum religioni non minus, quam civili rei publicæ, a Turcis, quibus Manichæi, & Ariani, se socios junxere, periculum immineret, ut vicinarum quoque regionum populi in partem belli venirent, Valentinum Cardinalem, Episcopatus Quinqueecclesiensis Gubernatorem, Romam misit, qui Pontificem ad promulgandam cruciatam expeditionem sollicitaret. c)

VIII. Hoc apparatu facto, Rex in Ser- viam movit, ex hac junctis cum Stephano Despota Rasciæ copiis, Ostoyæ contra Tvardkum, Turcarum viribus adjutum, subsidio veniens, hostes aliquot præliis fractos, in fugam egit. *Szrebernicum*, & arx *Dobor*, in potestatem redactæ, multi ex Bosnenfibus capti, inter quos & Tvardkum fuisse, scriptor coævus, memoriæ prodidit. d) Hic captivus in Hungariam ductus, ex illis centum & viginti sex, truncato capite, in profluentem ex castro Dobor projecti. e) Insignis victoriae, sed cædibus teme-

a) Frölich Mss. Cilej. ex archiv. aul. Græcen.

b) Raynald, ad an. 1407.

c) Litt. regis an. 1406. apud Pray Par. II. p. 224.

d) Windeck in vita Sigismundi, c. 14.

e) Idem ibid.

- temeratae, fructus is fuit, ut Turcae ex Bosnia protrusi, aliquamdiu quiescere cogerentur, Ostroya securior esset regni possessio, & Hervoya, Ladislao rerum Dalmaticarum ferre jam incurioso, nutare inciperet. Sigismundus e Bosnia reversus, anno sequente contra Moravos, qui Hungariam crebris incursionibus infestabant, profectus, ejecta latrocinantium; nec enim aliud erat, colluvie, Viennam contendit, & hinc, redintegrata inter Leopoldum, & Ernestum, Austriae Duces concordia; Cilejam divertens, Barbaram, Friderici Cilejensis Comitis filiam, sibi despondit, a) eaque Budam deducta; ut nuptiis celebritatem conciliaret, Ordinem Equestrem *Draconis*, suo, & novae conjugis nominae, instituit, b) cujus praecipuum munus esset, militiam, ut Rex statuit, contra paganos, schismaticos, & religionis Christianae hostes profiteri.

a) Idem c. 19. *Do schreib mon vierzehnen hundert und acht jare — und auf derselben reise nam er Barbara, die des Graffen Frideriches von Cilien Tochter war, und er sie zu Königin machte.* Chron. Cilejen. apud Hahnium Collect. vet. monument. Tom. II. f. 680. erronee filiam C. Ulrici vocat.

b) Dat. an. 1408. pridie Idus Decembr. Multi ex Italia, Gallia, & Germania de hoc Ordine scripserunt, aliter sine dubio scripturi, si Dipl. institutionis nacti fuissent.



teri. Signum Ordinis *Draco aureus*, a) ex  
 cruce itidem aurea pendens: b) socii viginti  
 quatuor, nec plures adlecti, c) iique solum,  
 qui

a) Verba regis sunt: *Signum, seu effigiem Draconis incurvati, per modum circuli cauda sua circumgyrantis, divisi per medium dorfi ad longitudinem a summitate capitis, & nasi, usque ad extremum caudæ, effluente sanguine in interiori rima, scissura alba, & sanguine intacta, per longitudinem rubeam crucem, — sicuti sub ipsius gloriosi M. Georgii vexillo militantes crucem rubeam in albo campo ferre solent, gestantes, & habentes, per nos, ac fideles regni nostri Barones, & Proceres, apparentem, & publicæ portandam, & ferendam elegimus, acceptamus, & per modum societatis, ac conformis decoramenti ducimus induendam.* Ex hoc patet, Ordinem S. Georgii fuisse olim in Hung. sed incertum, a quo institutus sit, nec videtur ab Ordine *calcaris aurei* distinctus fuisse.

b) Windeck, aulæ Sigismundi familiaris, in hujus vita, c. 81. memorat, duplicis generis Equites fuisse: primi Draconem e cruce pendentem gestabant; crucis epigraphæ in longum, erat: *o quam misericors est Deus*: in transversum autem, *pius est justus*: malim, ut sententia sibi constet: *& justus*.

c) Hujus generis Equites, 24. fuere; secundi autem, solum Draconem gerebant, non definito numero, & exteris quoque conferri solebat, ut idem Windeck affirmat.

1408.

qui Barones regni essent, vel olim fuissent:  
 a) ei autem, qui nondum hoc honore insignitus esset, spes facta, ut hunc, exacto Ordinis anno, præ ceteris consequatur: prærogativæ Ordinis duæ: socii primæ apud regem admissionis, & arcanis consiliis, quæ, edito juramento nefas prodere, exclusis aliis, adhibiti fuere: tum si quæ lis inter eos oriretur, delectis quatuor, vel quinque sociis ut decer-

---

a) Tales fuere, qui Diplomati institutionis inserti sunt, quorum nomina libet mihi adscribere. Stephanus Despota Rasciæ, Hermannus Comes Ciliæ, & Zagoriæ, C. Fridericus filius ejusd. Nicolaus de Gara, regni Hung. Palatinus, Stiborius de Stiboricz, alias Vajvoda Transilvan. Joan. de Thamasy, & Jac. Laczk de Zánthó, Vajvodæ Transilv. Joan. de Maroth Machovien. Pipo de Ozora, Zevrinian, Bani, Nicol. de Zech Magister Tavernicor. C. Carolus de Corbavia summus Thesaurar. Simon filius Konye de Zechen Janitor. C. Joan. de Corbavia Dapifer. Joan. de Alsaan Pincern. Petrus Cheh de Leva Agazon. Magistri, Nicol. de Csák, alias Vajvod. Transilv. Paul. Byssenus, & Paulus de Pegh olim Dalm. & Croat. Bani, Michael de Nádasd C. Siculor. Petrus de Perén alias Siculor. nunc C. Marmarosien. Emeric. de Perén Secretarius Cancellarius regis, & Joannes Nicol. de Gara quondam Palatini filius.

cernenda detur, quorum sententiæ, si regi probata fuisset, omnino standum, nec locus alios iudices appellandi datus erat. Omnes denique in Ordinem cooptati, se, & olim cooptandos, data fide obstrinxerant, se non minus regi, ac reginæ, & prolibus regiis utriusque sexus, obedientiam, & fidelitatem præstituros, eosque contra omnes adversariorum machinationes suis viribus defensuros, sed conaturos etiam, ut justæ, & legitimæ regni consuetudines, illibatæ conserventur. 1408.

a) Ad stabilitatem autem Ordini conciliandam, Rex se facturum recepit, ut successores sui tempore coronationis, dum iuramentum de servandis regni immunitatibus præstant, signo Ordinis utantur, eumque, secundum omnes institutionis partes, confirment. b)

O 2

Hæc

a) Hæc compendio ex dipl. institutionis sumta sunt.

b) Ibid. in fin. *Nos insuper — Sigismundus Rex, & Barbara regina — promittimus — ad hæc cogitare, quod etiam alii futuri reges Hung. signum dictæ societatis, tempore coronationis eorum cum regali diademate suscipiant, & acceptent, & quod ipsi reges tempore adeptionis coronæ, & depositionis iuramenti de observandis statutis, & consuetudinibus regni — hanc societatem in omnibus suis clausulis, & articulis observare, & confirmare jurent, & promittant bona fide.*

**1409.** ~~1409.~~ Hæc institutio non solum regno contra externos, sed familiæ etiam regiæ contra intestinos hostes, tutamento, & Nobilibus cum ad consequendas opes, primosque honorum gradus, tum ad contestandam regi fidem, magno incitamento erat. Hoc illicio Hervoya quoque delinitus, post confirmatum sibi a rege Spalatensem Ducatum, eidem conciliatus est, a) cujus exemplo Spalaten- ses & Tragurini, ad pristinam quoque obedientiam rediere. Quibus cognitis, Ladislaus, ne nullum penitus fructum ex Dalmatia percepisse videretur, Jadram, Novigradum, Auranam, & Pagum, quæ adhuc præsidio

---

a) Litt. regis apud Lucium de regn. Dalm. l. 5. c. 4. & Pray Part. II, pag. 227. Hervoyam autem fuisse in Ordinem Draconis cooptatum, patet ex ejusdem apologia, apud Lucium Mem. istor. pag. 392. ubi inter reliqua, hæc ille: *ego — intendebam me submittere judicio fraternitatis Draconum, & ipsi non permiserunt. Rursus: Advertat serenitas vestra (Barbaram reginam indicat) quomodo ego existo in societate Draconum, & continetur in litteris societatis, quod nemo sine consilio, scientia, & judicio societatis debeat aliquammodo condemnari. Item — recordamini, quia compater sum. Postrema indicant, Elisabetham Sigismundi filiam, jam hoc an. in lucem fuisse editam.*

fidio Italico tenebantur, Venetis, quin cives  
 confenserint, centum aureorum millibus ven- 1409.  
 didit. a) Mirum est, opportunitatem hanc  
 a Sigismundo neglectam fuisse. Si enim,  
 conciliato sibi Hervoya, confestim missa in  
 Dalmatiam militia, Jadram, cum reliquis ur-  
 bibus, occupasset, non facile Venetis occasio  
 fuisset data, ut contra juramenti, Ludovico  
 regi olim præstiti, fidem, se rebus Dalmati-  
 cis ingererent, eamque sensim deinceps ab  
 Hungaria avellerent.

Verum is, incertum, spontene, an roga- 1410.  
 tus, dissidiis, inter Polonos, & Prussos or-  
 tis, se immiscens, Kesmarkinum interea pro-  
 fectus est, ut discordes conciliaret, & litem  
 præterea cum Wladislao Poloniæ rege de  
 limitibus utriusque regni componeret. b)  
 Sed cum utrobique parum se videret profice-  
 re, re infecta in Hungariam rediit. Tam sub-  
 itanei reditus, mors Ruperti Romanorum  
 regis, in causa fuit, de qua a Friderico Norim-  
 bergensi *Burggravio* admonitus erat; qui ipse  
 non multo post tempore Budam veniens, re-  
 gi autor fuit, ut, vacante Imperii dignitate,  
 nomen suum inter candidatos profiteri velit.  
 Persuasit facile alioquin id fastigium anhelan-  
 ti, habitaque cum Friderico consultatione,  
 litteris V. Augusti editis pollicitus est, se,

O 3

fi

---

a) Lucius de regn. Dalm. l. 5. c. 5.

b) Dlugossus l. 11.

1410.

si Electorum vota in illum conspirarent, operam daturum, ut, sublato Ecclesiæ schismate, communibus suffragiis Pontifex eligatur, & jura Principum, civitatumque Imperii præterea se illibata conservaturum, a) simul *Burggravio* auctoritatem tribuit, ut suo nomine Legatus Comitibus Francofurti interesset. Suffragia tamen, Electoribus inter se discordibus, continenter fere variabant, donec XX. Septembris Archiepiscopus Trevirensis cum Palatino Rheni Sigismundum, Moguntinus contra, & Colonienfis Jodocum Sigismundi patrum, 1. Octobris, reges Romanorum, renunciassent. b) Ac hi quidem, scriptis ad Prælatos, & Magnates Hungariæ litteris, rationem facti sui reddentes, electionem Sigismundi, vel ex eo capite irritam declarabant, quod nec ex præscripto bullæ aureæ, præterea clancularie, & ab iis, qui jure suffragii, quod a Pontifice legitimo dissentirent, omnino privati essent, peracta fuerit; rogatos itaque velle, ut, proposita negotii gravitate, regi suo persuadeant, ut a suo proposito desistere, & operam suam cum Imperio, ad reducendam Ecclesiæ unitatem, potius velit conjungere. c) Arduum id erat, a rege

---

a) Wenckeri apparat. & instruct. archivi, Nr. 54.

b) Windeck l. cit. c. 26.

c) Schannat, vindem. litter. Collect. 2. sect. 3. Nro. 51.

ge impetrare, cui ceteroqui perpetua fere cum patruo similtas intercesserat, & infra suam dignitatem esse putaret, ut, illius gratia, juri suo adquisito renunciaret. 1410.

Protracta igitur Comititia sunt, nec sententiae poterant coalescere, donec anno sequente, Jodoco Brunæ VIII. Januarii defuncto, Electores in Sigismundum unanimiter conspirassent. a) Hoc modo non solum regis Germaniae dignitatem, sed Ducatum quoque Lucenburgicum, cujus jus a patris obitu ad se pertinebat, adeptus est. Eodem, quo ad hanc dignitatem aspirabat, studio, litem cum Polonis compositam quoque cupiebat. Misit ea de causa Joannem Archiepiscopum Strigoniensem, cujus solertiam in extricandis rebus difficilibus alias expertus erat, additis collegis, Igloviam in Scepusium, quo Legati quoque ab Wladislao venturi erant, ut cum his modum componendae discordiae inirent, Poloni, qui non ignorabant, regem suum, eodem hoc anno, cum Myrche Vajvoda Valachiae, foedus contra Sigismundum pepigisse, b) magis in deliberatione vacillabant,

O 4

quam

a) Windeck c. l. c. 27. Theod. Niem c. l. c. 34. Gaertneri Dissert. de Sigismundo Imper. c. 3. §.

1. pag. 33.

b) Dogiel Cod. Dipl. Pol. Tom. I. pag. 600. Dat. in civitate Imoiow Dominica vocem Jucunditatis, rex, Lætare, an. 1411.

1411. ~~\_\_\_\_\_~~ quam ut aliquid certi constitui posset. De-  
 mum utrisque ita convenerat, ut ad futu-  
 rum Divi Martini festum rursus in antiqua  
 villa convenirent, ibique duodecim arbitri  
 utrinque delecti, edito juramento profitean-  
 tur, se in decernenda lite nihil gratiæ datu-  
 ros, sed, quod æquum communiter videret-  
 ur, a se declarandum esse. a) Ita divulsi  
 sunt.

Nec Sigismundo id improbari visum, qui  
 ab obtenta nova dignitate, res Germaniæ,  
 præ ceteris, animo complexus erat, Friderici  
 Norimbergensis *Burggravii*, cujus studium  
 ad eam consequendam præcipue eluxit, im-  
 primis memor, cui ut gratiam pro impensa  
 opera illi referret, Marchiam Brandenburgi-  
 cam, ante electionem promissam, pignori  
 locavit, eumque administratorem illius hac  
 lege constituit, ut, si ipse Rex, vel ejus hæredes  
 eidem, vel posteris illius, centum aureorum  
 millia persolverint, pignus restituere obstricti  
 essent. b) Hæc Domus Brandenburgicæ ori-  
 go.

Prælati quoque, & Magnates Hungariæ,  
 ut regi suo, qui Romani Imperii dignitatem  
 primus regno invexerat, gratificarentur,  
 conscriptis unanimi consensu litteris, fidem  
 fece-

---

a) Dogiel Tom. I. pag. 42.

b) Gerckenii Dipl. vet. Marchiæ Brandenb. Tom.  
 II. Nro. 231. pag. 636, sequ.



fecerant, se, si Rex præter Elisabetham, filium deinceps non esset habiturus, hanc heredem regni agnituros, & ubi adoleverit, collatis cum ea consiliis, de marito ei jungendo, acturos esse. a) Erat Sigismundus tunc Posonii, ut cum regni Ordinibus tributum a regnicolis pendendi normam constitueret, b) dum hoc promisso se ei obstrinxerant, qui officiosa illorum voluntate usus, non alium filiae maritum, quam e Domo Austriaca, diligendum censuit, cum alioquin jam antea, consentientibus regni Ordinibus, jure successionis in Albertum IV. translato, c) rationem illius haberi oporteret, & præterea post avulsam ab Hungaria Poloniam, ob ditio-

1411.

num

---

a) Id liquet ex Elisabethæ reginæ litt. ad Imper. Fridericam III. Tom. II. analect. Bibl. Vienn. Cæs. pag. 915. apud Pray Par. II. pag. 338. *Lieber Vetter — als unser lieber Herr, und Vatter Kaiser Sigmund seliger Gedechnus zu ainem Römischen König ervelt ward, da verscriben im die Herren geistlich und weltlich in Ungern die maynung, ob er nicht mer erben gewüno und liesse — dann mich ainige Tochter, so wolten sie mich als erben haben, und zu dem Kunigreich lassen angehen geweltigeklich, und ainen Herrn mit mir ervellen &c.*

b) Decret. exstat in Cod. jur. patr. Tom. I. p. 188.

c) Conf. ea, quæ ad an. 1402. Nro. 5. relata sunt,

**1411.** num amplitudinem, & spem obtinendæ ex pactis aliquando Bohemiæ, præ ceteris idonea videretur, quæ junctis cum Hungaria viribus, Turcas a ditionibus hæreditariis arcere posset. Ernestus, qui Austriæ tutoris nomine præerat, cognita ex oratoribus Sigismundi destinatione, Albertum pupillum Budam mense Octobri deduxit, cui nondum ætatis tertium ac decimum annum egresso, a) Elisabetha vix trimula b) hac conditione desponsa fuit, ut, si Rex, vel regina, postquam filia viro matura fuerit, moram nuptiis sine justa causa interponerent, sponso quadraginta millia florenorum auri solverentur. c)

## IX.

- 
- a) Natus enim fuit, an. 1399. d. 1. Jan. ut habet genealog. Ducum Austr.
- b) Hujus ætatlæ illam tunc fuisse oportuit, cum, ut ex Windeckio cœvo supra notaveram, Sigismundus primum an. 1408. Barbaram duxerit. Qui matrimonium hoc ad an. 1406. occupant, viderint, qua ratione *Hervoya*, qui ante 6. Jan. an. 1409. Sigismundo non fuit conciliatus, regis *compater* dici possit. Nata igitur est Elisabetha post conciliatum *Hervoyam*, & ab hoc ex sacro fonte levata. Hinc ille apud Lucium Mem. istor. pag. 393. in sua ad reginam apologia, *amore S. Joannis*, inquit, *recordamini, quia compater sum.*
- c) Windeck c. 23. ad an. 1411.

IX. Sponsione peracta, tempus ipsum, & ~~\_\_\_\_\_~~  
nuncii Norimberga missi, a) regem mone- 1412.  
bant, ut iter in Germaniam pro coronatione  
peragenda, susciperet, nisi graves causæ il-  
lum domi retinuisent. Veneti, licet moniti,  
ut Jadram mala fide emtam redderent, &  
tributum præterea annuum, a Ludovico im-  
positum, præstarent, utrumque abnuebant,  
quin dominationem latius in Dalmatia pro-  
ferre nitebantur. Armis igitur sibi agendum  
esse, necessarium existimabat, fecitque inter-  
ea hujusmodi apparatus, ut copiæ, cum  
primum mandata darentur, ad protectionem  
paratæ essent. Prius tamen lis cum Wladis-  
lao Poloniæ rege componenda erat. Causam  
uterque Vajvoda, Moldaviæ, & Valachix,  
præbuerunt, qui, dum olim in Hungaria, ca-  
pto rege, factionibus omnia miscerentur, &  
Turcæ etiam in Bulgaria latius grassari incipe-  
rent, licet jure clientelari regibus Hungariæ  
obnoxii essent, ad Polonos secessere, ex quo  
tempore cum isti jus in utramque provinciam  
sibi arrogarent, dissidii utrinque occasio sum-  
ta est, cujus dirimendi causa Sigismundus  
cum Wladislao Lubloviæ in Scepusio conve-  
nerat. Judicium in principio Proceribus  
utriusque partis, æquali numero delectis,  
commissum est, qui cum deliberationem tra-  
herent, nec sententiis viderentur posse coale-  
scere,

---

a) Hist. Norimb. diplomatica Par. II. pag. 537.

1412,

scere, uterque Rex privata inter se consultatione litem in has leges composuere: a) pax ad obitum alterutrius firma sit, quo tempore Wladislaus Russiam possideat, Podoliæ autem causa nihil Rex Hungariæ se moturum polliceatur: si alterum alteri præmori contingeret, pax nihilominus inter Hungaros, & Polonos in quinquennium persistat, quo evoluto rursus arbitri deligantur, qui, si quid nondum satis esset extricatum, secundum vetera pacta decernant. De Moldavia autem ita conventum: ut Alexander Vajvoda, non obstante homagio, quod Wladislao præstiterat, quoties Turcæ Hungariam invaderent, aut Rex extra regnum bello occuparetur, toties ipse omnibus viribus auxilio Hungaris esset, nisi forte morbo præpediretur, tum vero idem per Legatum suum facere obstrictus esset: si nec ipse veniret, nec copias suas subsidio mitteret, uterque regum unitis viribus perfidum bello aggrederentur, & Moldavia privarent, cujus dimidia pars Sigismundo, alera Wladislao obtingeret; si autem fidelem operam navaret, in pacifica possessione, salvo jure utriusque partis, quinquennio maneret.

Ita lis sopita magis, quam sublata est, vel sic tamen composita regem, qui toto animo in bellum Venetum ferebatur, curarum par-

---

a) Dlugoss. hist. Pol. l. 11. apud Pray Par. pag. 232.

parte aliqua levavit. Soluta Lublovizæ conventu, Wladislaum, ut secum in Hungariam proficisceretur, invitatum, Cassoviam primum, tum Budam deduxit, ejusque honorandi causa, more illius temporis, hastiludia, ad quæ vicini Principes, & variarum Nationum primi quique confluxerant, instituit, a) quæ dum maxime fervebant, compertit, Sibeniceses a Venetis ad defectionem sollicitari, b) periculumque esset, ne Tragurinis, aliisque, qui in fide hactenus manserant, idem eveniret, bellum, quod antea in Venetos decreverat, occupare statuit. Exemplo itaque Ludovici, sed non eadem fortuna, usus, Piponem de Ozora, & Albertum de Ungli, quos ductandis copiis præfecerat, bellum in Italiam transferre jussit, qui in forum Julii citatis itineribus delati, Venetos ad Liquentiam in fugam conjecerant, continente dein usi victoria, Sacilum, Canopam, & Pulcinicum in potestatem rede gere, & percursa Ser-

---

a) Windeck l. 27.

b) Litt. Duc. Steno ad Sibeniceses. a. 1412. d. 11.

Jul. apud Lucium Mem. istor. pag. 401. *Quod si Communitas vestra Sibenici se submittet nostro dominio, & ad manus nostras erit contenta pervenire — tractabimus, & tractari faciemus omnes cives vestros — gratiose, & benigne, prout tractamus alios subditos, & fideles nostros &c.*

**1412.** **Serravalle, Beluno, Feltria, Opitergio,** aliisque urbibus occupatis, ad *Tarvisium* confitere. a) Veneti, ut bellum a se averterent, missis Budam Legatis, pacem quidem, sed iis conditionibus, offerebant, quæ neutri regum probari videbantur. Itaque re infecta remissi sunt, quibus Wladislaus Legatum ex suis adjunxit, qui Venetos ad æquiores conditiones adduceret. Illi autem, cum interea vocato in subsidium Carolo Malatesta, magis propitia fortuna usi, Hungaros IX. Augusti prælio vicissent, non jam pacem petere, sed bellum proseguere statuerant. Infelix pugnae exitus Piponi, b) homini ex Strozziarum gente Italo, quem Veneti duabus argenteis lagenis, auro plenis, corrupisse feruntur, a plerisque adscriptus fuit. Sigismundus comperta suorum clade, cum se nervo ad continuandum bellum, videret destitutum, egit cum Wladislao de oppignorandis XIII. Scapuli

- 
- a) Chron. Tarvisin. apud Murator. Tom. XIX. & litt. regis an. 1418. in civitate Ravenspurg dat. *Pipone de Ozora — & ipso Alberto, Forjulii, & Istriæ partibus — tunc vexillum cum exercitu ducente, quam plures civitates, villas, nec non castra, castella & alias munitiones — ad nostram obedientiam reducentibus &c.*
- b) Aeneas Sylvius lib. 3. comment. in dicta Alphonfi, Windeck contra c. 27. sutoris filium fuisse memorat.

puffi oppidis, a) sed, dum de summa non  
 satis utrique convenire, nec profectio differ- 1412.  
 ri, posset, Optimates aliquot jussu Wladislai,  
 qui negotium perficerent, regem Zagrabiam  
 comitati sunt. Hic, cum ei nuncium allatum  
 esset, Sibenicum ad Venetos defecisse, b)  
 res celerius confecta, & his conditionibus  
 conventum est: Wladislaus pro oppidis pi-  
 gnori locandis, triginta septem millia sexa-  
 genarum latorum grossorum, c) numi Bohe-  
 mis usitati, & jussi ponderis Sigismundo nu-  
 merabit, hic vicissim, vel ejus successores,  
 dum pignus reluendum erit, tantundem per  
 Cassoviensem, & Leuchoviensem Consules,  
 & si regem prius decedere contingeret, per  
 duos Prælatos, totidemque primi Ordinis Ba-  
 rones, in auro, & argento, *Dunaveczii*, bo-  
 na fide restituent. d) Sigismundus postquam  
 pignoris tabulas, sua, & Prælatorum, Ba-  
 ro-

---

a) Hoc numero communiter veniunt; tabulæ pi-  
 gnoris plura censent, ut sunt, *Lublau* cum op-  
 pido *Podolinicz*, *Gnissam*, *Bela*, *Loubicz*,  
*Maynhardsdorf*, *Teutschendorf*, *Michelsdorf*,  
*Valendorf*, *Neudorf*, *Rysdorf*, *Talka*, *Kir-  
 chorf*, *Matthisdorf*, *Jergenberg*, & *Durancz*.

b) Lucius Mem. istor. pag. 407.

c) De har. valore vid. comment. cl. Gelasii Dob-  
 ner e piis scholis apud Pray Par. II. p. ag. 237. seq.

d) Tabulas pignor. vid. apud Pray Par. II. pag.  
 cit.

1412. 

---

ronumque subscriptione, VIII. Novembris firmasset, cura regni Barbaræ, a) & Strigoniensi Archiepiscopo b) credita, cum quadraginta millibus, subsidio suis in Italiam properans, via per Carnioliam vi facta, XVIII. Decembris *Utinum* pervenit. c)

1413. 

---

X. Hic indulta militi quiete, cum primum ver se aperuit, Anesium promovit, indeque prolata usque Veronam, & Vincenciam vastitate, cum Veneti decretoriam pugnam detrectarent, res velitationibus alterna fortuna solum acta est. Molestum id regi erat, qui nec coronationem suam porro differri, & scissam præterea inter tres Pontifices Ecclesiam, ad unionem reducere imprius cupiebat. Egit itaque cum Joanne XXIII. ut Venetos ad reddendas urbes, juri Hungariæ obnoxias, quas in Dalmatia occupassent, auctoritate sua persuaderet, d) quo liberius unioni in Ecclesiam reducendæ, positis armis,  
vaca-

---

a) Exstant donationes ab ea factæ, sed ea conditione, si has Rex a coronatione reversus confirmaverit.

b) Absente enim rege usus est hoc titulo: *Joann. Archiep. Strigonien. aulæ regis Romanor. summus Cancellarius, in regnis Hung. Croat. vicarius generalis.*

c) Litt. regis 1412. Utini d. 18. Decemb. dat.

d) Litt. regis ad Papam, apud Martene Thes. anecdot. Tom. I. col. 1743.



vacare posset. Sed illo, qui in hac animo-  
rum scissione omnem invidiam sibi vitandam  
existimabat, id recusante, has partes Her-  
mannus Comes Cilejensis in se recepit, quo  
interprete XXVIII. Aprilis induciæ his pactis  
in quinquennium coaluerant: utrique interea,  
quæ bello occupaverant, retinerent; Veneti  
autem ducenta aureorum millia regi solvant.

1413.

a) Ad accelerationem induciarum, præter  
memoratas causas, non parum etiam defectio  
Hervoyæ contulisse visa est. Homo inquires, &  
in quamlibet, ut ei commodum erat, partem  
versatilis, cum se a Ladislao rege deserui videret,  
nec Sigismundo satis fideret, Venetis autem,  
quod eis ad occupandam penitus Dalmatiam  
impedimento esset, se invisum sciret, cum  
Turcis clam cœpit agere. Proditus ex inter-  
ceptis litteris, frustra se apud reginam pur-  
gabat, cujus jussu Joannes de Gara, & Pau-  
lus Chupor, perfidum aggressi, maxima ca-  
strorum, quæ possidebat, parte exuerunt.  
b) Ita res habebat, cum Sigismundus, con-  
fectis

a) Windeck c. 27. Chron. Tarvisin. apud Mura-  
tor. Tom. 19. cit.

b) Id in sua ad reginam apologia apud Lucium  
Mem. istor. pag. 392. *Quomodo Joannes de  
Gara, & Paulus Chupor Banus, omnes pos-  
sessiones, & tenutas meas, excepto castro Po-  
segavár, sine litt. regalibus, abstulerunt, &  
occuparunt, &c.*

1413.

fectis induciis, *Bolsamum* veniens, perfidiam hominis, variorum, quæ ex Hungaria ei reddebantur, literis edoctas, comperit. Quare hominem, beneficiorum immemorem, ex Ordine equestri *Draconis* eliminatum, adempto præterea Ducis Spalatini titulo, ob notam infidelitatis, omni possessionum jure privatum, rei publicæ hostem declaravit. a)

Hervoya proscripto & periculo veneni, quod ei ficarius a Venetis subornatus, parabat, feliciter a se depulso, res Ecclesiæ rursus animo complexus, cum Cardinalibus, quos Joannes XXIII. ad eum miserat, de loco Concilii deliberabat, qui tutus, & omnibus ad concilium venturis commodus esset. Constantia præ ceteris opportuna visa est; in hanc Pontifex quoque Joannes, cum rege apud *Laudum* conveniens, licet ægre, & quasi amittendæ dignitatis suæ prælagus, consenserat. Sigismundus habito Pontificis consensu, vulgatis per Europam litteris encyclicis, Reges, Episcopos, aliosque, quorum intererat, ad Concilium, cujus initium ad Calendas Novembres anni sequentis futurum esset, invitavit. b) Vocatus itidem ad Concilium est

---

a) Lucius de reg. Dalm. l. 5. c. 5. apud Pray Par. II. pag. 246.

b) Van der Hardt. Concil. Constant. Tom. VI. Par. I. pag. 5. Pray Par. II. pag. 248. Katočna Tom. XII. pag. 166.

est Gregorius XII. Joannis æmulus, ut conatum suum ad concordiam Ecclesiæ reddendam, ipse etiam conferre vellet. a)

His apud *Landam* actis, Rex Pontificem *Cremonam* comitatus est, indeque, ab eo divulsus, *Placentiam* venit, ubi cum *Malatesta* de *Riminis* diligenter egit, ut vel Gregorium XII. in ejus ditione morantem, ad Concilium adduceret, vel ipse, si is nollit, acceptis ab illo mandatis, & potestate, *Constantiam*, in illius loco, veniret. *Placentia* *Tridentum* profectus, vetera fœdera, quæ olim inter reges Galliæ, & domum *Lucenburgicam* sancita erant, suo, hæredumque suorum nomine confirmavit, b) in *Germaniam* deinde reversus, *Joanni Huse*, nam hujus quoque, & errorum illius causa, Concilium indictum erat, litteras publici commeatus *Spira* transmisit, c) & *Aquisgranum*, quo *Barbaram* conjugem suam jam ante accersierat, VI. Idus Novembris, postquam Concilii Patres tertium confederant, veniens, cum conjugē coronatus est. d) Non est hujus instituti, res

P 2

Con-

a) Van der Hardt, Tom. cit. pag. 7. & Pray Par. II. pag. 248.

b) Leibnicz Cod. dipl. pag. 307.

c) Pray Par. II. pag. 254.

d) Litt. regis apud Rymer, Fœdera, & convent. Tom. IX. pag. 137. dat. Aquisgrani 1414. ipsa die coronationis, quæ fuit 8. Novemb.

1415.

Concillii minitum persequi, cujus ipsa fere initia; Joanne Papa per Fridericum Austriae Ducem, Constantia subducto, satis confusa fuere, nec minus, hoc etiam, jussu Sigismundi, reducto, laborandum regi fuit, ut Benedictus XIII. Concilio interesset; qua de causa Perpinianum, ut opera Alphonsi Arragoniae regis, ad eum Constantiam adducendum uteretur, profectus est, a) verum & hic conatus, ob conditiones ab illo propositas, quae magis ad augendum, quam tollendum, schisma, pertinebant, inutilis, & absentia regis praeterea Hungariae noxia fuit. Hervoya enim, qui ad Turcas interea defecerat, postquam suas copias illis conjunxisset, Hungaros memorabili clade affecerat, b) cujus indicium cum ad Patres concillii, certis ex Hungaria nunciis allatum esset, Wladislaum Poloniae regem, datis ad eum litteris, obtinebantur, ut seposita tantisper, quae illi cum Magistro Ordinis Teutonici intercesserat, lite, Hungaris, ad reprimendos barbaros, auxilio esse vellet, c) Astensem vero Episcopum in Hungariam legarunt, ut animos cladis magnitudine fractos, facta subsidiorum spe,

---

a) Theodor. a Niem I. cit. lib. III. c. 9.

b) Thurocz Chron. Par. IV. c. 16.

c) Litt. Concil. ad reg. Pol. apud Dogiel Tom. I. pag. 50.

Ipe, erigeret. a) Ac Wladislaus quidem, missis confestim ad Muhamed, & Hervoyam 1415.

b) nunciis, utrique denunciavit, nisi inducias cum Hungaris inirent, & captivos dimitterent, bellum a se, & Sigismundo, unitis viribus gerendum, sibi indictum scirent. c) Turcæ tamen his minis nihil terri-

1416.

ti, & anni superioris victoria inflati, dum Sigismundus Parisiis Londinum, ad conciliandum utrumque regem com meat, rursus vastitatem per provincias Hungariæ, Venetorum, quod memoratu triste est, milite, & annona adjuti, d) circumferebant. Non id tamen impune illis fuit. Hungari resumtis viribus, Turcæ ultra grassari volentes, ingenti prælio victos in fugam conjecerant, spoliisque potiti, cladem prioræ anno acce-

P 3 ptam,

a) Martene Thes. anecdot. Tom. II. col. 1640.

b) Id. ibid. col. 1652. Litt. reg. Pol. ad Concil. inter reliqua: *missimus ad Christem magnum Turcam, & alios ad Bosnam, ad Hervoy.*

c) Id. ibid.

d) Id. ibid. col. 1632. *Lectæ fuerunt tres literæ, missæ D. regi per fideles suos de Ungaria, in quibus continebatur, — quod Turcæ valde damnificarent quædam regna Ung. & hoc ad suggestionem Venetorum, qui præstitissent eis 600 balistarios, & bombardas, seu pyxides, & vidualia &c.*

1419: nus, qui, si tempore præstituto nuptiæ non celebrarentur, quadraginta millia florenorum se numeraturos receperant, a) Inde Posonium, ubi præcipuos ex Prælatiſ, & Magnatibus, honoriſ cauſa obviam habuit, profectus, conjugem, quæ, ſe abſente, ob contractam cum *Vallmerodio* b) familiaritatem, in ſuſpicionem venerat, *Varadinum* deportari juſſit, c) tum intermiſſam rei publicæ curam reſumens, incertus hærebat, in Venetone, an Turcas, quorum illi in Dalmatia, d) hi vero in Bulgaria, per ſui abſentiam, fines ſuos latius protulerant, arma corripienda eſſent? ambigentem *Nicolaus Sarracenus de Goræz*, qui in Nicopolitana pugna a Turciſ olim captus, ex duodecim annorum captivitate evaſerat, e) ut hiſ bellum, præ illiſ, infer-

a) Idem ibid, c. 69.

b) Enoch. Widemann Chron. Curiaſ apud Mencken Tom, III, pag. 713.

c) Windeck cit, l. c. 86. perhibet, etiam ſciam cum illa relegatam eſſe, quod cum, ob ætatem illiſ, tum ob nuptiarum cum Alberto tempus hoc annq præſtitutum, videtur proſuſ incredibile, ut prudens ſuſpicio in illam cadere potuerit.

d) Lucius Mem. iſtor, pag. 422.

e) Litt. regis dat. in Tornoſa fer. 2, prox. poſt feſt. B. Valentini M. 1428. Ipſe *Nicolaus Sarracenus* — ſub caſtro *Nicopolis*, fortuna na-

ferret, permovit. Eodem igitur per aestatem  
 necessaria appellu, in Bulgariam movit, 1419;  
 cumque Sultanum inter Nissam & Nicopolim  
 metari, intelligeret, promotis castris;  
 praelio IV. Octobris cum eo congressus, octo-  
 ginta fere hostium millibus partim caesis, par-  
 tim fugatis, victoria potitus est. a) Fracti  
 hoc bello Turcæ, totaque Bulgaria, & Ser-  
 via exacti sunt, quas ut deinceps ab eorum  
 infestationibus liberaret, alibi eisdem hostes  
 parare statuit. Hanc ob causam eundem  
 Nicolaum Sarracenum in Mesopotamiam, vi-  
 cinosque Principes, b) ejus vero familiarem  
 Josam,

*his frustrante, — per eosdem Turcos captus,  
 & in hujusmodi captivitate fere 12 annis in-  
 tagris existit, — tandemque — divina dispo-  
 nente clementia liberatus, rursus se famula-  
 ribus nostris adjungens &c.*

a) Hist. Turc. Abbat. Beattini Par. d. pag. 77.  
 Fuisse hoc an. Sigmundum in Bulgaria patet  
 ex lit. ejusd. apud Lunig, Cod. Germ. Diplom.  
 Tom. I. col. 1491, quarum hæc subscriptio est,  
*Der heben ist auf dem neuen Haus in der Bul-  
 geroey bey den Isenither 1419. des negsten Don-  
 nerstag, vor St. Simonis, und Judæ, der hei-  
 ligen zwelf Botten Tag.*

b) Litt. cit. regis an. 1428. Potissimum autem,  
 dum pridem eundem Nicolaum in nostra solemnè  
 ambasciata, — ad Principem Karajowluk, da-  
 minum

1420. Brunensibus egisset, rectaque Pragam contendens, se inaugurari sivillet, facile concitatos in se motus, praesentia sua, & captato tempore sopire poterat, sed dum moras trahit, Pragenses spaciū interea muniendae urbis, & de conditionibus, quae proponendae ei essent, deliberandi ocius nacti sunt, quas cum citra honoris, & dignitatis suae diminutionem, amplecti non posset, nec iis etiam Bohemis, quos in comitatu habuit, satis fideret, Wratislaviam abiit, ut diuturnam inter Wladislaum Poloniae regem, & Magistrum Ordinis Praesici, litem componeret. Sententia, quam pro Magistro Ordinis tulerat, praecipua deinceps similitatis inter utrumque regem, causa fuit. <sup>a)</sup> Ex inopino regis e Moravia receptu, qui speciem metus praeferebat, factiosi majores animos sumere, paulumque post, quam duodecim cives, qui anno priore aliquot senatores ex fenestra precipites egerant, capite truncari jussisset, fama-que Pragam esset perlata, missum esse a Pontifice Lucensem Episcopum, qui cruciatorum expeditionem contra Hussitas promulgaret, in apertam seditionem prorupere. Vim igitur refractariis adhibere necessarium erat. Postquam exercitum supra octoginta millium ex Imperialibus, & Hungaris conflasset, rejectis per iter obstaculis, Pragam ob-

---

<sup>a)</sup> Dlugoss. l. 11.



obsidione cinxit, & quamquam minorem urbem, cum arce Pragensi, in potestatem red-  
egerit, majori tamen urbe, quam cives, a  
*Ziska* Taboritarum ductore adjuti, acriter  
defendebant, potiri non potuit. Quare obsi-  
dionem, consilio suorum persuasus, solvit,  
nullo alio fructu expeditionis relato, quam  
quod a Conrado, urbis Archiepiscopo, VI.  
Calendis Julii, in arcis templo, Rex Bohe-  
miæ coronatus esset. a)

XII. Nec felicius ei sequente anno res  
cessit, cum in principio, bellum magis sui  
defendendi causa traheret, quam inferret.  
Wladislaus quidem, qui regnum Bohemiæ  
sibi ante annum a Pragensibus oblatum, re-  
cusaverat, spem concordiæ, inter regem, &  
Bohemos instaurandæ, eminus ostentabat,  
sed, cum mercedis loco, sibi Silesiam inter-  
ea; donec Prussiam subjugarit, cedi peteret,  
hæc in ipso sui ortu dissipata fuit. b) Interea  
Bo-

a) Byzynii diar. belli Hussit. ad an. 1420. apud  
Ludewig reliqu. Mss. Tom. 6. pag. 154 &c.  
Windeck c. 70. — 84. Aen. Sylvius hist. Boh.  
c. 39. — 42.

b) Dlugoff. l. 11. additque, Sigismundum, ut si-  
bi Wladislaum contra Bohemos conciliaret,  
promississe, se filiam suam ei conjugem daturum,  
quod a vero abhorret, cum hanc pactis con-  
ventis dudum ante Alberto Duci Austriæ, de-  
signato etiam nuptiarum tempore, desponderit.

1421.

Bohemi repulsam passi, regnum Vitoldo  
Lithuaniae Duci offerre constituerant, eaque  
de causa Csaszlaviam conventum indixere.  
Graviter id pro merito Sigismundus tulit,  
missoque ad conventum Sternbergio, seditio-  
sos ab hoc conatu avocabat, sed illi, excusso  
jugo, etiam proterve audaces, tantum ab-  
est, ut morem gererent, ut datis etiam ad  
illum litteris, se injuriis affectos questi, cri-  
mina eidem oggerere non vererentur. a)  
Videns igitur, illos nihil sani consilii jam  
admittere, auxilium ab Imperii Principi-  
bus flagitavit, qui, quoniam seditionis conta-  
gio ad vicinas quoque nationes sensim pro-  
pagari posset, communem expeditionem ad  
XXIV. Augusti contra Bohemos decreverant,  
ad quem diem Sigismundus quoque cum suis  
copiis se affuturum promisit. Ac primi omni-  
um, qui signa in Bohemiam, ante conductum  
diem, intulerant, Fridericus Misnensis, &  
Wilhelmus Brunswicensis, fuere, qui hoste  
ad *Brüxinum* profligato, occupata *Comotavia*,  
& *Rodano*, omnem late viciniam ferro, &  
igne populabantur, b) Rex tamen, ut pollici-  
tus

---

a) Pray Par. II. pag. 249.

b) Chron. vet. Cellen. minus apud Mencken scri-  
ptor. Tom. II. pag. 445. Chron. picturatum  
Brunsvic. apud Leibniz script. Tom. III. pag.  
398. Balbinus epitom. l. 4. c. 7. pag. 448. &  
sequ.

tus erat, adesse non potuit, quem partim Veneti, reliquias Dalmatiæ magis magisque carpentes, partim Amurathes Turcarum Princeps, in Transilvaniam irrumpens, avocarunt. Huic, quoniam periculum Hungariæ vicinius erat, obviam profectus, cum Sabesum venisset, a) præter expectationem, Legatos ab eo accepit, qui de induciis cum rege transigerent.

Ad has flagitandas, intestini motus tam in Europa ab Mustapha Sultani defuncti spurio, quam in Asia ab iis, ad quos Rex Legatos ante biennium miserat, b) eodem tempore concitati, Amurathem, belli ceteroquin appetentissimum, adduxerant. Suberat & illud, quod Imperator Emanuel, qui bellum sibi ab eo inferendum non vane conjiciebat, hostes eidem in ipsa familia clam subornare non desineret. Nec Sigismundus ab induciis abhorruit, cui alioquin satis negotii erat, ut refractarios Bohemos in ordinem redigeret, qui, postquam Imperiales copiæ, frustra expectato rege, recessissent, viribus refumtis,

spem

a) Litt. regis Sabesio dat. an. 1421 d. 4. Jul. existant in Memoriali Legator. Habsiæ, ad convent. Ratisbonen. Gieslæ an. 1707. edit. Nro. 2. pag. 91. Lit. X.

b) Conf. quæ de hac in Asiam legatione ad. an. 1419. Nro. 11. relata sunt. Item hist. Turc. Abbat. Becattini Par. I. pag. 79.

~~1421.~~ spem conciliationis regi penitus ademerant.  
 1421. Re igitur cum suis collata, inducias in quin-  
 quennium a) pactus est, quibus autem condi-  
 tionibus fuerint initæ, nemo hactenus, quod  
 sciam, memoriæ prodidit. Dimissis Legatis,  
 eo magis reditum accelerabat, quo certius  
 ad se perferebatur, Bohemos, postquam ab  
 Wladislao, & Witoldo repulsam tulissent,  
 nuncios ad Sigismundum *Coributum*, quem  
 aliqui Witoldo fratrem tribuunt, misisse, qui  
 ei regnum offerrent. Sed commode factum,  
 quod a Joanne Troppaviensium Duce inter-  
 cepti, ac in Hungariam missi, curas regis  
 tantisper minuerent, qui per id tempus, ut  
 Moraviæ vicinior esset, Posonium venerat.  
 Hinc, quoniam tempus nuptiis filiæ præstitu-  
 tum appropinquabat, Viennam abiit, inde-  
 que celebratis nuptiis reversus, b) tabulas,  
 quæ voluntatis testamentariæ vicem obirent,  
 condidit. Earum hæc sententia erat: c) Se,  
 post

---

a) Apud Vindeck c. 86 oscitantia scribæ, 50. an-  
 ni irreperant.

b) Anonym. Viennensis Chron. breve Austr. ad  
 an. 1421. apud Pez, script. Austr. Tom. II.  
 pag. 550. alii non recte ad an. sequ. nuptias  
 rejiciunt, ut ex regis dispositione testamentaria  
 patet.

c) Autogr. germanice exstat in Tabular. Viennæ.  
 Aulico. Dat. Posonii an. 1421. Dominic. prox.

post habitam cum regni Prælatiſ, & optima-  
tibus maturam deliberationem, de filiæ ſuæ 1421.  
hæreditate, hunc in modum conſtituiſſe, ut,  
ſi ipſe deinceps nullam prolem maſculam  
habi-

---

antē feſt. B. Michaeliſ. Excerpto ſolum; quæ  
huc pertinent. *Darumb mit wollbedachten  
müte, redlicher vorbedachtung, guten rate  
unſerer Fürſten, Landherren, Edele, und ge-  
trewen, und rechter wiſſen verſorgen wir die  
egenante Elizabeth unſer liebe Tochter mit  
irem ertheil, — were es Sache, das wir für-  
das nicht Leibeserben gewünnen, die Sun weren,  
und mer Tochter hetten und gewinnen, ſo ſol-  
len wir die vorgeannte unſer liebe Tochter,  
und Herzog Albrechts Gemahel, bey unſern  
lebendigen Zeiten verſorgen, weliches Kunig-  
reich, zu Ungern, oder das Kunigreich zu  
Behem mit der Marggraſchaft Merhern, und  
allen andern Fürſtentumen, Landen &c. Sy  
nach unſerm Tode haben, und beſitzen ſolle.  
Were aber, das wir ſolche Verſorgung verzü-  
gen — und mit dem Tode, do Got für ſey,  
fürkommen wurden, ſo geben wir der vorge-  
nanten unſer lieben Tochter, in Crafft diez  
brieves volle macht und gewalt, das ſy ſelbs  
die wale habe, welches Kunigreich under den  
zweyen, das Kunigreich zu Unger, oder das  
Kunigreich zu Behem, miſſampt der Marg-  
graſchaft zu Merhern mit allen andern zuge-*

1421.

habiturus esset, hæc, a suo obitu, Hungari-  
am, Bohemiam, & Moraviam, cum ceteris  
regnis, & provinciis, jure hæreditario, ad  
proles illius transituro, possideret: si vero fi-  
liam adhuc ex conjugē tolleret, tum in Eli-  
sabethæ in arbitrio futurum, utrum ex duo-  
bus regnis, Hungariamne, an Bohemiam,  
cum adnexis provinciis, volet eligere, quod-  
ve delegerit, illius eodem jure hæreditario,  
fore, alterum vero sorori cederet, iis solum  
exceptis, quæ Alberto Duci ante contulisset, a)  
aut

*hörigen, sy für iren Erbtheil haben wolle,  
das sy also Kyeze', und welches Kunigreich sy  
also Kyezen, und welen wurde, des sol sy  
ganz mechtig seyn, und es soll ir auch erb-  
lich, und mit aller Zugehörung vollkommen-  
lich nachfolgen, — were aber das wir kein  
Tochter mer gewunnen, noch hetten, so sollen  
beyde Kunigreich zu Ungern und zu Bekem,  
und die Marggrafschaft zu Merhern, mit al-  
len ander unsern Fürstenthumen, Landen und  
Lewten, an die egenante unser Tochter Elisa-  
beth, und ires Leibserben kommen, und gefal-  
len mit allen iren Zugehörungen, ausgenom-  
men, was wir Hertzog Albrechten vor ver-  
schrieben haben, oder noch verschreiben wür-  
den &c.*

- a) *Quinque Moraviæ civitates, Brunam, Znoy-  
mam, Iglaviam, Budvicium, & Pocherliczam,  
pigno-*

aut deinceps conferre vellet. Celebratis  
 nuptiis, & lustratis, quas ad signa adesse in- 1421.  
 terea jusserat, copiis, Posonio Igloviam mo-  
 vit, ubi, cum ex Magnatibus Bohemiæ,  
 qui se ei conjunxerant, intellexisset, dissidia  
 inter Pragenſes, & Taboritas orta eſſe, tem-  
 pus occupandum ratus, in Cſaſzlaviensem  
 provinciam profectus, occupata Cuttenberga,  
 Ziskam Taboritarum Ducem, inter montium  
 fauces circumventum, ita conſuſit, ut eo  
 intercepto, vel caſo, ſpes eſſet, Bohemiam  
 facile pacandam eſſe. Verum ille noctu ex  
 inſidiis feliciter eluctatus, anno ſequentē, li-  
 cet rigida hyems eſſet, regem Teutobrodam  
 recedentem, & prælium detrectantem, ag- 1422.  
 greſſus, conſerta pugna in fugam egit, qui,  
 licet amiſſis caſtrorum impedimentis, reli-  
 quas copiarum, Iglaviam evadens, ægre  
 periculo ſubduxerit, nihil tamen propterea  
 ob ſpem, quam ex inſtimis Bohemorum  
 diſſidiis concepit, dejecto animo erat. Zis-  
 ka enim, cum de rege, qui Sigismun-  
 do ſubrogandus eſſet, agebatur, nullo rege  
 Bohemis opus eſſe, communi Taboritarum  
 nomine declaravit, Pragenſes contra, Cori-  
 butum, qui illis ex Lithuania ſuppētiās vene-  
 rat, optabant, hunc contra Magnates cum  
 Nobilibus averſabantur, & ut Pragenſibus  
 Q 2 ſpem

---

pignoris loco ei dedit, ut has e vicina Austria  
 contra Huſſitas facilius defendere poſſet,

**1422.** spem penitus adimerent, regni Insignia in munitissimam arcem, *Caroloſteinium*, transferenda curarunt. a) Hoc loco res a clade Teutobrodiana erant. Facile Sigismundus intellexit, Wladislaum sibi, ob sententiam pro magistro Ordinis Prussici ante biennium a se perlatam; suboffensum esse, eoque vel dissimulante, vel conscio, Coributum venisse in Bohemiam, non tam, ut ei regnum assereret, quod ipse, ne acceptaret, æquum censuit, quam ut esset, qui Bohemos in pertinacia confirmando, sibi novas identidem molestias crearet.

**1423.** XIII. Ad hunc igitur sibi conciliandum, præcipuos ex regni Baronibus, a suo ex Comitibus Norimbergenſibus reditu, Posonii, ut cum iis negotium conferret, adesse iussit, utque Bohemos interea sopiret, Friderico Saxonix Duci potestatem dedit, ut cum iis modum conciliationis, quem ex temporis, & animorum habitu optimum censuerit, iniret, ipse vero, postquam, exquisita suorum sententia, omnes in eo conspirare intellexisset, ad redintegrandam cum Polonis amicitiam, necessarium videri, ut ambo reges congregarentur, *Kesmarkinum* profectus, literas inde ad Wladislaum dedit, quibus gratum

---

a) Windeck cit. l. c. 90 — 94. Aen. Sylvius l. cit. c. 44. Balbinus epitom. l. 4. c. 7. ejusdem Miscell. Dec. 1. l. 3. c. 21.



tum sibi futurum significabat, si ad dissensiones, quæ hactenus utrinque intercesserant, 1423.  
penitus tollendas, condicto, quem vellet, loco, convenirent, liberum, tutumque com-  
meatum, si veniret, pollicitus, idem spon-  
dit Proceribus, quos in comitatu habiturus  
esset, similiter optimates Hungariæ fidem su-  
am iis obstrinxerant. a) Wladislaus, quam-  
quam Rex arbitrio illius locum conventus in  
confinio designandum reliquerit, nihil tamen  
humanitate ei concedens, vel de fide illius  
dubitans, Kesmarkinum cum Vitoldo fratre  
in comitatu Procerum suorum venit, & vo-  
lens, libensque pacta, quæ olim Lublovix  
inita fuere, Sigillis tam Sigismundi, quam  
Procerum Hungariæ rursus corroborata, in-  
stauravit. b) Amicitia utrinque constabilita,  
duplex regi emolumentum accessit: primum  
quod mitigata, quam prius in causa Ordinis  
Prussici tulerat, sententia, Magister Ordinis,  
Wladislao conciliatus, & ab hoc, quod al-  
terum erat, Coributus ex Bohemia redire  
jussus fuerit. c) Privatim illud etiam addi-  
tum, ut Rex Poloniæ triginta millia militum  
Sigismundo, contra Bohemos, suppetias ad

Q 3

VIII.

- 
- a) Dat. in Kezmarck Dominic. Lætare, an. 1423.  
apud Sommersberg, Tom. I. Dipl. Siles. man-  
tiss. diplom. pag. 82.  
b) Apud Dogiel, Dipl. Pol. Tom. I. pag. 52.  
c) Dlugófs. l. 11.

**VIII.** Calendas Augusti, mitteret. a) Saluta-  
 1423. to postremum Wladislao, Budam rediit, quo  
 varii ex Imperio Principes, & Albertus ge-  
 ner, ex Austria advenerant. Huic Moraviam,  
 ne interea, dum res Legatorum Bohemiæ,  
 nam & ipsi adfuere, cognoscât, defensore  
 careret, in feudum contulit. b) Ac hi qui-  
 dem, Bohemos ad obsequium redituros, pol-  
 licebantur, si Rex, data erratorum venia,  
 efficeret, ut religionis capita, in quibus  
 a ceteris dissentiebant, rursus in consultatio-  
 nem venirent. Verum simulate hæc omnia,  
 nec tam concordiae ineundæ causa, quam ut  
 tempus, ad augendos belli apparatus, nan-  
 ciscerentur, eos egisse, ex eventu patuit. c)

**Nondum** Principes Buda discefferant,  
 1424. cum regi nunciatum est, Manuélem Impera-  
 torem, qui se venturum jam ante significave-  
 rat, non longe abesse, cui obviam medio  
 stadio profectus, Budamque deducto, hono-  
 res dignitati pares exhibuit. d) Fœdus com-  
 mu-

a) Windeck. c. 112. *Also wart ein eynung ge-  
 macht, zwischen den beyden Konigen auf ir  
 baider Lebetage also das der Konig von Bo-  
 lant uf die Hussen dem Konig Sigmund zu hul-  
 fe komen solte mit 30. tausent manen auf sant  
 Jakobstage.*

b) Dobner monument. Tom. IV. pag. 414.

c) Windeck c. 114.

d) Idem c. 119. collat. cum c. 23.

munne contra Turcas fanciendum, itineris causa fuit, & videbatur id tempus ipsum suadere, quo Mustapha, cujus supra mentio facta est, Amurathe ad fines Persiæ occupato, arrepta tyrannide, rerum potitus, illum redire volentem, Europa excludere parabat. Sigismundus, re cum suis, inter quos & Despota Serviæ erat, collata, induciis nondum elapsis, ab ineundo fœdere abstinendum, & vires potius Bohemis ad obsequium reducendis adhibendas existimavit. Itaque Imperatorem, post octo hebdomadas, liberaliter habitum, ab se dimisit, quem paulo post Oratores ab Amurathe consequuti, inducias, oblati ex Asia ditissimis muneribus, prorogari petebant, quas in biennium eo facilius impetrarunt, quo magis, conciliata inter Pragenfes, & Taboritas concordia, Moraviæ, quam Ziska in prædam destinabat, periculum imminabat. a) Ut hominem propositi sui tenacem, & in hoc exequendo semper celerem præveniret, Stephanum, & Georgium, Rozgonios, cum parte copiarum in Moraviam properare, & Alberto Duci Austriæ, suppetias ferre iussit, qui, aliquot urbibus expugnatis, dum Ziskæ obviam pergunt, hic peste correptus, magno Taboritarum luctu, extinctus est. b) Locum illius, *Coributus* occupa-

Q 4.

re

a) Windeck ibid. & hist. Turc. Becattini pag. 86.

b) Aen. Sylvius l. cit. c. 44. — 47. & litt. regis an. 1430. apud Pray Part. II. pag. 288.

- re volens, e Polonia reversus, subsidiarias  
 1424. copias adduxit. Factum hominis Wladislaus graviter ferens, ne causa violati foederis in se redundaret, Sigismundo quinque equitum millia in auxilium misit, a) cum alias triginta pollicitus esset. Sed, cum hic numerus, ad refrænandos Hulsitas, regi exiguus videretur, Viennam, quo Imperii Principes ad conventum exciverat, sequente anno profectus est, ut cum iis de apparatu in bellum Hulsiticum consultaret. Præter complures  
 1425. Principes aderant quoque nuntii urbium Imperii frequenti numero, at, cum Rhenani Electores abessent, indicto Norimbergam alio conventu, nihil tum confici potuit, & Sigismundum, præter expectationem, Turcæ in Hungariam revocarunt, qui, violatis induciis, facta in Valachiam irruptione, *Danum*, provinciæ Vajvodam, captivum abduxerant, cum Amurathes interea Constantinopolim ex parte continentis obsideret, quam tamen, quod classe destitutus esset, & Joannes Palæologus, qui patri Manueli successerat, urbem acriter defenderet, solvere coactus, deductas copias Thessaliæ, & Albanix infudit, imperatoque urbibus utrobique captis tributo, bellum, ad seditionem opprimendam, in Asiam traduxit b)

Tam

a) Dlugos. l. 11.

b) Windeck, c. 127. — 137. Becattini hist. Turo, pag. 89.

Tam assidua, qua Amurathes usus est, armorum fortuna, vicinos Principes, in primis Stephanum Serviae Despotam, admonuit, ut rebus suis mature consuleret, qui cum saepe morbo laboraret, nec haereditem hactenus ex Contaculena sustulisset, de successore, qui Turcis obsistere posset, anxius, Sigismundum orabat, ut Georgium, ex sorore nepotem, non solum Hungariae Baronibus accensere, a) sed suum quoque haereditem, jure successio- nis ad legitimos ejusdem filios traducto, ren-unciare vellet, b) Non abnuitt Rex, praer- ser-

a) Litt. regis an. 1426. dat. in Thata. *Insuper fidelem nostrum Magnificum Georgium Wuk, filium Branck, nepotem utpote suum, in ca- tum & consortium, dictorum ejusdem regni nostri Hung. Baronum aggregare, instanti pre- ce, a nostra obtinuit maiestate. &c.*

b) Ibid. *Volentes ex singulari maiestatis nostrae benevolentia, eidem Stephano Despotae, in ipso regno Rasciae, de sua sanguine facere suc- cessorem, animo deliberato, & ex certa mai- estatis nostrae scientia, Praelatorumque, & Ba- ronum nostrorum ad id accedente consilio praematurato, eundem Georgium, filium Wuck, & suos masculinos haereditas legitimas, ejusdem Stephani Despotae instituimus successores, & praeficimus in haereditas, eisdemque, Georgio, & suis masculinis haereditibus legitimis, casu*  
qua

1446.

sertim, quod militarem Georgii indolem jam ante cognitam habuerit, & omnium maxime idoneus, propulsandis Turcis videretur, ea tamen conditione, ut tam ipse, quam ejus hæredes, quoties id reges Hungariæ poscerent, toties omnibus viribus contra hostes, qui Serviam, eique vicinas ditiones, invaderent, præsto esset: a) si vero illum absque legi-

*quo memoratum Stephanum Despotam absque hæredibus masculini sexus, ex hac luce migrare contigerit, jam dictum regnum, omniaque, & singula jura, & jurisdictiones ejusdem dedimus &c.*

a) Litt. regis an. 1426. cit. Ita videlicet; quod ipse Georgius & hæredes sui, nobis, & sacro nostro regio diademati, nostrisque successoribus regibus Hung. fideles semper, & obedientes esse, mandatisque nostris, & eorundem nostrorum successorum incunctanter obedire — debeat, & teneatur. Volumus insuper, quod, dum & quando imminente necessitate, Majestas nostra, aut successores nostri, dictum Georgium, aut suos hæredes, ad hoc requisiverint, ex tunc ipse & eorum quilibet, in partibus sibi, & dicto regno Rasioiæ vicinis, cum tota potentia, & gentibus suis exercitualibus, juxta possibilitatis eorum exigentiam, nobis, & coronæ, ac regno, nostris prædictis toties quoties necesse, & opportunum fuerit, semper, & ubique fideles exhibeant famulatus.

legitimo hærede mori contigerit, Servia rursum ad jus regum Hungariæ redeat; a) & 1426.  
ut hominem magis in officio contineret, præcipua castra, quæ ad hostes arcendos, & si opus erat, ad vim quoque inferendam, situ ipso comparata erant, sibi, suisque successoribus, regibus Hungariæ, servata voluit. b)

XIV. Interea Ordines Imperii, decreta Francofurti contra Hussitæ expeditione, semel, iterumque copias in Bohemiam duxerant, totiesque clade accepta redierunt. Causa infelicitis exitus Sigismundo attributa fuit, qui per id tempus partim in Transsilvania, c) par-

a) Ibid. *Eo specificè declarato, quod in casu, in quo ipsum Georgium sine hæredibus masculinis decedere contingat, ex tunc omnia prædicta, per nostram majestatem eidem data, & collata, iterum ad majestatem nostram, coronamque, & regnum nostrum, integraliter redundant, & devolvantur.*

b) Præter Belgradum exempta erant, sed quorum nomina fere exoleverunt, sequentia castra, cit, litt. comprehensa: *Tysznicza, Ozatz, Zakol, Polanch, Broddr, Zomzédvár, Halap, Machow, Bythwa, Felsőwabna, Abna, Neprychow, Columbara, Betascna, Vub, & Thamlawamelek.*

c) Litt. regis an. 1427. fer. 2. prox post Dominic. *Quasi modo geniti,* in Szentgyörgy, apud Katona Tom. XII. pag. 476.

**1428.** ~~partim~~ partim in Valachia a) agebat, ut has provincias adversus Amurathis conatus, ad defensionem compararet, qui, domitis rebellibus, ex Asia reversus, castrum columbarum, (*Galambóc*) a Serviae Despota, depacto precio, magis extorsit, quam emit, idque pro statione, ex qua, in quamcunque vellet partem, arma circumferret, defixit. Stephanus Rex Bosniae tam vicino hoste territus, Hermanum Ciliae Comitem, & Sclavoniae Banum, qui ei cognatione junctus, ex finitima provincia auxilio esse poterat, si ipse legitimo filio careret, Bosniae haeredem scripsit. b) Nec Sigismundus, ut hostem a Danubio removeret, diu moratus, ducto in Serviam exercitu, castrum columbarum, mense Majo obsedit. c) Verum Amurathes, opinione celerius, obsessis succurrit, regemque in alteram Danubii ripam recedere coegit, penesque erat, ut in manus hostium incideret, nisi

---

a) Litt. regis dat. in *Ribnic* an. eod. 22. Jul. in Lusatia super diplomat. continuat. pag. 6.

b) Litt. Stephani reg. Bosniae dat. in *Bobowetz* an 1427. d. 2. Sept. apud Pray Par. II. pag. 293.

c) In hist. Norimberg. diplomat. Period. 2. pag. 544. exstant. litt. regis an. 1428. d. 5. Maji, quibus urbi Norimbergen. privilegium *de non evocando*, tribuit, dat. in exercit. ad castrum Columbar.



fi virtute Stephani Rozgonii servatus fuisset. a) Hic aliquamdiu hostem observans, Sismanni Bulgariæ quondam Imperatoris filium, ad se perfugientem, in clientelam recepit, eique in provincia Themensi amplios fundos tribuit, ex quibus dignitatem suam tueretur. b) Inde, cum Amurathes bellum in Moream transferret, eique res deinceps cum Venetis futura esset, Budam reversus, ac mox Posonium concedens, in spem erigebatur, fore, ut Bohemi saniora tandem consilia admittant, quorum Legati, inter quos Mainhardus de Novadomo præcipuus erat, Posonium venerant, ut cum rege de ineunda pace agerent. Aderant quoque, præter Albertum Ducem Austriæ, aliquot Silesiæ Principes, & præcipui ex Hungariæ optimatibus. Arbitrium, consensu omnium, quatuor Bohemiæ Magnatibus, tam Pragensium, quam Orphanorum parti addictis, delatum, qui, cum conditiones, quibus Sigismundum, regem Bohemiæ declarari cupiebant, constituissent, Taboritæ, quorum intererat, ut bellum, ad agendas prædas, duceretur, obstitere. Sigismundus, videns nihil jam pacati a Bohemis ob partium studia sperari posse, conventum Imperialibus Posonium indixit, in

1428.

1429.

a) Litt. regis an. 1436. apud Pray Part. II. pag. 295.

b) Ejsd. litt. an. 1428. dat. in Földvár.

~~1429.~~ in quo primum de restituenda quiete in Gara-  
 1429. mania, tum de expeditione rursus in Bohe-  
 miam suscipienda, tractaretur. Convenere  
 ad Calendas Decembres, & quinta ejusdem  
 mensis initium conventui factum; internuncii,  
 qui regis mandata ad Electores perferrent,  
 Zagrabienſis, & Pataviensis, Episcopi, cum  
 regni Palatino, Nicolao de Gara, fuere.  
 Sed in ipſo congressus initio, illa difficultas  
 obmota, quod non omnes Electores adessent,  
 ac ideo Norimbergam, qua omnes convenire  
 possent, pro Comitibus designandam videri.  
 Rex importuna mora offensus, frustra Norim-  
 bergam, aſebat, obtendi, in qua ante septen-  
 nium tempus diu triviſſet, cum hoſtes interea  
 ſuis ditionibus vaſtitatem inferrent, ſe alio-  
 qui dignitatis Imperialis, quæ ſibi hactenus  
 damno fuerit, jam pertæſum, ac, cum mor-  
 bis crebro laboret, conſtitutum habere, ut ſe  
 hac abdicet, ſatis ſibi ceteroquin ad ſuam di-  
 gnitatem tuendam, præſidii in Hungaria eſſe.  
 Qua denunciatione moti, expeditionem con-  
 tra Bohemos, & conventum Norimbergam,  
 in ſequentem annum ad XIX. Martii decre-  
 vere. a)

~~1430.~~ Bohemiorum, quæ Poſonii decreta erant,  
 1430. non ignari, ſua intereſſe putabant, ut prius,  
 quam Imperiales expeditioni ſe parent, ipſi,  
 cor.

---

a) Windeck, c. 116. & 117. Becattini hiſtor.  
 Turc. pag. 195.

corruptis armis, eos praeveniant. Habita 1430.  
 ergo ipsis Calendis Januarii deliberatione,  
 cum LXX. pugnatorum millibus, Misniam,  
 Saxoniam, Franconiam, & partem inferioris  
 Bavariae pervagati, actis spoliis, & extorta a plerisque collecta incendiaria, divites  
 rediere. Mox indulta tantisper quiete,  
 in Hungariam effusi, eam, quae inter Posonium,  
 & Tirnaviam est, plagam foede vastabant.  
 Ultra grassari volentes, Stiborius cum Mathisio prohibuit, sed ab hoc in pugna perfide  
 desertus, tam inauspicato cum iis congressus est,  
 ut amissis suorum sex millibus, inferior excederet.  
 Nec Hufsitis incruentum praelium fuit,  
 desideratis duobus millibus, ne ab Hungaris,  
 quos cum novis supplementis affuturos rumor erat,  
 opprimerentur, in Moraviam reversi sunt, a) Sub hac  
 tempus conventui praestitutum, propter incursiones  
 Hufsitaram ad Septembrem prorogari oportuit,  
 quo Sigismundus primum Norimbergam venerat,  
 quamquam ne tum quidem, quod pauci adessent,  
 quidquam de bello Hufsitico agi potuerit.

Advenerant illo etiam nuntii ex Valachia  
 missi, qui *Danum*, provinciae Vajvodam,  
 obiisse referebant, atque ut defuncto alium  
 sus-

---

a) Windeck c. 170. Aen. Sylv. l. cit. c. 48. Chron. Sclavo. apud Lindenbrog pag. 214. Balbin epit. l. 4. c. 11. & Miscell. Dec. 1. l. 4. §. 110.

1430.

fu ficeret, orabant. Habuit secum, diu in att-  
 la educatum, *Myrzam*, Pancratii Vajvodæ  
 quondam Valachiae filium, hunc, quod in  
 ejus fide plurimum reponeret, clava, quod  
 gentis illius more signum potestatis erat, do-  
 natum, & in ordinem Draconis cooptatum,  
 Valachiae, exacto prius fidelitatis juramento,  
 præfecit. a) Agebat quoque cum Alexandro,  
 Duce Lithuaniae, de conferenda ei regia di-  
 gnitate, & jam Legatos, qui coronam, &  
 reliqua regiae potestatis insignia eidem per-  
 ferrent, designaverat, cum Wladislaus, re-  
 mature comperta, in Lithuaniam profectus,  
 fratrem, ut ab hoc proposito desisteret, per-  
 movit. b) Accepta hac repulsa, cum rursus  
 de expeditione in Bohemiam decernenda de-  
 liberaretur, Fridericus Brandenburgicus ma-  
 luit, rem Hufsitaram convocato iterum con-  
 cilio, quam armis, quæ frustra hactenus sus-  
 cepta fuissent, transigi, misitque propterea  
 Legatum suum ad Martinum V. qui, propo-  
 sito religionis periculo, id ei persuadere co-  
 naretur. Arduum id visum Pontifici, vereba-  
 tur enim, ne invidiosa, & prorsus inutilis,  
 magisque ad perturbandam, quam pacandam  
 Ecclesiam instituta quæstio, utrum Pontifex  
 Concilio, an hoc illi auctoritate præstet,  
 rursus nullo rei publicæ fructu suscitaretur.

Ce-

---

a) Windeck c. 173. & 174.

b) Idem ibid. & Dlugoss, l. 11.

Ceterum, id se facturum Legato respondit, quod rei Christianæ maxime opportunum esset. *a)*

Dimisso illo, & re secum in utramvis partem librata, cruciatorum expeditionem in Bohemos, qui religioni non minus, quam juri regio Sigismundi, adversabantur, XI. Januarii promulgavit, *b)* mox tamen, ne quidquam prætermisisset videretur, quod ad pacandos refractarios faceret, edita calendis Februarii altera bulla, Concilium Basileam indixit, & Julianum Cæsarinum, Cardinalem sancti Angeli, qui ei præesset, constituit. *c)* Verum hanc Pontificis destinationem, mors illius, quæ vicesimo post die consequuta est, fere nullam reddidit. Eugenius enim IV. natione Venetus, qui III. Martii ei successerat, etsi Basileam pro Concilio designatam, primum ratam habuerit, postea tamen Bononiam, tum Senas præferre maluit, quocum Bohemi, qui ab Italia abhorrebant, vix venturi viderentur, Sigismundo spes conciliationis propemodum succisa erat, nisi Ordines Imperii communibus suffragiis expeditionem in illos decrevissent, quæ ut meliore,

1431.

*a)* Cochlæus hist. Huss. l. 6. ad an. 1430.

*b)* Raynaldus ad hunc an.

*c)* Harduini Acta Concilior. Tom. VIII. pag. 1111. Cherubini Bullar. Tom. I. pag. 314.

liore, quam ante, fortuna susciperetur, quantum cuius militiæ, & æris in hanc conferendum, quo tempore movendum, quis ordo expeditionis, &, quæ, si a quo peccatum esset, iudicii militariæ ratio habenda esset, constitutum. a)

His unanimi consensu decretis, Principes domum reversi sunt, ut, quæ expeditioni necessaria erant, maturarent. Sigismundus vero, si hæc ex sententia cederet, bellum Venetis quoque cogitans inferre, Amadeum Sabaudicæ Ducem gravibus litteris admonuit, ut, si cum iis fœdere colligatus esset, huic, nisi læsæ maiestatis crimine notari velit, omnino renunciaret, nec enim æquum esse, ut ipse, Imperii feudatarius, cum illis, qui ob ereptas Lombardiæ urbes, Paduam, Vicentiam, Veronam, Brixiam, & Bergamum, hostes Imperii essent, amicitiam deinceps colat. b) Eadem de causa, Legatos ad Philippum Angelum Mediolani Ducem destinabat, cum spes improvise affulset, Bohemos, qui religionis causa inter se dissidebant, ad amplectendam pacem adduci sine armis posse. Usus est occasione, & cum Electore Brandenburgico,

---

a) Windeck c. 177. Æn. Sylvius l. cit. c. 48. Hist. Norimb. Par. II. pag. 575.

b) Æn. Sylv. cit. l. & c. Balbinus epit. l. 4. c. 11. & Chron. Bartolſii apud Dobner. monument. ined. Tom. I. pag. 166. ad hunc an.

to, ac Herbipolensi Episcopo, Egram, ut vicinior esset, se conferens, nuncios Pragam misit, qui rei periculum caperent. Pragenses, Taboritæ, & ipse etiam Procopius magnus, non alieni a conciliatione erant, soli resistebant Orphanj, illi tamen his auctoritate, & numero prævalebant. Quatuor igitur ex suis delegerant, qui cum rege tractarent. Aliquot hebdomadæ effluxerant, quin aliquid transigi potuerit, sive illi plura postulabant, quam Rex concedenda putabat, sive, quod vero similis est, cognito armorum apparatu, qui adversum se in Germania fiebat, dolo se circumduci suspicarentur. Abrupta igitur tractatione, domum rediere, & Sigismundus Norimbergam reversus, nova mandata ad Imperiales dedit, ut expeditionem accelerent, & copiæ, si non citius, certe ad XXIV. Junii conducto loco adessent. a)

XV. Lentius tamen omnia, quam oportuit, fiebant, & Rex itineris Romani causa sollicitus, Legatos jam ante designatos Mediolanum misit, data eis potestate, ut cum Duce, primum de ineunda contra Venetos armorum societate, tum de via Romam secure peragenda, secundum data sibi mandata, paciscerentur. b)

R 2

ter

a) Æn. Sylvius l. cit. & c.

b) Du Mont corps diplom. apud Pray Part. II. pag. 302.

1431. ~~\_\_\_\_\_~~ ter, & habita cum Brünovio, Ducis vicario, deliberatione, in hæc tandem capita coaluere, a) bello in Venetos decreto, utraque pars vires omnes in id conferet, neutri alteram, eo durante, fas sit deserere, multa minus autem cum hoste, inscia altera, quæcunque spes faciendi lucri, commodive offerretur, seorsim pacisci, sed, si pax firma, stabilisque confici posse videretur, hæc concordia paciscentium voluntate fiat. Præterea, si Rex Romam seu mari, seu terra, ire volet, Dux naves, commeatum securitatis, &, quamdiu in Italia moratus fuerit, quovis mense, quinque aureorum millia, eidem præbebit, interea autem Genua, & urbs Astenfis, velut pignus datæ fidei, in potestate regis erunt. Hæc publicis tabulis consignata erant, privatim autem, ut vires Venetorum sensim succiderentur, &, his succisis, via deinceps regi, & successoribus, ad Venetos Dalmatia penitus eliminandos, pronior esset, in id quoque Legati operam conferebant, ut mercatus aromatum, ex quo illi immensas hactenus divitias corraserant, ad Genuenses, & per hos in Germaniam derivaretur, monstrata etiam facili ratione, qua huiusmodi merces ad Rhenum, & hinc secundo Danubio per Germaniam in Hungariam, & vicina regna perferri possent, regem propterea vehementer.

---

a) Ibid. apud eund. Part. II. pag. 303.



menter optare, ut mercatores Germanos, qui Venetiis debebant, Genuam traduci pateretur. Etsi Dux, proprii etiam lucri causa, hoc genus mercimonii Genuam traduci cuperet, sedem tamen stabilem in ea Germanis præbere noluit, veritus, ne per hos regi, futuro Imperatori, traderetur. a)

1431.

Principes Imperii interea nonaginta militum millia collegerant, universis Dux datus est Fridericus Elector Brandenburgicus, ratio autem gerendi belli hæc inita, ut, dum ipsi per Byrutinum Ducatum Bohemiam ingressi fuerint, Albertus Dux Austriæ, hostem ex Moravia distraheret. Sed vix hosticum

R 3

in.

---

a) Sigismundi vita Ms. cœvi auctoris, in biblioth. Vaticana, Cod. 3887. fol. 60. *Aliquando contra Venetos irritatus, prohibere statuerat, ne ullæ species, seu aromata Venetorum, in Allemanniam transfirent, quia tamen Teutonici carere aromatibus non poterant, ordinaverat, duas vias esse aromatibus; nam Rhenum & Allemanniam superiorem, per Januenses fulciri voluerat, Austriam vero, Hungariam, Bohemiam per Danubium fulciri mandarat, mercatoresque omnes Teutonicos, qui Venetiis erant, transferre Januam decreverat, sed Philippus, Mediolani Dux, rem impedivit, non, quod Venetis consuleret, sed, quod Teutonicos Januæ stantes, suspectos habuerit, ne traderent urbem Imperatori.*

1431.

ingressi erant, cum Principes, ortis inter se dissidiis, reditum, ne viso quidem hoste, parabant. Hinc metus in milites propagatus, quos etsi quidem Julianus Cardinalis erigere niteretur, appropinquante tamen cum Bohemis Procopio, terrore panico correpti, fugam omnes circumspiciebant, ut adeo Bohemis insequentibus nihil reliquum fuerit, quam ut palantes cæderent. Undecim mille in fuga cæsi, septingenti capti, centum quinquaginta tormenta, & ducenti quadraginta currus onerarii, cum apparatu castrensi in prædam venere. Albertus, cognita Imperialium fuga, obsidionem Pribislaviensem solvit, & quingentis pagis igne crematis, Viennam rediit. Hussitæ, qui nihil a Germanis jam metuendum habebant, incruenta victoria tumidi, pars Austriam, pars altera Hungariam invaserant, sed utrobique, in Austria quidem ab Alberto ad *Kirchhofium*, in Hungaria autem ad *Ilavam* a Nicolao Rozgonio internectione deleti sunt, Procopio parvo cum paucis per saltus Trenchinieneses, ægre Hunnibrodam elapso a)

Sigismundus toties jam expertus, frustra Bohemos armis cogi posse, alia ratione inita,  
lit-

---

a) Windeck c. 178. & sequ. Æn. Sylvius l. cit. c. 48. annal. Clarævall. apud Linck Tom. II. pag. 104. Chron. Austr. apud Pez script. rer. Austr. Tom. II. pag. 853.

litteras in fine Augusti ad eos dederat, quibus facta conciliationis spe, auctor illis fuit, ut Legatos suos ad Concilium Basileam mitterent, sed parum officioso responso ab illis accepto, in Germania aliquamdiu moratus, postquam litteris sibi a Pontifice redditis, certior factus est, se eo honore, qui nullo hactenus Imperatorum obtigisset, Romæ accipiendum esse, itineri Italico se accinxit, & Mediolanum XXII. Novembris veniens, ab Archiepiscopo in basilica S. Ambrosii, ferrea regni Italiæ corona incinctus est. Ceterum itineri huic & illa causa suberat, ut plures Italiæ Principes in communionem armorum contra Venetos pertraheret, ex quibus Sabaudia Dux, & Marchio montis ferrati ad fœdus accedere, ceteros ob privata inter se dissidia, invitare, supervacaneum erat. a)

Exacta Mediolani hyeme, Placentiam ineunte anno profectus, scriptis inde IX. Januarii ad Pontificem litteris, causas, cur

R 4

Con-

a) Raynald. ad hunc an. Windeck c. 182. & 184. Bilius hist. Mediolan. apud Murator. script. Ital. Tom. XIX. pag. 156. Vita Eugenii IV. apud eund. Tom. III. Part. II. pag. 869. Ludewig reliqu. Mss. Tom. I. pag. 462. Baluzius Miscell. l. c. 7. pag. 508. Ripamon. hist. Mediol. lib. 4. pag. 604. apud Grævium Thesaur. antiquit. Ital. Tom. II. Part. I.

1432.

Concilium Basileæ potius, quam alibi, mallet continuari, reddidit, ac propterea se Romam citius, quam res Imperii ceteroquin paterentur, venturum, significavit. Pontifex, qui Bononiam Basileæ præferri cupiebat, ita ambigue respondit, ut Rex, quid consilii caperet, incertus redderetur, & cum Florentini præterea, in recens exorto Principum Italiæ dissidio, difficultatem in itinere obmoturi viderentur, insidias sibi strui suspicatus, a) cum DCCC. Hungariæ Nobilibus, quos in comitatu habuit, & DC. Mediolanensium equitibus, Senis constitit, cum Hassiæ interea per regis absentiam, rursus Hungariam cædibus, & rapinis percurfarent, vastitatem ultra Strigonium circumlaturi, nisi, Nobilibus, ad Posonium confluentibus, veriti,

a) Litt. regis dat. in urbe Senarum an. 1433. ad Ladislaum de Kanisa. *Verumtamen nunc rebus aliter, & longe durius, ac asperius se habentibus in hac nostra Imperiali Senarum civitate constitutis, propter sacrum Basileense Concilium, domine nostra Apostolico odiosum, cui scilicet Concilio indissolubiliter adheremus, eodem domine nostro Apostolico, & communitate Florentina, cum qua idem dominus Apostolicus — est colligatus, præfato Concilio, & nobis absque rationabili causa insidiantibus, in extremam necessitatem positi, &c. ex autogr.*

si, ne reditu excluderentur, mature se periculo subduxissent. a) Senis in annum sequentem moratus, b) mandata Ladislao de Kanisa dederat, ut copias contra Venetos constitutas, proximo Aprili mense, ad se adduceret. c) Quod ubi a Pontifice, Venetorum causa sollicito, cognitum est, similtas utrinque orta, iter, & coronationem Romanam, aliquamdiu prorogavit, donec studio Jacobi Sirckii Trevirensis Canonici, Rex Pontifici conciliatus, d) oratores, Matthæum de Palocz, & Casparum Schlickium in urbem misisset, qui suo nomine, de servandis Romanæ, aliarumque Ecclesiarum immunitatibus, tum

a) Windeck, c. 187.

b) Litt. regis supra cit. *Dat. in prædicta nostra civitate Senarum fer. 4. prox. ante fest. conversionis B. Pauli Apost. 1433.*

c) Ibid. *Pro rebus nostris Imperialibus regendis, ac pro recuperatione Dalmatiæ, & specialiter pro defensione hujus civitatis Senensis, & suorum territoriorum, gentes nostras venire, & per totum mensem Aprilis proximo affuturi, hic constitui faciemus, hac credulitate de vobis firmiter ducti, quod vos — nedum gentes petitas mittere velitis, sed etiam, si opus sit, personam, & omnia vestra bona, — pro salute — nostræ personæ, quibuslibet fortunæ casibus vos submittendo, exponatis &c.*

d) Hontheim hist. Trevir. Tom. II. pag. 379.

1433. tum iis, quas decessores Imperatores olim Pontificibus fecerant, donationibus firmandis, iuramentum ederent. a)

Hos ipse non multo post consequutus, die XXI. Maji Romam ingressus, magnaue populi acclamatione acceptus, ipso die Pentecostes, in basilica Divi Petri ab Eugenio Imperator Romanorum coronatus est. Postridie, pro more decessorum, in publico foro creatis equitibus, & post feuda variis Italiz Principibus collata, hortatu Pontificis, inducias in quinquennium cum Venetis pepigit, qui metu amittendæ Dalmatiæ, omnes sumtus, quos Imperator in urbe, & Italia, fecerat, ac in reditu deinceps facturum esset, libenter se numeraturos promiserant. b) Sigismundus, redintegrata utcumque cum Venetis amicitia, & salutato postremum Eugenio, Roma digressus, Basileam, quam Pontifex, ab Imperatore persuasus, pro sede Concilii ratam quoque habuit, mense Octobri reversus est. c)

Hic primum de *Myræ* Vajvodæ, quem non ita pridem Valachiæ præfecerat, perfidia, & clade Cruciferis a Turcis illata comperit.

---

a) Forma iuramenti exstat apud Labbe collect. reg. Concilior. Tom. XXX. in append. pag. 819. & apud Pray Part. II. pag. 308.

b) Windeck, c. 188. & 193.

c) Idem ibid.

perit. Collocaverat hos in ea parte Serviæ, qua Belgradi ager in meridiem vergit, ut eam, se absente, contra Turcarum incurfiones tuerentur. Amurathes, qui illos, velut repagulum, suis progressibus oppositos intuebatur, molestos hospites bello aggredi statuit, a rege Poloniæ, ut ferebatur, & Hussitis subornatus, sed cum virtutem militarem eorum vereretur, Myrza in societatem armorum vocato, adortus, etsi rem fortissime gererent, interneccione delevit. a) Myrzæ perfidiam imitatus Moldaviæ Vajvoda, Elias, in clientelam regis Poloniæ concessit, b) non tam quod ei jus in eam provinciam competere agnosceret, quam ut sibi contra æmulos Stephanum, & Alexandrum, qui se eodem tempore Vajvodas Moldaviæ ferebant, auxilio esset. c) Hussitæ quoque, cum domi jam nihil esset, quod raperent, in montanas Hungariæ urbes effusi, expilato Cremnicio, prius in Bohemiam reversi sunt, quam eis opulenta auri, argentique præda excuti pos-

---

a) Idem c. 195.

b) Dogiel. Cod. dipl. Pol. Tom. I. pag. 601.

c) Idem ibid. Uterque enim, ut Elias, homagium regi Wladislao præstiterant. Tres igitur Moldavia non tam Vajvodas, quam usurpatores habuit, cum nullus eorum a Sigismundo, penes quem jus erat, illos statuendi, vel destituendi, confirmatus fuerit.

posset. a) Tot cladibus, & damnis continenter acceptis, Sigismundus fere spem posuerat, Bohemiæ unquam ad obsequium reducendæ, cum præter expectationem sequente anno, dum Ulmæ agebat, nuncium ei allatum est, Nobiles Bohemiæ, unitis viribus arma sumisse, insignique victoria, cæsis magnam partem Taboritis, & Orphanis, inter quos uterque Procopius, præcipua illorum fulcra, erant, potitos fuisse. b) Ex felici hoc pugnæ eventu, quem Patribus Concilii confestim significaverat, missis etiam literis ex Bohemia acceptis, quæ testes victoriæ essent, animum resumens, Ulma relicta, secundo Danubio Ratisbonam, & hinc, postquam a Legatis Bohemiæ salutatus fuisset, in Hungariam post quatuor fere annorum absentiam, reversus, Posonii, ut Bohemiæ vicinior esset, substitit, ubi ab regni Optimatibus splendidissima munera, quæ dignitatem Imperatoriam decerent, grato animo accepit. c)

1435. XVI. Posonii aliquamdiu ex itinere respirans, regni Ordinibus Comitia indixit, ut, si quam labem res publica per sui absentiam for-

---

a) Chron. Bartolsii apud Dobner monument. Tom. I. pag. 179.

b) Aen. Sylv. l. cit. c. 50.

c) Windeck c. 204. & 205. item Pray Part. II. pag. 312.



forte accepisset, huic reparandæ, communi  
 cum iis opera, medelam poneret. Multa 1435.  
 enim interea, quod fere in crebris hostium  
 incurſionibus evenire solet, irrepiſſe compe-  
 rit, quæ ob neglectam legum custodiam, &  
 contemptum, variis damnis, & injuriis occa-  
 ſionem præbuerant. His itaque in commu-  
 nem deliberationem adductis, poſtquam Or-  
 dinum ſententias audiviſſet, quatuor & vigin-  
 ti ſanctionum capita vulgavit. Præcipua hæc  
 erant: neminem deinceps in Judicium nume-  
 ro futurum, niſi regi, vel quem is ſui loco  
 conſtituerit, jurejurando promittat, ſe in fe-  
 renda ſententia, nec favoris, nec odii ratio-  
 nem habiturum, forma item præſcripta, qua  
 juramentum poſthac ederent; conſtituti etiam  
 jurisdiſtionis limites, intra quos ſi lis decer-  
 ni non poſſet, ſententiam Curia regia ferret:  
 bona per vim ablata, poſſeſſoribus ſuis in  
 ſolidum reſtituantur: modus captivandi limi-  
 tatus, mulctæ pecuniariæ, & præcium pro  
 litteris, quæ in Tribunalibus obtinere ſolent,  
 redimendis, deſixum, ultra quod nefas eſſet  
 egredi, exactiones tributorum, & vectiga-  
 lium ita temperatæ, ut nec ærario regis da-  
 mno, nec populo oneri eſſent. Eccleſiarum  
 res, & bona nemini, injuſſu regio, liceat oc-  
 cupare. Si de bonis eorum, qui ſine mære  
 hærede decedunt, utrum ad regem, an ad  
 conſanguineos pertineant, controverſia fuerit,  
 hæc curæ Nobilis, fortunæ mediocris, non  
 au-

**1435.** ~~\_\_\_\_\_~~ autem ex Baronum numero, vel potentiori ex equestri ordine, ob interversionis periculum, eousque credantur, donec, ad quem pertineant, de jure constet, alioquin ad fiscum regium devolvantur, defunctorum tamen uxoribus de dote, & jure paraphernalium caveatur, filiae autem, secundum leges ex quadrante hæredes sint. Infideles regi, & regno, latrones quoque, ac fures publice proscriptos, nemo aufert hospitio accipere, & retinere, istis tamen in castris finitimis regni liceat morari, dum veniam delictorum obtineant. a)

Soluto conventu, Budam profectus, cum muneris sui, ex instituto regiae dignitatis, esset, ut sibi subjectos non minus contra externos, quam intestinos, hostes tueretur, & ab horum injuriis defenderet, id autem, nisi vires in promptu sint, nec commode, nec tempori posset fieri, militiam, quæ hactenus nullis certis legibus, sed generatim solum, definita fuerit, condito, ad eum modum, quo in Imperio *matriculam* instituerat, *regeſto militari*, b)

ita

---

a) Exstat in Cod. jur. patr. Tom. I. pag. 191 & dicitur ordine quintum, cum ex ratione dati, in festo *B. Gregorii Papæ*, id est 12. Martii sextum dici, & sextum, dici quintum debuerit, alterique præponi.

b) Ab hoc tempore videntur *Banderia* certo militum munere definita esse, quod ex *Regeſto*,  
nam

ita coordinari voluit, ut, hoste ingruente, cuivis constaret, quot quisque milites, ratione ex colonorum numero & amplitudine fundorum, desumpta, sub signis habere debeat. Secundum hanc igitur normam, Prælati, & Baronibus regni mandatum, ut ex triginta tribus colonis, unum probe armis instructum equitem statuunt, qui his pauciores colonos haberent, ceteris ita adnumerari iussi sunt, ut ex centum, tres militiæ adscribantur, ne autem fraus subrepat, Judex Nobilium cujusvis Comitatus colonos univere in numero habeat, eorumque elenchum, ut justus delectus fieri possit, ad Comitum Parochianum deferet. Nobiles, qui possessionibus carent, viritim in bellum proficiscuntur: si bona inter fratres nondum essent divisa, unus dumtaxat ex his nomen militiæ dabit. Ex his, & castrensis *jobagionibus*, a) exercitus conflatus, quocunque regni periculum vocabat, sub vexillo regio proficisci debuit, in ipsa autem protectione, rerum precia, secundum provinciæ, per quam eundum erat, ubertatem constituta, nihil gratuito, præter pabulationem, & ligna, præbitum, a quocunque incolis damnum fuisset illatum, id iudicio Comitis provinciæ compen-

---

nam id alicubi exstare audio, facile cognosci posset. Conf. Notit. præv. §. 23.

a) Conf. Notit. præv. cit. §. 23.

1435. pensandum erat: qui militiam subterfugeret, aut non adesset condicto tempore, vel clam se ex castris subduceret, non habita conditionis ratione bona amisit. a)

Interea, dum Sigismundus in coordinanda domi re militari, iisque, quæ vitium, se absente, in re publica acceperant, consanandis, operam impendit, Legati Bohemiæ, qui illum Ratisbonæ salutaverant, ad suos reversi, Magnates Catholicos, qui ceteroquin regis dignitatis semper studiosi erant, pronos ad conciliationem reperere. Nec Calixtini alieni fuere, modo sacerdotes utriusque partis, inter se primum concordēs fierent. E re igitur omnibus visum, ut habito conventu, cui & illi interessent, de conditionibus, quas Sigismundo vellent proponere, communiter deliberaretur. Opportune ab hoc Legati advenere, quos postquam ipse cum Alberto genero, paulo post Brunam consequutus fuisset, oratores a conventu missos, obviam habuit. Ex quibus Meinhardus de Novadomo, Optimatum, & equestris ordinis, Joannes Rochoyzana vero, sacerdotum, nomine, conciliationis capita ei offerebant, quibus si assensum præberet, regem ab omnibus agnitiū iri, pollicebantur. Sigismundus, re diligenter perpenſa, etsi quædam ex his duriuscula viderentur, non abnuī quidem, sed

---

a) Cod. jur. patr. Tom. I. pag. 89.

sed, cum lis de bonis Ecclesiasticis, quæ  
 dissensionis tempore direpta erant, discepta- 1435.  
 tioque esset orta, rem ad Concilium, indeque  
 accepto responso, rursus conventum haberi,  
 & quæ statuissent, ad se referri, iussit. Dila-  
 ta in hunc modum potius, quam sublata diffi-  
 cultate, oratores, quibus Casparum Schlica-  
 kium, ipsum quoque Bohemum, ob insignem  
 animos versandi peritiam, adjunxerat, Pra-  
 gam, & Imperator Posonium, ac hinc, re-  
 ligionis, qua in divum regem Ladislaum fe-  
 rebatur, contestandæ causâ, Varadinum, dis-  
 cessere. Hic commorantem Schlickius, re-  
 cum Bohemis feliciter transacta, mense Se-  
 ptembri convenerat, & legatos, eo, quem  
 designaturus esset, loco Praga affuturos, nun-  
 ciavit, a)

Lætus hac denunciatione, Albam re- 1436.  
 galem delegit, quo in principio sequentis  
 anni præter Tvartkum Bosniæ regem, b)  
 & præcipuos regni optimates, Legati quo-  
 que Bohemiæ, & Moraviæ, cum Joanne Po-  
 lemario, a Patribus concilii misso, adven-  
 rant, qui de stabilienda cum rege concordia,  
 quod Brunæ coeptum erat, transigerent.  
 Fa-

a) Windeck c. 208.

b) Ejus litt. dat. Albæ d. 25. Jan. añ. 1436,  
 apud Katona Tom. XII. pag. 735. ex quibus  
 patet, Bosniam Sigismundo subjectam fuisse.

1436.

Facilem se illis præbuit, & præter quatuor *Pragenses articulos*, per Legatos Concilii jam ante confirmatos, qui rationes *communione sub utraque specie* complectuntur, promiserat quoque se facturum, ne exteris beneficia in Bohemia, & Moravia deinceps conferret, nemo item ad dicendam causam extra regnum ire cogatur; jura Archiepiscoporum Pragensium illibata manerent, quos, uti ejus quoque suffraganeos, eligendi arbitrium, penes regni Ordines, Clerum Pragensem, ceterasque urbes Episcopales esset, se præterea conaturum, ut quisque in sua dignitate sine impensis, judicio Romano confirmetur. Hæc VIII. Idus Januarii in tabulas relata, quæ biduo post novis rursus editis litteris, si Concilium rata habuerit, se servaturum, utque alii observent, curaturum, pollicitus est. a)

Hac voluntatis significatione, & quæ usus est familiari in omnes benevolentia, tum distributis inter Bohemos LX. aureorum milibus, ita sibi omnium animos devinxit, ut acceleratis Pragæ itineribus, re cum suis communicata, Iglaviam conventum indicerent, in quo pactiones solemniter utrinque firmarentur. Nec Sigismundus constitutis domibus, diu moratus, Posonium mense Maio, in-

---

a) Leibnitz mantiss. Cod. jur. gentium Par. II. item Ludevig reliqu. Mss. Tom. IV. pag. 306. & Pray Part. II. pag. 317. & 319.

inde Viennam ad Albertum, & cum hoc  
VII. Idus Junii Iglaviam, quo frequentes  
Bohemi jam confluerant, advenit. Nec diu  
Legati a Concilio missi cum Constantienſi  
Episcopo abſuere. Atque hic rursus auditis  
Bohemorum postulatis, concordiaque stipula-  
tionibus firmata, Imperator miro omnium  
plausu Pragam deductus, & in ejus verba,  
denuo juratum fuit. a)

1436.

Ne quid autem ad communem ex conci-  
liatione ortam lætitiā deesset, Barbarā  
quoque Imperatoris conjux sequente anno  
ineunte, coronata est, maleficiū pro bene-  
ficio paulum post marito redditura. Sigis-  
mundo, Bohemia postliminio recepta, ea  
imprimis cura fuit, ut instauratis judiciis,  
æratio regio coordinato, religioni quoque Ca-  
tholicæ pristinum splendorem, & cultum red-  
deret. Itaque Sacerdotes suis Ecclesiis, &  
monachos ab exilio revocatos claustris resti-  
tuit, omnibusque, quod Sacerdotiorum bo-  
na, tot annorum seditione, dissipata essent,  
ut munere suo fungi liberius possent, sumtus  
interea de suo præberi jussit, donec Hussitæ  
ipso tempore mitigati, quæ rapta erant,  
sponte, vel jure conventi reddant. Convo-  
cato dein ad se Clero, & Academiæ magi-

1437.

S 2

stris,

a) Windeck c. 205. — 208. Æn. Sylv. l. cit. c.  
32. Chron. Bartolſii apud Dobner monum. Tom.  
I. Hagecius annal. Boh. ad an. 1436.

1437. Non latebant Sigismundum nefaria conjugis consilia, ad quæ intervertenda, etsi vitæ finem non longe abesse, in dies magis persentisceret, Znoimam tamen, quasi filiam postremum visurus, re ipsa autem, ut ei utrumque regnum contra iniquos matris conatus stabiliret, protectionem edixit, quo ut venit, accersito celeriter cum filia Alberto, utrumque adstantibus Hungariæ, & Bohemiæ Proceribus, successores renunciavit, graviter commonitos, ut, si se felices, & regnorum quietem cuperent, in fide utriusque constantes manerent, nec sinant se consiliis suæ conjugis in transversum agi, hanc se jussisse captivam teneri, neque prius illam ut dimitterent, orabat, quam filiæ, ejusque conjugii regnorum possessio stabiliretur. Nemo erat adstantium, qui non fidem dedisset, se omnia secundum ejus mandata facturum. Ad Pragenses autem, quorum auctoritas ad ceteras urbes valebat, auctore Schlickio, qui consiliorum ejus arbiter erat, legationem decrevit; qui hanc obibant, ut ad conventum propterea coactum venire, quæ postrema Imperatoris de filia, & genero Alberto voluntas esset, declararent: Alberto, cum ob virtutes ejus, tum ob vetera pacta, quæ olim inter Bohemiæ reges, & Austriæ Duces, si alterutri sine legitimo mare hærede obirent, de mutua successione intercesserant,



rant, a) alioquin jus acquisitum patrocinari, nec posse Elifabetham sine injuria hæreditate privari, quæ cum eidem jam dudum matrimonio juncta sit, utroque jure Bohemiam cum Moravia, ceterisque ad illam ditionibus spectantibus, ad eos pertinere, ostendebant. Catholici nihil adversum obmovere, verum acriter principio Calixtini obstabant, postea tamen, quam intellexissent, reginam, jussu Sigismundi, captivam teneri, paululum de contentione remittentes, non aliter in Albertum se consensuros affirmabant, quam conditiones, quas ei essent proposituri, prius ratas haberet. b)

De his dum illi in conventu deliberant, Sigismundus deficientibus sensim viribus, die IX. Decembris c) vitæ finem fecit, d) anno regnorum, Romani vicesimo octavo, Hungariæ quinquagesimo primo, & Bohemiæ decimo septimo. Corpus amictu Imperatorio indutum, triduo id spectare volentibus expo-

S 4

situm,

---

a) Vide, quæ ad an. 1364. N. X. de his pactis memorata sunt.

b) Windeck, c. 218. & 219. Æn. Sylv. I. cit. c. 53.

c) Hunc diem Jac. Reichwein apud Linck Tom. II. pag. 128. Æn. Sylv. I. cit. & Windeck cit. c. 218. perhibent.

d) Postremus addit c. 217. ex porrecto veneno obiisse.

1437. situm, tum currui cum vidua Barbara, quæ spectaculo pluribus lacrimæ abortæ sunt, impositum, & Polonium devectum est. Hic Proceres Hungariæ, XVII. ejusdem mensis magno numero confluentes, ultimam Sigismundi declarationem, quam dudum publicis litteris, subscriptione nominum, & sigillorum appensione firmatis, de Alberto successore cooptando, ratam habuere, a) denuo confirmarunt, id unum obtestati, ut, si Imperii dignitas ei offerretur, jure jurando promitteret, hanc inconsultis Hungaris se non accepturum, b) quod spe firma tenerentur, quidquid sub decessore, Veneti, & Turcæ ex ditionibus Hungariæ decerpserant, solis Hungariæ, Bohemiæ, & Austriacarum provinciarum viribus, recuperari posse, quo præstito, funus Varadinum, ut testamento constituerat, devectum, & in principe Ecclesia, quam vivens magnis opibus auxerat, c) non longe ab eo, quo Maria, prima conjux,

---

a) Conf. quæ ad an. 1402. & 1421. dicta sunt.

b) Æn. Sylvius hist. Europ. c. 1.

c) Id quidem ex variis Sigismundi litteris certum est, & meminit etiam Olahus in sua Hung. c. 16. & ex hoc verisimiliter Cuspinianus in Cæsaribus, sub Sigismundo. *Ita autem, inquit, auxit opibus hoc templum, ut continuatis diebus, ac noctibus semper laudes Deo immortalis personent Clerici, & Sacerdotes,*

jux, sepulta fuit, tumulo conditum est. a) 1437.  
 Justis funebribus perfolutis, Bohemorum quo-  
 que pars melior, Hungarorum exemplo,  
 Albertum XXVII. ejusdem mensis, regem  
 Bohemiæ renunciarunt. b) Hunc 'in modum  
 Domus Aufriaca, a Sigismundi obitu, po-  
 tentissima duo regna adepta est.

Erat Sigismundus liberali forma, proce-  
 ro corpore, barba more illius temporis a-  
 mento prolixa, incessu gravis, aspectu ma-  
 jestatis pleno, ut regendis populis natus vi-  
 deretur, eloquio comis & facetus, quo ani-  
 mos in quam vellet partem, facile trahebat;  
 iræ, cum juvenis erat, præcipitis, sed cito  
 placabilis, dum autem senuit, inimicis etiam  
 beneficus. Rogatus aliquando, cur homini,  
 a quo sæpe, & graviter offensus erat, igno-  
 sceret? ut uno hoste, respondit, pauciores ha-  
 beam. c) Linguarum plurium peritus, ut  
 communi cum iis, quibus præerat, sermone  
 posset agere, ita Hungaricam, Germanicam,  
 & Bohemicam ex æquo callebat, Latinam  
 scite loquebatur, Gallice, & Italice, quan-  
 tum tractandis cum utraque gente negotiis,  
 satis esset, ut adeo inter Principes sui tempo-  
 ris eruditus haberetur. Quare doctos viros,  
 et si inferiore loco, & tenui fortuna natos, ce-  
 teris

---

a) Thurocz Chron. Part. IV. c. 24.

b) Reichwein l. cit.

c) Auctor vitæ Ms. Cod. Vaticanus alias jam cit.

1437. vel quæ ex suis ditionibus peregre agenti, allata fuit, in suos usus retinendæ, adeo parum cupidus, ut sibi nihil relictum vellet, idque sibi commune cum magnis viris esse diceret, a) quin sæpe tam intempestive liberalis, ut hanc profunderet magis, quam expenderet. b) Ex qua prodigalitate factum, ut Marchiam Brandenburgicam, avitam hæreditatis suæ partem, vendere, & amplissima la-

---

*re pecunias coegit. Ob quam rem, cum is ex Italia reverteretur, vestibus suorum Nobilium hunc versum Fridericus inscribi mandavit: Ludovice, Henrice, Friderice! ad pulpitum, quia magister venit.*

a) Id. ibid. *Hic cum Romæ apud Eugenium esset, tria sunt, inquit, beatissime pater, in quibus discordamus, & rursus, in quibus concordamus, tria: tu mane dormis, ego ante diem surgo, tu aquam bibis, ego vinum, tu mulieres fugis, ego sequor, sed concordamus in his, tu large distribuis thesauros Ecclesiæ, ego nihil mihi reservo, tu malas manus habes, ego malos pedes &c.*

b) Narrat Aen. Sylv. cit. l. n. 2. allata fuisse Sigismundo 40000. aureorum, cumque noctem insomnem propterea cogeretur agere, vocatis ad se palatinalibus ea distribuit, dicens: *ite, secure, tranquilleque nobis dormire liceat, nam quod mihi somnum ademerat, vobis eum exit,*

latifundia, in Hungaria, & Bohemia oppi-  
gnorare cogeretur, nisi forte id aliquem ex- 1437.  
cusationi locum det, quod immensam auri  
summam in palatium Būdense erogarit, quod  
omnium sui temporis Europæ regum aulās,  
elegantia, arte, magnificentia, & amplitudi-  
ne, superasse memoriæ est proditum. a)

---

a) Windeck c. 70. & epist. 353. inter Aen. Sylv.  
epist. apud Pray Par. II. pag. 267.

## ALBERTUS.

Ab anno 1437. — 1439.

**I.** **A** condito Sigismundi funere, non diu  
 1437. Varadini moratus, cum conjuge Elisabetha,  
 ad quam regnum jure principali pertinebat,  
 a) Budam, & hinc Albam, ut prisco more co-  
 ronaretur, contendit. Verum solemnitati,  
 disceptatio inter Strigoniensem Archiepisco-  
 pum, & Veszprimiensem antistitem, exor-  
 ta, moram injecerat. Litis occasio a dubi-  
 tatione, ad utrum jus reginam coronandi spe-  
 ctaret, petebatur. Opportune Legati ex Bo-  
 hemia intervenire, qui Albertum Pragam in-  
 vitabant, b) quorum adventu litigantes, ne,  
 morosa disceptatione, graviora regni negotia  
 impedirentur, pactum hac conditione inie-  
 runt; Veszprimienſis nunc quidem reginam  
 coronaret, poſt tamen, ſi Strigonienſis pro  
 jure ſuo documenta produxerit, Veszprimien-  
 ſis

a) Regni OO. in epilogo Decr. Alberti, qui in  
 Corp. jur. deest, ita: *promittimus, & bona  
 fide efficacissime spondemus, præfato D. no-  
 ſtro Alberto regi, & D. reginæ, ſuæ contho-  
 rali, quam principaliter hoc regnum jure ge-  
 nituræ concernere dignoſcitur, fidelitatem illi-  
 batam &c.* Conf. Notit. præv. §. 3.

b) Windeck, c. 219.

his suo in perpetuum decedat. a) Litei composita, Albertus cum conjuge, ipsis Calendis Januarii, b) corona incinctus est. Usus hac occasione, egit cum regni Ordinibus, ut, si se prius, quam conjugem, mori contingeret, prolibus suis jus successionis in regno stabiliretur. Nemo erat, qui, collatis inter se consiliis, refragatus fuerit, quin, ut assensus sui testes ad posterorum memoriam exstarent, litteras etiam sigillis suis firmatas edidere. c) Constitutis deinde rebus, & focru, ut facilius ob-

a) Pactionis Tabulas vid. apud Pray Hierarch. Hung. Par. I. pag. 286.

b) Windeck l. cit. memorat. fest. epiphan. aliâ contra, circumcission.

c) Litt. reginæ Elisabethæ ad Fridericum III. Imp. an. 1441. Tom. II. analector. biblioth. Vindobon. pag. 915. *Nachmalen als unser lieber Herr und gemahl, Kunig Alberecht — und ich zu dem reich Hungern erwelt, und gekrönt ware, da gab mir derselb mein Herr, und gehmahl solich brief, und urchund, mit wissen und willen, auch nach rate der Prelaten, und Landherrs zu Hungern, und mit iren insignen, ob das wurde, das er abging mit Tod es dann ich, das die Hungrischen Herren geistlich und weltlich, mich, und mein erben, als rechte erbliche herschaft, zu Herrn und erben des Kunigreichs zu Hungern aufnehmen und halten solten.*

1438.

observari possit, decreta annua pensione XII. millium *a)* aureorum, Posonium relegata aliquamdiu in Hungaria moratus, se XVIII. Martii Romanorum regem ab Electoribus renunciatum intellexit. *b)* Ut inexpectatum ei hoc nuncium erat, ita memor, qua religione, si hæc dignitas ei offerretur, se Hungaris obstrinxisset, diu anceps hærebat. Hæsitantem Bartholomæus de Vicecomitibus, Novariensis Episcopus, datis Vienna XXVII. Aprilis ad eum litteris, hortabatur, ne se Legatis Imperii, cum venerint, difficilem præbeat, *c)* idem Fridericus patruelis, qui ei dein in Imperio successerat, alique Duces Austriæ hortabantur, sed cum parum his videretur moveri, tandem ipsi Basileensis Concilii Patres Hungaros permoverunt, ut regem juramenti religione, qua se illis adstrinxerat, solutum pronunciarent. *d)* Itaque nihil jam in mora erat, quin Electorum votis subscriberet, Viennamque profectus, Comititia in diem XIII. Julii Norimbergam indixit, *e)* qui-

---

*a)* Dlugos. I. 12. pag. 700.

*b)* Reichwein I. cit. pag. 123. & Windeck c. 120. & 222.

*c)* Pez thes. anecdot. noviss. Tom. III. Par. III. Nr. 109. pag. 235.

*d)* Windeck. c. cit. Aen. Sylv. I. cit. c. 55.

*e)* Pez I. cit. Tom. VI. Par. III. pag. 236.



quibus ipse tamen, ob concitatos in Bohemia motus, interesse non poterat. a) 1438.

II. Quamvis enim jam anno priore a Proceribus Catholicis electus, & hoc quoque anno die VI. Maji ab iisdem confirmatus, ipseque abhinc etiam titulo electi Bohemiae regis usus fuerit, Calixtini tamen, inter quos Georgius *Podiebradius* primas tenebat, secessionem facta, Casimirum, Wladislai Poloniae regis fratrem, pene puerum, Alberto opposuere. Utraque pars ut contrariis studiis agebatur, ita diversa etiam ex causa, Legatos in Poloniam miserat. Calixtini fratrem Wladislai regem sibi dari postulabant; Catholici, de promptis Alberti in Bohemiam juribus, ne illis morem gereret, petebant. Sed, ut spes regni obtinendi magnum illicium est, Wladislaus, auditis Calixtinis, Catholicos parum

lia

- 
- a) Scriptores Germani, qui Trithemii Chron. Hirsaug. sequuntur, non recte memorant, Albertum die 30. Maji hoc an. Aquisgrani coronatum fuisse. Windeck enim affirmat, duorum annor. inducias illi datas esse, intra quos ad Imperium veniret: *do gaben In die Fursten frist zwey Jahre heraus in das Lant zukomen.* c. 222. Et magnum Chron. Belg. apud Pistor. nov. edit. Tom. III. pag. 409. hæc diserte: *solum per annum regnavit, non tamen coronatus, sed tantum per Eugenium IV. confirmatus.*

1438.

liberaliter habitos, re infecta, ab se dimisit. Inde bello data occasio. Albertus, qui tum Viennæ agebat, eadem de causa Legatum ad Wladislaum misit, & non expectato responso, jus suum armis persequi statuit. Scripsit propterea in Hungariam pro supplementis, ipse autem, collectis celeriter ex Austria, & Stiria copiis, Iglaviam profectus, collato cum Maynhardo de Novadomo, Rosenbergio, ceterisque Proceribus, consilio, Cutenbergam occupat, & hoste, qui se in urbem *Tabor* receperat, per suos observari jussu, Pragam recta contendit, ubi magna civium lætitia XXIX. Junii, regium diadema cum conjuge suscepit. a)

Interea Calixtini, ne suppetiæ ex Hungaria Bohemiam ingredi possent, aditus omnes occuparunt, & Casimirus cum XX. millibus, per Silesiam Calixtinis auxilio venerat, cui Albertus, obtentis ex Bavaria, Saxonia, & Misnia subsidiis, exercitum XXIV. millium, Alberto Bavarorum Duce, opposuit, qui secunda fortuna usus, Polonos pedetentim ex Bohemia expulit, Calixtini autem, ubi se ab illis desertos, & partem suorum ad regias co-

---

a) Windeck, c. 221. Reichwein l. cit. pag. 129. Aen. Sylvius cit. l. c. 55. Dlugos. l. 12. Balbinus epit. rer. Bohem. l. 5. c. 2. Pelsina Mars Morav. l. 5. c. 6. Gerardus de Roo annal. Austr. l. 5. Cochläus Hist. Hussit. l. 9. pag. 314.

copias sensim deficere viderunt, non auri rem  
 prælio experiri, intra munitas urbes se con- 1438.  
 tinebant. Rex hoste represso, cupiens litem  
 amica potius tractatione, quam armis, cum  
 Polono componere, Wratislaviam concessit,  
 indeque conjugem in Hungariam, ex qua  
 non optima nuncia afferebantur, remisit. Tur-  
 cæ enim per regis absentiam tempore usi,  
 ex Valachia in Transilvaniam irrumpentes  
 sprete induciarum fide, vastitatem late cir-  
 cumferebant, jamque actis spoliis redditum  
 parabant, cum Losonczius, provinciæ Vajvo-  
 da, in receptu illos aggressus, excussa omni  
 præda, insigni clade affecit. Victoria poti-  
 tus, in eos, qui ex legum scito ad propulsan-  
 dum hostem non comparuissent, inter quos La-  
 dislaus & Stephanus quoque Bathorii erant,  
 priscae severitatis exemplum edens, bona illo-  
 rum Fisco addixit, quos tamen regina, cum  
 pateret, illos tempore exclusos fuisse, irritata  
 Vajvodæ sententia, in pristinam possessionem  
 reponi iussit. a)

Albertus, pacis negotium cum Polonis,  
 quod prius ambiguo istorum agendi modo  
 interruptum erat, resumendi cupidus, ex  
 Lusatia, quo, ut eam in fidem reciperet,  
 profectus erat, Wratislaviam redux, præter

T 2

ex-

- a) Chron. Mellicen. apud Pez, Tom. I. col. 257.  
 Dlugoss. l. 12. Siglerus Tom. I. script. rer. Hung.  
 pag. 886. Litt. reginæ dat. in Harsány, apud  
 Pray Part. II. pag. 329.

1438. 

---

 expectationem Legatos anno primum sequente affuturos intellexit. Molestum id ei erat, qui, composita cum Polonis lite, curas, & vires omnes in Turcas, qui ditiores juribus Hungariæ obnoxias, in dies magis magisque carpebant, convertere cupiebat. Accessit mox alia non minor molestia, quod Ulricus Cilejensis, quem Bohemiæ vicaria potestate præfecerat, inito cum Calixtinis consilio, regnum sibi usurpare cogitaret. Re tamen certis indiciis mature comperta, homini ingrato primum curam regionum proventuum, ne his ad tyrannidem arripiendam uteretur, ademit, postea penitus exauctorato Rosenbergium, & Maynhardum de Novadomo, quorum fides ei cognita erat, subrogavit. Ulrico in ordinem redacto, coeptam cum Wladislao pacis tractationem, quam Pontifex, scriptis ad utrumque regem litteris accelerari cupiebat, ipse etiam ad finem volens adducere, præter aliquot Imperii Principes, Optimates quoque ex Hungaria, ut adessent, Wratislaviam accersivit. a)

1439. 

---

 III. Aderant sub ipsum anni sequentis principium, sed vix tractationi factum initium est, cum spes felicitis exitus fere evanuit. Gnesnensis enim Archiepiscopus, qui principem inter Legatos locum tenuit, id præcipue agebat, ut prius, quam ad rem ipsam veni-

---

a) Aen. Sylv. l. cit. c. 55.

veniretur, tam Albertus, quam Casimirus, 1439.  
 juri in Bohemiam renuncient, locumque darent novæ electioni, & is, in quem Nationis vota conspirarent, regno potiretur. Albertus, qui jus suum foci voluntate, Nationis electione, & veteribus pactis firmatum sciret, conditionem respuit, aliamque conciliationis viam proponens, filias suas, Annam, & Elisabetham, Wladislao, & Casimiro, se velle matrimonio jungere, eique, quæ Casimiro nuberet, Bohemiam cum adnexis ei provinciis, dotalitio nomine, daturum pollicitus est. Non abhorrebant Poloni, spe ducti, Silesiam hac ratione rursus Poloniæ conjungi posse, sed cum mandata de conciliandis matrimoniis nulla a rege haberent, nihil ausi decernere, inducias solum pacti sunt ad diem XXIV. Junii, intra quod tempus captivi utrinque liberi dimitterentur, & reges ipsi in finibus Hungariæ, & Poloniæ, ad paciscendum convenirent. *a)*

Firmatis induciis, rex Polonium profectus, instauro inter Saxonicam, & Hassiacam familiam vetere hæreditatis pacto, & Anna filia, si maturuerit, Wilhelmo Saxonix Ducis desponsa, Viennam, a qua diu abfuerat,

T 3

re-

---

*a)* Aen. Sylvius l. cit. c. 55. Litt. Joan. episc. Segnienf. Pontificis Nuncii, dat. in Namyslow. die 10, Febr. 1439 apud Sommersberg, Tom. II. mantifs. diplom. pag. 82.]

**1439.** ~~revisit.~~ Barbara; non ignara eorum, quæ  
Wratislaviæ transacta erant, Posonio elapsa,  
in Poloniam effugiens, jûs arcum, quas ei  
gener ademerat, Wladislao consignavit, nu-  
ptias forte illius, ut erat mulier viri appetens,  
hac ratione sperans, vel certe, ut novam  
utrinque liti occasionem daret. Fuga inquietis  
mulieris regem Posonium revocavit, unde  
datis ad finitimarum arcium Præfectos literis,  
eos admonuit, ut, si quod ab illa immineret  
periculum, diligenter excubent, gravem pœnam  
comminatus, si quid negligentia peccaretur,  
simul, quoniam ipse, ut constitutum erat,  
ad XXIV. Junii diem conventui adesse non  
poterat, Legatos suo nomine misit, quibus  
quinto Nonas Maji exaratis literis, plenam  
potestatem fecit, sive perpetuam pacem  
conficiendi, sive prorogandi inducias, &  
si difficultas interveniret, id saltem agerent,  
ut conventus in aliud tempus differatur.  
Instabat enim præsens a Turcis periculum,  
qui vastata pene tota Servia, Belgrado  
obsidionem minabantur. Georgius Despota,  
discrimini proximus, missis crebro in  
Hungariam nunciis, opem implorabat,  
Joannes Hunyadi, qui incredibili desiderio,  
manus cum Turcis conferendi, tenebatur,  
fœderato socio, ne, si is succubuerit, hostes  
in regni viscera sensim penetrent, mature  
succurrendum, alii contra, nihil, injussu regio,  
tentandum censebant. Despota igitur, cum  
sibi

sibi nec spem subsidii datam videret, relicto ad defensionem Szenderoviæ, Stephano filio, ipse cum uxore, & altero filio Lazaro, in Hungariam venit. Albertus de adventu illius, & periculi magnitudine admonitus, Budam mense Majo properavit, ut cum regni Ordinibus ad propulsandum hostem consilia conferret, necessarii que ad id apparatus fierent. a)

Hic ab Optimatibus, & præcipua Nobilium ex regno passim concurrentium parte, salutatus rogatusque est, ut decreta, constitutiones, & consuetudines regni, ad præsentis temporis rationes moderari vellet, quorum petitioni ut gratificaretur, habito conventu, decretum, novem & triginta sanctionum capita complexum, promulgari iussit.

T 4

sit.

---

a) Repertor. Ms. Ant. Steyrer ex Tabul. Cæsar. Lunig Cod. Dipl. German. Tom. XXIII. pag. 1189. Du Mont corps diplom. Tom. III. Par. II. Nro. 51. Litt. regis dat. Posonii die 3. Maji, an. 1439. item aliæ ejusd. litt. dat. Strigonii post festum S. Pauli Sabbatho, an. eod. apud Sommersberg l. cit. pag. 83. Errant, qui censent, Belgradum eo tempore in potestate Georgii fuisse, id enim Sigismundus cum reliquis castris sibi servavit. Conf. quæ ad an. 1426. memorata sunt.

fit. a) Non est hujus loci omnia singulatim  
 439. persequi, præcipua solum delibabo. Ante  
 omnia flagitatum est, ut Rex sedem in regno  
 figeret; lex primum, ut reor, haecenus lata:  
 huic occasionem diuturna Sigismundi absentia  
 dedit, per quam provinciæ regno adnexæ,  
 non leve detrimentum accepere. Actum  
 quoque de regis filiabus, si matrimonium in-  
 irent. Cum enim regni Ordines ante Comi-  
 tia, editis XXIV. Maji litteris, juramenta  
 firmatis, quod jam alias, si regem ante re-  
 ginam mori contingeret, polliciti erant, nunc  
 rursus confirmarint, & jus præterea successio-  
 nis ad utrumque etiam sexum extenderint,

a)

a) Præfatio Ordinum, quæ in Corp. juris deest,  
 ita habet: *Tandem nobis, veluti suæ serenita-  
 tis adventum, & regressum, magno cum desi-  
 derio præstolantibus, ad suam Majestatem un-  
 dique ex omnibus ejusdem regni sui partibus  
 istuc confluentibus, & convenientibus, inter  
 alia, quæ cum sua Celsitudine disponere habe-  
 bamus, considerata temporis nunc currentis  
 qualitate, Decreta, & constitutiones priorum  
 regum Hung. suorum prædecessorum, ac hujus  
 regni consuetudinem in certis punctis, modo  
 infra scripto moderari, atque articulos infra,  
 in tenore litterarum ipsius domini regis lim-  
 pide contentos, a sua nobis concedi unanimiter  
 postulavimus Majestate.*



a) orabant, ut Rex cum Hungariæ, aliorum-  
que regnorum Prælati, Baronibus, & Nobilibus, ante in medium consuleret, quam de earum nuptiis quidquam decernat. Palatinus deinceps Ordinum consensu eligatur,  
b) alias autem regni dignitates, integrum sit regi, cui vellet, non consultis aliis, conferre, modo ne extranei sint: Cautum etiam, ne Ecclesiastici duas obtineant. In hostem regno ingruentem, primum stipendiarii regii educantur, sin isti resistendo impares sint, Nobiles ad arma concurrant, inviti tamen ultra regni limites in hosticum proficisci ne  
co.

a) Litt. Elisabethæ regin. an. c. 1441. ad Frideri.

III. Imp. alias jam cit. *Darnach aber zu Pfingsten yetz zway Jar vergangen, habent dieselbe Herren geistlich, und weltlich zu Hungern dieselb verschreibung zum andernmal vernewt mit iren aiden, briefen, und sigeln, also begrifen, das sie mich und mein erben, Sun und Tüchter, was ich der gewinne, zu rechten erbherrn, und erben des Kunigreichs zu Hungern haben, und halten sollen.*

b) Prius enim reges ipsi Palatinos eligebant, ut est in Decret. Andreæ II. an. 1231. quod in Corp. jur. itidem deest: *Si Palatinus interim male amministraverit negotia regis & regni, supplicabunt nobis, ut utiliore loco ejus constituamus, quem volumus & nos earum precibus annuemus.*

**1439.** cogantur. a) Manubiæ, & captivi militibus cedant, nisi majoris dignitatis, & ordinis fuerint, quos Rex aliis donis, si sibi servatos velit, redimet; ceteros quisque sibi retinere, aut in servitutem redactos, Ecclesiis donare, vel denique, si visum fuerit, vendere possit. b) Reliquis recensendis, partim quod a priorum regum decretis parum discrepent, partim res fere judiciarias contineant, supersedeo. Seorsim etiam actum, ut Barbaræ reginæ, quod ad hostem secessisset, nec desineret consilia contra regem, & regnum cudere, bona adimantur, & reginæ conferrentur. c)

IV. Sub ipsis Comitibus jam rumor, sed dubius, percrebuit, ingentes apparatus ab Amurathe fieri, incertum tamen esse, in quam partem bellum statuisset convertere, his autem solutis nuntii a Savo aderant, qui Szen-

de-

---

a) Mutata igitur est lex ejusdem Decret. *Si vero exercitus super regnum venerit, universi & singuli ad defensionem patriæ contra inimicos se opponere teneantur, regresso supervenienti exercitu, pro vindicta ipsos teneantur persequi.*

b) Autogr. exstat in Tabular. sacratione aulae Viennens. Sigillis 56. munitum, ex quibus 6. avulsa sunt. In quibusdam minoris momenti, id, quod in Cod. jur. patr. editum est, ab illo differt.

c) Repertorium Ms ex Tabular. Cæs. apud Ant. Steyrer.

deroviam designari afferebant. Ad periculum igitur antevertendum, copiarum, qua fieri poterat, celeritate, sed non eo, quo oportebat, numero, ad signa concitæ, nec enim, licet Georgius Servizæ Despota non exiguo numero suos in subsidum pollicitus esset, viginti quatur millia excedebant, quæ centum, & triginta Turcarum millibus opponerentur. Albertus tamen, pro militari, qua præditus erat, indole, & virtuti suorum non minus, quam promissis, in Conventu factis, confusus, in hostem movere constituit. Professionem igitur secundum leges indixerat, abeuntem Elisabetha Varadinum usque comitata, inde Budam rediit, copiarum autem ultra promotæ, & castra inter Tibiscum, & Danubium, ex oppositu Belgradi locata. Hic mensis Augustus, & pars sequentis, ut pluribus confluendi in castra spacium daretur, exactus. Interea Amurathes expugnata Szenderovia, aliquoties Danubium transmittere tentaverat, sed ab Alberto semper cum clade rejectus, quin tamen pugna decretoriæ copiam faceret, malebat enim prius hostem mora, & velitationibus delassare, quam rem universe prælio committere, cumque id postea constituisset, proditum se videns, sex enim magnates cum copiis suis pridie castris excefferant, & mox dysenteriae contagio non minus inter suos, quam Turcas, grassari inciperet, signis convulsis, postquam Amurathes copias in Græciam

**1439.** ciam reduxisset, ipse eodem quoque malo correptus, dimisso in stativa exercitu, Budam rediit. Hic Legati Poloniæ adventum illius præstolati, ut cum eo Bohemiæ causa litem transigerent, sed, cum illi præterea patrocinium Barbaræ reginæ susciperent, peterentque, ut eidem bona ablata restituantur, re infecta discessere. a)

His dimissis, dum Viennam parat, Strigonii, languore fere oppressus, subsistere coactus, Ladislaum de Palocz, & Stephanum Berzevicium, Legatos Wladislai in Poloniam consequi iussit, qui, si cum rege pax perpetua conciliari non posset, de prorogandis induciis agerent. b) Strigonio relicto, cum morbum, quem ex veneno, ut aliqui, sed incerta fide perhibent, a socru Barbara, alii a Venetis porrecto, ortum putant, ingravescere sentiret, condito testamento, quo, si uxor, quam gravidam reliquerat, filium ederet, octoviros, duos ex Hungaris, ac duos ex Bohemis, totidemque ex Australibus, & Moravis, qui pupilli curam gererent,

---

a) Litt. regis dat. Zegedini an. 1439. in fest. ad vincula S. Petri, autogr. Exhibet has etiam Lunig, Reichs Archiv. Tom XVII. pag. 461. Reichwein l. cit. pag. 138. Windeck c. 222.

b) Dogiel dipl. Pol. Tom. I. pag. 154. Car. Wagner annal. Scepusii Tom. I. pag. 142. Kate-na Tom. XII. pag. 920.

rent, tutores constituit, a) non diu abhinc  
superstes, in pago *Neszmél*, Germanis *Langendorf*, XXVI. Octobris, diem extremum  
clausit, b) filias duas relinquens, *Annam*, &  
*Elisabetham*, quarum illa Wilhelmo Saxoniae  
Duci, hæc Casimiro, Poloniae regi, serius  
postea nupsere. Corpus Albam regiam de-  
latum, intestina autem in *Neszmél*, prope  
templum, in sacello condita sunt. c)

In pupillari ætate procul a cognitione  
rei publicæ, regnaturo olim necessaria, amo-  
tus

a) Aen. Sylvius in rebus Friderici III. Imper.  
Tom. II. analect. biblioth. Vindob. item hist.  
Boh. c. 56. & in Europa, c. 1.

b) Windeck c. 222. *Da (Langendorf) mußte  
er sterben, und starb, das war am montag  
nach Crispini und Crispiniani, und war auch  
auff den montag vor Symon und Jude der zwelfff  
poten in dem Jare 1439. Festum Simonis &  
Judæ hoc anno inciderat in diem Mercurii,  
proin dies Lunæ in 26. Octobr. sed Aen Sylv.  
hist. Boh. c. 56. habet, VI. Kal. Novemb.*

c) Cur *Langendorf* in *Neszmél* latere suspicer,  
facit tabula ærea, quam prope templum in  
sacello lateri affixam vidi, cum inscriptione,  
intestina Alberti regis ibi condita esse, cujus  
indiciu cum olim Augustæ Theresiæ fecissem,  
Viennam translata & in crypta Archiducum  
Austr. ad D. Stephani reposita sunt. Credi-

bile

1439. tus, fere venatu, & percurfatione provin-  
ciarum occupabatur, a tutoribus, Leopoldo,  
& Erneſto patrue libus, de induſtria his ob-  
lectamentis, ut diutius rerum potirentur, ir-  
retitus. Verum ſemen præclaræ indolis,  
quam nactus erat, cum e tutela exiit, ſe ſe  
ubertim explicabat. Spretis enim omnibus,  
quæ prius ſectari coactus erat, totum ſe, non  
intermiſſo ſtudio, felicitati populorum ſuo-  
rum impendit, qui, ſi porro vitam produxiſ-  
ſet, optimi Principis exemplar futurus erat.  
Fuit enim, ut Aneæ Sylvii, poſtea Pontificis  
Maximi, ſcriptoris coævi, qui illum norat,  
verbis utar: „ Princeps religioſus, & qui  
„ liberalitate ſimul, juſtitiaque præſtaret.  
„ Fuit quoque in bellis audax, & manu prom-  
„ tus. Moravos, ac Bohemos armis ſubegit,  
„ Polonos late vagantes, intra regnum ſuum  
„ coërcuit. Magna de ſe Chriſtianæ rei pu-  
„ blicæ promittere videbatur; nec minora  
„ populi de ſua virtute conceperunt. Pul-  
„ cherrimæ ſpei ſatis fieri brevitæ vitæ non  
„ ſivit. Statura ejus procera fuit, nervoſum  
„ & validum corpus, facies terrifica, more  
„ gentis erafa barba, ſuperius labium inten-  
„ ſum, veſtem haud ſplendidam balteus au-  
„ ro gravis cinxit, nec unquam lateri deſuit  
„ enſis. “ a)

ELI-

bile autem eſt, non alibi, quam ubi mortu-  
us eſt, corpus quoque exenteratum fuiſſe.

a) Aen. Sylvius in Europa c. 1.

ELISABETHA.

Ab anno 1439. — 1440.

I. Quamquam a mariti obitu, sanctionem de successionem prolium suarum, quam regni Ordines jam antea ratam habuerunt, plerique rursus instaurassent, a) varias nihilominus

a) Litt. reginæ ad Fridericum III. alias cit. *Des gleichen aber die meisten, und besten Herren in dem Land zu Hungern dieselb verschreibung vernewt, und bestet haben, da ich wittib ward, und ee ich meins Suns genesen war.* Hæc, & Sigismundi testamentum, ut ad an. 1421. memoratum est, tum promissio de successionem ad utrumque sexum extensa, juramento etiam ab regni Ordinibus firmata, faciunt, ut Elisabetham in regum serie collocandam, non item, *regem* appellandam, censuerim, ut videtur R. R. D. Katona Tom. 13. pag. 9—12. indicare. Nunquam id mihi in mentem venit, jus successionis, non nomen, intellectum volebam, illud ad utrumque sexum pertinere potest, hoc natura solet indere. Proin, quæ idem isthic, de Hedwige Jagelloni, & Maria Stephani V. filia, Carolo Claudio Siciliæ regi nuptis addit, suoapte evanescunt, cum quæstio, non de nomine regis, sed de jure successionis sit, quod Elisabethæ, ejusque prolibus regni Ordines tribuerunt, pa-

rum

1439. nus rerum conversiones, donec partu levatur, subverita, id imprimis satagebat, ut regni coronam in potestate haberet, qua obtenta, sperabat, eos, qui forte res novas moliri vellent, in obsequio contineri posse. Hanc autem cum a Georgio Comite de Bozyn, cujus curæ Albertus illam crediderat, aliter obtinere non posset, nisi plures Optimatum essent præsentis, idque ratum haberent, ac ipsa præterea testimonium de hac tradita, suo, illorumque nominibus, & sigillis firmatum, sibi redderet, annuit libenter, a) obtentaque corona, suæ, & prolium securitati satis consultum existimans, litteras ad Bohemos, & Moravos, Schlickii consilio usa, de-

---

rum sua interesse rati, utrum regina, an Rex, appellanda esset. Denique omnis res huc redit, an ii Magnates, nec enim omnes ejusdem sententiæ erant, qui toties Elisabethæ, hujusque prolibus successione jus confirmarunt, jure potuerint Wladislaum, nondum posito reginæ utero, eligere? &, si idem R. R. autor, Wladislao nec ab omnibus electo, nec corona legitima coronato, locum in regum serie tribuit, cur ego Elisabetham, quam regni Ordines in Comitibus an. 1439. art. 12. hæredem regni declararunt, non potuerim in serie eadem collocare, non intelligo, cum jus hæreditarium ceteroqui electionem excludat.

a) Pray Hierarch, Par. I. pag 321.



Medit, utrosque admonens, ne quid, dum partu soluta fuerit, novarent, constantesque in fide manerent. a) Verum Calixtini, conventu Melnikii habito, Casimirum, regis Poloniae fratrem, eligendum censuerunt, Catholici contra Pragæ collecti, partum reginae expectandum decreverant. b) Austriaci quoque, cum se Fridericus ingereret, habita ad S. Bertholdi vicum deliberatione, statuerant, ut, si regina filium ederet, is in tutela Ducis, aliquot tamen in societatem adhibitis provinciae dynastis, tamdiu esset, donec per ætatem Nationi regendæ idoneus fieret, sin contra filiam eniteretur, Austria ad Fridericum, consanguinitate Alberto regi proximum, secundum pacta, familiae devolveretur. c)

II. Hæc cum undique ad reginam afferrentur, curis, quæ etiam virum consilii incertum redderent, fere oppressa, spem omnem in Hungaris collocabat, concitisque Budam. d) regni Ordinibus, in quo statu regnum, & ipsa sit, aperit, in memoriam Sigismundi patris beneficia revocat, meminissent præterea, quid sibi post coronationem, semel, ite.

a) Kaprinai Part. I. pag. 225.

b) An. Sylv. hist. Boh. c. 57.

c) Gerardus de Roo, l. 5.

d) Liqueat ex dipl. hujus an. d. 1. Jan. quod Schlickio concessum erat, apud Lünig Cod. Dipl. 23, pag. 1190.

iterumque promiserint, nondum etiam annum 1440<sup>o</sup> abiisse, quod in conventu Budensi, se hæredem regni publico decreto renunciaissent; proin sperare se, nequaquam contra promissi fidem commissuros, ut prius, quam, quid enixura sit, constaret, de eligendo rege externo consilia inter se conferant. Anceps erat deliberatio, &, ut cuivis rei publicæ ratio videbatur poscere, etiam in partes distracta. Erant, qui promissis standum omnino censebant, alii, considerato, quod a Turcis imminebat, periculo, Wladislaum e Polonia accersendum, ita futurum, ut, junctis utriusque regni viribus, nihil deinceps a barbaro hoste metuendum esset, rursus alii, ut & fidem, reginæ toties addictam, servarent, & regno simul consularent, nuptias inter reginam & Wladislaum conciliandas proposuere, adjecta conditione, si filium pareret, is Bohemiam, cum adnexis ei provinciis, & Austriam, proles autem ex novo conjugio tollendæ, Hungariam obtinerent. Elisabetha, cum & matri suæ esset dissimillima, & Wladislaum, qui annum decimum sextum agebat, ætate totidem ferè annis excederet, a nuptiis abhorrebat, consilio tandem Dionysii Strigonienfis Archiepiscopi persuasa, annuit quidem, sed conditionem adjecit, si filium pareret, ut Legati a) ad Wladis-

a) In litt. Wladislai an. 1440. d. 8. Mart. censeantur, Joan. Segniensis Episc. Matthæ. de Pa-

dislaum mittendi, si nativitate filii sui com-  
perta, Poloniam nondum essent ingressi, vel  
cum rege jam agerent, confestim, abrupta  
tractatione, in Hungariam revertantur. 1440.

Dum Legati, acceptis XVIII. Januarii ad  
transigendum mandatis, iter, quantum hyems  
sinebat, in Poloniam accelerant, regina  
die XXII. Februarii, a) in arce Comaromi-  
ensi, aperta, ne dolus intervenisse putaretur,  
cubiculi janua, & adstantibus, quantum de-  
cori ratio patiebatur, Proceribus, filium eni-  
xa est, a suscepto baptismo, Ladislai nomi-  
ne appellatum. Nativitas infantis, rationes  
eorum, qui regem ex Polonia accersebant,  
magnopere conturbavit, & fuere ex his non  
pauci, quos suscepti consilii jam pœniteret,  
reliqui autem, qui reginæ studebant, Lega-  
tos ut ex itinere revocaret, suadebant. b) Mis-  
sus igitur celèrrime nuncius, qui illos conse-

U 2 que-

Palocz Dalm. cet. Banus, Joah. de Perén, Mag.  
Tavernicor. Ladisl. de Palocz Mag. Curia reg.  
Emeric. de Marczaly, Mag. Dapifer. & Co-  
mes Simeghien.

- a) Hunc diem Inscriptio templi parochialis Cas-  
soviensis exhibet.
- b) Callimachus de rebus Wladislai I. Gerard. de  
Roo, l. 5. & Dlugoff, l. 12. qui aliqua pro suo  
ingenio addit. Sommersberg mantiss. diplom.  
Par. II. pag. 83. dat. Budæ in festo S. Prisci  
V. ann. 1440.

1440.

queretur, & reginæ jussu illis referret; regem Hungaris jam natum esse, ne quid proinde, cujus causa missi erant, porro cum Polonis tractarent, alioquin, quid quid hactenus egissent, irritum a regina declarandum esse. a) Serum id tamen jam erat, quod Wladislaus, etiam graviores ex Optimatibus ei auctores fuissent, ne se in jus alienum temere ingereret, conditiones Legatorum, suo, & Procerum suorum nominibus, jam VIII. Martii ratas habuerit. b)

## Præ-

- a) Gerardus de Roo l. cit. Litt. Ladislai posthumi, an. 1453. & regin. ad Fridericum III. Imper. jam cit. *Nachmals, als der allmechtig Gott meinen Sun lebenden auf die Erd beschuf, und sein geburd laut kundig war, und da ich es den Herren die gen Polen gesand waren, verkund hett, darauf ward der von Polen, von etlichen Landherren, die nicht die namhaftigsten, und die pesten sind, zu Kunig erwelt in Hungern.*
- b) Autogr. exstat in Tabular Aul. Viennen. *Actum & datum in civitate nostra Cracoviensi, VIII. die mensis Martii, anno domini 1440. per manus Magnificorum, Johan. de Conecpole Cancellarii, & Petriwoda Szekoczini, vice Cancell. regni Pol. &c. Sigillis. præter regium; supra 50. munitum, quorum vestigia solum exstant. Regina enim omnia avulsit.*

Præcipuæ ex his, in quas utrinque conventum erat, fuere: Wladislaus promittat, 1440.  
tempore coronationis, se jura, immunitates, & consuetudines regni hactenus usitatas, juramento, æditisque litteris, confirmaturum, statuta quoque decessorum regum, jura Ecclesiarum inviolate servaturum, earumque bona adversus omnem vim, & injuriam defendendum, & donationes reginæ viduæ, si jure niterentur, ratas habiturum. Præterea, utrumque regnum contra quosvis hostes, præcipue Turcas, & Tartaros, vicissim auxilio erit: Russia, & Podolia, sine præjudicio tamen Hungariæ, Polonis interea cedit, donec arbitri utrinque deligendi, litem ex æquo cognoscant; Moldaviæ partitio eadem sit, quæ a Sigismundo, & Wladislai patre, olim constituta fuit, a) Rex tamen pollicebitur, ut de illius jure secundum vetera, & genuina litterarum documenta, decernatur: arcem quoque Lubloviensem, cum reliquis Scepusii oppidis, sub Sigismundo oppignoratis, post coronationem gratuito Hungaris restituet; nemini infidelium, & rebellium, qui regno exacti sunt, veniam redeundi, absque Prælatorum, & Baronum consilio tribuet, nec Barbaram Imperatricem, quietis publicæ causa, in Hungaria patietur, possit tamen illa jus suum, si quod se habere putet, per-

U 3

se-

---

a) Conf. quæ ad an. 1412. Nr. 9. dicta sunt.

1440. sequi, & Rex eidem ad sustinendam dignitatem, extra fines tamen regni, providebit. Hæc fere sunt conventionis capita. De nuptiis, inter Elisabetham, & Wladislaum, conflandis, nulla isthic mentio, ut adeo credibile sit, vel seorsim de his actum, vel ne cogitatum quidem fuisse.

III. Utcunque autem id fuerit, cum primum, quæ Cracoviæ acta erant, in Hungariam ad factionem Polonicam perlata sunt, mira consensione IV. Idus Martias confirmata fuere, a) & Wladislaus rogatus, ut iter acceleret, b) priusque adesse conetur, quam opposita factio viribus increseat. Jam enim Bohemi Elisabetham rogaverant, ut Legatos suos Pragam ad conventum mitteret, qui filii causam agant, Fridericus quoque, qui priori mense Rex Romanorum electus erat, pupillum, ob sanguinis nexum, tuiturus videbatur. Wladislaus, ab hoc maximum sibi obstaculum obmoveri posse, non ignorans, litteras ad eum dedit, quibus illi obtentam Romani Imperii dignitatem gratulatus, se quoque Optimatum consensu regnum Hungariæ adeptum fuisse, significavit, eoque se magnopere lætari, quod, ut ditionibus vicini essent futuri, ita conjunctis etiam viribus, com-

---

a) Sommerberg l. & p. cit. dat. Budæ in festo S. Gregorii Papæ,

b) Id. ibid.

communem Christianorum hostem, latius in dies grassantem, facilius coercere possint. a) 1440.  
Nec regina filii sui causa segnior, dum maiore sensim affluente ex Hungaris clientum numero, partem suam augeri videt, ut curam omnem retinendæ Hungariæ impenderet, Austriam Alberto Duci curandam credidit, eumque filio tutorem his conditionibus, VIII Aprilis constituit: provinciæ, pupilli nomine, tamdiu præesset, donec is sex-tum & decimum annum attigerit, tum provincia sibi credita decedat; nihil interea Ordinum immunitatibus deroget, & proventus, quos dotis nomine habebat, quotannis rite sibi administret. b)

Sub idem fere tempus Legati ex Polonia reversi, litteras conventionis reginæ exhibuerunt, quos illa, quod mandatorum limites egressi fuissent, in carcerem iussit conjici, c) & plena indignationis, ut robur litteris adimeret, sigilla ex iis avulsit. Factum insolens, & a femina patratum, ut factionem adversam perculit, ita iis, qui reginæ partes sectabantur, addidit stimulos, ut, de qua jam prius inter se agitabant, coronationem

U 4

in-

a) Æn. Sylvius l. c. c. 57. Tom. II. analect. biblioth. Viennen. pag. 830. apud Pray Par. II. pag. 340.

b) Exstant in Tabul. Cæs. Vienn. & apud Kollár. Tom. II. analect. cit.

c) Gerardus de Roo l. 5. Alii contra reginæ iussu in itinere cum litteris interceptos memorant.

**1449.** infantis accelerarent. Ipsa regina id unum ad avertendum ab Hungaria Wladislaum, non modo opportunum, sed necessarium quoque existimabat. Itaque, cum Wladislaus ob novos Lithuanorum motus, domi cogeretur morari, tempus occupandum rati, Albam contendunt, ubi Dionysius Strigonien- sis Archiepiscopus, adstantibus Vesprimien- si, & Jaurinen- si Episcopis, tum Nicolao Ujlakio, Emerico Kanisaio, Rozgonio, & frequen- tissimo Nobilium ordine, Infantem sacro oleo delibutum, corona, ipso die Pentecostes, incinxit, iusjurandum vero, de servandis re- gni immunitatibus, Ulricus Comes Cilejensis, pro infante praestitit. a) Regina non igna- ra, quæ Nationis animo de sacra corona opi- nio infedisset, hanc, post coronationem filii alia dexterrime substituta, apud se retinuit, b) ut hac ratione spem adipiscendi regni, Wladislao penitus adimeret, mox Jaurinum praesidio munitum, Ulrico tutandum commi- sit, ipsa Posonium, unde facilis, si usus fer- ret, in Austriam receptus erat, cum filio profecta, rei eventum praestolabatur.

Adversa factio, ut animum recepit, nec enim infantem coronandum suspicabatur, in- di-

---

a) Inscriptio templi Cassovien. diem Pentecostes diserte coronationi constituit. Gerardus de Roa l. cit. Æn. Sylvius Tom. II. analect. biblioth. Viennæ. & epist. 402.

b) Idem l. cit. & cum hoc alii.



dicto Budam ad XXIX. Junii diem conventu, Wladislaum, qui Agriam interea pervenerat, ut iter maturaret, admonuit, qui, licet adventu suo non paucos ab Elisabethæ partibus abstraxerit, coronationem tamen, quod Archiepiscopus Strigonienſis, ad quem vetere instituto, jus coronandi regis pertinebat, cum regina eſſet, differri oportuit. Itaque, publica fide data, cum reliquis, qui reginæ addicti erant, Budam vocatus eſt, qua perſuaſus cum Ladislao de Gara, ceteris enim pollicitatio ſuſpecta erat, non multo poſt adfuit, verum contra fidem datam uterque capti, nec prius dimiſſi, quam Archiepiſcopus Wladislaum ſe coronaturum, & Gara futuro regi fidelitatem, polliciti fuiſſent. a) Hoc obſtaculo ſublato, aliud ſupererat. Coronam, qua hactenus coronati reges, legitimum regni caput habebantur, a regina extorquere ſpes nulla fuit. Sed & huic difficultati, conſultum, dum Corona aurea, capiti reliquiarum ſancti Stephani regis impoſita, novum regem XVII. Julii coronarunt, & hanc edito eadem die decreto, quo coronationem infantis irritam declararunt, perinde, ut ſacram, ſi hæc recuperari non poſſet, haberi deinceps voluere. b)

WLA-

---

a) Idem epiſt. 81.

b) Id Dlugos, l. 12. exhibet, & ex hoc Pray Par. II. pag. 346.

---

 WLADISLAUS. I.

*Ab anno 1440. — 1444.*

**I.** Turcæ interea Hungarorum dissidio in 1440. rem suam usi, capta priore anno Szenderovia, copias Belgrado admovent, locumque arcta obsidione premebant, & cum nec vi, nec fraude, qua *Zovqnum* arcis præfectum ad defectionem sollicitabant, quidquam proficerent, amissis XVII suorum millibus, obsidionem solvere coacti sunt. a) Depulso externo periculo, domesticum ob contrarias factiones, quarum utraque jus suum tuebatur, ortum. Elisabetha, accersitis e Bohemia auxiliariis, Georgium, & Joannem Giscram, montanis urbibus, ex quibus belli gerendi nervus peti poterat, Aximithum vero, & Telefum, Scepusiensi, & Abaujvariensi provinciis præfecit. b) Ad Transilvanos, quorum Vajvoda, incertum quam ob causam offensus, ad Wladislaum inclinare videbatur, litteras dederat, quibus illos, revocatis in memoriam beneficiis, quæ a patre Sigismundo, & Alberto conjuge suo olim percepissent, ut in

---

a) Thurocz Part. IV. Chron. c. 35. Dlugosz. l. 12.

b) Æn. Sylv. l. c. c. 57. Balbinus epit l. 5. c. 3.

In fide recens coronati filii sui persistant, adhortata est. a)

1440.

Nec Wladislao minor retinendæ dignitatis cûra erat, qui cum militem, pecuniam, & reliqua bello necessaria, jam ante diligenter comparata haberet, ut reginam Hungaria penitus exigeret, Jaurinum, quod Ulricus Cilejensis cum præsidio Bohemico tenebat, occupandum censuit. Id Joanni Hunyadioman-

a) Litt. regin. Poson. d. 1. Aug. 1440. *Certum namque est, ipsum filium nostrum, tamquam hæredem, & dominum naturalem ad hujus regni gubernaculum successisse, sed pensate, quæsumus, — si hæres iste & dominus naturalis regni hujus debita successione exhæredari debeat, & privari, quid de filiis, & hæredibus vestris eveniro possit? cum per hoc quasi pro lege introduci valeat, ut filii, & hæredes paternis eorum rebus, & possessionibus, & bonis frustrentur, & priventur. Præterea, cum sacrosancta regni Hung. corona, cum qua reges Hung. a tempore S. regis Stephani coronari consueverunt, cum qua etiam ipse noster filius coronatus est, in prædicti filii nostri, nostraque potestate existat, nescimus, quali corona Rex Polon. qui ad suppressionem jurium ipsius filii nostri, nostrorumque se ingressit, per quosdam æmulos nostros sit coronatus, &c. Similes Kesmarkinum, & ad civitates superioris Hung. dederat,*

1440.

mandatum, qui dum urbi obsidionem admo-  
 vet, Cilejensis, præfectura urbis alteri cre-  
 dita, clam Pofonium ad reginam volens  
 evadere, e fuga retractus, & Budam ad  
 Wladislaum missus est. Captivitas Cilejensis,  
 quem Wladislaus liberaliter habuit, spem ei  
 fecerat, posse illius opera pacem sine armis  
 cum regina conciliari, nisi illa æquitati causæ  
 filii sui, sanguinis cum Ducibus Austriæ ne-  
 cessitudini, - & Bohemorum auxilio innixa,  
 bellum præ pace maluisset, sed, cum ad id  
 gerendum pecunia mutuo nuper accepta non  
 sufficeret, rursus ad pignoris ejusdem rationes  
 quinque, paulumque post novem, & XXIV.  
 Novembris duo aureorum millia, a Friderico  
 numerata accepit, eumque, ut filio magis  
 conciliaret, tutorem huic, his conditionibus  
 constituit: Austriaci juramento fidelitatis so-  
 luti, id deinceps Friderico præstent, hic vi-  
 cissim reginæ, cum necesse fuerit, consilio,  
 reque auxilio erit, proventus dotis in Austria  
 rite eidem administrabit, & filio quinque au-  
 reorum millia quotannis præbebit, a)

1441.

II. Cum autem hæc quoque gerendo bel-  
 lo non videretur suffectura, rursus octo au-  
 reorum millia, oppignorato Sopronio, sibi a  
 Friderico dari petiit, quæ ille quidem liben-  
 ter præbuit, si, postquam ipse, vel ejus hære-  
 des,

a) Ex Tabular. Aulico Vienn. Tom. II. analect.  
 bibl. Vindobon. pag. 845. — 851.

res, de redimenda corona admoniti fuerint, editis litteris profiteretur, hanc trium mensium spacio adhuc in pignore retineri posse.

1441.

a) Hac summa miles conscriptus, & inter Duces diribitus est. Giscra, acceptis e Bohemia supplementis, ad Cassoviam, Ladislaus Gara in Croatia, rem pupilli, ancipiti magis, quam alterna fortuna agebant. Gara enim a Joanne Hunyadi profligatus, & Banus ab Ulrico Cilejensi, interceptus erat, damno utrinque fere æquali. b) Wladislaus, qui Cilejensem haud ita pridem, acceptis obsidibus, liberum ea conditione dimiserat, ne adversum se arma sumeret, graviter offensus, castra ad Sabariam posuit, Ulrici perfidiam ulturus, cum ei. *Vitovecius* Cilejensium Dux obviam factus, ultra progredi vetuit, quinque pugnae copiam faceret. Quare velitationibus fere res acta, postremo, quod Turcae in Transilvaniam irrupisse ferebantur, concordia his pactis inita: Wladislaus utrumque Cilejensem, Fridericum, & Ulricum, condonatis injuriis, in fidem, & amicitiam recipiet, &

a) Ex Tabul. Casl. Tom. II. analect. cit. col. 870. Dat. an. 1441. die 25. Febr. Neostadii. subscriptus est, *Augustinus de Szálánk*.

b) *Callimachus* l. cit. l. 2, & *Chron. Cilejen.* apud *Hanium* Tom. II.

1441. & feuda, quæ dono regum in Hungaria possident, confirmabit. a)

Felicius Hunyadius rem contra Turcas in Transilvania gessit. Ducebat hos *Mutubegus*, cum quo ad villam S. Emerici congressus, caelis XV. millibus, ceteris captis, aut fugatis, omni apparatu belli positus est. b) Hoc felici progressu Wladislaus quoque, ut se Hungaris probaret, incitatus, in Giscram movit, & Cassoviam obsedit. Giscra, qui prælium in principio delectare videbatur, repente in Perenium, copiarum ductorem invectus, urbem ab obsidione solvit. Fusi, fugatique regii, ne nihil egisse viderentur, cum parte copiarum in montanas urbes effusi, illatis per iter damnis, porroque grassati Tirnaviam occuparunt. c) Regina, quæ Posonii sedem fixerat, vicino hoste, & alienato Bohemorum a se animo, qui Albertum Bavariæ Ducem, interea sibi regem designaverant, territa, Fridericum orabat, ut secundum pacta sibi auxilio veniret, ad

a) Ex archivo Cæs. Græcen. Forul. 39. Fasc. 6. Nro. 51.

b) Bartolsii Chron. apud Dobner monument Tom. I. Litt. Capituli Orodienfis an. 1444. hanc victoriam Hunyadiis, & quas postea ex Turcis retulit, proluxa narratione complectantur.

c) Callimachus l. cit. & Acta civitatis Viennæ. Tom. II. analect. cit. col. 1026.

ad magistratnm quoque Viennensem pro subsidiiis scripserat, qui defendendo, si obsideretur, Posonio, præter mille pedites, præbito iis etiam stipendio; & belli apparatu, cuius civium liberam facultatem profitendæ militiæ dedit. a) Fridericus contra, curis Imperii ceteroquin occupatus, malebat, conciliatis utrinque animis, litem inita concordia finiri, scripsitque hac de causa ad Eugenium IV. Sigismundi, infantis avi, merita de Ecclesia eidem in memoriam revocans, jus præterea illius in Hungariam, & Bohemiam exactis esse liquidum, itaque inhumanum videri, si eo innocens privetur, malignæ de se famæ, quam aliqui, ad conflandam sibi invidiam, sparserant, quasi puer inter vivos jam non agat, nè fidem haberet, educari illum sua cura Neostadii, viderique illum posse, si qui ejus videndi essent cupidi, crescereque in spes utriusque regni amplissimas. b) Pontifex conditionem infantis miseratus, Julianum Cæsarinum, Cardinalem, in Hungariam proficisci, omnemque operam iussit impendere, ut quibus posset conditionibus, regnam cum Vladislao, jure tamen pupilli inviolato, conciliaret.

1441.

Ipse

a) Eadem ibid.

b) Apud Goldastum append. document. pag. 151. &amp; in hoc Præf. Pat. III. pag. 354. An. Sylvius epist. 118.

**1441** Ipse etiam Wladislaus, videns, scissos in partes Hungarorum animos, nec ignorans, quam apud externos Principes, præsertim in-  
 fanti cognatione junctos, quasi hunc per injuriam regno privarit, invidiam incurrisset, cum suis, quos a consiliis habebat, deliberans, animum ad ineundam cum regina concordiam adjecit. Missi igitur VII. Septembris Oratores iis mandatis instructi, quibus sibi reginam conciliari posse, non dubitabat. Verum illa, intellecto, filium suum constitutis eidem Gubernatoribus, regem a Bohemis agnitum esse, nec refragari penitus, nec consentire visa, Legatos rei, cujus causa venerant, incertos ab se dimisit, in spem adducta, plures ex Hungaris partes suas amplexuros, si filium reciperet, eumque constitutis, secundum Alberti testamentum, tutoribus, in Hungaria educaret, utroque enim hactenus neglecto, magnopere offensos fuisse constabat. Scripsit igitur ad Fridericum, rogabatque, ut, cum ipse in Germaniam iter pararet, ne quid, illo absente, incommodi filio accidat, illum cum corona sibi remitteret, hanc solam esse rationem, qua Hungaros pupillo conciliare, eique regnum stabilire, se posse speret. a) Ille, utrumque negavit, quod & tutor prius infanti ab ea constitutus fuisset, & corona-

nam,

a) Ex Tabul. Cæs. Tom. II. Manusc. Biblioth. Vien.  
 nen. col. 988.



nam, nisi recepta, quam mutuo dederat, auri summa, reddere, rationibus suis minime expedire putaret. Hac repulsa, nec enim, unde tantam summam restitueret, habebat, offensa, eo se redactam vidit, aut, quam Wladislaus ante offerebat, concordiam, hanc filii, causa jam ipsa sibi ambiendam existimaret.

1441.

III. Commodum. Julianus Cardinalis ab Eugenio in Hungariam missus, Laurinum advenerat, qui, per tentato reginæ animo, cum illam a pace concilianda non alienam reperisset, Budam profectus, cum Wladislao de conditionibus, quibus utramque partem, sine honoris dispendio, consentire posse existimabat, diligenter egit, sæpeque Buda Laurinum, & hinc vicissim illo commeans, tandem conditiones, in quas Wladislaus consenserat, reginæ attulit, quæ, cum se a Friderico fere neglectam videret, & suos præterea ad Agriam, capto etiam ductore Telepho, profligatos comperisset, faciles Cardinali, tuta, & honesta suadenti, aures præbuit. Illud quoque ad accelerandam concordiam non parum conferre visum, quod Hunyiades novam ex Turcis victoriam consequutus ferebatur. Amurathes, etsi posito Imperio, filioque Mahomete, constitutis tutoribus, sibi subrogato, se a re publica abstinuisset, cladis tamen anni prioris memor, *Abedino* in mandatis dedit, ut acceptam jacturam, ex Transalpina

1442.

1442. provincia rursus in Transilvaniam irrum-  
pens, repararet, verum ab Hunyadiæ, con-  
citato itinere, occupatus, interque fauces al-  
pium Valachiæ conclusus, pene internecione  
deletus est, pauci, qui cladis nuncii essent,  
trans Danubium evasere. a)

Hæc dum secunda fama toto regno per-  
crebrescerent, regina conditionibus, à Car-  
dinale propositis, annuit, & Strigonium,  
quo utrinque conductum erat, acceptis publi-  
cæ fidei litteris, profecta est, ibique recon-  
ciliatio his pactis confecta: Wladislaus An-  
nam natu majorem reginæ filiam, cum CC.  
millibus aureorum, dotis nomine, & Casimi-  
rus regis frater, Elisabetham natu minorem,  
cum CXX. millibus, conjuges acciperent, &  
Silesia juris Polonici esset: interea Wladis-  
laus Hungariam, quin titulo regis Hungariæ  
uti ausit, tam diu pro infante gubernabit,  
donec is, pupillarem ætatem egressus, regi-  
mini aptus redderetur, qui si postea sine le-  
gitimo hærede obiret, Wladislaus pleno jure  
succedat; donationes tamen, quas hactenus  
fecisset, robur etiam deinceps obtineant, Sce-  
pusium Polonis perpetuum cedat, Hungari  
præterea juri, & actioni in Podoliam, & Va-  
lachiam, renuncient. b) Ceterum, has condi-  
ditio.

---

a) Ducas, & Laonic. Chalcondyl. pag. 107. litt.  
Capituli Orodien. cit. an. 1444.

b) Callimach. l. cit. l. 2. Dlugofs. l. 12.

ditiones, etsi utriusque partis consensu firmatæ fuissent, regni tamen Ordines, quod grave illis videretur, tot provincias a regno perpetuum avelli, postquam regina XXIV. Decembris ex torminibus, familiari sibi morbo, obiisset, irritas declararunt. a)

Mors reginæ variis animorum motibus occasionem præbuit. Giscra, & Bohemi, qui superiorem Hungariam tenebant, ut fidem in pupillum testarentur, ad Cæsarem Fridericum defecere, multi quoque ex Hungaris nutabant, Pragenses puerum regem repetebant, Turcæ, missis Legatis, pacem non tam petere, quam propositis fastu plenius conditionibus, præscribere ausi, Belgradum sibi dedi, & annuum tributum pendi postulabant. Rejecti sunt, & bellum in illos decretum, utque illius gerendi rationes cum regni Ordinibus conferrentur, Conventus Budam indictus est, ad quem Giscra quoque, cui, suasu Wladislai, ut a pupillo abstraheretur, cognata Rozgonii, Agriensis Epi-

X 2

fco-

a) Chron. Bartols. apud Dobner Tom. I. monum. pag. 206. Dlugofs. l. 12. Vit. Arnpeck apud Hieron. Pez Tom. I. Script. rer. Austr. pag. 1254. Gerard de Roo affirmat Albæ reginæ penes maritum conditam esse. l. 5. Æn. Sylv. epist. 81. additque fuisse aliquos, qui veneno sublatam fuisse, suspicati fuerint.

1443.

scopi, haud ita pridem uxor obtigerat, vocatus, venire renuit, sed cum Strigoniensi Archiepiscopo, Ladislao Gara, aliisque, qui pupillo studebant, nuncios ad Fridericum miserant, qui puerum ad regni confinia mitti peterent, ita fore, ut plures sensim ad eum accessuri essent. Id, qui ab Wladislao erant, veriti, ut illorum conatus eliderent, ipsi quoque Oratores suos, Julianum Cardinalem, Palatinum regni, & Nicolaum, Cracoviensem Decanum, Leobium accelerare jusserunt, qui Friderico pacis consilia ingererent, afferebantque litteras, quæ formam illius continebant. Displicuit hæc Friderico, aliamque dictavit, & cum iter ei in Germaniam necessarium instaret, delegit ex suis, cum quibus Hungari de conditionibus conferrent. Vix nova forma in congressu lecta est, & Decanus Cracoviensis pupillum in ea regem Hungariæ dici audiret, cum res ad difficilem, & diuturnam contentionem venit, propeque jam erat, ut congressus solveretur, nisi Cardinalis prudentia sua, Palatino quoque, qui ob instans bellum Turcicum, aliquid cedendum existimabat, consentiente, inducias, resectis iis, quæ novæ disceptationi occasionem præbere possent, his conditionibus conciliasset: neutra pars alteri biennio molesta sit, nocumentumve afferat: mercatoribus liber sit utrinque commeatus: qui pa-

ctis

etis his non steterint, in eos. pœna, utriusque partis iudicio statuetur. a)

1443.

Cum Giscra etiam, ne in bellum profecturis quidquam intutum relinqueretur, actum, & in has conditiones, opera Simonis Rozgonii, Agriensis Episcopi, conventum: induciæ a calendis Septembris, ad festum beati Michaelis futuri anni, serventur, quibus durantibus, ut pax facilius coalescat, Wladislaus cum suis Budæ, vel loco prope Strigonium opportuno, Giscra autem, cum Strigonienfi Archiepiscopo, & iis, qui pupillum sectantur, Baronibus Strigonii, futuro anno ad IV. Nonas Februarii convenirent, interea vero utraque pars ab hostilitate abstineat, neutra novas arces in suo solo exstruere, vel in alieno furtim, ut hactenus, occupare aulit; bona possessoribus restituantur, Giscra denique, in ditionibus, quas pupilli nomine tenet, Cassoviensi, Leutschoviensi, ceterisque montanis urbibus, ac Scepusio, censum regium, & lucrum Camerae, salvis Ecclesiarum decimis, percipiat. b)

His prope Igloviam ipsis calendis Septembris utrinque firmatis, necessarii in bel-

X 3 . lum

a) Callimachus l. 2. cit. Æq. Sylvius epist. 62. & 81. item in reb. Friderici III. Tom. II. analect. cit.

b) Litt. ap. 1443. dat. prope oppidam Iglov vocatum, d. 1. Sept.

lum apparatus facti. Huic ipse Wladislaus.  
 1443. interesse voluit, Dux copiarum Joannes Huny-  
 iades, quarum partem ipse suo ære conscripserat, constitutus, & profectio in Serviam suscepta. Hic Hunyades cum XII. equitum milibus exploratum prævolans, Nissam primo impetu cepit, & urbs, exportata præda, incendio absumta est: inde ultra progressus, *Ezebegum* obviam habuit, hoc profligato, alterum, qui ei venerat subsidio, cæsis plurimis, in fugam egit, &, cum post paucos dies in *Thurambegum* incidisset, hunc quoque eodem victoriæ cursu profligavit. Relatis tot victoriis, ne Wladislaum periculo exponeret, compererat enim ex speculatoribus, ingentem Turcarum vim regiis castris appropinquare, reversus, hos quoque in ipso itinere aggressus, magnam cædem, Duce eorum intercepto, paucisque fuga elapsis, edidit. Amurathes, qui tridui itinere a castris regiis aberat, cum videret, suos tot cladibus dejecto animo esse, hyemsque inflaret, nihil ausus, receptui cecinit, & Wladislaus copias per Serviam, quam, Turcis repurgatam, Georgio Despotæ restituerat, Belgradum, ac sensim Budam reduxit. a)

## IV.

a) Æn. Sylv. epist. 81. Callimachus l. cit. Litt. Capituli Orodien. an. 1444. supra cit. Thurocz Chron. Par. IV. c. 40. epist. Hunyadiadis ad Nicol. de Wjlak, dat. in descensu regali Scaronienſi, 8. d. OO. SS. item Æn. Sylv. epist. 44.

IV. Fama multiplicis victoriae per Europam didita, plures ex Printipibus Christianis in belli communionem incitaverat. Eugenius IV. qui hujus communiter gerendi auctor erat, missis quaquaversum Legatis, regum ausas ad idem sollicitabat. Palæologus se partibus suis non defuturum nunciavit, Georgius Castriotus, cum XXX. Epirotarum milibus se subsidio venturum pollicitus est, Pontifex, Philippus Burgundiae Dux, Veneti, & Genuenses, classem septuaginta trirremium, se mari immissuros promissere, Julianus Cardinalis cruce signatos ex aliis ditionibus, non temnendo numero adfuturos, spem fecerat, & ne rei gerendae nervus deesset, æs ex sacerdotum decimis, quod antea in Concilio Basilcenfi decretum erat, a Pontifice in hunc finem consilari jussum. a)

1444.

Wladislaus de hoc apparatu, & ne, cum illius res præcipue agatur, in communi Christianorum studio, sibi deesset, admonitus, indicto conventu, rem omnem deliberationi Procerum permisit. Sententiae variabant. Poloni, nam & hi ad consultationem vocati sunt, magnopere refragabantur, quod Tartari non ita pridem Russiæ, & Podoliæ partem depopulati fuissent, consulendum igitur

X 4

do-

a) Raynald. ad an. 1444. Barletus de-geſt. Scanderbegi l. 2. Callimach. l. 3. Æn. Sylv. Europ. c. 5. Phranzes l. 2. c. 18. Chalcondyl. l. 6.

1444

domestico prius periculo, quam de bello hosti inferendo cogitetur: Hungari contra, priorum annorum victoriis confisi, arma corripienda esse, contendebant, nec pulchrum videri, si Principum Christianorum expectationem de se conceptam fallerent. Dubitanti Wladislao, utri parti adhærendum esset, Legati ex Turcia intervenere. Amurathes enim, comperto Christianorum Principum apparatu, cum nec in Asia, Caramanix enim Præfectus Pontum, & Bythiniam, arrepta tyrannide infestabat, res satis tutas videret, ne utrinque eodem tempore premeretur, pacem per Legatos suos offerebat. Erant conditiones Hungariæ cumprimis utiles: nam præter Bulgariam, quam sibi Amurathes relinquere cupiebat, quæcumque occupasset, ad diem, quem Wladislaus statueret, se redditurum pollicitus est. Tam splendidis promissis illecti, pene omnes pacem bello præferrebant, ipse etiam Hunyadi, bellis alias in Turcas appetens, cum sponte ea reddi audiret, quæ bello, cujus incertus esset exitus, nec sine damno, vel periculo recuperari possunt, eorum sententiæ accessit, cui Despota quoque Servix suffragatus est. Pax igitur in eas, quas Legati proposuerant, conditiones confecta, & juramento ab Wladislao firmata est. a)

Fue-

a) Callimachus l. 3. Dlugosz. l. 12. Barletus de reb. gest. Scanderbegi Chon. Turc. l. 1.



Fuere tamen, ut ex eventu patuit, qui non diuturnam fore, putabant, cum enim ea, quæ Amurathis Legati se reddituros pollebantur, Wladislaus ad præstitutum diem repeteret, fucosas causas, aliam ex alia, quod Amurathes absens esset, prætexebant. Sero perfidia cognita est. Itaque omnium animi a pace ad bellum conversi, præsertim, quod Amurathem bello in Asia occupatum esse constaret. Re proinde cum Pontifice, ceterisque, qui prius communis belli auctores erant, Principibus, communicata, gerendi illius ratio hæc utrinque instituta: Cardinalis terrestres copias quidem duceret, conferendi tamen prælii potestas, & arbitrium penes Hunyiadem esset, navalibus autem Franciscus Cardinalis Venetus præset, Castriotus, ut res, & tempus, locusque monuerit, cum suis præsto sit, Fridericus in societatem quoque vocatus, cum ob Imperii negotia adesse non posset, induciarum, quæ cum Giscra initæ erant, vadimonium in se recepit. His constitutis, profectio terra, marique suscepta est. Wladislaus cum Hunyiade, quin hostis se aspectabilem præberet, acceptisque per iter supplementis, Vidinum attigit, inde victis semel, iterumque Turcis, qui illum ab ulteriori progressionem prohibere volebant, prope Pontum castra ad Varnam defixit eo proposito, ut spacium Palæologo ex una, Castrioto autem ex altera parte, ut conductum erat, rem agendi

**di præberet, & ex eventu consilium caperet.**

**1444.** Verum & ille moras traxit, & huic Despota Servizæ, promissi, & beneficii immemor; clanculum cum Turcis paciscens, viam arborum concæde obsepsit. Hic erat rerum situs, cum Amurathes, intellecto suorum in Europa periculo, ex Asia accelerans, copias per Hellespontum, quem classis Itala intercludere neglexerat, traduxit, rectaque nostris sua castra opposuit; qui cum de ratione prælii ineundi, quod vitari jam non poterat, consultant, Hunyiade, ut confestim pugnaretur, suadente, aliis autem contra nitentibus, Amurathes nostros adoritur, sed semel, iterumque cum clade rejectus, ubi tertium vires instaurat, etiam in fugam actus est, quem cum nostri incautius, quam par erat, insequuntur, Wladislaus alia parte ab hoste circumventus, fortiterque dimicans, vitæ, & regno finem fecit. a) Caput a cervice rescissum, hastæque affixum ut nostri aspexerant, in apertam fugam coniecti, multisque erroribus acti, qua cui commodum erat, evasere. Julianus Cardinalis b) in fuga cæsus, Hunyia-

---

a) Inscriptio templi Coronen. apud Schvandtner Tom. II. pag. 18. cladis, & cædis Wladislai, diem 10. Novembr. notat.

b) Hunc posteriores scriptores, belli hujus. & cladis auctorem, invita veritate, faciunt, cum bel-

Hunyadiades, cui infaustum pugnae exitum, 1444.  
 quasi regem volens desituerit, quidam, sed  
 falso, tribuunt, trajecto Danubio in Vala-  
 chiam evadens, a Vajvoda provinciae reten-  
 tus, mox tamen liber dimissus est. Amura-  
 thes, victo, quam victori similior, LXXX.  
 enim suorum millia amisisse fertur, collectis  
 vasis, & spoliis, domum rediit. a)

LA-

bellum hoc communi Principum consensu sus-  
 ceptum fuisse conflet. Nec opus erat, ut re-  
 gem a praestito juramento solveret, quo alio-  
 quin, ob non servatas ab Amurathe condi-  
 tiones, ex natura contractus non tenebatur.

- a) Æn. Sylvius Europ. c. 5. & epist. 81. Calli-  
 machus l. 3. Dlugoss. l. 12. Michovii Chron.  
 l. 4. c. 56. Chalcondylas de rebus Turc. l. 7.

## LADISLAUS POSTHUMUS.

*Ab anno 1445. — 1457.*

**I.** **F**ama Varnensis eladis, magna animorum  
 1445. confertatione accepta est, & necessariam rerum conversionem post se traxit. Polonia verisimiliter ab Hungaria deinceps sejungenda, & inde non levis virium diminutio domi consequutura erat. Bohemi, duce Giscra, superiorem regni partem pro pupillo, a reliquo corpore velut avulsam, tenebant, nec Turcæ diu quieturi videbantur, domi quoque Laurentius de Hedervara, regni Palatinus, vir inquieto ingenio, res novas moliri cœpit, cum, seu de industria, seu a Polonis, qui ex prælio evaserant, persuasus, in vulgus spargeret, Wladislaum nequaquam cæsum, sed incolumem in Poloniam evasisse. a) Hunyiades, qui quid illo factum esset, & qua parte res publica laboraret, optime gnarus, ante omnia Proceribus suasit, comitia  
 Albam

a) Rumor hic etiam ad exterarum regiones perlatus est, ut Æn. Sylvius epist. 95. ad Campesium scripsit: *Polonus adhuc spem sui redditus facit, quamvis mortuus est* & epist. 105. ad Sbigneum Cardinal. *nec de Wladislao curarent, qui vel mortuus est, vel, si vivit, satis habet in Polonia, ubi regnare possit.*

Albam convocanda esse, ut collapsis rebus mature consulatur. Ad quæ cum pridie Nonas Februarii frequentes confluxissent, nihil fere decerni potuit, quod Palatinus, priorem de Wladislao fabulam recoquens, intercederet; hunc prius expectandum esse, quam aliquid decernatur, aut, si vere occubuisset, in eam satis aperte sententiam inclinabat, ut defuncto successor vel ex ipsa natione legeretur, vel antiquata pristina regiminis forma, certe ea inducatur, quæ Reipublicæ similis esset, non obscure Oligarchiam designans. Primum, quod se ipsum, tamquam aliud agens, designare videretur, cum indignatione explosum, alterum, quod nihil in Majorum consuetudine innovandum reliqui censerent, itidem rejectum, & rem omnem, quoniam de communi omnium salute agatur, ad communem quoque consultationem in proximo Conventu referri oportere, decreverant. a)

Interea Hunyadiæ, cum non levem sibi apud exteros invidiam, ob nuperam cladem, conflari, intelligeret, Pontificem ceterosque Principes Christianos, imprimis Galliarum regem, de illius causis edocuit, infelicem pugnae exitum non tam virtuti hostium, quos

---

a) Æn. Sylvius epist. 81. & 93. Joan. de Zredna comment. ad epist. Hunyadiæ Tom. II. Script. rer. Hung. pag. 17. & 18.

1445. quos sæpe profligasset, quam non missis mature, ut conventum erat, Principum auxiliis, tribuens; hæc sibi non solum a Valachiæ, & Molaviæ Vajvodis, sed Albanis quoque, Bulgaris, & Palæologo promissa, quorum spe Hungari bellum in Turcas gerendum suscepserint, cum vero tempus moneret, nihil præstitum fuisse, & plerosque, rebus tantum suis, alieno periculo, consultum voluisse. Neque tamen se propterea animum despondere, quin ita esse comparatum, ut illatam cladem facile se reparaturum speret, si Principes pollicitis farent, & Pontifex Hungariæ subsidiis non deesset. a) Hæc ille cum ad tuendam nominis sui famam, tum ad imploranda auxilia per Europam vulgavit, nihil tamen suppetiarum ad communem Christianorum causam, præter pollicitationes, allatum. Spem igitur omnem in Conventu, qui proxime habendus erat, reposuit.

Hic, quod Palatinus Budam occludi iusserit, Pestini coactus erat. Hunyiades duo præcipue capita in consultationem adduxit: primum, viderent Proceres, ut de cogendis militiæ supplementis rationes mature inirent, ne, si Turcæ anni prioris successu elati, aliquid rursus tentarent, periculum priore majus evaderet: tum, quoniam constaret, Wladislaum in prælio occubuisse, necessarium  
omni-

---

q) Id. ibid.

omnino videri, ut pupillus, legitimus cetero-  
quin hæres, quamprimum in regnum indu- 1445.  
catur, Hungariam enim capite destitutam,  
diu salvam esse non posse. Huic sententiæ  
cum Dionysius Strigonienſis Archiepiſcopus  
ante alios acceſſiſſet, unanimi omnium vo-  
luntate decretum, ut Legati ad Cæſarem  
mitterentur, qui regem ſuum, & hæredem  
regni repeterent. Delecti ſunt Strigonienſis  
Archiepiſcopus, & Ladislaus de Gara, quos  
plures ex Nobilium ordine, videndi pueri  
regis cupidi, & quingenti equites, cum  
XXIV. quadrigis, pro reducendo rege con-  
ſequuti ſunt. His Nicolaus Ujlak, Vajvoda  
Transſilvanus, quatuor ex ſuis adjunxit, quem  
Palatinus, ne ſe itineri daret, variis technis  
uſus, retinuerat, poſt tamen ſerius, aliorum  
hortatu perſuaſus, ipſe quoque adfuit. a)

Hunyiades legationi intereſſe non pote-  
rat, quod Turcæ, Vajvoda inſtigante, ex Va-  
lachia in Transſilvaniam irrupturi fereban-  
tur. Hac ille occaſione, ut ex perfido, qui  
ſe a clade Varnenſi captivum detinuerat, ul-  
tionem ſumeret, copiarum partem in Vala-  
chiam, quo Cardinalis Venetus cum Ponti-  
ca claſſe, adverſo Danubio, prope Nicopo-  
lim venerat, deduxit. Hac celeritate Vaj-  
vodam in montana fugere coegit, & Turcæ  
hoc quidem anno, præſente claſſe, nihil ho-  
ſtile

---

a) Æn. Sylvii epiſt. 81.

1445<sup>1</sup> ~~\_\_\_\_\_~~ file ausi sunt. Collatis dein cum Cardinali consiliis, egit de ratione futuri belli, & promissorum, quæ is, & Ducis Burgundiæ classis Præfectus, sibi fecerant, plenus, in Hungariam rediit, ut, si legatio ad Fridericum missa, non eum, quem sperabat, exitum haberet, consilia cum Proceribus, pro re, & tempore opportuna caperet. a)

Legati per id fere tempus iter ingressi sunt, quo Fridericus expugnato Ginsio in Austriam redierat. Accepit illos liberaliter, nihil tamen eorum, quæ petebantur, quod modum viderentur excedere, concessit. Pupillum enim, coronam, & urbes, quas mater illius oppignoraverat, sibi reddi flagitabant, coronam quidem, quod hanc, ut puer rursus coronetur, necessariam existimarent. Fridericus ad hæc, nec puerum, quod multi adhuc in Hungaria ab eo aversi essent, tuto ab se dimitti posse, respondit, nec, ut corona, & pignora, non redhibito, quod illorum causa, Elisabethæ reginæ olim datum erat, precio, reddantur, æquum videri; supervacaneum præterea esse, ut puer coronatus iterum coronetur. Postremum Legatis durum videbatur, facile enim intelligebant, eos, qui Wladislaum sectabantur, nota infidelitatis perstringi, & in pervicacia, ne puer in regnum

---

b) Ivanichii comment. in epist. Hunyadiis. Tom. II. Script. cit.



gnum induceretur, corroborari posse. Quo intellecto, Fridericus non nihil de sua sententia decedens, se puerum quidem, ut is, omiſſa tamen unctione, coronetur, in Hungariam miſſurum promiſit, ſi regni Ordines primam coronationem vigore non deſitui, & coronam poſt inagurationem ſe remiſſuros publicis litteris fidem facerent, Poſonium præterea ſibi traderent, ubi pupillus ſub ſua cura etiam deinceps educaretur, dum legitimam ætatem attingat, ad quæ cum Legati mandata non haberent, Peſinum reverſi, quem exitum legatio habuiſſet, ad Ordines retulere. a)

II. Viſum plerisque eſt, rem, quod maturæ deliberatione egeret, ad proxima Comitia differendam eſſe, ad quæ Fridericus ſuos quoque Legatos miſſurum ſe promiſerat, interea autem Hunyiades rei publicæ curam vicaria poteſtate gereret. b) His conſtitutis, videbatur Hungaria, velut poſita tempeſtate, tantisper malacia quadam frui, cum Comes Cilejenſis, ab obitu Tallocii, Croatiae Bani, calira, & ditionem Episcopatus Zagrabiensis invadens, pleraque vi ſibi aſſeruit, indeque arma ad Auranam promovens, hanc quoque vaſtato circum agro in poteſtatem redegit.

Sed

a) Æn. Sylvius. epiſt. 95.

b) Kaprainai hiſt. Hung. diplom. Par. II. pag. 191.

1446.

Sed temeritatem hominis, Hunyiades pro ratione officii sibi ab Ordinibus crediti, brevi armis ita repressit, ut non modo amissa recuperarit, sed ademta etiam Cilejenfis agri parte, illum ad petendam pacem cogeret. a)

Redacto in ordinem Cilejenfi, Comitii datum initium est: in his ante omnia constitutum, ut Gubernator, qui pro pupillo regnum administraret, communibus suffragiis eligatur; idcirco omnibus mandatum, ut officiis suis interea decederent; tum, ut bona, per quosunque vi occupata essent, suis dominis restituantur; qui arces nuper erexissent, quod non tam publicæ securitati, quam inferendis injuriis deservirent, has rursus funditus convellant, privatæ confederationes, ex quibus res publica non levia detrimenta hactenus acceperat, graviter interdictæ, decretumque, ut, quæ nunc constituta fuissent, ac deinceps statuerentur, ab omnibus, nullo habito conditionis, ordinisve discrimine, edito juramento, observentur. b) Rogatis deinde ad eligendum Gubernatorem sententiis, omnes miro consensu in Hunyia-dem conspirarunt, cui, si illum bello extra regnum occupari contingeret, Nicolaus ab Újlak

---

a) Æn. Sylv. epist. cit. & 93.

b) Ex autogr. Quod in Cod. jur. patr. exstat, mancum est. Integrum exhibet Katona Tom. XIII. pag. 468.

Ujlak vicarius adjunctus est. a) Ne autem ~~potestate~~ 1446.  
 potestate Gubernator abuti posset, hi eidem  
 limites-circumscripti sunt: primum, ut ea-  
 dem, qua reges, potestate quidem utatur,  
 neminem tamen nota infidelitatis perstrin-  
 gere, vel ab hac solvere possit, nec dignita-  
 tes, & beneficia ecclesiastica majoris ordi-  
 nis, censusque, ac regales Abbantias, sine  
 eorum, quos in partem consiliorum acceptu-  
 rus esset, assensu conferre; integrum tamen  
 ei erit, bona, quæ secundum veterem con-  
 suetudinem, ad Fiscum devolvi solent, b) si  
 numerum XXXII. *Sessiorum* non excedunt,  
 bene meritis de re publica donare, modo ne  
 eidem, cui semel donasset, sæpius conferret:  
 proventus regios, ut res, & tempus mone-  
 bunt, in utilitatem publicam, Consiliariis ad-  
 hibitis convertet: hic, si in judiciis sententia  
 ferenda fuerit, præter Palatinum, & Judicem  
 Curæ, duos ex Prælatiis, totidem ex regni  
 Baronibus, & sex ex ordine equestri deliget,  
 alias vero unum ex Prælatiis, & Baronibus,  
 duosque Nobiles in consortium adsciscet, si  
 plures volet, in ejus arbitratu erit, quem-  
 admodum & domicilium, ubi libuerit, fige-  
 re,

Y 2

a) Litt. Capituli Orodien. an. 1448. hæc diserte: *quod magnificus dominus Nicolaus de Wj-  
 lak inter ceteros honores, regni Hung, Vica-  
 rius generalis &c.*

b) Conf. Notit. præv. §. 19.

**1446.** re, denique exercitum, si periculi magnitudo, ac necessitas postulaverit, ipse ducet. a) Hos limites sibi præscriptos, juramento sigilloque suo firmatos, b) publicis tabulis testatus est, & ut initia suæ gubernationis insigni facto commendaret, Laurentium de Hedervara, etsi illum sibi maxime adversari non ignoraret, in Palatini dignitate confirmavit.

Nondum Ordines conventum solverant, cum litteræ a Friderico allatæ sunt, quibus de injuriis, quas Hunyiades, dum Cilejensem armis represserat, Stiria intulerit, graviter questus est, peneque ei apud illos, qui illi infensi erant, & erant hi non pauci, invidiam conflasset, nisi

a) Ex autogr. cit.

b) Sigillum exhibet corvum gentilitium cum Luna decussata, & hac perigraphæ: *S. Joannis de Huniad. Gubernatoris. Regni Hungarie* Litteris donationum solebat Sigillum etiam Ordinum adjungi, hac verborum, quæ in litt. an. 1446. fer. 2. ante fest. BB. Petri & Pauli Apost. exstat, forma: *quibus Sigillum nostrum, quo nunc ceu Gubernator hujus regni utimur, sed & Sigillum universitatis ejusd. regni Hung. penes Sigillum nostrum, de nostro beneplacito ac dictorum DD. Prælator. & Baron. assensu sunt appensa.* Sigillum autem Ordinum refert crucem patriarchalem tricolli insistentem, cum hac epigraphæ: *S. Prælatorum, Baronum. & Nobilium. Regni Hungarie.*

nisi is proluxa epistola, ab hac criminatione se purgasset. a). Nec Fridericus ultra querelas progressus est, & Hunyiadem periculum Transsilvaniæ, Pestino advocavit. Wladus, alias, quod suis ob crudelitatem exosus esset, *Dracula* dictus, b) copias suas Turcis conjungens, vastata Transsilvaniæ parte, quatuor fere millia captivorum abacta, servituti Turcarum subjecit. Barbarum facinus, Hunyadi stimulus erat accelerandi. Ut in Valachiam venit, facile nefarium hominem, a suis desertum, in fugam conjecit, eique *Danum*, qui *Draculam* e fuga retractum, cum filio interim jusserat, fiduciario jure Hungariæ obnoxium subrogavit, cujus exemplum Vajvoda Moldaviæ sequutus, se quoque in clientela Hungariæ futurum professus est. c)

Y 3

Re-

a) Joan. de Zredna epist. 21. apud Pray Part. III. pag. 46.

b) Valachi diabolum etiam hodie vocant *draculam*.

c) Joan. de Zredna epist. 25. l. cit. Hoc illi tamen post mortem, inimicis instigantibus, vitio datum est, ut habent litt. autogr. Ladislai an. 1457. XII. cal. Apr. *Vajvodas nostros Transalpinensem, & Moldaviensem, nobis, & regno nostro fideles, alios occidi, alios expelli fecit, & eorum loco alios, quos sibi obligatos fieri debere putavit, superinduxit.*

**1446.** Reduci ex Valachia, res cum Friderico fuit. Cum enim is nec pupillum, nec coronam, ut nuper polliceri videbatur, redderet, & Hunyadiis, ad reprimendos adversariorum conatus, magnopere referret, ut Rex in Hungaria esset, hunc armis repetendum ex Ordinum voluntate constituit. Causis, cur id faceret, ad Pontificem, & Ducem Venetorum, ad vitandam invidiam, perscriptis, castrisque ad *Sarvarum* positis Viennenses, ut in communi causa se Hungaris sociarent, invitavit, quos cum dubios, in quam partem se darent, videret, vastato Neostadienti agro, Viennamque propius movens, rursus in communionem armorum vocavit. Tam vicino hoste territi, Legatos proxime a Friderico mittendos responderant, qui cum eo transacturi essent. Nec multo post adfuerit Comes Cilejensis, & Schlickius, qui olim Sigismundo, & Alberto a consiliis, insigni rerum tractandarum peritia pollebat. Cum hoc igitur ita conventum, Cilejensis Castrum Jaurinense ad futuras IV. Nonas Februarii, Hungaris restituet, nisi faxit, impune his erit, si ditiones illius hostiliter invaserint. Fridericus, ne Stiria hac occasione incursionibus pateret, conditionem rejecit, & Hunyiades arma resumpsit. a)

## III.

a) Acta publ. civit. Viennen. apud Pray Part. III. pag. 47. 48.

III. Quo minus autem res in apertum bellum eruperit, industria Juliani Cardinalis S. Angeli, qui Viennam per id tempus venerat, factum, qui crebra nunciorum ad Fridericum misitatione, inducias biennales utrinque conciliavit, quarum hæc erat sententia: Fridericus Ginzium, & vicina oppida, quæ in pignore tenebat, Albertus vero, frater illius, *Kismartonium*, cum vicis adjacentibus, donec pignoris rationes illustrentur, possideant, Jaurinum contra Hungaris redatur, possint tamen Aufriaci supellectilem suam bellicam inde prius efferre: Ladislaus de Gara, substituto suo fratre obside, ex Græcensi captivitate, dimittatur, intra anni tamen spacium se ibidem rursus sistat, nisi forte interea pactis conventis in libertatem vindicetur: vetitum præterea, ne Hungari ea, quæ Fridericus in Hungaria possidet, Aufriamve, nec Aufriaci Hungariam infestent, qui contra facerent, in hos utrique pœnis animadvertant: postremum; octo ex Hungaris mense Novembri Viennæ adessent, ut, Nicolao V. Pontifice arbitro, pax stabilis possit coalescere. a)

Y 4

suo

---

a) Acta publ. urbis Vienn. apud Pray Par. II. pag. 47. — 60.

1447. suo arbitrio gerere videretur, conventu Budæ habito, Ordinibus proponi iussit, quas cum hi quoque ratas haberent, actum est de Palatino, Laurentius enim de Hedervara sub idem tempus obierat, eligendo. Electus est Ladislaus de Gara, successa tamen potestate in Budam, ceterasque urbes regias, quas decessor sibi usurpaverat, & Ordines jam anno superiore decreverant, ut in arbitrio Gubernatoris essent. *a)*

1448. Induciis cum Friderico conciliatis, bellum in Turcas, quorum apparatus Hungariam designare videbantur, decretum. Hunyades quidem Moldavum, qui datæ fidei immemor, in Polonorum clientelam recens concesserat *b)* in ordinem prius redigere cogitabat, nisi præsentius periculum ab Amurathe incubuisset. Significaverat id Pontifici, regi Arragonum, & Venetorum Duci, a quibus subsidium sperabat. Laudarunt omnes propositum, sed ultra laudes nihil præstitum. Collecto igitur viginti duorum millium exercitu, ultra Belgradum progressus, ad Sophiam constitit. Amurathes non longe aberat cum octoginta millibus. Cum se numero inferiorem videret, facto in tutiora loca receptu, aptum pugnae situm in campo Merularum delegit, pau-

*a)* Dogiel Tom. I. pag. 58. sequ. Math. Bel. Tom. III. Notit. Hung. nov. pag. 207.

*b)* Ioan. de Zredna l. cit. epist. 49. 31. 35. 39.



pauloque post praelium confectum, & in alterum diem extractum est: primo victor, altero, 1448.  
proditus a Despota Serviae, victus, reliquias ad Istrum reduxit, sed, cum itinere a suis paulum diverteret, a duobus Serviis interceptus, mox tamen, uno eorum caeso, & fugato altero, liber, a Despota rursus captus, nec ante dimissus est, quam, Ladislao filio natu maiore dato obside, Mathiam natu minorem, filiae Ulrici Cilejensis se desponsurum promississet, & *Marnavicius*, admotis Szenderoviae copiis suam quoque operam ad eum liberandum contulisset. a)

IV. Ex captivitate reversus, ne maligno de se per Europam spargendo rumori occasionem daret, seriem pugnae, ut gesta erat, ad utrumque oratorem suum, Romam perscripsit, illud praecipue illis commendans, ut inde quoque subsidia corrogarent, ipse autem nihil a rei publicae studio remittens, in eam curam animum maxime intendit, ut regnum ab externis, & domesticis hostibus, magnam enim ab accepta clade invidiam apud Optimatum praecipuos incurrerat, tutum praestaret. Misit hac de causa ad Fridericum Legatos, & constabilita cum Cilejensibus ami-

a) Idem, & Chalcondyl. l. 7. Erasmi Fröhlich Specimen 2. genealog. chronolog. Comitum Gori-tiae. Kereselics Notit. praëlimin. Dalm. &c. pag. 272.

amicitia, inducias, interprete Despota Ser-  
 1449. viæ, cum Turcis inire constituerat. Verum  
 homo suspicionum plenus, bellum sibi parari  
 ratus, negotium dolis suis infectum reddidit.  
 Itaque ut versipellem, & in utramvis partem  
 varium castigaret, ademptis ditionibus, quas in  
 Hungaria habebat, coegit, ut Ladislaum fi-  
 lium, quem obsidem tenebat, liberum dimit-  
 teret. Cum Bohemis quoque, quod Frideri-  
 1450. cus iter Romam pararet, secumque pupil-  
 lum ducturus ferebatur, inducias confecit, &  
 Comitia Posonium indixit, ut ex loci pro-  
 pinquitate, si quid rumori subesset, facilius  
 consilium pro re nata, depromi posset. Una  
 omnium vox fuit, pupillum repeti oportere,  
 idem Bohemos desiderare, Austrios quoque  
 ipsos dominationis Friderici jam tædere,  
 nec permittendum, ut puer teneræ ætatis, &  
 tanto itineri sustinendo impar, extra suas  
 ditiones educatur. Hunyiades ante omnia  
 Pontificem per litteras, ut is auctoritatem  
 suam interponeret, orandum duxit, tum rur-  
 sus missi ad Fridericum Legati, qui pupil-  
 lum cum corona repeterent, agerentque, ut  
 Ladislaum de Gara, Palatinum a data Græ-  
 cium redeundi fide, liberum pronunciaret.  
 Postremum non difficulter impetratum, cetera  
 non item; de quibus tamen postea in has  
 conditiones utrinque conventum: Fridericus  
 pupillum cum corona tam diu in tutela te-  
 neret, donec is decimum octavum ætatis an-  
 num

num compleverit, interea autem nec Hungari Austriam, nec Austrii Hungariam armis infestabunt, & Fridericus Gubernatori nullum in administrando regno impedimentum afferet, nec ab aliis afferri patietur, quin contra tales, si necesse fuerit, eidem auxilio erit. a) 1450.

Fridericus, conciliatis sibi hac ratione Hungaris, pacatis quoque studio Æneæ Sylvii Bohemis, itineri Romano se parans, ducto secum pupillo Græcium, & hinc Villacum concessit. Absentia illius occasionem Australibus res novas moliendi præbuit. Concitator erat Ulricus Einczingerus, qui inita cum plerisque Proceribus conspiratione, pupillum ex itinere remitti postulabant, cælum Italicum puero grave futurum causati, re ipsa autem, ut eo in potestate habito, provinciam suo arbitrio administrarent. Friderico id crimini datum, quod provinciales exauctis vectigalibus premeret, & Alberti testamentum, quo duos ex Austriæ optimatibus, infanti tutores constituerat, irritarit, ejusque thesaurum, hæredi relictum, intervertisset, simul Magistratum a Friderico renunciatum loco decedere

---

a) Thurocz Chron. Par. IV. c. 39. & 47. Joan. de Zredna l. cit. epist. 49. 67. Dlugos. l. 13. Cod. Ms. biblioth. Mellicen. apud Pray Part. III. pag. 70. Haselbach apud Pez Tom. II. col. 368. Æn. Sylvius hist. Boh. c. 58. & 59. Gerard. de Rool. 5.

**1451.** dere cogunt, aliumque constituunt, qui cu-  
 ram pupilli, & provinciæ deinceps gereret,  
 ique missis ad Fridericum nunciis, quibus  
 Vienna, ceteræque urbes, suos adjunxerant,  
 significarunt, neve soli invidiam sibi apud ex-  
 teros conficerent, Bohemos, & Hungaros  
 quoque in fœderis communionem vocarunt. *a)*

Ac hi quidem rebus domi iterum turbatis, societati illorum tunc quidem accedere non poterant. Bohemi enim, qui Giscram sequebantur, vicinas ditiones, contra pacta conventa, incurfare, prædasque agere identidem solebant, quos ut ab inferendis deinceps maleficiis coliberet, latibula illorum demoliri statuerat. Egit rem primum alterna fortuna, postea militiam meliori usui servans, pacem cum Giscra, depensis decem millibus, & sexcentis auri florenis pactus est, Giscra vicissim se in Hungarorum arbitrio futurum spondit, sed, ut turpi nundinationi fucum honestatis allineret, tam diu se pactis staturum professus est, donec Ladislaus regni possessionem adiret, quasi non tam prædarum, & lucri cupidine, quam studio, quo in pupillum ferebatur, arma corripuisse videretur. *b)*

Gu-

*a)* Æn. Sylvius in rebus Friderici, analect biblioth. Cæsar. Tom. II. apud Pray Par. III. pag. 80.

*b)* Idem ibid. apud eund. pag. 82. — 84. & diplom. familiæ Rozgoniorum an. 1453. apud eund. pag. 130.

Gubernator, cum ex depactæ pecuniæ 1451.  
 vadimonio, quod Ordines in se receperant,  
 & alias quoque usu ipso comperisset; multos  
 ex Proceribus clanculum sibi infensos esse,  
 ne malo intestino externum quoque accede-  
 ret, inducias cum Mahumete, qui Amurathi  
 interea successerat, in tres annos pepigit. a)  
 Eadem opera, agente imprimis Joanne Vi-  
 tezio, Varadinensi Episcopo, amicitiam cum  
 Georgio. Serviæ Despota, & affinitatem, his  
 conditionibus iniit: Elifabetha Ulrici Ciléjen-  
 sum Comitis filia, quam ex Catharina De-  
 spotæ filia natu maxima sustulit, altero ab  
 hinc anno, ad festum Divi Nicolai, Mathiæ  
 Hunyadiis filio, peracta prius sponsione, in  
 manus conveniret, sponsam, ut eam domum  
 deduxerit, religionem Græco ritu profiteri,  
 ejusdem religionis quoque famulos habere  
 permittet: si illa ad conditum tempus spon-  
 so jungi nollet, vel Despota promissis non sta-  
 ret, tum bona illius, quæ beneficio regum  
 Hungariæ, in Bereghienſi, Szathmarienſi,  
 Biharienſi, Sirmienſi, Torontalenſi, Craſſo-  
 vienſi, & Zarandienſi, provinciis possidet,  
 ad Gubernatorem, & ejus filios, horumque  
 hæredes devolverentur: sin vero utrumque  
 sponſum ante initum matrimonium obire con-  
 tingat, amicitia nihilominus inter utrumque  
 paci-

---

a) Chalcondylas l. 8. & Ducas pag. 131.

paciscentem firma persisteret. a) Hæc De-  
 1451. spota edito juramento confirmavit, sponsori-  
 bus, quod mirum videri potest, fere iis,  
 qui, ab Hunyadiis obitu, familiæ illius præ-  
 cipui hostes erant. b)

V. Nondum Fridericus sequentis anni  
 1452. VIII. Martii Romam attigerat, cum Austra-  
 les, consentientibus Bohemis, Moravis, &  
 Stiris, pupilli causam communiter tuendam  
 suscipere, Hungaris quoque, in quorum vi-  
 ribus plurimum spei reponebant, in societa-  
 tem adscitis. Congressus Viennæ habitus est,  
 & fœdus III. Nonas Martii, concordie omni-  
 um suffragatione, his conditionibus percussum:  
 ad liberandum pupillum omnes mutuo sibi au-  
 xilium ferent, si lis illius causa inter paciscen-  
 tes oriretur, ea communi judicio sopienda,  
 & pupillus libertati restitutus, Posonii ea ra-  
 tione, quam pater testamento constituerat,  
 educandus erit; quem si prius mori contin-  
 geret, quam hæreditatem paternam adeat,  
 & propterea damnum aliquod fœderatis in-  
 ferretur, ad id ulciscendum omnes, non ha-  
 bito

---

a) Dat. in Zenderew sabbat. prox. ante fest. B.  
 Laurentii M. 1451. Primus id vulgavit D.  
 Spiels archiv Nachrichten Part. I. pag. 173. in-  
 tegrum autem exhibet Katona Tom. XIII.  
 pag. 778.

b) Inter hos fuere Laurentius de Gara Palatinus,  
 & Nicolaus ab Ujlak.

bito Nationum discrimine vires suas conjun-  
gent. *a)* Firmatis pactis oratores, inter 1452.

quos Jaurinensis Episcopus erat, ad Pontificem, & Cardinalium collegium missi, qui, ut pupillus e Cæsaris potestate eximeretur, flagitarent; sed, cum Fridericus omnium animos jam occupasset, illiberaliter accepti, & Australes præterea sacris interdicti, Hungari vero, ut se ab iis sejungerent, admoniti sunt.

*b)* Australes nihil hac denunciatione terri-  
tum, ubi pædagogum Ladislai, quod huic auctor fugæ fuerit, in carcerem a Cæsare conjectum audierant, magis irritati, reducem a Romana coronatione, Neostadii sub finem mensis Augusti, obsidione cinctum, ad ineunda pacta adegerunt. Conciliatores Dux Bavarix & Marchio Brandenburgensis fuere, qui adscitis in consortium Marchione Badensi, Salisburgensi Primate, & Frisingano Episcopo, in hanc sententiam cum Australibus coaluere: Cæsar pupillum curæ Comitis Cilejensis, cui alioquin consanguinitate junctus esset, committat, & in villa Bertholdi ser-

vet

---

*a)* Ex Cod. Ms. biblioth. Mellicen. apud Pray Part. III. pag. 89. exstat quoque in hist. Ms. Austriæ L. B. a Greyßen, Tom. II. l. 7. f. 705. seq.

*b)* Aen. Sylvius in rebus Friderici III. apud Pray Par. III. pag. 92. — 111.

1452.

vet, nec prius admoveat regimini, quam cognati Duces cum Hungariæ, & Bohemiæ Proceribus, in futuro Viennensi conventu, qui ad XI. Novembris indictus erat, quod reliquum esset, constituerent. Ita Ladislaus Comiti traditus, primum in villam Bertholdi, ubi, ne quid Stiriacum ei adhæreret, thermis usus, postea Viennam contra datam fidem deductus est. a) Cominus Urbi appropinquantem soror Elisabetha velut ab exilio reducem complexa, & matronæ Viennenses ferto ex unionibus contexto ornatum, cum urbico magistratu, ad Divi Stephani deduxerant, & gratiæ, ob liberatum Principem Deo habitæ.

Abhinc rem publicam, aliorum magis, quam suo, arbitrio capeffens, Hunyiadem in dignitate confirmans, Austriam Comiti Cilejensi, & Bohemiam Georgio Podiebradio gubernandam credidit. Primo honor præ reliquis habitus, quem, erecto ad id, in foro Carmelitarum, suggestu, Comitem Biztricensem, regio amictu ornatus, renunciavit, eique haud aliter, quam Principibus solet fieri, insignia contulit, b) edito serius diplomate, quo præclare facta illius, a juventute ad hoc tempus bono publico utiliter præstita, insigni

---

a) Aen. Sylvius in rebus Friderici Tom. II. analect. alias cit. & hist. Bohem. c. 60. & 62.

b) Idem ibid. & in Europa c. 22.



gai laudum encomio complexus est. a) Sed id illi apud non paucos Optimates magnam invidiam conflagavit, qui, cum tot honores, & qui his conjuncti erant, amplissimos fundos, in hominem, cujus vel ipsa incunabula non satis certa ferebantur, b) conferri ægre paterentur, innocuum adolescentis animum variis suspicionibus impleverant, qua de re Hunyadiades a familiaribus admonitus, ipse securitati suæ etiam consulens, amicitiam, qua alter alterum contra invidorum conatus se defensuros receperant, cum Giscra iniit, quod illi deinceps in fraudem vertit. c)

Dies interea Conventui præstitutus, & Legati a Friderico Viennam advenerant, inter quos licet etiam Æneas Sylvius, rerum tractandarum peritissimus, esset, nihil tamen, quod utraque pars mediocritatem in postulando excederet, confici potuit: Hungari co-

10.

a) Vide Pray Par. III. pag. 25. — 28.

b) Sunt, qui illum Sigismundi regis, ex illegitimo thoro, filium fuisse perhibent, alii, inter quos Bonifaius, ex Romana Corvinorum familia originem ducere autumant, alii denique, & vero similis, ex patricia Valachorum stirpe, quæ deinde per conjugia Hungarico sanguini annexa fuerit, ortum censent. Conf. Pray Par. III. 185. & seq.

c) Æn. Sylv. in rebus Friderici III. l. cit.

1452.

ronam, & urbes, quas Cæsar in pignore habebat, sibi gratuito reddi flagitabant, Fridericus contra, nisi pignus numerata pecunia dilueretur, id se facturum negavit, & sumtus, quos educando pupillo hactenus impenderat, sibi præterea compensari voluit, ita conventus, rebus infectis, solutus fuit. Mox inter ipsos confœderatos lis exorta; Bohemi regem Pragæ, Hungari apud se morari optabant, utrique, si diutius abesset, rem publicam periculo non vacare contendebant: altercationi Ladislaus, paululum mentem in se reflectens, finem fecit, & ad Hungaros conversus, *mihi*, inquebat, *quia sum Hungarus, apud vos est manendum*, quæ vox mira lætitia illorum excepta, & epistolis per regnum vulgata fuit, Bohemi vero, & Australes in sententia regis conquievire. a)

1453.

VI. Posonium igitur sequente anno veniens, quo regni Ordines frequentissimi confluerant, regni possessionem auspicatus est a Comitibus. b) In his primum ipse de servandis regni immunitatibus, juramentum pro more dixit, idem vicissim Ordines de fidelitate eidem præstanda edidere, tum ut in ipso regiminis aditu nomen sibi a clementia conciliaret, delictorum omnium, quæ ab Alberti

---

a) Aen. Sylvius in reb. Friderici III.

b) Annos tamen regiminis a coronatione numerabat,

berti obitu, in se commissa fuissent, veniam fecit, idque, si qui vellent, litteris se testaturum pollicitus est. Donationes matris suæ, forte eorum, qui indonati abierant, consilio irritas declaravit, iis solum exceptis, quas Ordinum consensu fecisset, eas vero, quas Gubernator hactenus fecerat, ratas habuit. Castella reliquaque munimenta, quæ nec regum, nec Ordinum indultu exstructa erant, solo æquari iussa, qui imperata non facerent, in eos ut sententia in proximo Albenſi conventu ferretur, decretum: postremo cautum, ut, qui bona aliis per vim eripuissent, ea dominis suis restituant, qui renuerent, notam infidelitatis incurrisse censeantur. *a)* Hæc quasi primitiæ novi regis erant, Gubernatori prope modum exitiosæ. Sub ipsis enim Comitibus fama didita erat, illum, ut in pristina dignitate a rege confirmaretur, Comiti Cilojensi quotannis XII. aureorum millia promississe, atque ita, si alia XXIV. regi quovis anno stipulata, in censum veniant, possessionem regni, XXXVI. aureorum millibus emtam fuisse. *b)* Etsi quidem constaret, hæc ad conciliandam Hunyiadi invidiam, ab inimicis sparsa esse, Ladislai tamen animum, qui per ætatem primæ fere admissionis erat, sensim ab Hunyiade alienum reddidere, &

Z 2

odii

*a)* Exstat in Cod. jur. patrii Tom. I. pag. 207.

*b)* Aen. Sylvius l. cit.

**1453.** odii inter hunc, & Cilejensem, semen erant, quod post illius mortem in apertum erupit.

Cilejenfis, soluto Conventu, regem non diu Polonii passus morari, Viennam reduxit, &, ut illius nomine rerum potestas penes se esset, educationem illius ad omne voluptatum genus ita informare decreverat, ut, nisi adolescens in Cæsaris aula parsimonizæ consuefactus, illo melioris indolis fuisset, omni fere vitio inquinandus fuerit. a) Sed rationes corruptissimi hominis commode Bohemi interturbarunt, qui regem a Polonienſi reditu, ut ad se veniret, orabant, qui iter Beohemicum alioqui apud se jam constituerat, pecuniæ tamen defectu hactenus distulit, quod hanc Australes, nisi Ordinum conventus haberetur, se daturos negarent. Corneuburgum igitur delectum; id Cilejenſi, qui hunc locum, ne quid Viennæ in se statueretur, delegerat, exitio fuit. Einzingerus enim, qui se illius technis aula submotum sciebat, hominis scelestam vitam, summæ arrogantizæ conjunctam, convento clam rege, ita tetre depinxit, ut illum Viennam redux, confestim aula exesse jussit. b) Præbito deinde sumtu a provincialibus, iter Bohemicum ingressus, dictoque in limitibus consueto alias

---

a) Aen Sylvius in reb. Friderici III. l. c. apud Pray Par. III. pag. 121.

b) Idem ibid.

alias juramento; Pragam veniens, coronatus est. Peracta inauguratione, Podiebradio regni gubernationem in sexennium credidit, ignarus, hac ratione ei viam sensim ad solium sterni. 1453.

Sub hæc res haud satis pacatæ ex Hungaria afferebantur; qui invidia in Gubernatorem flagrabant, suo arbitratu ei sex Prælatos, totidem ex Baronum, & Nobilium Ordine adjunxerant, qui cum illi difficilem, & impeditam administrationem redderent, litteras querelarum plenas ad regem dedit, sed responsum in utramvis partem tam ambiguum accepit, ut facile appareret, aut non imprudente rege id factum, aut certe criminationes, quas aliqui Magnatum Viennæ, & Posonii in illum conjecerant, eas jam radices in animo regis fixisse, ut non invitus id factum ferre videretur. a)

Pragæ magna anni parte exacta, Wratislaviam digressus, constitutis magistratibus, fidelitatis sacramentum a provinciæ Ordinibus accepit, ubi, cum Poloniæ Legati illum convenissent, sororem Elisabetham Casimiro regi ea conditione despondit, ut sequente anno

Z 3

con.

---

a) Litt. regis ex Cod. Ms. biblioth. Mellicens. apud Pray Par. III. pag. 152. sed an. 1453. rescribendus, Pragæ enim an. seq. non fuit, nec ante, quam 1456. illo reversus.

1453.

conjugem acciperet, a) tum, increbrescente b) in dies fama de capta a Turcis Constantinopoli, Viennam reversus, comitem Cilejensem, eorum, quos inter familiares, sed precio facile mercabiles, habuit, consilio usus, in pristinum honoris, & gratiæ locum reposuit. Subinde Legati ex Hungaria adfuere, qui, Procerum nomine, regem, ut ad se inviseret, orabant. Erant hi fere ex eorum numero, qui in Hunyiadem jam pridem infenso animo fuere. Cilejensis locum illius etiam in Hungaria captans, sæpeque cum his congressus, cum primum regem seorsim nactus est, maximorum criminum Hunyiadem reum agebat, illum, non vero Ladislaum, regem esse, deferri ad illum census regios, & vectigalia, quibus in rem magis suam, quam regni utatur, Turcis quidem infensum videri, re ipsa amicum esse, his semel, iterumque exercitum prodidisse, unum quoque regem  
ab

---

a) Documenta vide apud Dogiel Tom. I. pag. 155. — 160. & Aen. Sylvii epist. 140. nunc apud Wratislaviam inter regem Pol. & Alberti filiam matrimonium tractatur. Ex Græcio d. 11. Aug. 1453.

b) De expugnatione hujus urbis qui plura volet, consulat Aen. Sylvii epist. 141. & 159. Relationes varior. apud Bzovium ad an. 1453. item Martene thesaur. anecdotor. Tom. I. col. 1819. & seq.

ab eo jam perditum, facile futurum, ut idem alteri contingat, nec dubium videri, quin tyrannidem affectet, proinde Viennam esse arcessendum, & si in ordinem cogi non posset, e medio tollendum. Fidem fraudulentō homini habuit, Gubernator Viennam vocatus, cum bis mille equitibus in regni limine ad *Köpecfinium* substitit, ab amicis Viennā admonitus, ne ultra progrediretur. Hic ei Cilejenſis obviam factus, a rege illum expectari, iter proinde acceleraret, hortatur, renuit primum, mox amicorum, Lambergēri imprimis hortatu, si sibi Rex publicæ fidei litteras mitteret, se venturum pollicitus est. Promissæ sunt, sensimque urbi ad quatuor millia passuum appropinquans, cum sibi litteræ non redderentur, dolum subesse suspicatus, in Hungariam rediit. a)

VII. Cum Cilejenſis hanc machinam frustra ab se admotam videret, quod alias dissuadebat, nunc regi auctor erat, ut in Hungariam profectus, Comitia indiceret, ratus, se dolum isthic facilius adornaturum, quod non ignoraret, non paucos ex Hungaris, præcipue Palatinum, qui suam auctoritatem a Gubernatore accisam existimabat, eidem perinſenos esse. b) Prius tamen regis animum, Z 4 quem

a) Æn. Sylvius in reb. Friderici III. l. cit.

b) Idem epist. 127. *In Ungaria Prælati, & Barones inſenſi sunt Joanni Hunyadi Wajvoda &c.*

**1454** quem jam ante suspicionibus impleverat, ab eo penitus avertere cupiens, aliquos ex Prælatiſ, & Baronibus ſubornavit, regi id confiſium darent, ut civitates, & proventus regios, miſſis nunciis, ab eo repeteret. Hunyiades veritus, ne illi adoleſcentia regis abuſi, proventus in ſuum lucrum convertant, primum morari viſus, mox tamen, cum mandata iterarentur, imperata conſeſſim fecit. Verum hæc ipſa mora novam æmulis occaſionem præbuit, augendæ in illum apud regem invidiæ, quo ille certis indiciis cognito, Buda diſceſſit, nec Comitiiſ, niſi redditis ſibi publicæ fidei litteriſ, adeſſe voluit, rurſumque rege ſalutato receſſit, a) non ignarus, Comitia quidem belli Turcici cauſa eſſe indicta, re ipſa autem id agi, ut loco, & dignitate moveatur, ut ex eventu patuit.

Ante omnia enim in Comitiiſ, antiquato Gubernatoriſ nomine, & poteſtate, ſola armorum præfectura Hunyiadi relicta eſt, credo, neceſſitate magiſ, quam concordii voluntate, cum nemo per id tempus ad reprimendos Turcas, ſi quid, occupata Conſtanti-nopoli, in Hungariam tentarent, magiſ illo idoneus reperiretur. Gubernatore exaucto-rato, delecti certo numero ex Prælatiſ, & Baronibus, qui in proventus regios diligen-ter

a) Hæc Ladislaus in litt. autogr. an. 1457. XII. Cal. Apr. ab aliis incitatus, proluxe memorat.



ter inquirerent, ritene, an contra erogati fuerint, quove convertantur, satisne etiam sint, 1454  
ad præbenda iis stipendia, qui sub signis regiis merentur? dein ad propulsandum, quod vix jam vitari potest, bellum Turcicum, rationes initæ: Archiepiscopi, Episcopi, Præpositi, Capitula, & Abbates, secundam proventus, ut olim sub Sigismundo, militem in numero habeant, & bello intersint, Magnatibus quoque, & Proceribus imperatum, ut suos in bellum ducant, idem Nobiles unus sessionis per se præstabunt: nemini stipendia ex regio ærario præbebuntur, sed quisque suo sumtu militiam profitebitur: census capitum, quæ armis gerendis apta sunt, fideliter iniri iussus, quo inito, defectus equitis, quindecim, peditis autem, decem aureis, pensandus erit: nemini fas sit, clam, injussu ve Ducis, ab exercitu recedere, qui fecerint, Nobiles bona sua amittent, ignobiles vero, capite plectentur; omnes denique, ubi tempus monuerit, & ab Hunyadiæ, exercitus ductore litteras acceperint, cum copiis suis eidem præsto sint. Hæc belli, si ingrueret, contra Turcas gerendi constituta ratio est, quæ cum videretur prisco mori contraria esse, petitum a rege est, ne suos deinceps simili onere gravatos vellet. a)

Fini.

---

a) Decretum existat in Cod. jur. patr. Tom. I. pag. 209, eoque ordine secundum.

**1454.** Finitis Comitibus, Rex Viennam rediit, ut ex Bohemis, & Australibus quoque supplementa legeret. Capta enim Constantino-  
polis sollicitudinem toti Europæ, imprimis Germaniæ ingessit, cum fama in dies magis, magisque increbresceret, Mahometem ingentes rursum apparatus facere, & bellum in Hungariam meditari, quin, violata induciarum fide, jam in Serviam irrupisse, ejectoque Georgio Despota, & capta Szenderovia urbe, ipsam arcem obsidere. Nec fama, re minor erat. Hunyadiades, illatas sibi ab æmulis injurias, rei publicæ bono posponens, ut de periculo edoctus est, collectis summa celeritate copiis, in Serviam contendit, & adventu suo Mahomet Begum ab obsidione arcis removit. Mox Fritzbegum cum XXX. milibus in Bulgaria, ad arcem *Krusolicium* excubantem, aggressus fudit, captoque, cum reliquis Præfectis, Bego, vastitatem latissime circumtulit, exustoque Vidino, cum suis Belgradi substitit. Inde rei gestæ seriem ad Fredericum Cæsarem perscripsit, orabatque, ut, cum totius Christianitatis caput esset, in comuni etiam Christianorum causa, cum reliquis Principibus, periclitanti Hungariæ succurreret, alioqui hac subjugata, Imperium Germaniæ periculo proximum fore. a) Dum Bel-

a) Epistolam vide apud Pray Par. III. pag. 145. ex Cod. Ms. biblioth. Mellicen. & apud Kato-  
na Tom. XIII, pag. 963.

Belgradi, remotus ab æmulis, sui que securus moratur, rursus his nova illum eriminandi causa oblata est. Michael Szildgyi, quem Belgrado præfecerat, oborta cum Despota Georgio altercatione, huic dexteræ manus digitos amputavit, captumque non ante, quam numerata pecunia, dimisit. Crimen ab æmulis in Hunyiadem detortum, additumque, Turcas studiose ab eo in Serviam fuisse immisos, & a rege creditum est. a) Ita homines invidi, cum illum virtute non possent æquare, calumniis oppressum ibant.

1454-

Nec Cæsar interim communi Christianorum causæ defuit. Scripserat ad Pontificem, eumque, ut expeditionem cruciatam promulgaret, hortatus est, simul conventum Imperialibus Ratisbonam indixit, ad quem Reges, & Principes Itali, ut adessent, rogati sunt, cui cum ipse interesse non posset, misit Æneam Sylvium, cum Gurcensi & Brixinensi

---

a) Litt. regis an. 1457. cit. *Inductis Turcis, regnum nostrum Rasciæ, fere totum per eosdem depopulari, deprædari, & comburi, & illustrem Principem Georgium, Despotum Rasciæ majestati nostræ fidelissimum, per Michaelem Zylaghy, quem castellanum in castro nostro Nundoralbenßi deputaverat, amputatis digitis dextræ manus, captivari fecit, & tamdiu tenuit, quousque magnam ab eo pecuniæ summam, per eundem Michaelem extorqueret.*

1454

nenſi Episcopis, quibus ſuos quoque Com-  
miſſarios adjunxit. Comitia erant frequentis-  
ſima, & diſceptationibus, a cauſa, cur con-  
uentum fuerat, longe diverſis protracta,  
Philippus Dux Burgundiæ, ut reliquis ani-  
mum adderet, ſi Imperator, & Rex Hunga-  
riæ in bellum proficiſci nollent, vel non poſ-  
ſent, ſe Ducem offerebat, nihil tamen, quod  
Germania in partes ſciſſa eſſet, conſci po-  
tuit, induciæ ſolum quinquennes inter Princi-  
pes Imperii ſancitæ ſunt, tractatio autem de  
bello Turpico ad conventum, qui Francofur-  
tum in XXIX Septembris præſtitutus erat,  
prorogata. In hoc res aliquanto felicius,  
quam Ratiſbonæ, acta. *Æneas Sylvius*, di-  
cta ad Ordines gravi oratione, omnium ani-  
mos in bellum Turcis communiter inferen-  
dum commoverat, promiſſa ſunt X. equitum,  
& XXXII. peditum millia, viciffim autem ab  
Hungaris poſtulatam, ut Rex vires omnes ex  
ſuis ditionibus congerat, de reliquis uſui ne-  
ceſſariis, futuro anno in conventu Neoftadi-  
enſi viſum iri, interea Pontificem rogandum,  
ut cum rege Arragonum, Venetis, & Ge-  
nuenſibus, de claſſe, ad diſtrahendum ho-  
ſtem, mari *Ægæo* immittenda agat, & Lega-  
tum ſuum, mandatis inſtructum conventui in-  
tereſſe velit, e re item videri, ut reliqui  
etiam Reges, & Principes in communionem  
armo-

armorum vocentur. a) Hæc Francfurti designata, cum Joannes Capistranus interea, 1454. Germaniam jussa Pontificis oberrans, cruce signatos ingenti numero in bellum Turcicum concitaret.

VIII. Neostadiensis conventus, qui ad IV. Nonas Februarii indictus erat, & ad XI. Calendas Aprilis tenuit, non eum, qui sperabatur, finem habuit. Multum temporis in altercatione, inter Legatum Pontificis, & Trevirenses Electorem, de priore sedendi loco, infusum, tum dissidia inter Cæsarem, & Regem Hungariæ, aliosque Principes orta, mors denique Nicolai V. Pontificis, quo defuncto spes classis in Turcas cogendæ evanuisse videbatur, conventum, nullo operæ relato precio, dissolverunt. Hungaros quidem sibi pene solis relictos Calixtus III. missis per Europam, & in Orientem nunciis, in spem erigebat, cum Turcas interea rursus in Serviam irrupisse, & Chium insulam obsidere, allatum esset, nostrique primum Jaurini, & dein Budæ de rationibus avertendi periculi consultarent, fuitque constans exterorum, etiam literis vulgata, opinio, ad id propulsandum, neminem Hunyadiæ aptiorem videri. Quod ubi Cilejensis comperit, ne hac quoque parte ei fama accrescat, viresque deessent, regem

a) Hæc ex Cod. Ms. biblioth. Mellicens latius memorata, vid. apud Pray Par. III. pag. 147—159.

**1455.** gem cum Sigismundo, Austriæ Duce, & Comite Tyrolis, foederi contra Cæsarem involvit, &, ut de lite prius cum Saxoniae Ducibus componenda, quam bello, cogitaret, auctor fuit. Ita fere alia omnia, quam Hungariæ necessitas postulabat, agebantur. Pontifex, videns, nisi compositis Principum dissidiis, parum ad coercendos Turcas effici posse, Joannem Carvajalium Legatum in Germaniam proficisci iussit, qui, postquam cum Cæsare colloquutus fuisset, ad Ladislaum Viennam profectus, cum hoc quoque de bello in Turcas accelerando egit, sed tam dubia ei nomine regis responsa ab Episcopo Varadiensi data sunt, ut, in quam partem accipienda essent, ambigeret. a)

**1456.** Neque magis explicata responsa erant, quæ anno sequente Praga ad Pontificem miserat, pollicitus tamen est, uberius se respondurum, si primum in Hungaria, tum in Bohemia, ceterisque ditionibus hæreditariis conventum cum suis habuerit, ut rationes fu-

---

a) Ex archivo aul. Græcenſi Nro. 62. Litt. Pontif. apud Raynaldum ad an. 1455. Litt. Joan. Capistrani, & Procer. Hung. ad Pontif. ex Wadingo apud Pray Part. III. pag. 157. Æn. Sylvius de Europa c. 58. & epist. 43. ad Cardinal. S. Angeli. ibid. Part. III. pag. 154. Cochleus Hist. Hussit. l. 11. Epist. Maonensium ad Pontif. apud Raynaldum Tom. X. ad hunc an.

futuri belli certius iniri possint, voluitque, ut id Legatus ad Pontificem perscriberet. 1456. Fecit, quod rogatus erat, & regem Viennam rediturum prævertens, datis ad Capistranum litteris, spem classis a rege Arragonum mittendæ fecit, modo ageret cum Hunyiade, cujus apud externos magna esset existimatio, ut, quoniam in Germaniæ Principibus parum spei esset, ad regem Arragoniæ, Ducem Burgundiæ, aliosque, pro ferendis subsidiis litteras daret. a)

Hi ex parte nostra, sed spebus solum nixi, apparatus erant, cum Mahometes, non ignarus, quam lente apud nos omnia ob distractos in partes animos fierent, cum centum & quinquaginta millibus, Belgrado ex continente, & classe adverso Dánubio subvecta, appropinquabat. Hunyiades, qui in Belgrado Hungariæ salutem reponebat, cum Capistrano, quem ingens cruce signatorum multitudo, ex diversis nationibus conflata sequebatur, celeriter accurrit, & imposito, quantum satis videbatur præsidio, locum Michaeli Orszagio, & Joanni Bastidæ Hispano tuendum credidit, ipse navibus undique in Danubium deduci jussis, adversam  
Savi

---

a) Litt. regis ad Pontif. Praga 7. Janu. 1456. ex Cod. Ms. Mellic. apud Pray Part. III. pag. 166. epist. Legati Pontif. ad Capistranum apud eund. pag. 167, ex Wadingi Tom. XII.

**1456.** Savi ripam, operibus communitam, ex qua laborantibus subsidiarias copias posset submittere, tenuit, jam multo ante Legatum Pontificis de hostis progressionibus edocens, ut, quo loco res essent, ad regem referret. Cislejensis, qui Hunyiadem implacabili odio persequabatur, ut Legati conatus interturbaret, regem, proposito, quasi jam vicinum esset, periculo territum, venationis specie Buda eductum, Viennam reduxit. a)

Itaque Hunyiades sibi, suæque virtuti relictus, consilia cum Capistrano diligenter conferebat, quibus hostium conatus retundi possent. Jam is Belgradum ex continente, mense Junio circumfederat, & flumentana arbe potitus, arci eductis operibus proximabat; semel, iterumque magna suorum jactura rejectus, rem cuniculis egit, & dejecta murorum parte assultum parabat, cum Hunyiades, viso periculo, mandata naviculariis dedit, ut, in classem Turcicam invecti, hostem in partes distraherent. Successit res ex sententia, naves Turcicæ aut aquis mersæ, aut igni corruptæ, paucis subductis, XXVI, interceptæ erant. Hic primus ad victoriam gradus fuit. Cum enim Turcæ, rursus in fine Julii assultum tentarent, Hunyiades facta

ino-

---

a) Epist. Legati Pontif. ad Capistranum Buda. 5. Jun. *Serenissimus dominus Rex ivit venatum, neque amplius est reversus.*



inopinata eruptione illos aggressus, memorabili prælio victos, in fugam egit. Mahometes, accepto vulnere, Adrianopolim evasit, cæsa XXIV. millia, totidem in fuga ex vulneribus obiere, castra occupata, & præda ingens fuit, præter tentoria Asiatico luxu ornata, CCC. majoris, & minoris formæ tormenta hostibus erepta. Pugnæ seriem, & victoriam Capistranus ad Pontificem, & Hunyiades ad regem perscripsit, addiditque, Turcas, amisso ad Belgradum robore militiæ; tota Europa facile exturbari posse, si Princeps Christiani sopitis, quibus distrahebantur, disidiis, communem operam ad id conferrent. a)

Didita victoriæ fama, Europam in eventum obsessi Belgradi suspensam, metu absolvit. Pontifex, ad quem, Italiæ causa, lætitiæ pars maxima pertinuit, occasione hac utendum ratus, Principes, inprimis Galliæ regem, cujus exemplum ad plures valiturum erat, ad bellum continuandum incitabat, spesque non in-

---

a) Litt. Joan. Taliacotii, apud Wadingum, anal. Minor. Tom. XII. ad hunc an. Raynald. Tom. X. Litt. Nic. de Fara socii Capistrani apud Wading. Tom. cit. Cod. Ms. biblioth. Mellicen. Nro. 78. Æn. Sylvius hist. Boh. c. 61. & epist. 226. Hæc fusius ex cœvis memorata vide apud Pray Par. III. pag. 171. — 183.

1456. inanis fuit, tali duce, qualis Hunyiades erat, Turcas in pristina Asiæ latibula retrudi posse, nisi is X. Augusti, peste sublatus obiisset. Vir exterorum iudicio magnus, sed a domesticis æmulis, quibus conditione generis quidem inferior, sed virtute, & factis superior erat, odiis, etiam post mortem exagitatus. a)

Ladislaus, Belgrado liberato, loci visendi cupidus, Budam primum, dein *Fudakium*, quo Ordines ad comitia venire iusserat, cum Cilejensi profectus est. Vocatus quoque fuit Ladislaus, Hunyiadis natu major filius, qui, nisi Rex proventus regni a patre rite administratos fuisse, iudicio suo probaret, venire renuit. Imprudens adolescentis factum,

---

a) Wadingus Tom. XII. ad hunc an. Aneas Sylvius epist. 239. & in reb. Friderici III. Anonym. ex cruciatorum numero, apud Bernard. Pezthes. anecdot. Tom. II. Par. III. *Dicam de homine illo armato, magnifico Joan. de Hunyad, Comite Biztricensi, regni Hung. Gubernatore. Quantis, credis, ille suis diebus, fulserit victoriis? quantis contra infideles concitaverit bellis? dispositio enim, & campestris, contra Saracenos, & Africanos, quomodo firmata erant, ipso melius nemo scivit. Terror erat infidelium, Italia & Asia, plus in hoc tibi testimonium sunt, quam ædes nostra. Rapuit etiam cum hoc anno ab humanis, nostris obtutibus ipsa mors atrox.*

etum, quo & patris famam, & se ipsum suspicioni peculatus objecerat, Cilejensi occasionem illius criminandi præbuit. 1456. Obtenta, quam volebat, declaratione, adfuit, a) & Belgradum, aliaque hosti finitima castra, quæ pater tenuerat, se regi consignaturum, jura-mento pollicitus est, simul Belgradum, ut ei hospitium pararet, prævit. Nec multo post Rex cum suo comitatu, in quo Oratores quoque Principum erant, & cruce signatis ex Austria deductis, illo venerat, cui Ladislaus

A a 2

ob.

---

a) Litt. regis, cit. an. 1457. *Dum nos ad vota, & instantiam Prælator. Baronum, &c. de Ducatu nostro Austriæ — movissemus, civitatemque nostram Budens. applicuissemus, indixeramus de consilio ipsorum Prælator. &c. congregationem in Futhak, in facto Turcorum celebrandam, vocavimusque inter alios præfatum Ladislaum adolescentiorem præfati Joan. Gubernatoris, — ut veniret, proponentes ipsum lateri nostro habere continuum, sed — ipse suum nobis denegabat accessum, nisi prius eum ac præfatum Mathiam germanum suum de suis, ac eundem quondam Joan. de Hunyad, genitorem suum, qui regni nostri Hung. Gubernator, collectorque generalis proventuum nostrorum regaliū per plures annos existerat, de hujusmodi proventibus — non data ratione, redderemus expeditos. Et quamquam in eo voluntati suæ satisfacere, graviter tulerimus &c.*

1456. obviam factus, rege cum comitatu, in arcem recepto, ceteros aditu prohibuit. a) Id ei Cilejensis rursum crimini vertit, & regis animum suspicionibus implevit, qui dum, ut solebat, divinis aliquando assisteret, & reliqui de rebus Turcicis consilia inirent, vocatus quoque est Cilejensis, qui quasi præsagus futuri, thorace subtus vestem munitus adfuit. Hic altercatio inter hunc, & Ladislaum oborta fuit, sed dubium, uter prior huic occasionem dederit, illud certum, Cilejensem, arrepto vicini gladio, ictum in Ladislaum vibrasse, eique, cum manum ictui obtenderet, aliquot digitos refectos esse, mox, orto clamore, familiares Ladislai irrupisse, & ab his Cilejensem, nequidquam se defendentem obtruncatum fuisse. b) Rex, etsi tam atroci facinore

---

a) Ibid. *Dum cum præfato avunculo (Cilejensi) nostro, ceterisque aliis Baronibus Hung. & Boh. paucaque familia, nobis immediate a tergo hærente, castrum ipsum ingrederemur, portæ castri ad nutum suum impetuose post nos clausæ fuere &c.*

b) Æn. Sylvius in reb. Friderici III. *Venientem (Cilejensem) Ladislaus, filius Hunyadiis, proditorem compellat, qui patri sæpe necem paraverit, regemque sibi infensum reddiderit, nunc diem venisse, quo scelorum poenas luat. Sunt, qui Comitem prius arguisse Ladislaum dicant,*

nore commotus esset, compresso tamen dolore, cadaver, quinto post die, plastro impositum, Cilejam iussit deferri, ipse Belgrado discedens, comitante Ladislao Temesvarinum pervenit. Hic ei vidua Hunyadiadis, ob viri mortem moerens occurrit, quam paucis consolatus, veste aurea donaverat, & inter convivium, & saltatus utrique ejus filio impunitatem, litteris juramento firmatis, concessit. a)

IX. His promissis Ladislaus sui securus, nec quidquam maleficii ex patrata cæde veritus, cum fratre regem Budam comitatus, palatium officii causa sæpius adibat, cum Proceres Hungari, Cilejensis amici, regem suspicionibus implere non desinebant, revoca-

A a 3 ta

*dicant, tamquam regi parum obedientem, qui ejus armatos intrare oppidum prohibuisset. Illud constat, Comitem arrepto ex puero gladio caput Ladislai petivisse, non nullosque manus interjectæ digitos amputasse, ad cujus clamorem irrupisse Hungaros, Ladislai familiares, defendentemque aliquamdiu se comitem, obtruncasse.*

a) Litt. regis cit. an. 1457. Postremo, nos — ad castrum Temesvar deductos, a nobis invitis promissiones juratas, etiam & litterales obligationes super eo, quod de cetero sibi, & Mathiæ fratri suo hujusmodi eorum maleficia non imputaremus, ipse, & idem Mathias frater suus exegerunt.

<sup>1457.</sup> ta identidem in memoriam sceleris immanitate, quod temerarius juvenis in regium consanguineum commisisset, majestatem regiam graviter per id læsam, ausurum majora, si id illi impune abeat, nec deesse indicia conspirationis in necem regis, verendumque esse, ne, nisi conatus temerarii occupet, sero vitæ suæ consulat. a) His permotus, utrumque, arcem pro more ingressos, clausis portis capi, & in carcerem conjici jussit, capti cum illis sunt, Joannes Varadiensis Episcopus, & aliquot Proceres, qui insidiarum conscii putabantur. Ladislaus, causa in quæstionem vocata, capitis damnatus, & mense Martio ad supplicium ductus, quarto carnificis ictu, nondum XXIV. annos natus, vitam in foro Sancti Georgii finiit. Mathias in vinculis retentus, postea Viennam abductus est, Varadiensis Episcopus, dum Rex Strigonium venit, liber

---

a) Ibid. *Et quamquam inviti illas fecerimus, nihilominus tamen, nisi ad ultimum cupiditate regni ductis, præfatis filiis dicti Joannis Gubernatoris, in necem, & periculum vitæ majestatis nostræ, & Consiliariorum nostrorum conspiratos fuisse, palam deprehendissemus, in tantum, ut, nisi providere potuissemus, infra triduum realiter scelus in sanguine nostro — complevisset.*

liber dimissus, reliquit, dissimulatione custodum, effractis carceribus evasere. a) 1457.

Vix supplicii rumor per regnum vulgatus erat, cum Szilagius. Ladislai avunculus, cum hujus matre, ceterisque, qui familiæ Hunyadianæ studebant, inita societate, ad fumendam ex cædis auctoribus vindictam conspirarunt, fiebantque motus in variis regni partibus, qui majoris periculi, sed latentis, indices erant, quibus mature sopiendis, Rex Comititia, quæ in XXIV. Aprilis indixerat, occupare statuit, sed cum hæc quoque ob ingravescentes motus differenda viderentur, missis ad varias civitates litteris, ut vires suas contra publicæ tranquillitatis turbatores Joanni Giscræ conjungant, admonuit. Verum cum id etiam lente fieret, iidem, qui regi prius autores supplicii erant, pejore usi consilio, eidem nunc suasere, ut vulgatis

A a 4 per

---

a) Ibid. *Ipsos vitæ nostræ insidiatores, ut puta, præfatos Ladislaum, & Mathiam — captivari fecimus, & tandem servata juris forma, & post latam sententiam, ipsum Ladislaum juxta sua demerita, & suos excessus, in publico, capite plecti jussimus, cunctis aliis, similia machinantibus in terrorem, præfato Mathia, & aliis complicitibus eorum, ex benignitate regia, in vita conservatis.* Conf. Kaprinai hist. dipl. Par. I. pag. 134. — 162. & Pray Par. III. pag. 193.

1457.

per regnum litteris, facti sui causas redderet. Assensus est, vulgavit XII. Calendis Aprilis litteras, & in his commemorata, velut ob iter, Cilejenſis nece, ſe a Ladislao captivum Belgradi detentum, inde invitum, Temesvarinum eſſe ductum, hic impunitatem patratae cædis violente ſibi extortam, Budæ autem vitæ ſuæ inſidias fuiſſe ſtructas prolixè recensuit, jure igitur capitis damnatum fuiſſe, &, ut cauſæ pondus adderetur, etiam Joannes Hunyiades variorum criminum, quæ illi ab æmulis per invidiam alias objecta erant, poſtulatꝯ fuit. a) Sed illud improvide factum, quod in iisdem litteris, ſupplicii auctores, ſibi, ſuiſque hæredibus, a rege, huiusque ſucceſſoribus, caveri flagitarint, ne unquam propterea ab aliis, injuriis laceſſerentur, damnumque acciperent, &, ſi fieret, id reges de ſuo compenſare, obſtricti eſſent. b) Hæc ſatis, ut reor, pro-

a) Hæc ex iisdem litt. an. 1457. jam ſuprà, ubi locus poſcebat, memorata ſunt. Conf. etiam Kaprinai l. cit. pag. 197. — 204.

b) Ex iisdem litt. ad fin. *Ne igitur, erga præfatos, Ladislaum Palatinum, Nicolaum Vajvodam, Paulum de Lindva Janitor. Ladislaum de Buzla Pincernar. Hennyng Czernin, agæonum noſtrorum magiſtros, Conradum Holzler, magiſtrum Hubarum, Wolff. Pukendar, Jodo-*  
cum



produnt, causas supplicii, præter cædem Cilejensis, quæ excusari non poterat, ab his excogitatas potius, quam veras, & regem, qui illorum arbitrio regebatur, ut sententiæ subscriberet, coactum fuisse. a) 1457.

Tan-

*cum Capitaneum de Vegles, de tanta fidelitate ingrati videamur, promissimus eis verbo nostro regio, & sub fide nostra Christiana promittimus per præsentēs, nostro, & successorum nostrorum regum nominibus, ut, si eos — sive hæredes ipsorum, quispiam præmissorum ratione, qualitercunque, & quomodocunque inquietare, publicas inimicitias contra eos gerere, si-ve eis adversari, guerram movere, aut eos quovis modo gravare, & impedire, seu quomodocunque damnum inferre vellet, nos eis, & cuilibet eorum præsidio fore, eos manutenere, protegereque, & defensare, damna quoque — eis generose recompensare volumus, & tenebimur realiter, & cum effectu. Ad quæ omnia — nos, & — successores nostros reges, sub præscripta fide nostra obligamus, & obligatos haberi volumus, præsentis scripti nostri patrocinio mediante.*

- a) In Austriam rediturus, Episcopum Varadien. libertati restituens, his verbis usus est: *Cum essem Budæ, quod voluere Barones, id facere me oportuit, quod te cepi, illorum est, quod te supplicio, culpaque libero, meum est. Aa. Sylv. in reb. Friderici III.*

**1457.** **Tantum autem abest, ut hac declaratione** motus conquieverint, ut majora etiam in dies incrementa caperent. Recentior enim erat Hunyadiis, ejusque præclare factorum apud omnes memoria, quam ut hac criminatione, quæ plerisque per invidiam subornata videbatur, pacari possent. Itaque Rex præcipiti suorum consilio circumventus, cum intelligeret, famam suam periclitari, Viennam, ducto secum Mathia, rediit. Tentata quidem fuit, & quod mirum videri potest, per Nicolaum de Vjlak, quem constabat Hunyadianæ familiæ semper infensum fuisse, inter regem, & Szilagium concordia, irritum tamen conatu. Conditiones hujusmodi erant: Elisabetha Hunyadiis vidua consignabit regi omnia castra, quæ in Transilvania, Servia, & in Hungaria juris regii fuere, iis solum exceptis, quæ hæreditate, vel donatione Alberti regis, aut ære comparata essent, interea autem Mathias apud Strigoniensem Archiepiscopum obles erit, nec ante, quam castra restituta fuerint, liber dimittetur. a) Res tamen, quod Szilagius Vjlakio non satis fideret, in solo conatu adhæsit.

Nec in Austria res satis pacatas reperit. Nondum enim dissidia inter Cæsarem, & Ladislaum ob Comitatum Cilejensem, quem  
Rex

---

a) Kaprinai Tom. I. cit, pag. 207. & Æn. Sylvius epist. 269.

**Rex** jure avitico ad se pertinere contendebat, licet Pontifex per Legatum suum omnem operam impenderet, componi potuere. Quod cum periculi plenum esset, si quid Turcæ in Hungariam occiperent, partes suasu Ducis Baviaræ, Corneuburgum pro ineunda concordia vocatæ sunt. Post longas consultationes induciæ solum biennales conflatae, tum Viennam discessum, & de conjugæ regi duenda actum. Vota omnium in Margaretham Caroli VII. Galliarum regis filiam conspirarunt, de nuptiarum tamen loco diu disceptatum. Hungari Budam, Pragam Bohemi, & Australes Viennam optabant designari. Cunctante rege, utris assentiretur, Podiebradius cum VIII. equitibus Viennam veniens, trans Danubium, quod urbem non satis tutam sibi existimaret, resistit, regique colloqui optabat. Missus est, qui illum in urbem deduceret, renuit, petiitque, quoniam arcani ratio id posceret, ut Rex trans flumen ad se invisat. Hæsitatum est, eundumne regi ad subjectum, an in urbe manendum esset? ivit tamen, licet invito senatu, euntem tria millia equitum, demtis gladiis, cetera inermium, sequebantur. Triduum isthic exactum: primo congressus erat publicus, altero arbitri duo adhibiti, tertio, his remotis, soli agebant. De quibus autem rebus inter se contulerint, nupiam

1457. **piam reperi.** a) Illud constat, Podiebradum, soluto colloquio, minabundum in Moraviam recessisse.

Atque id in causa fuisse videtur, ut ad hunc placandum, Pragam nuptiis suis deligeret. Nec diu Viennæ moratus, ingenti cum apparatu illuc profectus est. Inde Legati cum donis regina dignis in Galliam pro deducenda sponsa, ad Cæsarem quoque, & ad Saxoniam, Bavariam, aliosque Principes missi, ut non solum nuptias suo adventu ornarent, sed Cæsarem etiam cum rege conciliare niterentur, ac de bello Turcis obmovo-  
vendo in communi consultarent. Sed has spes, & tantos apparatus inopina regis mors,  
b) cum vix triginta sex horis ægrotaret, & deci-

- 
- a) Nisi forte id sit, quod Dubravius hist. Boh. l. 29. in hæc verba memorat: *ferant, inde ei (Podiebradio) ortam suspicionem fuisse, quod clanculum inaudiverit, chirographa post interitum Ladislai Hunyadiadis non pauca eorum fuisse reperta, qui coepta, consiliaque adversus regem ejusdem Ladislai approbant, inter quæ Georgii quoque chirographum exstare ajebant. Veritus itaque, ne inauditus, indictaque causa, aut inimicorum suorum factione, quorum plerique tunc in aula regis erant, periculum aliquod adiret, ex tuto alloqui regem voluisse.*
- b) In causa mortis scriptores illius etiam temporis variant. Sunt inter hos Æn. Sylvius hist. Boh.

decimum octavum ageret ætatis annum, in ipso juventutis flore, XXIII. Novembris intercepit. a) Juvenis longiore vita dignus, qui præter castigatos mores, quos in aula Cæsaris combiberat, & constanter retinuit, jam in pueritia magnitudinem animi rege dignam præferebat, & munificentiae, benignitatis, ceterarumque virtutum, quibus imperantes ornari solent, luculenta indicia dabat, felix, si in pacatiora tempora, & meliores, bonique publici magis, quam sui, studiosos Consiliarios incidisset. 1457.

X. Mortem regis nova regnorum vicissitudo consequuta est. Hungaria, quæ post cæsum ad Varnam Wladislaum, avulsa Polonia, virium parte privata fuit, nunc quoque, cum 1458.

---

Boh. c. 71. epist. 324. in reb. quoque Friderici III. item lectus poetæ coævi apud Hier. Pez, Tom. II. pag. 679. Medici Viennenses, qui corpus tractarunt, alique, etiam posterioris ævi, qui veneno extinctum perhibent, sed corpus regis integrum & flexile, seculo post, & quod supra est, repertum, suspicionem hanc satis convellit. Ceterum Burkhartus in comment. ad Mellini rem numariam Hung. affirmat, sibi ad manum esse epistolam nondum editam, quæ mortis causam non obscure in Podiebradium conjiciat.

a) Æn. Sylv. in reb. Friderici III. Conf. Kapri-  
nai I. cit. pag. 109. 250. 259.

**1458.** cum ad reprimendos Turcas sociis armorum opus esset, ob Bohemiam, & Aufiriam a se separandam, non minorem jacturam factura erat. Initium a Bohemia factum. Podiebra-dius, qui eadem, qua Rex obierat, die Hun-garos de illius morte certiores reddidit, alia-que nuncio, quæ referret, commiserat, pri-die, quam defuncti corpus conderetur, con-vocatis regni Ordinibus denunciavit, se Gu-bernatoris officio, quod sibi Rex ad Pente-costen sequentis anni confirmasset, non ante decessurum, quam concordie sententia Rex eligeretur. Hæc ille tranquillitatis publicæ causa prætexebat, re ipsa autem, quid Hun-gari, qui jam anno prior ipsi calendis De-cembris Comitia ad Calendas Januarias Pe-stinum indixerant, acturi essent, intentus ex-spectabat, ut consilium pro re, & tempore opportunum caperet.

Ac hi quidem conventum præstituto tem-pore agebant, sed initia erant admodum tur-bulenta. Palatinus de Gara cum Vjlakio, & Paulo de Lindva, aliisque, qui præcipui au-ctores supplicii ex Ladislao sumti habebantur, Budæ; Szilagius, qui VII. peditum, & XIII. equitum millia adduxerat, cum factione sua Pestini confedere. Utrosque Danubius con-ferta glacie fluens, ut loco, ita opinionibus divulgavit. Szilagius cum suis non obscure in Mathiam Ladislai fratrem inclinabat, con-tra autem Palatinus, Vjlakius, Paulus de Lind-

Lindva, eisque adhærentes, pœnam talionis ob Ladislai supplicium veriti, omnibus viribus nitebantur. Fortasse, si veteris instituti, & familiæ regiæ, ac promissorum suorum memores, Casimirum Poloniæ regem, aut Saxonem, sororum Ladislai regis maritos, vel Duces Austriæ, quibus olim pactum cum Ludovico de mutua successione interceserat, in consultationem adduxissent, non modo Szilagii conatus elisuri erant, sed Poloniam, vel Bohemiam, aut Austriam cum Bohemia rursus Hungariæ conjunxissent. Sed, dum omnia non tam consilio ad statum regni accommodato agerentur, quam vi, & metu, Szilagus enim, præterquam quod militum numero parti oppositæ prævaleret, furcas, & mensam laniariam in ripa Danubii erigi jusserat, partes tandem, suafu Legati Pontificii, utcunque consentientes, Mathiam absentem, quinque & decem annos natum, XXIV. Januarii regem renunciarunt. a)

Hunc Ladislaus Rex in Bohemiam iturus, secum Pragam adduxerat, & post hujus mortem Podiebradius retinuit, honesteque habuit, in omnem eventum intentus, quæ illius in Hungaria fors futura esset, utque comperit, vota in eum conspirasse, quo libi quoque

---

a) Æn Sylvius Europ. c. 1. Pessina Mars Moravia, l. 6. c. 1. Kaprinai l. cit. pag. 384. Conf. Verinum comment. jurid. pag. 153. & Katona Tom. XIV. pag 45.

1458. **que** sensim viam ad solium Bohemiæ sterne-  
ret, generum filiæ suæ Catharinæ adscivit,  
facilemque se dein Legatis, qui ad eum liberan-  
dum venire, præbuit. Caput legationis erat  
Joannes Varadiensis Episcopus, cui mater Eli-  
sabetha, si filius precio redimendus esset, qua-  
draginta aureorum millia, a) hortatu Szilagii,  
b) numeravit. Non multis igitur agendum erat,  
ut liber dimitteretur. Conventum utrinque est  
in diem V. Februarii, quo Podiebradius Mathi-  
am, Strasnicii, urbe limiti Hungariæ finitima,  
sisteret, inde ab Hungaris Budam deducendum.

Interea Szilagijs Gubernatoris officio  
functus, statuta ab regni Ordinibus, suo no-  
mine rata habuit, inter quæ illud ad Nobiles  
novo regi conciliandos videbatur pertinere,  
ut Rex suis sumptibus regnum tueatur, nec  
prius reliqui, quorum id alias interesset,  
symbolam conferre obstricti sint, quam si Rex  
per se id præstare non posset, tum vero Præ-  
lati, & Barones, quos suis vexillis adscri-  
ptos habent, regi jungant, si nec hi qui-  
dem hosti resistendo essent, Nobiles auxilio  
sint.

---

a) *Æn. Sylvius epist. 337. Mathiam Vajuda  
filium, in regem electum Hungariæ — quin-  
quaginta millibus aureis redemptum fuisse.*

b) *Joan. Lifthius episc. Jaurinen. in suis Ms. anim-  
adversionibus ad Bonfinii Dec. 3. l. 9. hæc  
adnotat: cum precibus Szilagyi a sorore pe-  
cunias habere non posset, baculo extorsit.*



Ant. Præterea decretum, ut bona Ecclesiasticorum, & secularium, triennio abhinc vi-  
occupata, restituantur, & de damnis ab anno 1458.  
quinquagesimo sexto illatis, Comitatus quæ-  
siones instituant, castra, ex quibus latroci-  
nia hactenus fiebant, spacio XV. dierum fun-  
ditus convellantur, civitates muro cinctæ, &  
castra regalia, Gubernatori consignentur; de-  
nique ut omnes Nobiles, qui bona possident,  
quotannis ad diem Pentecostes Pëstinum ad  
comitia conveniant, absentes, si justam cau-  
sam, cur non adfuerint, reddere non potue-  
rint, bonis priventur. a) Id cum præter mo-  
rem hactenus usitatum esset, b) plerique exi-  
stimabant, a Szilagio ea de causa inventum,  
ut Palatino, & qui cum eo sentiebant, si eos  
electionis pœniteret, ad res novandas ani-  
mum vel ipsa confluentium multitudo adi-  
meret.

Dimisso conventu, Szilagus cum Sorore  
Elisabetha, magno Prælatorum, & Baronum,  
militumque comitatu, ad Mathiam in Hun-  
gariam deducendum, ad condictum tempus,  
Strafncium profectus, Podiebradium cum re-  
ge in opposita Moravæ ripa reperit. Hic pacta  
nuptialia his conditionibus confirmata: Ma-  
thias Sponsam anno transacto in Hungariam  
tra-

a) Exstat in Cod. jur. patrii Tom. I. pag. 213.

b) Vid. Notit. prævias §. 18.

**1458.** traducet, &, postquam coronatus fuerit, pro gentis more coronari quoque faciet, ubi vero duodecimum ætatis annum compleverit, matrimonio sibi junget, &, si pactis non fiterit, centum millia aureorum eidem persolvat: idem Podiebradius, si illam condito tempore Posonii sponso non fisteret, se facturum spondit. Conscriptis deinde tabulis, & numeratis, quæ promissa erant, XL. aureorum millibus, aliisque XX. additis, utrinque discessum, & Mathias Budam deductus est. *a)*

MA.

*a)* Pelsina Mars Morav. l. 6. c. 1. Balbinus epit. rer. Boh. l. 5. c. 4. Bonfinius Dec. 3. l. 9. Kaprinai l. cit. p. 428. 436. & 442.

MATHIAS. I.

*Ab anno 1458. — 1490.*

1. **C**orvini, incertum, quam ob causam, cognomen adeptus, a) vividam, & arduis rebus gerendis capacem a natura indolem, regiumque animum nactus, sed nec in hunc finem a teneris institutus b), nec in ulla hac-

**B' b 2**

a) Sunt, qui genus illius ex Servia, alii ex Polonia deducunt, Bonfinius, assentationis studio ductus, ad Corvinorum Romanam gentem refert, sive a corvo, gentilio illius Insigni, sive ex natali in Transilvania loco *Hollós*, quod nobis Coryinum notat, in eam opinionem adductis. Sunt quoque, qui patrem illius Joannem, illegitimo thoro ex Valacha, & Sigismundo Imp. natum fabulantur. Illud certius teste Nic. Olaho, Strigonien. Archiep., qui ex *Martinæ* Joannis Hunyadiis fororis filio natus est, Valachicæ originis fuisse. Vid. Katena Tom. 14. pag. 5. — 13.

b) Galeotus quidem de dictis & fact. Mathiæ,  
Tom. 1. Script. Hung. pag. 528. hæc de eo  
*parentes — summam de hoc puero Mathiæ spem  
conceperunt, maximaque cura, & diligentia,  
ad futuri regni adoptionem, litteris, & mori-  
bus, artibusque regiis educarunt. Sed hoc en-*

CO-

1458.

tenus rei publicæ parte versatus, regnum superioribus temporibus per intestinas factiones labefactatum adiit. Itaque in principio, aliorum fere consilia, eorumque inprimis, quibus regnum debebat, sequi coactus, postea autem, quam usu rerum valuit, suo arbitratu rem publicam moderatus est. Eodem, quo is in Hungaria, Podiebradius in Bohemia, præpotente factionum studio, regnum non multo post obtinuit. Fuere quidem multi, qui id ambebant. Casimirus rex Poloniæ, & Wilhelmus Saxo, quibus Ladislai regis sorores nuptæ erant, jure uxorum nitebantur; Cæsar pacta olim inter Bohemiæ reges, & Duces Austriæ, de mutua successione, inita obtendebat, Carolus quoque rex Galliæ nomen inter candidatos professus, regnum alterutri ex suis filiis, vel ei, quem sponsæ defuncti regis Ladislai maritum daret, deferri cupiebat, pollicitus insuper, se Bohemiam ære alieno liberaturum, daturumque operam, ut, quæ ex ejus ditione avulsa erant, in jus pristinum vindicentur. Verum Rochizana factio, quæ regem suæ religionis optabat, numero, & vi superior, Podiebradium ceteris præ-

---

comio Joannem Hunyadem, affectatæ tyrannidis, quam ei æmuli objecerant, manifeste incusat.

prætulit, a) & VII. Maji inaugurationis diem constituit.

---

1458.

Mathias, qui per idem tempus regni conventum agebat, designato Socero dignitatem gratulatus, postquam eidem Jaurinensem, & Vacientem, episcopos, qui, vacante Pragenſi ſede, ritum inaugurationis peragerent, miſiſſet, conſilia cum Ordinibus ad rem publicam inſtaurandam conferebat. Præcipua ſpectabant, ad rite inſtituendam judiciorum formam, ſarcienda damna, quæ hactenus, præſertim ultimo quinquennio, illata erant, ad coordinandam militiam, in officio continendos latrocinantium patronos, etiamſi ex Magnatum numero eſſent, proventus item regiones in integrum reponendos, monetæ aureæ, & argentææ valorem firmandum, quem nec regi, inſciis Ordinibus, mutare fas eſſet, aliaque, quæ decreto Alberti regis ſere conſimilia, & una documento, ſunt, quam inordinatâ regni adminiſtratio ſub rege Ladislao fuerit, dum ejus conſiliarii, qui contrariis quidem ſtudiis inter ſe diviſi, ſed habendi cupiditate conſentientes erant, rem publicam ſuo arbitratu verſabant. Illud quoque ad electionem regis firmandam, adimendamque iis, qui oppoſitam partem fovebant, res novandi occaſionem, decretum, ut, ſi

B b 3

quis

---

a) Aen. Sylviuſ Europ. c. 16. & in reb. Friderici III. Gerard. de Roo l. 6.

1458.

quis, cujuscunque is dignitatis, conditionisve esset, factiones concitare, vel in personam regis conspirare auderet, non solum nota infidelitatis, cujus veniam ne rex quidem posset facere, perstringatur, sed universi etiam Nobiles, in hujusmodi tranquillitatis publicæ turbatores, arma corripiant. a)

Hæc quidem ad regis securitatem, tranquillitatemque regno conservandam, constituta fuere, nondum tamen res eo loco erant, ut non aliquid periculi superesset. Bohemi, qui a Ladislai obitu in superiore Hungaria rerum adhuc potiebantur, prædas more suo ex omni late vicinia agebant, nec, quamquam a Sebastiano Rozgonio profligati, diu quieturi videbantur. Domi quoque a Mathia, nondum accommodate ad tempus dissimulare gnaro, peccatum, qui Szilagium, cui regnum debebat, & quem non ita pridem Comitem Biztricensensem renunciaverat, quod sibi importunus monitor esset, dignitate, & loco movit, qua ingrati animi testificatione non paucos a se avertit, non de nihilo veritos, avunculi exemplo graviora aliquando in se constitui

---

a) Decret. hujus an. deest in Cod. jur. patr. productum tamen est, in vestigiis Comitior. Hung. an. 1790. p. 298. exhibet id quoque Katona Tom. 14. pag. 69. Conf. Balbin. Miscell. Dec. 1. l. 6. c. 6.

tui posse. Accessit & illud, quod suo arbitrio **extra comitiorum tempus, Ladislao de Gara Palatino, & Nicolao Vjlakio Transilvaniae Vajvoda, magistratu decedere iussis, illi Michaellem Ország, huic vero Joannem Pongrácz, consobrinum suum, a) subrogarit.** Nova inde data exauctoratis occasio in regem conspirandi, qui, pluribus sensim in societatem adscitis, cum intelligerent, Legatos ab eo ad Cæsarem mitti, qui coronam repetant, clam, ne hanc redderet, ei auctores fuere. Ille tamen, veluti re bene gesta, sui securus, conventum, ad quem rex quoque Bosniae venturus erat, ad diem VI. Decembris, Szegedinum indixit, in quo de recuperanda corona, instaurandis regni limitibus, rebusque Turcicis consultaretur. b)

II. Tenuit conventus ad initium sequentis anni, quo ipsis Nonis Januarii sanctiones, quæ ab Ordinibus conditæ erant, ratas habuit. c)

B b 4

Po-

a) Hunc rex in litt. an. 1489. dat. Bud. in vigil. nativit. B. Joan. Bapt. *consobrinum nostrum piæ mem. vocat.*

b) Gerard. de Roo, l. 6. Kaprinai l. cit. pag. 202. & 217.

c) Hoc quoque Decret. in Cod. jur. patr. desideratur, produxit autem Kaprinai l. cit. pag. 221. Ignat. Batthyán episc. Transilv. leg. Eccl. Tom. 1. pag. 496. Pray P. 3. pag. 225. Katona Tom. 14. pag. 175.

1459. Potissima illarum pars ad rem militarem; huiusque disciplinam pertinet: illud fortassis præter Majorum morem constitutum fuisse, videri potest, ut rex iis copiis, quas Barones sub suo vexillo ducturi essent, stipendia ex publico ærario præbeat. Ad hæc tempus militandi ad tres solum menses coarctatum, quibus evolutis, signa relinquendi cuivis potestas esset, quæ si quis prius defereret, nulla Nobilitatis ratione habita, bonis, & capite privetur, qui vero præbita pecunia missionem a ductore impetraret, uterque & pecuniæ jacturam, & pœnam perferret: annonam, ceteraque victui necessaria, non cariore, quam ante protectionem erant, precio fas sit, venum exponere, armorum genus ad bellum, gladius, clypeus, arcus, & hasta, præscriptum: omnes denique signis adscripti, cum a rege per litteras admoniti fuerint, intra XXV. dies loco conducto cum armis præsto sint.

Hæc ad externos hostes spectabant, cum domi interea magis periculosi laterent. Ladislaus Gara, & Vjlakius, qui, licet magistratu jam privati essent, nomen tamen dignitatis retinebant, adscitis in societatem potentioribus Hungaris, qui Moraviæ, & Austriæ vicini erant, ad quos Comes quoque Segniæ, Vegliæ, & Modrusiæ, tum Transilvaniensis episcopus accesserant, Nemetuivarini convenere, & unanimi consensu Cæsari, quin



quā id ambiret, a) regnum obtulerunt, his 1459.  
 præcipue causis inducti, quod, cum Mathias  
 minime illustri sanguine natus, Cæsar autem  
 regi Ladislao sanguine junctus esset, & cete-  
 roquin in aliis provinciis eidem jure hæredi-  
 tario successisset, regnique coronam in pote-  
 state haberet, regnum capite destitutum, de-  
 clarent, ac idcirco Cæsarem oratum velle,  
 ut id suscipere, tuerique ne gravetur, se non  
 alium regem agnituros, viresque omnes ad  
 id sibi asserendum collaturos esse, modo in  
 coronatione immunitates regni, Nobiliumque  
 se confirmaturum polliceretur. b) Non pote-  
 rat

---

a) Litt. autogr. Friderici an. 1459. dat. Vien. d.  
 19. Jun. *quod novissime tamquam status, &  
 honoris nostri, intimi zelatores, nobis minime  
 instantibus, sed prorsus ignoquantibus, & insci-  
 is, motibus vestris propriis, pro ampliori de-  
 core nostræ Cæsareæ Sublimitatis, totiusque  
 Christianæ religionis consolatione, cum non nul-  
 lis aliis spectab. & magnificis, atque Nobi-  
 libus dicti regni nostri Hung. cum magna, &  
 intima cordis affectione elegistis, & pro hujus-  
 modi nostri regalis honoris, atque auctoritatis  
 conservatione, vos una cum personis, bonis,  
 & rebus vestris — obsequentissimos coram no-  
 bis liberalissime exhibuistis cet. integrum, sed  
 non nihil variatum exhibet Kaprinai l. cit.  
 pag. 325.*

b) Idem l. cit. pag. 249.

**1459:** rat clancularia hæc coitio Mathiam diu late-  
re, itaque fidem suorum explorare volens,  
accitis ad se tam Ecclesiastici, quam profani  
ordinis Proceribus, fidelitatis iuramentum  
ab iis sibi præstitum, litteris X. Februarii  
editis, testatum esse voluit. a) Id adversæ  
factioni incitamento fuit, ut ea quoque, quæ  
clam cum Cæsare transegerant, horumque  
causas ad avertendam a se apud populares  
suos invidiam, septimo post die, litteris iti-  
dem vulgarent b) quæ cum jam magis pa-  
lam essent, quam ut possent dissimulari, Cæ-  
sar tempore usus, Neostadii die IV. Martii,  
se regem Hungariæ coronari passus est. c)

Hinc necessario bellum civile ortum.  
Frustra Pius II. Pontifex, qui in anni prioris  
exitu Calixto III. successerat, æmulos conci-  
liare studuit, frustra Mathiam, misso vexillo,  
in

a) Idem ibid. pag. 245.

b) Idem ibid. pag. 249.

c) Gerardus de Roo, l. cit. c. 6. quod Kaprinai  
l. cit. pag. 329. testimonio Joan. Zapolyæ sa-  
tis verisimile reddit, licet aliqui, quod Lanc-  
mannus apud Freherum Tom. II. pag. 78.  
nihil de coronatione memoret, hanc in dubium  
vocat. Ceterum Fridericus abhinc in diplom.  
titulo regis Hung. uti coepit, cujusmodi illud  
est, quo d. 15. Martii hoc an. Francofurtien-  
sibus privilegium concessit, apud Lunig Reichs  
archiv Tom. XIII. pag. 632.

in bellum Turcicum concitabat, eosque, qui impedimento essent, sacris interdixit. Res igitur armis semel, iterumque acta est; primum Cæsarei, Hungari postea victores fuere. Felix pugnae eventus factionem sensim dissolvit. Mathias enim arte, præ armis, utendum ratus, cum plerisque, qui ad Cæsarem secesserant, seorsim splendidis pollicitationibus coepit agere, Vjlakio tituli regis Bosniae, & Ladislao de Gara recuperandi Palatinatus spe oblata, quorum auctoritate reliqui paulatim ad obsequium rediere, ne tamen occasionem res novandi iterum haberent, & velut in custodia essent, Garam Palatinum renunciavit, Vjlakium, honoris causa, adhibuit aulae, & Sigismundum Comitem de Bózy, ab Austriae finibus, ubi amplissimos fundos habebat, abstractum, in superiore Hungaria magistrum equitum creavit, Rozgonio, & Pongraczio, quavis anni quarta parte, quatuor mille aureos est pollicitus, donec cum Cæsare inducias, vel pacem conficeret.

a) Egit de his ineundis, usus opera Joannis Varadiensis Episcopi, cui Legatus quoque Pontificis socium se junxerat, frustra tamen

uter-

---

a) Litt. regis an. 1459. fer. 3. prox. post fest. B. Emerici Ducis. Kaprainai l. cit. pag. 369. Cod. Ms. biblioth. Viennen. apud Pray Par. III. pag. 234. item Cod. Vatican. ibid. pag. 230. Gerard. de Roo, l. 6.

1459.

uterque fuit, quod Cæsar nec coronam, non exhibito precio, reddere, nec titulo regis se abdicare vellet. Frustra etiam Podiebradius generi sui causam suscepit, qui, ut titulum quidem regis Hungariæ uterque gerat, de ceteris vero rebus ut in conventu Olomucensi transigerent, suadebat, quod cum Mathiæ non satis probaretur, Cæsar seorsim cum Podiebradio fœdus adversus omnes, Pontifice excepto, pepigit, ut regem ad æquiores conditiones cogeret. a)

Intercesserat & illud, quod Concilio Mantuam indicto, Principum studia in bellum Turcis communiter inferendum concitata, Cæsaris curas aliorum converterent. Et fiebant ad id suscipiendum in Asia, & Europæ ejusmodi apparatus, qui felicem successum polliceri videbantur, si omnes inter se magis consentientes fuissent. In Asia Trapezuntinus Imperator, Persarum Rex, & Dux Georgianorum, auxilia sponponderant, his Mingreliani, & qui Asiam minorem, Anacosiamque colunt, quin non pauci ex Turcis Asiaticis etiam se socios fore promissere, ut adeo præter triginta biremium classem, supra centum millia, in promptu haberent. Idem Europæorum fuit studium. Pontifex præter viginti mille aureos, Ecclesiarum Italiæ decimas, Ger-

---

a) Pray Par. III. pag. 240. item Cod. Vatican. Nro. 59. ibid, Balbinus Dec. 1. l. 8.

Germani triginta peditum, & decem equitum millia, Veneti classem, se præbituros receperant, optabant tamen, quoniam iter per Hungariam suscipiendum erat, ut pax inter Cæsarem, & Mathiam prius componeretur, a)

III. Ac hujus quidem iterum conciliandæ periculum anno sequente factum est, Norimbergæ primum, postea in Curia Imperatoris, ac denique Olomucii, nullo tamen successu, siue Cæsar querelis, quas Legati Mathiæ ante annum in Concilio Mantuano contra se proposuerant, offensus esset, seu Mathiæ conditiones, in quas utrinque conveniretur, displicerent. Quidvis in causa fuerit, felicior domi in conciliando. Giscra erat. Cum hoc ita conventum, ut Mathiam, quod hactenus negayerat, regem deinceps agnosceret, & copias suas stipendio Pontificis alendas, regiis in bellum Turcicum conjungat. Cum enim videret, in Concilio Mantuano omnia lente in hunc finem parari, ipse, quod id suarum ditionum maxime interesset, bellum Turcis inferre parabat. Hac de causa Vajvodam Valachiæ, qui contra illos rem aliquoties feliciter gesserat, in suas partes pellexit, & Legatos Mahometis, qui cognito Asia-

a) Cod. Vatican. cit. ap. Pray Par. III. pag. 242. Eni Sylvii epist. 378. & 379. Raynaldus ad hunc an.

1460.

Aſianorum, & Europæorum in ſe apparatus, inducias offerebat, re infecta ab ſe dimiſit, quod cum Pontifici mire probaretur, rurſum XL. aureorum millia in commune bellum regi pollicitus eſt, eumque magnopere hortatus, ut ad id feliciter gerendum, quam poſſet celerius, concordiam cum Cæſare iniret.

1461.

a) Tentata iterum eſt hoc non invito, & arbitrium rurſus Podiebradio creditum; quem ut ſibi Mathias conciliaret, prius, quàm conventus haberetur, Trenčinium profeſſus, ſponſæ dotem regina dignam, modumque de ea ſibi tradenda, conſtituit. Nec tamen propterea hic quoque conatus priore felicior erat. Podiebradius enim, cui Cæſar recens ſpem ſucceſſionis in Comitatum Cattimelibœum fecerat, cum nec hunc, nec Mathiam, designatum generum, vellet offendere, ita iudicio ſuo nutabat, ut neutri parti ſatiſfacere videretur. Itaque non ſolum concordia non coaluit, ſed, ſoluto conventu, nova etiam diſſidiſ ſemina erant jacta. Cæſar Joannem Giſeram, hominem pro ſpe lucri emtu facilem, promiſſis ampliſſimis, a Mathiâ abſtraxit, & hic viciffim, pactis cum Alberto fratre illius initis, hoſtem Cæſari concivit.

a) Ita

---

a) Litt. Pontif. ad regem ex Cod. Vatic. apud Pray Par. III. pag. 248. Raynaldus ad hunc an. Gobelinus l. 5.

a) Ita spes pacis toties tentatæ dissipata est.

Intererat tamen regis magnopere, ut hæc, ad recuperandam coronam, coalesceret. Hujus conficiendæ negotium Joannes Varadiensis Episcopus in se recepit, qui iter in Sclavoniam, velut aliud agens, ingressus, Græcicum ad Cæsarem deflexit, ut cum eo de precio redimendæ coronæ transigendi initium faceret. Domi interea, quæ adhuc salebrosa erant, diligenti studio complanata. Rex Bosniæ, qui metu Turcarum correptus, cum iis fœdus inierat, poenitudine ductus, ad obsequium rediit, et arcibus Savo vicinis præsidium Hungaricum imponi passus est. Cum Giscra quoque tractatio instituta, qui, quod Cæsarem pacis, quam belli, magis amantem expertus esset, ut erat militaris animi, facile, postquam in jus civitatis, & in Magnatum ordinem coeptatus erat, castris, quæ ab Elisabethæ reginæ temporibus tenebat, regi traditis, in hujus partes concessit, & cum Bohemis imperio suo obnoxiiis, sociam operam in bellum Turcicum pollicitus est, ad quod suscipiendum, animi omnium

a) Kaprinai l. cit. pag. 476. Auctor Ms. rer. Austr. ab an. 1454. ad 1467. item diplom. Tabularii Augusti apud Pray Par. III. pag. 261. & 262. Balbinus epit. rer. Boh. l. 5. c. 5. Gerard. de Roo, l. 7.

1462.

um, per nuncios ex Valathia. missos, incitati ferebantur, qui Turcas, cæsis fere quadraginta eorum millibus, a Vajvoda profligatos affirmabant. a) Mathias, etsi dictis illorum, quos nosset, majora plerumque verò afferre, fidem ægre haberet, tamen a Ragusinis, ut eis auxilio esset, rogatus, in Serviam proficisci cogitabat, cum Episcopus Varadiensis a Cæsare reversus, quædam conventionis capita attulit, de quibus postquam ipse privatim cum consiliariis contulisset, regni Ordines Budam ad conventum adesse iussit. Hic iis, quæ ad jus dicendum, ad declarandas infidelitatis notas, & forum Ecclesiasticum, quod a profano sejunctum voluit, pertinent, breviter constitutis, b) de corrogando etiam precio ad redimendam coronam, actum. Hungariæ Nobiles, quisque florenum auri, promissere, sed, ne id in legem deinceps, & morem abiret, Rex publica fide Ordinibus cavuit, licet sæpe promissi postea immemor fu-erit: Transsilvani quoque, & Ragusini, ut symbolam suam conferrent, admoniti sunt, a) at-

a) Collectio epistolar. Mathiæ, Par. I. pag. 57. 60. 70. 71. & 112. item litt. Venetor. ad Bononienfes apud Mansi, ad Tom. X. Raynaldi annal. Eccles. pag. 336.

b) Exstat in Cod. jur. patr. pag. 215. & primum dicitur, cum jam an: 1458. & 1459. duo, ut memoratum est, præcesserint.



a) atque hac ratione tantum pecuniæ sensim collectum, quantum redimendo pignori satis esset. De pace, cujus fundamenta quædam Episcopus Varadiensis apud Cæsarem jam posuerat, nihil visum prius agere, quam Valachia, cui Turcæ etiam post acceptam cladem, rursus imminebant, succurreretur. a)

1462.

Milite ad profectionem jam comparato, Legatum ad Venetos misit, qui proposito communi periculo, generalem in Turcas expeditionem sollicitaret, inde Romam profectus, cum Pontifice ageret de subsidiis, & minimum quadraginta sex mille aureos in stipendia sex mensium, impetrare conaretur, tum ad Florentinos, & Ferrarienses, hos quoque in belli societatem pelliceret. Domi vero, Strigoniensi Archiepiscopo, & Palatino in commissis dedit, ut cum Bohemis, qui *Comorovskio*, & hujus contribulibus parebant, se absente transigerent. His constitutis, in Valachiam contendens, Turcas jam excessisse, & exauctorato Vajvodæ, ejus filium natu

c) Litt. regis, hujus an. fer. prox. post fest. ascensionis Domini, memorant, in comitiis in singulos Nobiles fl. auri decretum fuisse, cujus tamen in edito Decreto nusquam vestigium reperias. An mancum propterea sit, alii arbitrentur.

b) Epist. Mathiæ Par. I. pag. 57. 59. & 110.

Cc

**1462.** natu minorem, ab his subrogatum reperit. Causa ex Valachis, qui hominem sanguinari-  
um detestabantur, cognita, hostis volunta-  
tem, mirantibus omnibus, ratam habuit, &  
filio in dignitate confirmato, patrem in Hun-  
gariam abduxit, parte copiarum Michaeli  
Zokolio, Sirmienſis provinciæ Præfecto cre-  
dita, qui Halibegum, prædas in citima Savi  
ripa agentem, aggressus, trucidatis quatuor  
millibus, & recuperata præda, trans flumen  
egit. *a)*

Mathias Budam reversus, Bohemos, præ-  
bita ab Archiepiscopo pecunia, & conven-  
tione facta jam pacatos, suis signis auctora-  
vit, ex quibus, quod plerique veterani essent,  
& bello Hufſitico exerciti, pedestrem mili-  
tiam, quod genus apud nos hactenus ex in-  
condita colonorum turba, disciplinæ inasue-  
ta, sumtum erat, conflavit, magno deinceps  
usui in bello Turcico futuram. Atque id  
quidem instare, Rex Bosniæ crebro in Hun-  
gariam nunciavit, a quibus, & Venetis, tum  
Albanis, & Pontifice, auxilium flagitabat.  
Huic per Legatos, Bosniam extremo pericu-  
lo expositam significari curavit, partem re-  
gni a Turcis jam esse occupatam, facile ac-  
cessuram alteram, quod barbari specie leni-  
tatis populum in fraudem inducerent, apud  
quem

---

*a)* Litt. regis Part. II. pag. 74. & 82. Bonfinius  
Dec. 3. l. 9. Cromerus hist. Pol. l. 27.

quem sua etiam auctoritas fere jam vilescat, 1462.  
cui non melius consuli posset, quam si cum  
auxiliis corona quoque sibi mitteretur. Po-  
stremum cum Orator Hungarus juri regio ad-  
versari existimaret, regem, quid ageretur,  
confestim edocuit, & suppetias præterea spe  
minores offerri, indicavit, cum Veneti XX.  
solum aureorum millia, & Pontifex annum  
stipendium in mille equites, cujus vadimo-  
nium Strigoniensis Archiepiscopus præstaret,  
se præbituros pollicerentur. Inexpectatum  
id quidem regi fuit, sed, cum benevolen-  
tiam Pontificis sibi necessariam videret, mo-  
nuit oratorem, rem, quantum ad coronam  
regi Bosniæ mittendam attinet, ita caute ge-  
rat, ut, nec Pontifex se offendi putet, nec ju-  
ri regio, cui Bosnia obnoxia esset, quid-  
quam derogari patiatur, ceterum subsidia  
cum ab hoc, tum Venetis, augeri flagi-  
taret. a)

IV. Inter has subsidiorum ab exteris soli-  
citationes, Mahometes, Venetis, oblata in-  
duciarum spe, delusis, repente vim omnem  
in Bosniam convertens, Stephanum regem,  
qui se cum thesauro, *Jayczam*, arcem rupi  
ardue impositam, receperat, obsedit, & qua-  
triduo post fame deditionem facere coactum,  
litteras ad reliquos arcium Præfectos jussit  
scribere, ut se Mahometi dederent. Ita octi-  
1463.

C c 2

duo

---

a) Gobelius l. 9. & 11.

1463

duo non integro septuaginta aliquot arces in potestatem illius venire, auri præterea supra decies centena numorum millia. Nobiles in servitutem redacti, & in Asiam transmissi, Rex ipse cum plerisque Optimatibus, contra datam fidem, necatus, &, quod triftius est, ex capta juventute, triginta millia peditum conflata, quibus *Janiczari*, præcipuum apud Turcas militiæ robur, sua incubula debent. a) Mathias, se quoque delusum sero intelligens, ne idem periculum Serviciæ ingrueret, sollicitus, Joanni Pongraczio, cui curam Belgradi crediderat, ea, quæ defendendo loco necessaria erant, celeriter mitti iussit, etiam, atque etiam commonito, ut hostem eousque conaretur a Savi trajectu arcere, donec ipse cum auxiliariis adesset. Verum hac cura eum Mahometes liberavit, qui occupata Bosnia, præter opinionem, vires suas in Moream, capto jam prius Naupacto, & in ditiones Venetorum converterat. Itaque his, qui regi commune in Turcas fœdus sollicitanti, ambigua responsa dabant, nimia, & ex rerum eventu suspensa cunctatio, periculum accersit, & ab Hungaria avertit. b)

Hoc

a) Gobelinus l. 9. & 11. Leunclavius hist. Musulman. l. 15. & in Pandect. c. 95.

b) Epist. Mathiæ Par. I. pag. 123. & 153. Chalcondyl. l. 10. Phranzes l. 2. c. 27.

Hoc ipsum tempus , quo Mahometi res cum Venetis futura erat, opportunum Mathiæ visum, ut coeptum cum Cæsare pacis negotium, ad finem perduceret. Sed, ne id quasi precario a se fieri videretur, Proceres subornavit, ut scriptis ad eum litteris, se Legati Apostolici consilio adductos esse, significarent, se omnem operam impensuros, ut ob commune, quod Christianis a Turcis impenderet, periculum, concordia tandem inter illum, & regem suum, coalescat, venturos proxime, si modo, quo animo sit, intellexerint, qui regis nomine de conditionibus transigant. Cæsari, cui alioquin cum Alberto fratre, & Viennensibus dissidium fuit, nihil gratius accidere poterat. Adfuere paulum post Legati, & inter hos Stephanus de Varda, Archiepiscopus Colocensis, & Joannes Vitézius Varadiensis antistes, primus conciliandi foederis auctor, præcipui erant, tribus equitum millibus, cum honoris, tum securitatis causa stipati. Ante omnia actum de corona, ad quam recognoscendam Ladislaus de Palocz, Judex Curiae delectus, in cujus judicio postquam omnes conquievire, habita frequenti cum Cæsareis deliberatione, in has condiciones utrinque conventum: Cæsar Mathiam filii, & hic illum patris loco, habeat, eoque nomine in publicis scriptis alter alterum appellet: titulus regis Hungariæ, Cæsari ab Hungaris tribuatur, succes-

1463.

1463

lio autem in regno, si Mathias sine legitimo hærede obiret, ad Cæsarem, vel ejus filium Maximilianum, aut, si plures habuerit, ad eum, quem Ordines delegerint, devolvatur: castra *Forchtensteinium*, & *Gobelsdorfium*, quæ Cæsar in limitibus occupaverat, in illius, dum vivet, arbitrio, in sacris tamen jurisdictioni Jaurinensis Episcopi, & ad symbolam in bellum conferendam, regi Hungariæ obnoxia sint, post mortem vero Cæsaris integrum erit Hungaris depensis quadraginta aureorum millibus, ea redimere: injuriæ, quas ab obitu Ladislai regis, sibi mutuo intulissent, bona fide utrinque condonentur. Cæsar, si a Turcis periculum Hungariæ ingruerit, omnem industriam apud Pontificem, & Principes Imperii adhibebit, ut Mathiæ succurratur; Sopronium denique gratuito, nulla pignoris habita ratione, Hungaris restituet. Hæc in Tabulas publicas relata, Cæsaris, & Mathiæ nominibus, subscripta, & serius post, ut illis majus robur accederet, etiam a Pontifice confirmata sunt. a) His transactis, corona Legatis tradita, communique plausu,

&

---

a) Exstant documenta in Urſini Velii hist. de bello Pannonico ad calcem, & ex hoc apud Pray P. III. pag. 282. — 298. Legati, & Cæsar 19. Jul. Rex, & Legatus Apostolicus 24. ejusd. mensis, Pontifex demum 22. Octob. pactorum Tabulas confirmarunt,

& populi per iter concursatione, Budam, 1463.  
velut ab exilio, reducta est. De perfoluto  
precio, nihil in Tabulis consignatum reperio,  
aliqui octoginta, alii sexaginta aureorum mil-  
libus, redemptam fuisse perhibent. a)

Aberat per id tempus Mathias, bello  
Turcico occupatus. Jam circiter Calendas  
Majas ad Danubii, & Savi confluentem con-  
stitit, & cum comperisset, Mahometem, re-  
licto in Bosnia cum copiarum parte Alibego,  
in Macedoniam profectum, Savo transmissio,  
Alibegum vicina Savo loca populantem, se-  
mel ac iterum magna clade affectum repulit,  
tum dimissis in Serviam equitum turmis,  
quæcunque a Turcis occupata erant, ferro,  
igneque corrumpi iussit, quindecim pene mil-  
libus Cristianorum, cum armentis ex servi-  
tute vindicatis. Indulta dein militi quiete,  
novisque ex Hungaria acceptis supplementis,  
in Bosniam movit. Hic ei Ladislaus, Ste-  
phani, Ducis sancti Sabæ filius, suas etiam  
copias adjunxit, quarum auxilio *Jayczam* ob-  
sidione cingens, trimestris fere spacio expu-  
gnavit, & cum hac triginta castra recepit,  
porro in hosticum progressurus, nisi illum in-  
gruens hyems receptum maturare coegisset. b)

C c 4

Prius

a) Gerard. de Rod, l. 7. Spondanus ad ad. 1464.

b) Epist. Mathiæ ad Pontif. ex *Dombno*, d. 27.  
Jan. an. 1464. Par. I. pag. 161. apud Pray.  
Par. III. pag. 302.

1463.

Prius tamen ipse Petrivaradinum, prægressus, commune foedus cum Venetis percussit, quo illi tamdiu se Turcas terra, marique infestaturos receperant, quamdiu Rex idem in continente faceret, interea autem neutri quidquam in suis limitibus novarent, nec pacem, vel inducias cum hoste, non vicissim inter se conscii facerent, ceteris quoque regibus, & Principibus, si vellent, ad foedus accedere liberum esset. a) His XII. Septembris mutua stipulatione firmatis, Mathias in Bosniam reversus, & Ladislai egregie navatam in bello operam remunerari volens, eum in Baronum Hungariæ numerum adlegit, ea conditione, ut, si Rex, vel hujus Legatus, qui ex Baronum Ordine fuerit, bellum in Bosnia gereret, ipse eis adjumento erit, sin regis Legatus inferioris esset conditionis, tum sui loco, quem voluerit, militiæ Præfectum mittet: amicus erit amicis, & hostis quoque regis hostibus: nihil præterea ditionis suæ a jure Hungariæ subtrahet, aut alienabit; Raram denique, & quæ Turcis nuper eripuerat, cum ipse, tum filius Comes Balsa, hujusque hæredes, jure clientelari, regibus Hungariæ obnoxii, possidebunt. b) Imposito

---

a) Raynald. ad hunc an. ex Cod. Ms. Vallicellano, apud Pray Par. III. pag. 300.

b) Litt. regis autogr. *Dat. in civitate nostra Jaycza, in festo B. Nicolai ep. & Conf. an. 1463.*



sito dein Jayczæ, quam Joanni Zekelio Priori Auranzæ, tuendam commisit, præsidio, militem in hyberna deduxit.

Ex Bosnia reduci prima omnium cura fuit, ne coronatio, sine qua se a non paucis non tam regem, quam regni usurpatorem haberi putabat, differretur. Comitiis itaque Albam indictis, XXIX. Mart. consueto ritu inauguratus, ea, quæ Ordines ad instaurandum regni statum proposuerant, & confirmari orabant, rata habuit. Præter Decreta Ludovici, & Sigismundi, quæ nova sanctione roborari flagitabant, arctior coronæ, ne simili ut ante periculo objiceretur, custodia statuta, donationes Ladislai posthumi, & ipsius Mathiæ ante coronationem factæ, nisi intra annum has confirmaret, irritæ habeantur, de infidelitatis crimine illud cautum, ne rex, non consensu Prælati, & regni Baronibus, quemquam illo perstringat. Turbulentis enim temporibus, ob contraria factionum studia, ut quisque erat potentior, nihil pronius fuit, quam ut alteri hanc notam impingeret, ejusque bona sibi vel a rege donari importune peteret, aut, si occasio erat, sprete legum sanctimonia, per vim etiam occuparet. Hinc severe vetitum, ne quis Ecclesiarum, & Nobilium domos violare deinceps ausit, &, si qui post Alberti obitum, bona aliis vi eripuissent, hæc sine cunctatione, ut dominis suis restituant, imperatum: immunitates quoque Transilvaniæ,

1464. **niae, & Sclavoniae Nobilibus confirmatae; con-**  
stitutum etiam, ut moneta iusti, ejusdemque  
ponderis, ac valoris esset, qualis sub Sigis-  
mundo erat, utque in hujus falsarios gravissi-  
mis poenis animadvertatur. a)

Sub Comitiorum finem, pacta de succes-  
sione, inter Cæsarem, & Regem, non ii so-  
lum, qui legatione perfuncti erant, verum ce-  
teri quoque Prælati, Barones, & Nobiles ra-  
ta habuerunt, & rex editis litteris; serius  
postea confirmavit, b) quam lites cum Po-  
diebradio, Bohemorum causa ortas, hac con-  
ventionem sopivisset: quicumque, Hungarus, Bo-  
hemusve sit, latrocinia in alterius ditione ex-  
erceret, non solum partam prædam, sed  
omnia etiam bona, amittat: castra in limiti-  
bus, ex quibus maleficia inferri possent, neu-  
ter exstrui sinet, malefactores autem, qui im-  
punitatem in alterutrius regno quærerent,  
uterque bona fide reddet; sin minus id pos-  
set fieri, certe commorari in eo non patie-  
tur. c).

Con-

---

a) Ex Cod. jur. patr. Tom. 1. pag. 218. *Dat. VIII. Idus Apr. an. Domini 1464. regni nostri VIII. coronationis I.* Abhinc coronationis annos constanter ab annis regiminis solebat discernere.

b) Auctar. diplom. Kollarii ex archivo aul. Vienn. apud Pray P. 3. pag. 309. — 311.

c) Diplomatar. Boh. Siles. Sommersbergii Tom. 1. pag. 1023. apud eund. ibid.

Constituta cum Cæsare, & Podiebradio  
amicitia, conatus omnes in bellum Turcicum 1464.  
conversi. Pius II. cum sæpe alias, tum hoc  
imprimis anno, Imperatorem, Principes Ger-  
maniæ, & Italiæ, ad id communi studio ge-  
rendum concitabat. Ordo expeditionis hic  
erat constitutus: Mathias cum Hungaris, ho-  
rumque sociis, & quos ab exteris acceptu-  
rus esset, auxiliariis, terrestri itinere, reliqui  
vero, mari in hostem profiscerentur. Et jam  
classis Veneta cum Pontificia Anconæ stabat,  
proxime solutura, cum Pius II. qui ipse ex-  
peditioni interesse cupiebat, XIV. Augusti obi-  
it, & cum hoc ardor sacri belli refrixit. E-  
ra Mathias se deferi querebatur, tum prius  
sertim, cum Mahometes vires omnes Jaycæ  
obsidendæ, admovisse ferebatur. Commode  
illud accidit, quod commeatus & nova mi-  
litum supplementa arci illata fuerint, & Pri-  
or Auranæ locum eousque fortiter tueretur,  
donec rex, qui magnis itineribus in Bosniam  
contendens, cum exercitu adesset, solaque fa-  
ma sui adventus, Mahometem, relictis tor-  
mentis, & reliquo bellico apparatu, in fugam  
egisset. Fugitivum aliquamdiu, ut prælio rem  
experiretur, consequutus, ob penuriam pabu-  
lationis, quam hostis in receptu corruperat,  
redire coactus, ne tanto sumtu nullum operæ  
precium fecisse videretur, *Zvoynichium* arcem  
obsedit, quam mox ob coortam militum se-  
ditionem, & adventantis hostis rumorem, pa-

ri trepidatione, qua Mahometes Jayczam; minore tamen damno, deseruit. a)

1465.

V. Altius ei hic receptus, fugæ similis, inhæsit, quam ut eum pacato animo digere re posset, metuitque, ut erat gloriæ cupidus, magnopere, ne fama sua apud externos vilescat, aut Turcis belli in Hungariam transferendi occasio daretur. Opportune *Emo* Legatus Venetus domum revocatus est, huic Joannem episcopum Quinqueecclesiensem, & Joannem Rozgonium, quos Romam, ut Paulo II. obtentam dignitatem gratulentur, destinauerat, adjunxit, qui apud hunc de subsidiis in bellum Turcicum diligenter agerent, cui gerendo tum ipse proventus suos fere jam profudisset, ex consulto Prælatorum, & Baronum, extraordinaria per regnum tributa imperaverat, ad quæ conferenda cum omnes, boni communis causa, promptos habuisset, ii solum, qui Cæsari in Hungaria parebant, refragabantur, licet secundum pacta nuperna ad symbolam in bellum Turcicum conferendam, obstricti essent. Graviter id merito rex tulit, præsertim, quod Cæsar præterea arcem Bercholsdorfium, quam Sigismundus de Bozyn, præbito precio in pignore habebat, hoc non expuncto, occupasset. Inde lis primum  
lit.

a) Epistolar. Mathiæ, P. 1. pag. 173. item ejusd. litt. an. 1468. Budæ fer. 4. prox. post fest. B. Martini Conf.

litteris, tum vastatione terrarum utrinque  
acta, propeque res bellum spectabat, nisi La-  
vanticus episcopus, qui a Pontifice in Bo-  
hemiam Legatus erat missus, dissidium, cum  
iter per Austriam faceret, opportune sopivisset. a)

Apparebat enim Mahometem ex ingenti, quem fecerat apparatu, aliquid rursus in provincias Hungariæ subjectas moliri velle, cum ex nunciis a Savo allatis patuit, molitiones has in Græcos, qui amissa Constantino-  
poli, non tam Imperium, quam hujus umbram, Trapezunti condiderant, parari, paulumque post finitimi limitum Præfecti significaverant, adesse Legatos a Mahomete, qui de induciis cum rege pacisci cupiant, de quibus, si admissi fuerint, uberius acturi essent. Verum is, seu parum fidei barbaris tribueret, seu insciis Venetis, nihil vellet cum illis agere, Legatos ultra limites progredi vetuit. Hac repulsa Mahometes irritatus, paulum post, quam Mathias litem cum Casimiro, Bohemorum causa, qui Poloniam ex Scepusio infestabant, composuerat, mutato proposito, vim omnem in Serviam convertere, nec ante quieturus ferebatur, quam Belgradum, & Jayczam, cum reliquis, quæ in Servia, & Bosnia juris adhuc Hungarici erant, in potestate haberet.

Si-

a) Epistolar. ejusd. P. 2. pag. 45. & 96. item  
P. 4. pag. 14. → 19.

**1465.** Sive id re ipsa constituerat, sive rumor de industria ab eo diditus esset, Mathias oratores suos Romæ celeriter edocuit, datisque ad Pontificem, & regem Galliæ litteris, in quo discrimine res versetur, significavit. Ac Oratores quidem ea solertia commissum sibi negotium egerant, ut spes esset, non temeranda in bellum Turcicum subsidia collatum iri. Pontifex centum, Ferdinandus rex Neapolitanus sexaginta aureorum millia, præter quingentos pedites, & equites in Epirum mittendos, Veneti quinquaginta quotannis millia aureorum in stipendia se daturos, promiserant, Dux Mediolanensis duo equitum millia, uno minus peditum pollicebatur; Florentini mille equites, & quingentos pedites, vel, si rex mallet, viginti quatuor millia aureorum quovis anno se numeraturos, receperant. a) Hæc quidem liberaliter promissa fuere, sed, cum præstanda erant, res omnis ad Pontificem, & Venetos rediit, qui missis in Hungariam pecuniariis adjumentis, datam fidem liberarunt.

Mathias his acceptis, & Bohemis, qui rursus more suo prædas agebant, ad Tirnaviam profligatis, ne expectationem sociorum

---

a) Raynaldus ad an. 1465. Epist. Mathiæ P. 2. pag. 1.14. 18. 129. 137. Luccari annal. di Rausa l. 3. pag. 110. Leunclavius hist. Musulman. l. 15. pag. 586.

rum fallere videretur, copias ad Dravum deduxit, ut Turcarum consilia eminus exploraret, quorum cum nec famam quidem accepisset, adhærere isthic maluit, quam hostem, foederatis nondum rite comparatis, irritare. Id Pontifici suspicionem ingesserat, subsidia in alium, quam missa erant, finem erogari, quod cum ex Tinniniensi Episcopo Roma reduce temperisset, missis Romam litteris, injuriam sibi hac suspitione fieri graviter est questus, ut adeo Pontifex irritatum, mollius tractandum censuerit, quod ejus operam sibi, contra Podiebradium, necessariam esse existimaret. Hunc jam Pius II. sacris interdiceret cogitabat, sed quod hic ob temporis rationes differebat, Paulus exsequi constituit. Nondum tamen res maturuit, & Mathias, quæ Pontificis essent consilia, indicto conventu, regni Ordinibus aperuit. Visum omnibus est, nihil ante tentandum, quam certiora ex urbe afferantur, Cæsaris quoque mentem, quod Bohemia feudum Imperii esset, prius explorandam, videndum etiam, quo Turcarum conatus tandem evasuri essent. a)

1465.

Ac ab his quidem, qui omnem belli vim in Albaniam converterant, nihil periculi erat, eo magis ancipiti loco res Bohemicæ, post  
pro-

1466.

---

a) Epist. Math. P. 2. pag. 61. 70. 144. Leunclav. Pandect. c. ult. auctor Ms. rer. Austr. ab an. 1454. ad 1467. Gerard. de Roo. l. 9.

1466.

promulgatam in Podiebradium cruciatam expeditionem, fuere. Regno a Pontifice exutus, causam suam in conventu Imperii Norimbergæ agere optabat, sed Cæsar, qui jus successionis in Bohemia, ex fide veterum pactorum, sibi competere arbitrabatur, Legatos illius ad conventum admitti vetuit. Id ille suam injuriam interpretatus, litteras verbis acerbis, & inhumanissimis refertas, ad Cæsarem dedit, simulque bellum ei denunciavit, Victorinum filium, cum quinque millibus Austriæ immisit, qui vastationem, late omnia populatus, ad Danubium prope Viam protulit. a) Mathias, quo res evasura

1467.

esset, interea otiosus spectabat, in omnem tamen eventum, ne, si ipse etiam in ea partem habere cogeretur, sumtus deessent, Comitatus in sequentem annum indixit, & consentientibus regni Ordinibus, *lucrum Camere*, in *vectigal coronæ*, seu tributum *Fisci regalis*, a quo nemo, nisi Ecclesiastici, & Nobiles exempti essent, deinceps solvendum convertit, nomine solum, non item re, mutato. b) Hæc inter, Podiebradio hostes undique confecti sunt. Catholici Proceres in Bohemia, Moravia, & Silesia, inita confederatione, obedientiam detrectabant, Legatus Pontificis, facto

a) Linck anal. Clarævallen. Part. II. pag 226.

b) Car. Wagner diplomatar. Comitatus Sarofsen. pag. 236.



cto per Bohemiam itinere, illis auctor erat, ut Zdenconem Sternbergium sibi interea dynastiam præficerent, ipse in Poloniam profectus, regnum Casimiro, Pontificis nomine, obtulit, cujus benevolentiam ille grato quidem animo accepit, sed, cum pacta ei cum Podiebradio intercederent, & inconsultis regni Ordinibus, nihil vellet decernere, rem ad futura Comititia distulit. a) Mathiæ, qui Casimiri in deliberando lentitudinem norat, nec voluntas, nec otium fuit, ut se huic negotio, non rogatus ingereret, quem alioquin secessio Transsilvanorum, qui ob crebras tributorum exactiones, Joannem Vajvodam, licet invitum, provinciæ Ducem constituerant, & Stephani Moldaviæ Vajvodæ clancularii in Poloniam missi internuncii magnopere sollicitum habebant. Ac Transsilvani quidem, ut Rex cum exercitu adfuit, obventa defectionis venia, ad officium rediere, Moldavus autem arma parabat, quem, pugna cum eo congressus, etsi non sine suo periculo, victum in fugam egit, & spolia in Budensi templo, velut victoriæ testes, ad ostentationem defixit. b) VI.

- a) Gobellinus l. cit. l. 10. Cardinal. Papien. commentar. l. 6. Dlugos. l. 13. Gerard. de Roo l. 8.  
b) Epist. Mathiæ Par. III. pag. 88. Ceterum scriptores Poloni ab Hungaris de victo Moldavo dissentiunt. Conf. Pray Part. IV. pag. 35.—38. & Katona hist. Tom. 15, pag. 233.—243.

**1468.** VI. Ex Moldavia reversus, Cæsaris nuncium, & Pontificis Legatum, salutationis quidem, ut apparebat, causa, re ipsa autem, ut eum ad bellum Podiebradio obmovendum inducerent, reperit. Pontificem religionis periculum, Cæsarem Bohemi, qui favore quorundam Germaniæ Principum nixus ad dignitatem Imperii aspirabat, ambitio, præcipue movebant. Cunctanti Cæsar addidit stimulos, pollicitus, se ei non solum auxiliares copias adjuncturum, sed Bohemiam in feudum quoque, hac conditione collaturum esse, ut, si sine legitimo hærede decederet, Hungaria, & Bohemia, secundum vetera, & nuper inita cum eo pacta, ad stirpem Austriacam devolvantur. Plausibili hac spe illectus, habito cum præcipuis regni Optimatibus consilio, eorum sententias rogabat. Multi, qui parta potius tueri, quam aliena invadere, satius esse putabant, ne se dubio, & sumtuoso bello implicaret, ei autores fuere; nec æquum videri, ut alium, qui nullam hactenus offensionis causam dedisset, bello impetaret, eumque regno privet, quod, si eo etiam potiretur, ob vicinorum Principum invidiam, vix retenturus esset; alii contra, ut morem Pontifici gereret, nec Cæsaris promissa aspernaretur, suadebant, præsertim, quod post confectas per Nicolaum Vjlakium cum Turcis inducias, ab his contra rebelles in Asia occupatis, nihil periculi esset. Horum igitur sen-

sententiam amplexus, bellum decrevit, ut autem usurpatoris nomen a se amoliretur, scripsit ad Catholicos Bohemiæ Proceres, se non alia de causa adfuturum, quam ut eos a Podiebradii injuriis tueatur, similes litteras ad Victorinum illius filium dederat, & rationes, cur arma in patrem ejus sumeret, prolixè exposuit. a)

Facta denunciatione, nihil moratus, castra ad oppidum *Laab* promovit. Hic pedites, & equites, quos Cæsar promiserat, cum cruciatorum parte, suis conjungens, Moraviam ingressus, opportuna locis, quæ se dediderant, præsidia imposuit, & Podiebradium, qui advenire nunciabatur, exspectabat. Aduit paulo post, & castra castris modico intervallo discreta opposuit. Neuter universis copiis ausus congregi, velitationibus solum rem agebant, inter quas etiam de induciis actum; conditiones fuere: Bohemi Ecclesiæ Romanæ se uniant, restituant bona Catholicis erepta, & damna Hungaris illata compensent, sumtus item in bellum factos, captivis utrinque libere dimissis, solvant, atque hæc litteris, pignore, & datis obsidibus, firment, Moravi autem eousque fidejubeant, donec arbi-

D d 2                      trio

a) Cochläus l. cit. lib. 12. Gerard. de Roo, l. 8. Raynaldus ad an. 1468. Epist. Mathiæ, Part. III. pag. 14. 87. & 88. Pez thesaur. anecdot. noviss. Tom. III. Par. III. pag. 222. n. 7. & pag. 223. n. 8.

1408.

trio Legati Pontificis pax concilietur. Sed cum Bohemi nec pignus, nec obsides dare vel-  
lent, & Podiebradius post aliquot dierum ve-  
litationes, penuria annonæ pressus, in Bohe-  
miam recessisset, Mathias ultra progressus,  
Brunam, Olomucium, aliaque loca quod  
sponte deditionem facerent, in fidem recepit,  
remque hactenus gestam, ad Pontificem per-  
scribi mandavit, nova pecuniæ subsidia fla-  
gitans, quæ si mature mitterentur, spem ob-  
tinendæ brevi Bohemiæ faciebat. Trebnici-  
um deinde profectus, Victorinum, qui locum  
defendendum acceperat, circumfedit, quo clam  
elapso, Spielbergam, sed frustra hoc quidem  
anno, tentavit, tum in Bohemiam, eundem,  
quem in Moravia habuit, successum sperans,  
ingressus, repente, se ad urbem Willemovi-  
um, in densissimo saltu, a Podiebradio ita  
circumventum deprehendit, ut, nisi se mal-  
let dedere, vel ferro via facienda, vel pax  
eligenda esset. Hanc maluit, eamque misso  
ad Podiebradium Alberto Kofztká, incer-  
tum, a) quibus conditionibus, impetravit. b)

Dimis-

a) Sunt, qui pacem auro redemptam ab eo fuisse, perhibent, non tamen sine dolo. Arculam enim arena impleri, & huic aurum superponi iussisse fertur. Fabulam de industria ab inimicis concinnatam esse suspicor.

b) Epist. Mathiæ Par. III. pag. 14. 39. 45. 67. 70. 87. 88. Balbinus rer. Boh. I. 5. c. 9. Du-bravius ad hunc an. Bonfinius Dec. 4. l. 2.

Dimissus, relictæque exercitus parte in limitibus Moraviæ, Posonium contendit, & accitis ad conventum regni Ordinibus, nova in bellum Bohemicum subsidia petiit, fidemque editis litteris fecit, se nulla deinceps, invitis Ordinibus exacturum, aut quidquam propterea regni immunitatibus derogatum velle, idemque, ut suspicio animis Nobilium eximeretur, Prælati, & Magnates caverunt. His, ut cupiebat, obtentis, factoque necessario armorum apparatu, de sociis quoque, qui partem in bello haberent, sibi adsciscendis, cogitabat. Cæsari jam ante, quam in Italiam proficisceretur, cum rege convenerat, ut Casmiram regem Poloniæ, proposito affinitatis ineundæ vinculo, pertentaret. Id negotium Protasio Olomucensi episcopo datum, qui Cracoviam profectus, duas natu maximas regis filias, alteram Maximiliano Cæsaris filio, alteram Mathiæ desponderi petiit, conditionem ab utroque hanc offerri, ut, si sine hærede decederent, Hungaria, & Bohemia, ad filias ejus jure pertineat. Ille, accepto a suis consilio, respondit, se nunquam juri suo in Bohemiam, seu hæreditario, seu a Catholicis Proceribus acquisito, renunciassè, proin non opus esse, ut id sibi per filiæ connubium asserat, cum Mathia autem, qui in Scepusio, & Moldavia, suos crebro damnis affecisset, affinitatem se omnino detrectare. Hæc ad speciem dicebantur, re ipsa autem, Podiebra-

**1468.** dius, intellecta Cæsaris, & regis machinatione, ipse etiam misso ad Casimirum Legato, regnum alterutri ex ejus filiis offerebat. Hæc repulsæ causa fuit, quam Mathias dissimulandam putavit, non item querelas de Scepusio & Moldavia oggestas: illic nihil aliud a se factum, quam Polonos latrocinia exercentes, ut par erat, esse castigatos, in Moldavia autem, se jure suo, quod a decessoribus accepisset, usum fuisse, justisque ex causis Vajvodam, qui non solum profugos tueretur, sed Turcis etiam conjunctus, Transsilvaniam infestasset, in ordinem redactum esse, declaravit, a)

**1469.** Igitur spe, quam de Casimiro sibi conciliando conceperat, frustratus, & Cæsare in Italia absente, cum sibi soli molem belli incumbere videret, ex Germania enim, in qua non pauci Principes occulte Podiebradio favebant, parum auxilii expectandum erat, ipse, præter mature conscripta domi militum supplementa, subsidiariis copiis ex Bavania deductis, ipsa hyeme in Moraviam regressus, Spielbergam vix tentatam occupavit, b) brevi-

a) Epist. Mathiæ P. 3. pag. 56. Balbin. 1. cit. 1. 5. c. 10. Belius notit. Hung. novæ, Tom. 1. P. special. membro 1. Sect. 1. §. 39.

b) Litt regis autogr. ad Cassovien. *Castrum capitale totius Marchionatus Moraviæ Spilberck nun.*

vique post Victorino, qui sibi ad castrum *Wezele* occurrerat, intercepto, a) Olomucium veniens, potiorum, qui ex Bohemia, Lusatia, & Silesia confluerant, Procerum consensu, III. Maji, rex Bohemiæ salutatus est, b) Wratislaviam dein profecto, magistratus urbicus sacramentum fidelitatis dixit, Principes autem obedientiam, ea conditione sponderant, ne Silesia unquam a Bohemia,  
D d 4 ad

1469.

*nuncupatum, supra civitatem Brunensem, una cum aliis civitatibus, & castris, prox. Dominica, Esto mihi — occupavimus cet. Datum Brunæ fer. 2. prox. ante carnisprivium, 1469.*

a) Ejusd. ad eosd. *Victorinus filius Georgii Podbrath in civitate Wezele — captivitati nostræ mancipatus, nunc erga manus nostras captivus detinetur, cet. Dat. sub Fortalitio Wezele, fer. 6. prox. post fest. B. Annæ, matris Mariæ. & litt. ejusd. apud Pray, P. 4. pag. 56.*

b) Litt. reg. ad eosd. *Cassovien. Convenientibus in hac civitate Olomucensi in unum omnibus fere majoribus Proceribus Christianis Bohemiæ, Silesiæ, Lusatiae, & Moraviæ, — quia necessitas rerum fidei, & etiam multæ aliæ causæ urgebant, ipsi hodie nos in regem Bohemiæ elegerunt. Dat. in Olomucz, in fest. invention. S. Crucis. 1469. Similia Rozitzius apud Sommersberg Tom. 1. qui juramenti formulam Germanicam, quo se Mathias vicissim iis obstrinxit, exhibet. Vid. Pray, P. 4. pag. 54.*

1469.

ad quam vetusto jure pertineret, avellatur. a) Podiebradius, postquam, quæ apud Moravos, & Silesios gesta erant, comperit, ut Mathiæ regni possessionem difficilem redderet, convocatis, quos sibi addictos norat, regni ordinibus, Wladislaum, Casimiri natu majorem filium, sibi successorem hac conditione designavit, ut ipse quidem regnum in reliquam vitam retineret, filiis autem suis amplius Principatus conferret, & Wladislaus, ducta Ludmilla Podiebradii filia, post illius mortem rerum potiretur. Neque hac re contentus, scripsit quoque ad Hungariæ Proceres, graviter in regem invecus, qui, quod illum cum exercitu circumclusum, precario liberum dimisisset, pro beneficio maleficia redderet. Sensit Mathias hac machinatione sibi apud suos invidiam, & in Polonia hostem parari. Accessere mox nuncii, qui Turcas per Croatiam in Stiriam, & Carniam, fere ad Forojulium irrupisse, affirmabant. Domestico periculo admonitus, dum reditum in Hungariam parat, cladem ad Hunnobrodam ab Henrico altero Podiebradi filio, accepit. b)

VII.

---

a) Idem ibid. apud eund. P. 4. pag. ead. & 56.

b) Cardinal. Papiens. comment. l. 7. pag. 439. — 45. Chron. Austr. apud Joan. Unrestum, pag. 562. Kercselics hist. Eccles. Zagrabien, pag. 181. Chron. Turcic. apud Wolfg. Drechslerum ad hunc an.



VII. Cæsar interea ex Italia reversus, 1479.  
Austriam mire perturbatam reperit. Suspicio in Mathiam, nec immerito, conjecta est. Cum enim is ab oratore suo edoctus fuisset, Cæsarem id præcipue apud Pontificem agere, ut jus in Hungariam, & Bohemiam, familiæ suæ asserat, indignatus, Australes in absentem concitare, non desinebat. Hinc simultas utrinque orta, quæ cum facile in inimicitias soleat desinere, Cæsaris autem opè, pro temporis illius conditione egeret, Joannem Rozgonium Viennam, quo Imperii Principes ad conventum vocati erant, misit, ut auxilia apud eos contra Turcas sollicitaret, re autem ipsa, ut Cæsari conceptam de se opinionem, captata occasione, eximeret. Cum id frustra tentasset, ipse rogatu Principum veniens, eorundem opera Cæsari conciliatus est. Sed altius utriusque animo suspensiones inhæserant, quam ut tam subito evelli possent. Cæsar enim, soluto conventu, *Łosczyńskium*, aulæ familiarem ad Casimirum misit, qui commune foedus contra Mathiam conciliare niteretur. Diu anceps hærebat, quod Nuncius Apostolicus Mathiæ faveret. Dimisso igitur cum ambiguis responsis *Łosczyńskio*, ipse postea Legatos Viennam misit, qui has foederis condiciones proponerent: primum, Cæsar sibi, vel filio Maximiliano Hedvigem Casimiri filiam, hujus autem filio Wladislao Cunegundem Maximiliani sororem desponderet: dein ut Wladislao

**1470.** dislao ad obtinendam Bohemiam auxilio esset, & juri suo in eam renunciaret. Cum has Cæsar suis, & Casimirus, quas ille proposuerat, vicissim suis juribus in Hungariam, & Bohemiam adversari existimarent, tractatio utrinque abrupta est. a)

Non ita clam hæc agebantur, quin non indicium eorum ad Mathiam pertigerit, qui ut tot hostibus, Stephanus enim Vajvoda Moldaviæ rursus ad Polonos defecerat, par esset, de modo conquirendi sumtus necessarios sollicitus erat. Pontificum beneficio ducenta hæctenus aureorum millia in usum belli perceperat, & nunc quoque Pontifex se ei non defuturum significari curavit, sed, cum fero, nec tempori adesse posse videret, rursus indicto Budam conventu subsidium pecuniæ ab Ordinibus, contra quam pollicitus erat, flagitavit. Molestum id omnibus erat, quod bello Bohemico, Turcicum rebus Hungariæ convenientius, penitus negligi dolerent, itum tamen in regis vota fuit, et florenus auri ex omnium bonis, nemine, cujuscunque prærogativæ esset, aut quantalibet immunitate gauderet, excepto, imperatus, rursusque fides cum a rege, tum ab Ordinibus data, nunquam

---

a) Chron. Austr. apud Unrestum l. cit. pag. 565.  
Dlugossus l. 13. Gerard. de Roo, l. 8.

quam hujusmodi subsidium deinceps impetrandum esse. a)

1470.

Hoc impetrato, confestim Moraviam ingressus, in Silesiam movit, ut Henricum Podiebradi filium, qui, se absente, secunda contra Hungaros fortuna usus erat, reprimeret. Hoc cum clade rejecto, Podiebradium, qui irruptionem in Hungariam minabatur, facta in Bohemiam impressione, ab Hungaria reflexit in Moraviam, ubi, castris opportuno loco positis, uterque confitere, & cum neuter fortunam prælio experiri vellet, de pace actum. Conditiones erant: Rex, quæ hactenus in Moravia, & Silesia occupasset, restituat; de damnis vero utrinque illatis, & acceptis, Principes Imperii judicium ferant: si venueret, uterque vel singulari certamine, vel universis copiis congredierentur. Mathias, ut litis arbitrium ad Principes Imperii, quos Podiebradio favere constabat, differretur, omnino negavit, singulare certamen, sed more Hungarorum, equestre se quidem initurum, universis autem copiis, si opportunum sibi visum fuerit, congressurum, respondit.

---

a) Decretum hujus an. & nondum Cod. jur. patrii insertum, exhibet Pray, Par. IV. pag. 61. ex biblioth. Cæs. Viennen. sumtum autem ex autogr. exstat apud C. Ign. a Batthyán Legg. Eccles. Tom. I. pag. 508. Dogiel diplomatar. Pol. Tom. I. pag. 603.

dit. a) Itaque negotio, ut facile provideri poterat, infecto, Podiebradius Pragam, Mathias Znomyam, discessere.

1471.

VIII. Hoc loco utriusque æmuli res erant, cum Pontifex, ut regem in prosequendo bello Bohemico confirmaret, pileum, & ensen sacratum, per Gabrielem de Verona, eidem transmissit, additis decem, & octo aureorum millibus, quæ ut regi magis, quam pileus cum ense, necessaria erant, ita tempori quoque valde opportuna. Nam & domi novos motus clam serpere, admonebatur ab amicis, & in Silesia ob deteriorem, quam cudi fecerat, monetam, multorum animos sensim a se averti expertus est, in Polonia quoque quiddam in se agitari, rumor non inanis erat. His molestiis ut se expediret, clam cum aliquot Bohemiæ Proceribus, quos sibi largitionibus conciliaverat, per internuncios, de pace cum Podiebradio ineunda egit; conditiones has proponi iussit: Podiebradius regnum ad diem vitæ retineret, post mortem vero ei Mathias succedat, qui Victorinum e custodia dimissum, Silesiæ Ducem, & Marchionem Moraviæ renunciabit, cui, si Mathias sine legitimo hærede obiret, æquum cum fratribus in Bohemiam jus esset. Videbantur Podiebradio non aspernandæ, delecti utrinque arbitri, qui *Polnæ* in Cšaslaviensi provincia,

ad

---

a) Balbinus I. cit. in notis ad lib. 5. c. 10. D.

ad deliberandum convenirent. Bohemi in Mathiam non obscure propendebant, nec eos, qui Pragæ eandem ob causam conventum habebant, dissensuros apparebat, cum Legati ex Polonia, & mors Podiebradii, quæ XXII. Martii consequuta est, spes Mathiæ succidit. Cum morte Podiebradii, alia rebus facies inducta. Utraquistsæ, qui se Pragæ non satis tutos existimabant, ut Comitia Cuttenbergam transferrentur, petebant, & obtinere. Huc Mathias, qui cum exercitu Iglaviam venerat, suos quoque Oratores misit, qui jus suum in Bohemiam tuerentur. Hujus causam Legati Cæsaris quidem commendabant, sed jus quoque Domus Austriacæ in Bohemiam salvum, & illibatum esse volueret, ceteri Oratores suis quique dominis, quorum nomine adfuere, studebant. Ex his, cum ad suffragationem ventum est, quidam Albertum Saxonem, plures Mathiam, pluri mi denique Wladislaum, Casimiri filium, elegere. Huic illud præcipue favebat, quod ex Ladislai posthumi sorore, & regio sanguine editus esset, pater autem illius, non longe Cuttenberga, in limitibus Silesiæ, cum copiis excubaret.

Pontifex electionem hanc graviter tulit, quod præ Polono Mathiæ faveret, & hic non tam neglectum se, quam spretum dolens, vastata ea parte Bohemiæ, quæ Moraviæ vicina est, in Hungariam rediit, & quamquam iterum

**1471.** iterum ab amicis moneretur, clancularias coitiones, quæ nihil pacati videantur polliceri, per sui absentiam esse frequentatas, his tamen malo suo leviter contemptis, & animo toto ad retinendam Bohemiam intentus, Oratores Ratisbonam ad comitia misit, qui jus suum isthic contra Wladislaum tuerentur, & si pro temporis, animorumque habitu visum fuerit, etiam auxilium adversus Turcas sollicitarent, ipse celebrato interea Budæ conventu, multa, quæ in prioribus non satis declarata videbantur, ex Ordinum consensu secundis curis cognovit, inter quæ illud quoque constitutum, ne Rex bona eorum, qui criminis postulantur, suo arbitrio, neglectoque juris ordine, in fiscum redigat, neve tributa præter morem imperare velit. *a)*

Utrumque enim ob sumtus in bella faciendos, ei fere jam familiare erat, quod ipsum multorum animos ab eo sensim alienavit, quod rem publicam suo magis arbitrato, quam ex legum præscripto, administraret, ac pri-

---

*a)* Cod. jur. patr. Tom. I. pag. 221. Raynald. ad hunc an. Epist. Mathiæ Par. II. pag. 87. sed male ad an. 1465. Dlugoss. l. 13. Pessina in phosphoro septicorni radio 3. Sommersberg diplom. Tom. II. pag. 83. & script. rer. Siles. pag. 351. Campani epist. apud Pray, Par. IV. pag. 72. Balbinus rer. Boh. l. 5. c. 11. Gerard. de Roa l. 8.

privatim inter se coeuntes, consilia de illo exauctorando, subrogandoque eidem Polono, agitabant. Auctor factionis, Joannes Strigonienſis archiepiſcopus, ex Varadienſi ad eam ſedem traductus, cujus opera Mathias in diſſicillimis rebus alias feliciter uti ſolebat, fuiſſe fertur, qui, poſtquam plures etiam primi ordinis viri in eandem cum eo ſocietatem coaluiſſent, clam miſſis ad Caſimirum nunciis, filium illius Caſimirum, a potiori nationis parte regem Hungariæ optari, eidem ſignificavit. Hæſit primum pater, non ignarus, quam temporaria factioſorum voluntas, & ſtudia eſſe ſoleant, poſt tamen identidem rogatus, filium cum duodecim equitum, & pedum millibus, fortunam tentare permiſit, non tam eo animo, quaſi felicem rei exitum ſperaret, quam ut Mathiam, conſecto ei apud ſuos negotio, a Bohemia averteret, hujusque poſſeſſionem filio Wladislao firmaret. Aberat per id tempus Mathias in Moravia, cum a Canonicis Strigonienſibus de periculo admonitus, celerrime revolavit, captataque ſuorum benevolentia, & ampliſſimis promiſſis, non paucos ſibi concilians, Nicolaum Cuſporium præmiſit Caſſoviam, tum datis in Moraviam mandatis, partem copiarum in Hungariam accelerare juſſit, & proventus archiepiſcopi, ne hoſtis hoc nervo uti poſſit, in fiſcum redegit. a)

Hi

---

a) Bonfinius Dec. 4. l. 3.

1471. Hi Mathiæ ad accipiendum hostem apparatus erant. Casimirus vero interea Cracoviæ litteras feciales, hoc titulo: *Mathiæ de Hunyad, regni Hungariæ usurpatori*, inscriptas, vulgavit: in his jus suum in Hungariam, primum a matre Ladislai posthumi sorore, & Sigismundi nepte, declarat, dein queritur, regnum a Mathia, non tam libera electione, quam factione paucorum, armisque violente occupatum, nec secundum Nationis instituta, sed arbitrarie, & superbe hactenus gubernatum esse, proculcatas ordinis Ecclesiastici, Nobiliumque immunitates, neglectam justitiæ administrationem, & populum propter bella, quæ, confecta cum Turcis pace, in Christianos, studiose captata occasione, moveret, crebris exactionibus pene ad incitas redactum, his de causis se adductum, ut ei tamquam usurpatori, & his, qui illius partes tuerentur, bellum indiceret. a) Credibile est, has

a) Exemplar litterar. Germanicum exstat in biblioth. Cæs. Vien. inter Codd. Mss. hist. prof. Num. 234. fol. 26. item inter juris civil. N. 84. f. 25. Finis earum hic est. *Darumb dir herr Mathias vom Huniad, ein zugebrungener Kunig, und herscher, und deinen helffern, die dir mit rath, hilf, oder tadt beistand thuen, hindan besondern, und absagen durch diesen unsern brief, nicht dem Kunigreich, noch den*

Præ-



has causas adolescenti, rerum harum ignaro, & aliquas fortasse, non injuria, a factionis suggestas fuisse. 1471.

Litteris divulgatis, ex Polonia movens, præterita Cassovia, Agriam, & inde Hatvaninum venit, sed, cum hic pauciores, quam a factionis promissum erat, ad signa videret confluere, Nitriam secessit. Huc eum Mathias cum veteranis consequutus est, cujus adventu territus, imposito arcis valido præsidio, in Poloniam rediit. Arcem Mathias ob ingruentem hyemem obsidere non potuit, sed archiepiscopi Strigonienſis oppida, & villas in vicinia sitas, vindictæ studio abreptus, ferro, & igne vastari imperavit, parum memor, damna populi, non tam hujus, quam regum, esse. Postquam ira deferbuit, rursus interven-

tu

---

*Prælaten, oder Herren darin wonenden, der du dich dann hochfertiglich zu regiren unterwunden hast, sondern den, die dir hilf, oder beistand thuen, und setzen uns wider dich zu einem rechten feind, und sagen dir offentlich ab mit heer, und mit allen unsern leuten, mit rechter Krafft wider dich, und alle, die dein, zu aller widerwertigkeit zu seyn. Dazu woll uns Gott helfen. Geben zu Krakau im LXXI. Jahre. Latinas autem exhibet Dogiel, Tom. I. pag. 61. & Katona Tom. XV. pag. 496. Conf. Blugos. l. 13. & Cromerum l. 27.*

**tu** Episcoporum, & Magnatum, rediit cum  
 1471. eo in gratiam his pactis utrinque constitutis:  
 Archiepiscopus neminem, nisi Mathiam, regem agnosceret, eique consilio, & auxilio contra quoslibet hostes aderit, castra sua tradet fidis, probisque Hungaris, qui regi simul sacramento obstricti sint, & hominibus regis, quoties opus fuerit, ad ea liberam aditum præbeant. Dabit præterea operam, ut arx Nitriensis; a Polonis infessa, quantocius restituitur, Sexardiensem vero funditus dirui jubebit, nec alias deinceps audeat exstruere; rebelles non fovebit, quin contra hos fideliter regi assistet. Hic autem vicissim non solum proventus interceptos archiepiscopo restituet, sed, si quæ interea cognatis illius ablata essent, hæc novo judicio cognosci jubebit, jura, jurisdictiones, & immunitates, quas Pontifices, & reges Hungariæ Strigoniensi Ecclesiæ tribuissent, illibatas servabit, & septem aureorum millia, quæ mutui nomine ab eo acceperat, ad futurum verni jejunii tempus rite persolvet; denique, ne posthac ulla simultatibus occasio detur, rex promittit, se obviis delationibus contra archiepiscopum, nequaquam fidem habiturum, nisi idoneis testimoniis fulciaatur, tum vero integrum erit, illum, salva tamen ejus persona, judicio secundum leges convenire. a) Ita Poloni sen-

sim

a) Factorum leges vide apud Pray, P. IV. pag. 65, & seq.

in Hungaria exacti, Nitria tandem restituta, & conjuratio, quæ per omnes, si novem demas, Comitatus late diffusa fuit, celeritate regis suppressa est. a)

IX. Quamquam autem conjurationis auctor, intercessionem aliorum, regi conciliatus esset, anno tamen sequente, incertum, quæ offensionis causa fuerit, ejusdem jussu Vilsgratum ductus, & arcta custodia servatus est. Tam subita regis mutatio plerosque attonitos reddidit, metuebantque, ne rex gravius aliquid in eum constitueret, cum Legatus Pontificis cum Episcopis, & regni Primatibus de modo placandi regis consultabat. Visum omnibus, ut interposita Pontificis auctoritate cum eo ageret. Morem gessit, & capto molliori tempore, tandem, quamvis ægre, persuasit, ut captivo ignosceret, sed conditiones prioribus gravioribus, & hujusmodi fuere: Dimisso ex captivitate, fas sit in castro Strigonienfi cum XXXII. famulis, episcopo Agriensi juramento obstrictis, morari, & castrum in potestate Agriensis, jurisdictio autem Ecclesiastica archiepiscopo, libera esset, possit præterea villis, & possessionibus suis, excepto Strigonienfi dominio, quoscunque vellent, præficere, quorum quatuor, sexve, aut pluribus, verum sine armis, dominum suum adire in castro liceat, quod, ut primum pax cum Polo-

E e 2

ne.

a) Bonfinius Dec. 3. l. 2.

1472.

no confecta fuerit, eidem reddetur, eo tamen pacto, ut Præfecti arcis eadem fide regi, qua Archiepiscopo, obstricti sint, si vero interea Archiepiscopum mori contingat, Strigoniense, cum reliquis castris, regi, sin hic prior obiret, Archiepiscopo in solidum restituentur. a) Captivitatis igitur locus ei solum mutatus, non item libertas penitus redita est, tametsi nec hac, qualicunque, eodem anno ex moerore animi extincto, diu frui licuit. Vir, si ultimus vitæ actus primis respondisset, cum ob admirabilem, qua prædictus erat, doctrinam, scientiarumque per regnum propagationem, tum usu rerum obtentam facilitatem expromendi difficillimo etiam tempore consilii, inter primos ævi illius viros locandus, qui ad retinendum vitæ inculpatæ tenorem, vel in principio, cum de Mathia eligendo agebatur, regii sanguinis rationem habere, vel hoc jam electo, non temere in Polonum inclinare debebat, regibus enim, seu hæreditatis, seu electionis jure, regna obtineant, fides sacramento semel adstricta, semper illibata servanda est. b)

Complanata cum Archiepiscopo lite, rursus Conventum Budæ cum regni Ordinibus

---

a) Document. exhibet Pray, Part. IV. pag. 84. & Katona Tom. XV. pag. 554.

b) Elogium viro huic a Galeotto tributum, vid. apud Pray Hierarch. Hung. Par. II. pag. 182.

bus habuit. a) Inter leges, quas in eo ratas esse iussit, b) mirum est, nullam in conjunctionis participes constitutam fuisse; incertum, an auctore illius castigato, putarit in reliquos conniventia utendum, ut ipsa expectatione suspensos in metu contineret, an Legatus a Casimiro ad conciliandam pacem missus in causa fuerit, ut ab habendis in eos quaestionibus abstineret. Legato liberaliter accepto, adjunxit ex suis, qui cum eo deliberarent, nihil tamen effectum aliud, quam ut conditionibus, quæ paci futuræ quasi viam præsternerent, stabilitis, Olomucii ad hanc conficiendam statuto tempore convenirent, etsi postea, quam Marcus Barbus Cardinalis Aquilegiensis a Pontifice ad conciliandum

E e 3

utrum-

a) Decreti hujus dat. est: in festo BB. Philippi, & Jacobi, Apostol. 1472. primum illius indicium fecit Pray, Dissert. de sac. dextera S. Stephani regis pag. 31. integrum exhibet Katona Tom. XV. pag. 562. Hoc quoque in corp. jur. patrii desideratur. Illud in eo peculiare, ut Comititia secundo quovis anno celebrentur, nullo tamen, quamdiu durare debeant, tempore constituto. Post dat. Decreti hæc adduntur: & item, *quod nos de cetero in medium regnicolarum nostrorum, aliquam taxam ipsis invitis non imponemus. Dat. ut supra.*

b) Numero 15. sunt, quod indicio est, Comititia brevi absoluta fuisse.

**1472.** utrumque regem missus, Nissam præ Olomucio, ad habendum Conventum, deligendam censuerit, prius tamen, quo animo Mathias esset, explorare volens, Leonardum de Perusio Budam proficisci iussit, qui in comitatu Joannis Tininiensis Episcopi remissus, cum partum æquas condiciones afferret, spes pacis hoc quidem anno evanuit. a)

**1473.** Nec sequente, dum ad IV. Nonas Februarii Nissæ convenisset, res feliciter tentata, Novem utrinque arbitri ad mensem Aprilem confederant, & Mathias in omnem eventum cum quatuor millibus ad Brunam excubabat, non eo tamen, quem sperabat, rei successu. Hungari Hedvigem Casimiri filiam, regi suo sponsam cum Scepusio, & Moravia, dotis nomine, petebant, negarunt contra Poloni, qua repulsa irritatus, Victorinum ea conditione libertati restituit, ut se regem Bohemiarum agnoscat, & Colinum urbem sibi cingnet, ut hac occupata, impositoque mille equitum, & DCCC. peditum præsidio, montes Cuthnenses occupare, & interceptis fodinis, nervum rei gerendæ Wladislao adimere posset, qua hostilitate tractatio pacis tantisper interrupta, mox hortatu Legati Pontificii resumpta est, & condiciones, in quas condiceretur,

a) Dogiel Cod. dipl. Polon. Tom. I. pag. 63. — 65. Raynald. ad hunc an. Dlugosz. I. 13. Gerard. de Roo I. 8.

tur, in medium propositæ; erant autem hujusmodi: Uterque Rex Bohemos fidelitatis juramento solvat, ut liberior illis eligendi regis potestas esset; damna tam Hungariæ, quam Poloniæ illata ex æquo utrinque pensentur, Poloni præsidium *Sztropcovia* deducant, & captivi liberi dimittantur; arbitrium vero Duci Burgundiæ, vel, si hic nollet, aut moreretur, regi Galliæ deferatur. Mathias, qui Cæsarem cum Casimiro fœdus contra se, clam inire velle, comperit, ne sibi tot hostes conscisceret, non ægre his assensus est, & cum plures in Bohemia ex Magnatum ordine sibi addictos sciret, facile in Conven- tum Oppaviensem, serius postea habendum, in quo de pace transigenda serio ageretur, condixit; verum ex hoc quoque re infecta discessum, quod acephali, erant hi Hulsitarum reliquiæ, Polonis conjuncti, prædas, & latrocinia in Hungaria agerent, in quos Rex celeriter profectus, expugnatis eorum latibulis, ac plerisque trucidatis, Poloniæ infusus *Smigrodo*, *Brodeco*, aliisq oppidis, & castris occupatis, magnam captivorum copiam abduxit. a) Hac impressione in hosticum facta, 1474. negotium conciliationis, utroque rege tot depopulationum, quas sibi alternis inferebant, pertæso, acceleratum est. Arbitri utrinque

E e 4 de-

a) Raynaldus ad hunc an. Dlugossus l. 12. Cremerus l. 28.

1474.

delecti in antiqua villa, oppidum Scepusii est, convenere. In ipso tractationis limine constitutum, ne ullus paciscentium suos, prædandi causa ex uno in aliud regnum sinat procurrere, transgressores utrique puniant, res ablatae reddantur, privatorum querelas, secundum juris normam partes component, & de injuriis satisfacient; militi retenta stipendia præbeantur, si quid gravius intercurreret, arbitri, prisco more servato, dirimant. Hæc generatim, tum ad alia singulatim ventum: castrum *Smigrodum*, suo domino, & *Musina*, Episcopo Cracoviensi, restituantur; damnorum utrinque illatorum cognitio in annum sequentem prorogetur; Vajvodæ Moldaviæ, & Valachiæ inducias biennio servent, de regum jure in utramque provinciam ut futuro anno in conventu instituendo agatur, utrinque conventum, interea neuter Vajvodis bellum inferre promittent; & pignus XIII. oppidorum Scepusii, ut a rege Sigismundo pactis conventis statutum erat, deinceps quoque ratum, firmumque sit. Visum est, Wladislaum etiam huic foederi innectere: cum hoc induciæ in triennium confectæ, intra quod si alter alterum bello impeteret, nec Hungari Mathiam, nec Wladislaum Bohemi juvabunt, & uterque Bohemos suæ parti addictos in officio continebit, ne quis autem excusationi fucum possit prætexere, concordie sententia utrinque statutum, ut induciæ  
per



per Hungariam, Poloniam, & Bohemiam divulgentur. a) Hæc mense Februario acta. 1474.

Induciis constabiliis, novi apud Transilvanos motus concitati, qui, sparsa de morte regis mendaci fama, jugum excutere, & ad Polonos secedere parabant, quos tamen, quoniam seditio ad paucos pertinuit, misso in provinciam milite, ad obsequium reduxit, qua occasione, suo nuncio, quem in Moldaviam proficisci jusserat, speciatim in mandatis dedit, ut cum Vajvoda de ratione belli, si id a Turcis alterutrius ditioni ingrueret, diligenter agat, & quæ mens illius sit, ad se referret, Mahometes enim victo in Asia *Usumcasano*, vires suas in Europam traducturus, & bellum non tam mari, quod Veneti infestum tenebant, quam terra, moturus ferebatur, qui si Hungariam, ut metus erat, impeteret, regni Ordines jussu regis apud Silesios absentis, habito serius postea conventu, florenum auri viritim imperarunt, sed contra Turcas solum, non item alios hostes impendendum, hactenus enim subsidia, nullo regni emolumento, in bellum Bohemicum erogata constat.

- 
- a) Sommersberg diplomat. Boh. Siles. Tom. I. P. II. pag. 83. 84. Litt. Georgii Præpositi Quinque-ecclesien. dat. in Kezmark d. lun. ante carnisprivium 1474. ex Cod. Ms. hist. prof. N. 234. f. 14. bibl. Cæs. Viennen. Dogiel Cod. diplom. Pol. T. 1. P. 2. pag. 68. — 73.

1474

stabat, ne autem hoc onus, symbolam conferentibus, grave accideret, lucrum Camerae in duos annos relaxatum est, cautumque, ne Hungari contra alium hostem, quam Turcas, intra anni spacium, militiam profiteri cogantur. a)

Dum in hanc partem curas suas Rex convertit, alia ei clandestinus hostis parabatur. Casimirus, licet pacem cum Mathia XXI. Februarii pepigerit, mense tamen nondum elapso, Legatum suum ad conventum Norimbergensem misit, ut cum Cæsare foedus clam contra Mathiam iniret. Facile Cæsar, in hunc alioquin non optime animatus, ad commune bellum ei movendum adductus est. Causa, præter crebras vastationes utriusque ditionibus ab eo illatas, præcipua ex eo capite petebatur, quod dissimulatione sua, Turcas, per Croatiam sæpius in Stiriam, & Carniam irrumpere, & irreparabilia damna inferre passus esset, ideoque, ne pluribus injuriis se, suosque deinceps afficiendos præbeant, commune inter se foedus, his conditionibus, pepigere: Ut uterque, bello Mathiæ, hujusque fautoribus, decreto, copias ad diem XXV. Julii expeditioni paratas habeat, neuter, inconsulto altero, pacem, vel inducias cum illo,

---

a) Cod. jur. patr. Tom. I. pag. 225. Litt. regis d. 22. Oct. Bud. apud Baluzium Miscell. Tom. I. pag. 502.

lo, vel ejus sociis, ineat, &, si qui ex Hungaris ad alterutrum deficerent, hos quisque pro virili sua tueatur. a) Si Dlugosso fides, b) modus præterea gerendi belli is constitutus fuit, ut quadripartitis copiis, eodem tempore Cæsar ex Austria, ex Bohemia Wladislaus, Casimirus vero ex Polonia, & Vajvoda Valachiae ex parte Transilvaniae, in Hungariam moverent.

1474.

Mathias, cum fœderis hujus indicium ei ex Germania factum esset, Casimiri quidem inconstantia vehementer offensus fuit, in Cæsarem tamen magis excanduerat, ut adeo iram in illum conceptam, non nisi cum morte poneret. Urebat illud quoque ejus animum, quod, cum Casimiri filiam sibi desponderi petierat, ab hujus matre, ob ignobilitatem generis, illa indignus haberetur, qua repulsa irritatus, jam antea, misso Neapolim Georgio Quinque-ecclesiensi Præposito, & Nicolao de *Alsolindva*, Beatricem, Ferdinandi Siciliae regis filiam, ambierat, & nunc quoque eodem, addito socio Joanne de Rabenstein Præposito Vissegradiensi, ad Ducem Mediolanensem, ut hunc sibi contra Cæsarem conciliarent, proficisci jussit, c) cui ut in Ger-

ma-

a) Dogiel. I. cit. Tom. I. pag. 164.

b) Hist. Pol. I. 13.

c) Litt. regis dat. Budæ in fest. Pentecost. 1474.  
Legationes adiit (Nic. de Alfo Lindva,) &  
præ-

**1474.** mania quoque negotium conficeret, Fridèricum Palatinum, nuper hostem Imperii a Cæsare declaratum, præterea sibi adjungendum putabat. Nec hostibus solum Cæsari exadversum parandis contentus, molitiones quoque illius volens antevertere, Austriam, & Bohemiam incursionibus cœpit lacerare, Vratislaviam deinde profectus, Ernestum Saxonem, collato in feudum Ducatu Saganensi, hujusque fratrem Albertum, & utriusque patruelem Wilhelmum sibi conciliavit, quorum confœderatione, &, quas ex Hungaria adduxerat, copiis, parem se Calimiro futurum existimabat.

Nec hic ex pacto cum Cæsare inito, diu moratus, cum LX. millibus Silesiæ appropinquans, circumlata vastitate, Mathiam, ut hostem delassaret, prælium studiose directantem, Vratislaviæ circumfedit. Aderat patri Wladislaus cum Bohemis, vario Marte utrinque toto Octobri, & fere Novembri certatum, donec Polonos annonæ, & pabulationis defectus, ipsaque hyemis inclementia, &

mor-

---

*præcipue duas — pro nobis, & regno, primam cum R. D. Georgio Præposito Quinque-ecclesien. ad serenissimum Principem Ferdinandum, Regem Siciliæ, alteram cum Ven. Joan. de Rabenstein Præposito Vissogradiensi ad Ducem Mediolani, — unde juxta votum nostrum optatas reportavit relationes.*

morbi in exercitu grassantes, pacem petere 1474-  
cogerent. Convenere reges in aperto cam-  
po, & XXI. Novembris, inducias in sesqui-  
alterum annum pepigerunt. Mathias, ut ho-  
stem etiam humanitate vinceret, inedia pene  
tabescenti annonam triduo large administrari  
iussit. a)

X. Induciarum tempore, ambo reges ad 1475.  
conciliandam inter se pacem, animum adje-  
cere, delectis utrinque ex sua Natione arbi-  
tris, qui Pragæ, quod æquitati consentaneum  
videretur, communiter decernerent. Aderant  
Hungari mense Februario, conditiones utrin-  
que ad deliberandum propositæ; crebroque,  
ut sit, mutatæ, donec in hæc tandem capita  
coaluissent: Wladislaus Bohemiam cum utra-  
que Lusatia, & in Silesia, Ducatus Svidni-  
censem, & Javoriensem, Mathias contra re-  
liquam Silesiam cum Moravia, tenerent, qui si  
sine hærede obiret, Silesia, & Moravia suo-  
pte ad Wladislaum devolventur, sin autem hæ-  
redem reliquerit, huic Wladislaus pro utra-  
que provincia, CC. florenorum millia per-  
solvet, eademque vicissim, si Wladislaus im-  
prolis moreretur, conditionum ratio esset. b)  
Actum de his postea etiam fuit Brunæ Ma-  
thia

a) Dlugossus l. 13. Cromerus l. 31. Curei annal.  
Siles. ad hunc an. Raynald. ad hunc an. Müller  
Staatskabin. Par. III. c. 1. §. 13.

b) Dlugossus l. 13.

~~1475~~ thia præsente, sed quod illi non satis æqua  
 1475. provinciarum partitio videretur, negavit, se  
 conditionibus subscripturum, nisi Pontificis,  
 eorumque, quibus fœdere conjunctus erat,  
 sententiâ prius exploret, re ipsa autem, quo-  
 niam intellexerat, Legatos ab Wladislao ad  
 Cæsarem mitti, moram quærebat, ut ipse  
 suos quoque Andernacum, ubi conventus  
 Imperii agebatur, mittendi tempus haberet.  
 Causa Legationis utrinque eadem fuit. Cæ-  
 sar enim, quamvis Wladislaum regem Bo-  
 hemiæ agnosceret, feudum tamen ei hacte-  
 nus non contulerat, hinc Mathiæ, quod prior  
 illo a Bohemis electus esset, hujus obtinendi  
 spes oborta est, præsertim, quod octennio  
 abhinc id sibi conferendum Cæsar promississet,  
 a) & nunc eidem auxilium contra Burgundiæ  
 Ducem per Legatos suos offerret. Interæa  
 autem, dum hi cum responsis Andernaco red-  
 eant, comitia ad XXIV. Aprilis Budam edi-  
 xit, ipseque, ut his interesset, Brunæ non diu  
 moratus, in Hungariam rediit. Quid in his  
 actum, quæ leges conditæ fuerint, nusquam  
 hactenus vulgatum est, videtur tamen res  
 præcipue expeditionem in Turcas spectasse,  
 ex quibus Vajvoda Moldaviæ sub initium hu-  
 jus anni insignem victoriam retulit. Solutis  
 enim Comitibus, in Serviam cum decem mil-  
 libus contendens, Szabacsum, ex quo Tur-  
 cæ

---

a) Recole, quæ ad an. 1468, Nr. VI. dicta sunt.

ca crebro prædas in Sirmio, & Sclavonia agebant, obsidione cinctum, in potestatem redegit, Szenderovia tamen, quod hostis subsidia, & comneatum adverso Danubio acciperet, incassum tentata, Budam reversus est. a) 1475.

Legati Andernaco interea reduces, dubia a Cæsare responsa afferebant. Non erant hæc quidem regi, qui occultas illius adversum se machinationes nosset, inexpectata, dissimulanda tamen putabat, alteri, quod jam in tertium annum Neapoli, per oratores suos agebat, negotio intentus. Acceperat ab his nuncium, sponsonem matrimonii cum Beatrice, eo jam adductam esse, incertum autem esse tempus, quo eam pater ab se dimitti velit, quod tamen tempori se significaturos receperant. Mathias his acceptis, Rudolphum Wratislaviensem, & Joannem Varadi- 1476.

- c) Car. Wagner diplomatar. Comit. Sarosien. pag. 128. Kaprinai hist. diplom. Par. I. pag. 309. Thurocz Chron. Par. IV. c. 67. Bonfinius Dec. 4. l. 3. Müller Reichs-Tag's Theater sub Friderico, Par. II. c. 67. pag. 693. exhibit litt. regis ad Imp. in conventu Andernacen. letas, in his ita: *dann das sie (die Polacken) öffentlich usschreyen, der Keiser wer mit yn verbunden und irer Rothe aller deylhafftig &c.* Raynaldus ad hunc an. Litt. regis an. 1477- apud Pray Dissert. 7. in annal. pag. 148.

**1476.** radientem, Episcopos, monuit, ut, cum eis indicatum fuerit, itineri, ad deducendam sponfam, accincti essent, simul Cæsarem, aliosque Principes, ut nuptiis adesse vellent; per Legatos invitavit.

In medio hoc apparatu Joannes Archiepiscopus Strigonienfis, quod ortu Silesius esset, *Alemannus* dictus, convafatis thesauris, ad Cæsarem defecit, spe consequendi Archiepiscopatus Salisburgenfis illectus. Id Mathiæ suspicionem ingessit; transfugam consilia, quæ clam in aula agebantur, Cæsari prodidisse, ac propterea litem Bohemicam, licet sæpius jam fere terminanda fuerit, nunquam felicem exitum habuisse. Hinc nova inimicitiarum inter utrumque causa orta est, quæ paulo post celebratas nuptias in apertam prorupere. Erat pompa nuptiarum, ad quas fœderati Principes, Legatos suos miserant, incredibili magnificentia, & splendore apparata. Beatrix, post peractam mense Octobri Albæ coronationem, pactamque, ex ritu Ecclesiæ, fidei conjugalis sponfionem, Budam deducta est, ubi reliquum, quod supererat, anni tempus, inter cœnationes, saltatus, & hastiludia transactum, cum Turcæ interea, subornante Vajvoda Valachiæ, facta in Moldaviam irruptione, provinciam pene omnem subegere, facileque retenturi erant, nisi Rex Stephanum de Bathor mature hosti occurrere jussisset, qui collectis per iter copiis, ac-

ceptis-



ceptisque ex Transilvania supplementis, Turcas improvise aggressus, eo fere tempore, quo illi provinciam occuparunt, ex eadem eiecit, & Vajvodæ Valachiæ exauctorato, alium regis nomine subrogavit. a)

Turcis Moldavia exactis, inimicitiae, quæ inter Cæsarem, & regem jam diu glisciebant, tandem in apertum prorupere. Occasionem præbuerat, feudum Bohemiæ Wladislao a Cæsare collatum. Mathias, qui tot sumtibus, & tot annis id ambiebat, promissumque a Cæsare habuit, spe illius obtinendi se repente dejectum videns, indignatione commotus, pridie Idus Junii, bellum ei denunciavit, causas, cur id faceret, vulgatis literis declarans. b) Similes ad Ordines Austriæ, & Principes Imperii dederat. Cæsar, ut invidiam a se amoliretur, vicissim in Hungariam ad regni Ordines scripserat, & belli cau-

a) Dlugossus cit. l. 13. Litt. regis an. 1477. apud Pray cit. Dissertat. 7. in annal. vet. pag. 148. Pompam nuptiarum prolixè describit Legatus Comitis Palatini, qui iis interfuit, Tom. I. Script. rer. Hung. edit. Schwandtnerianæ pag. 519.

b) Exstat in Tabular. Domus Augustæ, Königs Mathiæ, Fehde und Abfagsbrief an Keyser Friderich III. und dessen Erblande. Ofen Pfingstag vor St. Veit. 1477.

causas in Mathiam conjecit, simul a Casimiro, Wladislao, & Imperii Principibus, auxilia flagitabat. Mathias prius, quam hæc mitti possent, cum Australes Cæsari insensos, sibi autem addictos sciret, cum XVII. millibus in Austriam movens, primoque impetu, Trautmonsdorfio, & Petersdorfio occupatis, metum toti viciniae adeo incusserat, ut una die urbes XIV. se ei dediderint; præterita deinde Vienna, Claustro-neoburgum assultu cepit, Tulnam septem, & Corneuburgum decem dierum obsidione subegit. Hic stationem figens, partem copiarum Cremsum, & Zwetlam misit, & Viennam commeatu interclusit. a)

Cæsar, qui per id tempus ad despondendam filio suo Maximiliano Mariam, Caroli Audacis Burgundiæ Ducis filiam, a pluribus, præsertim Ludovico Galliæ rege, pro filio suo Carolo prensatam, cogitationes suas converterat, ne ditissimæ, & rebus Austriacis ob Alsatiae viciniam, opportunæ provinciæ, in Gallorum potestatem venirent, viresque suas, si opus esset, in Belgium posset traducere, Legatos ad regem misit, qui eum ad ineundam pacem flecterent. Non abnuvit, domestico, Turcæ enim in Sclavoniam interea irruperant, periculo admonitus, & inducias XV. dierum

in-

---

a) Linck annal. Clarævallen. ad hunc an. Conf. Pray P. IV. pag. 113.

indulſit, intra quos de conditionibus velut præviis ad pacem ageretur. Itaque celebra- 1477.  
to Gemundæ congreſſu, in hæc capita utrin-  
que conventum: Mathias induciarum tempo-  
re, nihil hoſtile in Auſtria, & Stiria tentabit,  
nec equitatum ex caſtris, niſi pabulationis  
cauſa, emittet; Hungari ad Cremlum eodem,  
quem occuparunt, loco, ſine maleſicio urbi  
inferendo, perſiſtant, Viennam, qua parte obſeſ-  
ſa eſt, nihil interea commeatus inferatur, op-  
pida bello capta, induciarum jure fruantur,  
Cæſar denique cum ſuis ultra Laureacum  
regi ne appropinquet. a) Actum quoque eſt,  
ut Galeaciis, qui Ducatum Mediolanenſem in-  
vaſerant, exauctoratis, Fridericus, Ferdinan-  
di Siciliæ regis filius, vicaria poteſtate Du-  
catui præeſſet, & huic Cunegundis filia Cæ-  
ſaris deſponderetur, tum ut alter alterius pro-  
vinciarum vadimonium promitteret, & bel-  
lum contra Turcas communibus viribus ge-  
rerent. b)

Hiſ ſtipulatione mutua firmatis, ad pacis  
tractationem ventum. Regis nomine aderant,  
præter Gabrielem Agrienſem, & Joannem

F f 2

Va.

---

a) Cod. Ms. hiſt. prof. N. 224. fol. 35. Biblioth.  
Cæſ. Vienn.

b) Kollar auctar. Diplom. ad hiſt. Vrſini Velii  
ad an. 1477. & Cod. Ms. cit. Bibl. Vienn. fol.  
78. Litt. regis an. 1477. dat. in Corneuburg  
in feſt. B. Lucæ Evangeliftæ.

**1477.** Varadiensem episcopos, Emericus de Zapo-  
lya, Nicolaus Banfy de Lindva, & Georgi-  
us Præpositus Posonienſis. In principio tamen  
aliquamdiu hæſitatum eſt, quod rex CCC. flo-  
renorum millia pro belli impenſis peteret, id  
cum Cæſari exauctum videretur, rex dimi-  
dium illius, poſtea centum duntaxat ut pen-  
derentur, conceſſit. Hoc obſtaculo remoto,  
facile in has conditiones utrinque conſenſum:  
Pax inter Cæſarem, Ducesque Auſtriæ, & re-  
gem, ac utriusque ſucceſſores perpetua ſit,  
ille Mathiam filii, & hic Cæſarem patris lo-  
co habeat; alter alterius honori, & utilitati  
ſtudeat, abſtineant ſe ab inferendis ſibi inju-  
riis, ac maleficiis, amici & inimici ambobus  
communes erunt, fœderibus, quæ in alterutri-  
us damnum inita eſſent, uterque renunci-  
et, integrum tamen ſit regi, ea, quæ cum Pon-  
tifice, & ſuo ſocero Ferdinando ſanxiſſet, il-  
libata ſervare. Præterea, Cæſar Mathiæ *in-  
veſtituram* regni Bohemiæ, & Electoratum,  
eadem, qua Wladislao, forma conferet, qui  
his obtentis, copias ex Auſtria deducet, lit-  
terasque jurementum de collato ſibi feudo  
continentes Cæſari conſignabit, cui ſi propter-  
ea Caſmirus, vel Wladislaus bellum move-  
rent, rex omnibus viribus eidem auxilio ve-  
niet. De belli ſumtibus autem ita conven-  
tum, ut Auſtriæ utriusque ordines futuro an-  
no ad diem VI. Januarii Cremſium conveni-  
ant, obſtringantque fidem ſuam litteris editis,  
ſe

se quinquaginta millia die XI. Novembris, alia vero quinquaginta ad eandem diem sequentis anni persoluturos esse, quibus rite numeratis, rex quaecunque loca occupaverat, bona fide restituet. Additum quoque, ut Cæsar iis, qui ex Australibus regis partes sequuti fuissent, erratorum veniam imperiatur, hi autem eidem obedientiam, & fidelitatem præsentent. Hæc Corneuburgi ipsis calendis Decembris gesta. *a)* Sunt, qui hac pacificatione Cæsarem juri quoque in Hungariam, quod olim publicis Mathiæ, ac regni Optimatum litteris, pactisque conventis ei tributum fuit, renunciassse scribant. *b)* Sed, cum hujus tabulæ pacis nuspiam meminerint, & Cæsarem deinceps etiam titulo regis Hungariæ usum fuisse constet, *c)* quidquid id est, ad inanes suspiciones relegandum videtur.

XI. Constabilita pace, Cæsar Græcium profectus, die IX. Januarii litteris per omnes suas ditiones vulgatis, interposita pœnarum comminatione, suis præcepit, ut pacem servent,

*a)* Conventionis hujus leges exstant in Tabular. August. Vien. item Cod. Ms. cit. biblioth. Cæs. f. 79. ex quo hic desumptæ sunt. Vid. Pray P. IV. pag. 114.

*b)* Gerard. de Roo l. cit. l. 8. Michovius Chron. l. 4. c. 72. Cromerus l. 28.

*c)* Lunig Cod. dipl. German. Tom. I. pag. 467. Dlugos. l. 13. Bonfinius Dec. 4. l. 5,

1478. vent, neve ullam ejus turbandæ causam præbeant, & captivos gratuito liberos dimitterent, quod a Mathia quoque pari cura, & fide præstitum fuit. Sed, cum in amicitia armis extorta parum fiduciæ reponeret, futuri providus, curas omnes eo convertit, ne, si Cæsarem nupernæ pacis pœniteret, quidquam, quo eidem resistere posset, inprimis nervus belli, deesset. Quapropter regni Ordines pro Comitibus Budam mense Martio convocavit, quidve vellet, per internuncios indicari iussit. Illi, etsi præteritis annis, crebra pecuniarum exactione, se magnopere gravatos meminissent, communis tamen necessitatis causa se facturos declararunt, ut rursus florenus auri, sed junctim cum lucro Camerae, in usum publicum conferatur, quin tantundem quoque in quinque annos secuturos polliciti sunt, intra quos tamen Nobiles militiam profiteri ne cogantur, nisi ipse Rex contra Imperatorem, vel Sultanum Turcarum, aut Poloniæ, & Bohemiæ Reges, ac Præfectum Romaniae, exercitum duceret. a)

Dimissis, ex conventu, regni Ordinibus, tractationem pacis cum Wladislao, alias inchoatam, b) resumit, quæ si ex sententia conficeretur, expeditionem, quemadmodum triennio abhinc se facturum receperat, contra

---

a) Cod. jur. patr. Tom. I. pag. 227.

b) Conf. an. 1475. Nro. 10.

tra Turcas, qui jam in quintum annum, magno Croatiae detrimento, in Stiriam *a)* & Carnioliam solebant procurrare, parabat. Cum Wladislaus suo pte pacis prae bello cupidior esset, facile utrisque convenerat, ut Legatos suos Olomucium, ad hanc conciliandam, mitterent, qui, collatis inter se rationibus, quibus reges suos ad concordiam adduci posse, existimabant, in has conditiones unanimi voluntate conspirarunt.

Uterque Rex in jure hactenus acquisito, tamquam verus, & hæreditarius dominus permaneat, & titulo regis Bohemiae communiter utantur, eoque se in scriptis appellent, & a suis tales utrinque nominentur. Mathias, quæ in Bohemia, & Wladislaus, quæ in Moravia, utraque Silesia, & Lusatia, cum sex civitatibus adnexis, occupassent, mutuo sibi restituent, & incolæ novum fidelitatis juramentum suis quique regibus dicent. Si Mathias prior obiret, integrum erit Wladislao, ejusque successoribus, dictas provincias, numeratis quadringentis aureorum millibus, Bohemiae, sine impedimento, vindicare; si autem Wladislaum contingeret, Mathiae præmori, & hunc a Bohemis regem

F f 4

optari

*a)* Epist. Sixti Frisingen. Episc. fragmentum ad Georg. de Chemene, de reb. Turc. & Hung. d. Martis post Mathiae, ex Cod. hist. prof. Nr. 215. f. 39. biblioth. Cæs. Vienn.

**1478.** optari, Moravia cum utraque Silesia, & Lusatia, rursus cum Bohemia, cui ceteroquin vetustum jus in illas esset, coalescent. Alter quoque alteri, si injusto bello impetiti fuerint, auxilio erunt, res vero religionis, ut felicem finem obtineant, Mathias apud Pontificem suam operam locabit: postremo uterque Legatos suos ad diem XXV Novembris futuri anni Olomucium rursus ad habendum conventum mittet, ipsi autem reges in agro inter Olomucium, & Vniczovium sito ad firmandum foedus convenient, & de sarciniis damnis, quæ post inducias Wratislaviæ pactas, utrinque illata erant, captivis item liberandis, iisque, quæ vi fuissent occupata, restituendis, rationes inter se inibunt. a)

**1479.** Ad eundem conventum Casimirus quoque invitatus erat, ut concordia cum illo eadem opera iniretur, sed hæc, quæ tunc ob bellum Prussicum impedita erat, sequente primum anno coaluit. Utrumque eadem causa ad hanc accelerandam permovit. Veneti enim, qui XVI. annis bellum cum Turcis terra, marique gerebant, eosque a reliquis

---

a) Autogr. exstat in Tabul. aul. Vien. Dat. in præfata civitate Olomucensi, d. Lunæ in Octava S. Andreæ Apost. 1478. item apud Du Mont Tom. III, Par. II. pag. 61. Goldastum de regno Boh. in append. pag. 331. & Lunig. Cod. dipl. Germ. Tom. I. pag. 1530.



quis Europæ ditionibus arcere conabantur, præter omnium expectationem, separatim cum iis pacem composuerant, quæ ut primum vulgata fuit, magnas curas, metumque vicinis Principibus iniecit. Obtenta enim Scodra, & Tenaro, Laconizæ promontorio, cum Lemno insula, quas Veneti Turcis cedere debuerant, ingens porta his patefacta fuit, ut non solum per mare mediterraneum Italiam infestare, sed ex parte etiam continentis vires suas in Croatiam, Stiriam, & tandem in ipsa Romani Imperii viscera liberius, quam ante, possent convertere. Cæsari, qui tunc conventum Frisingæ habebat, suatum erat, ut, bona Mathiæ regis venia, aliquot Germanorum millia in Hungariæ finibus ad arcendum hostem collocaret, quod consilium tamen, incertum, quibus rationibus ductus, amplecti noluit. <sup>a)</sup> Mathias quoque sero errorem suum agnovit, dum bello Bohemico, & Austriaco occupatus, hosti proferendæ ditionis cupidissimo, spacium, moramque daret, ut carptis sensim ex utraque

<sup>a)</sup> Justinian. hist. Venet. l. 9. pag. 176. Joan. Verus rer. Venet. l. 3. Litt. Ducis Venet. ad Principes Christianos d. 25. Febr. an. 1479. Müller Reichs-Sagß Theater 5. Vorstellung C. 77. pag. 727. Adlzreiter hist. Boic. Par. II. l. 9. Nr. 32. pag. 198. Sanutus in vita Ducum Venet.

1479-

que Danubii parte, juris Hungarici provinciis, faciliorem sibi in Hungariam & Poloniam, irreparabili, ut ex eventu patuit, utriusque regni damno viam sterneret.

Id utrumque regem permovit, ut ad arcendas a suis ditionibus hostis progressiones de pace inter se concilianda serio cogitarent. Casimirus, cui bellum Prussicum jam oneri erat, amplectendæ illius alioqui cupidus, Legatos suos Budam proficisci idcirco iussit, qui cum iis, quos Mathias ex suis delegerat, has concordie leges utrique proposuerant: Mathias operam dabit, ut Nicolaus Tungen, cujus patrocinium ante biennium susceperat, se Episcopatu Varmienfi abdicet, eumque cum Culmensi permutet: similiter faciet, ut Magister Ordinis Prussici pacta, anno M. CCCC. LXVI. conclusa, majori, quam hactenus, fide observet, & uterque hæc confirmaturi, Casimirum adeant, qui illos, eodem, quo prius, gratiæ, & benevolentie loco habebit. a) His IV Nonas Aprilis utrinque firmatis, visum quoque est, conventum, in quem superiore anno pro XI. Novembris Olomucium cum Wladislao, conductum erat, occupare. Prior Vniczovium Wladislaus

ve-

---

a) Dogiel dipl. Polon. Tom. I. Par. I. pag. 77. additum fuit, ut de iis, quæ dirimenda superessent, in conventu Siradiæ ad fest. S. Martini celebrando, transigatur.

venerat, Mathias serius adfuit. Convenere  
uterque in aperto campo, & tribus horis 1479.  
privatim colloquuti, Consiliariis suis manda-  
runt, ut, si quid ad conciliationis capita,  
priore anno designata, addendum, mutan-  
dumve esset, inter se conferrent. Rata omnia  
habuere, conditiones solum quædam de  
quadringentis aureorum millibus sunt additæ,  
si Wladislaus, ejusque successores Moraviam  
cum utraque Silesia, Lusatia, & sex civita-  
tibus, a Mathiæ obitu, Bohemiæ rursus con-  
jungere vellent. Præcipuæ ex his fuere:  
Quoniam in dictis provinciis multa bona,  
quæ vetusto jure ad coronam Bohemiæ per-  
tinent, olim partim impignorata, partim  
variis nominibus alienata essent, si hæc Ma-  
thias, vel successores illius redimerent, ut  
summa pro his exposita, ad quadringenta au-  
reorum millia adderetur, interea autem, do-  
nec Wladislaus, aut ejus hæredes depactum  
precium rite exhibuerint, Mathias, & suc-  
cessores reges Hungariæ memoratas provin-  
cias pleno jure possidebunt, neque tamen  
his, illo defuncto, regis Bohemiæ titulo uti,  
nec ab incolis, tamquam earum provincia-  
rum hæreditarii reges essent, clientelæ sacra-  
mentum exigere, vel acceptare, fas erit.  
Tempus etiam, præmissa, ad exhibendam  
summam, monitione, unius anni constitutum,  
intra quod sex utrinque ex Prælatorum, &  
Magnatum ordine deligendi erunt, qui Bru-

**1479** nae convenient, & difficultates, si quæ intervenirent, illustrare conentur, locumque, in quo summa pecuniæ tuto tradi, recipique possit, in limitibus inter Szakolczam, & Strasnicium, designent. Quod si contingeret, ut post monitionem, intra annum, vel reges Bohemiæ dictam summam exhibere, vel reges Hungariæ recipere negligerent, tum utrique, quoties id fieret, toties quoque mulctam, centum millium florenorum, dependent. Hæc, si Mathias ante Wladislaum e vivis excederet; sin hic prior obiret, & illum Bohemi regem suum esse vellent, tum Moravia cum utraque Silesia, Lusatia, & sex civitatibus, ad Bohemiam, ut antea erant, gratuito devolventur. *a)*

Intererat Mathiæ magnopere, ut concordia cum Władysławo, quibuscunque, modo tolerabilibus, pactis coalescat. Turcæ enim conciliata cum Venetis pace, facto ingenti apparatu, Hungariam designare ferebantur. Et re ipsa pars eodem anno in Transilvaniam, pars, Savo transmissa, in Hungariam irruerant,

---

*a)* Autogr. exstat in Tabular. Cæsar. Sigillis, præter regium, 13. munitum, dat. in civitate nostra Olomucensi, D. mensis Julii 21. a. 1479. regnor. nostror. Hung. &c. XXII. Bohem. vero XI, apogr. vid. apud Dobner monum. med. Tom. IV. pag. 449. & Katona, Tom. XVI. pag. 200.

rant, sed fortunam utrobique parum propitiam experti. In Transsilvania quidam a Stephano Bathorio, & Paulo Kinyfio circumventi, & commisso acri, cruentoque prælio victi sunt. Hostium, interfectis, aut captis ducibus, ferunt supra XXX. nostrorum vero VIII. millia fuisse cæsa. Paulo mitiore usi sunt, qui per Croatiam ad Stiriae limites procurrerant, indeque, abacta præda, facto per iter ad Ginzium & Arrabonem, diverticulo, amissis suorum tribus millibus in Bosniam rediere. a)

Videbatur Mathias ad hæc, tamquam de industria, connivere, ut Germanos, ad quos, ut primum de Turcarum irruptione comperit, Legatos Norimbergam, auxilia postulatum, miserat, propriis damnis ad commune bellum in Turcas suscipiendum, concitaret. Admissi ad conventum, luculentam ad Proceres orationem habuere, qua ostendebant, nisi regi, quem Veneti confecta cum Turcis pace deseruissent, suppetias venirent, brevi futurum, ut illos in ipsis Imperii visceribus videant, tot enim procurfionibus in Stiriam, Carinthiam, & Carnioliam factis, ter illis jam tritum, cognitumque esse, quod

a) Leunclavius hist. Musulm. l. 16. Bonfinius Dec. 4. l. 6. Linck annual. Tom. II. pag. 257. Dlugos. l. 13. epist. regis ad Pontif. apud Kingtona Tom. XVI. pag. 241.

1479.

a nemine, quam a suo rege, qui ingentem nuper ex iisdem victoriam tulerit, melius intercludi posse, vel ex ipso regionum situ pateret, modo Principes Imperii communem ad id operam conferre vellent. Hæc illi: responsum est, non ignorare se quidem, quibus damnis Hungaria cum vicinis provinciis, ab immani hoste hactenus affecta fuerit, optaque cum illorum, tum sui etiam causa, ut laborantibus quantocius succurratur, sed in hac paucitate eorum, qui conventui interessent, nihil omnino decerni posse, nisi iusto numero ad futura Comititia convenirent. His auditis, Legati adducto secum in conventum Notario, & testibus, quod in Imperii Comititiis inusitatum est, palam intercessere, per regem suum deinceps non stare, si Turcæ per Germaniam impune grassari pergant. a)

Mathiæ, cui suspicio ingesta erat, quasi Cæsar Imperiales clam subornarit, ne sibi auxilia decernantur, nova inde simultatis causa oblata est. Accessit mox altera. Bernardus Archiepiscopus Salisburgensis, abdicare se Archiepiscopatu cogitabat, quod ubi Cæsari significatum est, Græcium ad se vocato persuasit, ut Joanni Archiepiscopo Strigoniensi, quem collectis thesauris, ad Cæsarem

---

a) Freherus Script. rer. German. Tom. II. pag. 319. Müller Reichs. Tags Theater 5 Vorstellung c. 79. pag. 733. §. 2.

rem defecisse, alias memoratum est, locum  
cedere vellet. Assensus est, & scripto etiam  
firmavit, sed domum reversus, facti poenitens,  
postquam rem ad Capitulum retulisset,  
Episcopus Seccoviensis Mathiam confestim,  
quid ageretur, edocuit, qui hominem trans-  
fugam foveri, suum contemptum interpretatus,  
rem merito indigne tulit, &, cum ad se per-  
latum erat, Cæsarem, proventus episcopales  
in Stiria Seccoviensi vetuisse exhiberi, vicissim  
foedus cum illo, & Salisburgenli pepigit, ea  
conditione, ut arces suas tutelæ, & fidei suæ  
crederent, iisque præsidium militare sibi eous-  
que liceat inducere, donec Cæsari, interven-  
tu Pontificis, uterque conciliati fuerint. a)  
Hinc orta ex utraque parte jurisdictionis col-  
lilio, & ex hac bellum.

1480.

XII. Id Mathias prior Cæsari, quod pro-  
missis non flaret, denunciavit, simulque cau-  
sam, cur ad id gerendum cogeretur, ad Er-  
nestum, & Albertum, Saxoniae Duces, per-  
scripsit, quartum nempe jam annum volvi,  
quod Cæsar, licet sæpe admonitus, centum  
millia florenorum ex pacto debita solvere  
neglexisset, vetaretque, ne Australes, pecu-  
niam ad debitum expungendum conferrent.  
Cæ-

a) Erasmi Frölich diplomatar. Seccovien. N. 84.  
apud Pray P. IV. pag. 137. Chron. Salisburg.  
Hier. Pez Tom. II. ad hunc an. Metzgerus  
hist. Salisburg. I. 4. c. 43.

1480.

Cæsar fidem suam peti ægre ferens, scriptis vicissim ad Imperii Principes litteris, se ab hac infimulatione purgavit, & Regi jam quinquaginta millia ex pacto soluta affirmabat, quo minus autem alia quinquaginta hactenus essent exhibita, ipsum in causa esse, qui loca in Austria occupata, secundum pacificationis statuta, nondum restituisset. a) Hæc ille ad removendam a se invidiam, &, cum bellum evitari jam non posse videret, ipse prior missis in Hungariam quingentis equitibus, populationem Jaurinum usque circumferri jussit. Facile hunc manipulum Mathias repulit, &, quasi in Venetos movere vellet, flexo itinere in Carinthiam, bona Archiepiscopi Salisburgensis, eo non invito occupavit, Stiriamque invadens, Petovium, Rakesburgum, & Fürstfeldium in potestatem redegit, ex quibus bellum in Stiriam, & Austriam, occasione data, inferre posset. Cæsar videns se Regi imparem resistendo esse, indicto Norimbergam conventu, auxilium ab Imperialibus flagitabat. Variabant sententiæ, quod aliqui suspicarentur, id non tam contra Turcas, ut prætexebatur, quam contra Mathiam, sollicitari, in eo tamen omnibus convenerat, ut  
Epi-

---

a) Litt. Regis ad Cæs. epistolar. P. IV. pag. 255. item ad Duces Sax. & Cæsaris ad Princ. Imperii, apud Müller, l. cit. c. 82. pag. 748, & 749.



Episcopus Eichstetensis, Cæsarem cum Rege conciliandi periculum prius faceret, & tum primum quindécim millia auxiliariorum, Viennam sequente anno mitterentur. Mathias, capto interea a Turcis Hydrunto; soceri sui, Regis Siciliae, causa sollicitus, flecti se tandem passus, inducias eousque, dum causa inter utrumque controversa, Electorum, & Principum Imperii iudicio cognoscatur, indul-  
sit. a)

Patuit tamen, Cæsarem longe alia, quam pacis, causa, inducias amplexum fuisse. Cum enim auxilia, quæ Imperiales, si induciæ conciliarentur, promiserant, ex Saxonia, & Palatinatu Viennam venissent, egit cum Ducibus, ut sibi his copiis contra Mathiam uti liceret, quod illi, mandatis ad id destituti negabant, & ille tunc quidem ab armis abstinere coactus est. Mathias vero temporis opportunitate usus, socero suo copias auxiliares in Italiam transmissit, quibus non modo Hydruntum recuperare, sed barbaros penitus etiam a regno suo deinceps arcere posset, modumque, quo Hungari, bellis Turcicis confecti, cum iis pugnare soleant, ut eorum opera uti nosset, perscripsit. Nec Imperii Prin-

a) Fugger annal. Ferdinand. I. 5. c. 29. & ex parte Senckenberg, Collectan. P. I. N. 15. Conf. Pray I. cit. pag. 141.

**1481.** Principes, sibi induciarum tempus inutiliter elabi passi sunt, rationemque, qua Cæsar Regi conciliandus esset, secum inibant. Visum est, oratores, qui periculum facerent, ad utrumque mittendos esse, idque Mathiæ significarunt. Pontifex quoque veritus, ne Turca capto Hydrunto, in mediterranea Italiæ sibi viam sensim pararent, misso ad Cæsarem, & Regem, Ursino Theanenſi Episcopo, utrumque ad concordiam adducere cupiebat, quo facilius, conciliatis ambobus, commune in Turcas bellum, frustra hactenus tentatum, suscipi posset. Obstabat Joannis olim Archiepiscopi Strigoniensis ambitio, qui favore Cæsaris nixus, a proposito obtinendi Salisburgensis Archiepiscopatus, non facile dimovendus videbatur. Egit quidem Mathias cum Asculano Episcopo, se Pontifici monenti eatenus gratificaturum, ut homini de se male merito, episcopatum Jaurinensem, retento Strigoniensis Archiepiscopi titulo, conferat, sed ut eidem proventus ex suo ærario, vel Strigoniensi archiepiscopatu, augeat, id nec sine injuria Strigoniensis Archiepiscopi, nec salvo suo honore, fieri posse, nunciavit. a) Itaque Legati Pontificis, & oratorum Imperii consensu, controversia hac in medio relicta, in-

---

a) Fugger l. 5. c. cit. *Epist. Mathiæ P. IV.* pag. 122. 208. 263. Kollar auctar. diplomat. ad hunc an. Müller l. cit. c. 82. pag. 752.

induciæ in hanc legem conflatae sunt, ut Cæsar, & Mathias, a VI. Nonis Maji, ad diem Lunæ post Pentecostem, ab armis abstinere, & interea de pace in solidum conficienda ageretur. a)

Cæsar autem interea in Comitibus Norimbergensibus magnopere agebat, ut, quæ toties promissa fuissent, auxilia contra Turcas decernantur, nec dissimulabat, se his adversus Mathiam quoque uti velle. Variabant rursus suffragia, plerique quidem Electorum consenserant, sed absentium Legati negabant, se quidquam hac in re posse prius statuere, quam mandata a Principibus, quorum nomine adessent, sibi mitterentur, Imperiales vero urbes nihil sibi cum Rege Hungariæ negotii esse affirmabant, potior tamen pars tandem coaluit, ut Cæsari mos gereretur, & majora solito auxilia, peditum equitumque, ei in bellum decreta sunt. Sub hoc ipsum tempus oratores a Mathia, Joannes Episcopus Varadiensis, & Wenceslaus Boscoviczius, ut cum Principibus Imperii, de discordiis inter Cæsarem, & regem suum componendis transigerent, plena potestate instructi, Norimbergam advenere. Verum, præter expectationem,

G g 2

nem,

a) Epist. Mathi. P. IV. pag. 135. 173. Rainald. ad hunc an. Kollar auctar. dipl. dat. Budæ, d. Lunæ post Dominic. Exaudi 1482. Cod. jur. patr. Tom. I. pag. 230.

**1481.** nem, ne admissi quidem sunt, &, quæ in conventu decrevissent, per Eichstetensem Episcopum, eis renunciari curarunt. Indigne Mathias tulit, se in persona oratorum suorum, ita despiciatui fuisse habitum, graviterque, datis ad Episcopum Asculanum, & Nördlingenses, litteris, de injuria questus est, causamque in Cæsarem, quod pacis, per oratores suos, si admissi fuissent, conficiendæ spem intercepisset, non obscure conjecit. a)

**1482.** Abhinc orta utrinque animorum exulceratio, &, quamquam Pontifex pacis consilia identidem suggereret, bellum consequutum. Id Mathias oratorum suorum contemtu irritatus, facta denunciatione, nec expectato Cæsaris responso auspicatus, Austriam per Legatos infestari jussit, quibus alterna fortuna rem aliquamdiu gerentibus, ipse copias Heimbargo admovit, & arcta obsidione pressum, expugnavit. Agebat quidem Pontifex sub ipso armorum strepitu, ut concordiam inter utrumque conciliaret, nec Cæsar, misso ad regem Alfonso Forojulienfi Episcopo, ab hac videbatur

a) Müller l. cit. c. 84. §. 3. pag. 756. Epist. Mathiæ Par. IV. pag. 149; 167. 184. Ejusd. ad Nördlingenses d. 23. Oct. apud Senckenberg. Collect. Par. I. sect. 1. Nr. 15. pag. 71. Litt. Episcopi Theanensis ad Ernestum Sax. Duc. Ratisp. 1. Oct. 1481. apud Müller l. cit. c. 84. pag. 762.

batur abhorrere, sed, cum Mathiæ suspicio eximi non posset, quasi is per Venetos agat, ut Turcæ in Hungariam irrumpant, labor is frustra susceptus est, tantoque acrius anno sequente bellum recrudit. a) Cæsar, qui se Viennæ non satis tutum existimabat, Græcium concessit, ne tamen Australes destituisset videretur, Wulsconem Bohemum, mille equitum, & bis mille peditum ductorem, promisso quingentarum, & viginti millium librarum Viennensium stipendio, in suas partes pertraxit, ne sic tamen impedire potuit, ne Hungari Leitæpontum, fame ad deditionem cogerent. Occupato igitur utroque ad Austriam repagulo, porta regi patuit, ut bellum in quamcunque vellet partem circumferre posset, cum ei litteræ a Collegio Cardinalium, qui ferale bellum in ipso ortu extinctum cupiebant, redditæ sunt, paulumque post Episcopus quoque Castellensis, a Pontifice Legatus advenerat, qui, adito primum Cæsare, regem conveniret, omnique

1483.

G g 3

studio

a) Epist. Math. Par. IV. pag. 255. Linck l. cit. Tom. II. pag. 266. Chron. Mellicen. apud Hier. Pez Tom. I. pag. 267. Bonfinius Dec. 4. l. 6. Litt. regis ad Henricum Ratisbon. Episc. apud Kulpisium pag. 71. ad d. 11. Apr. 1483. sed anni regiminis Hung. & Boh. cum hoc anno non consentiunt, & ex litt. regis ad Nördlingenf. supra cit. liquet, ad hunc an. non vero ad 1483. referendas esse. Conf. Katona Tom. XVI. pag. 480.

1483. studio adniteretur, ut utrumque ad amplectenda mitiora consilia flecteret. Sed illum, quod sibi prius de illatis injuriis satis fieri cuperet, minus ad concordiam promptum reperit, quam regem, cui, jam ante Legati adventum, spes avulsas a regno provincias recuperandi, a Turcis facta erat. Plerique enim militiæ præfecti, Bajazetis feritatem exosi, Zizimo, ejus fratri, ad magistrum Rhodiorum profugo, studebant, eumque fratri exauctorato cupiebant subrogare, ideoque cum rege per nuncios clam agebant, ut bellum Bajazeti indiceret, polliciti, se non modo tantum auri, quantum ad id gerendum satis esset, præbituros, sed suis etiam copiis illum adjuturos esse. Hac de causa ostendebat, se a concordia non alienum esse, Legato satis aperte indicans, libenter se visurum, si Pontifex cum Magistro Rhodiorum ageret, ut Zizimus Budam ad se mitteretur, daretque dein operam, ut Cæsar conventum indiceret, in quo de ineunda utrinque concordia tractetur, se interea, quæ hucusque occupasset, Pontificis tutelæ, & fidei crediturum.

Cum his responsis Legatum ad Cæsarem remisit. Verum aut simulata hæc erant, aut regem promissi pœnituit, sive parum, confecta etiam pace, Cæsaris constantiæ fideret, sive nuncii a Bajazete, quos cognita Præfectorum suorum perfidia, inducias postulatam, Budam miserat, in causa fuerint. Reverfus enim

enim a Cæsare Legatus, cum ab hoc pacificationis conditiones, paulum a regiis alias, quæ tamen spem conciliationis non videbantur tollere, afferret, plane alienum a concordia reperit, cumque intellexisset inducias præterea in quinquennium esse cum Turcis initas, spem conciliandi utriusque penitus posuit. Induciæ autem hac lege erant constitutæ, ut, his durantibus, neuter alterius regnis, & provinciis, præsertim, quæ hac parte maris in clientela, fideque regis essent, injuriam, damnumve Turcæ inferant, mercatoribus tamen ad confinia regni negotiorum causa, tuto venire liceat. Sed cum pars maris generatim solum indicatâ esset, latens in conditionis formula verborum ambiguitas, errori deinde, fraudique locum præbuit. *a)*

XIII. Cæsar, ut primum de induciis inter regem, & Bajazetem agi, nec legationem Episcopo Castellensi successisse comperit, fidei Viennensem, qui se Neostadii olim obsedissent, parum tribuens, thesaurum familiæ, cum Cunigunde filia, in Tyrolim, securitatis causa, abduci iussit. Consilium eventus probavit. Mathias enim sub veris initium, Pontifice nequicquam obnixo, impetrata

Gg 4

rata

*a)* Litt. Episc. Castellens. ad Papam ex Ms. Cod. Nr. 3901. biblioth. Vaticanæ apud Pray, Par. IV. pag. 161. — 173. Diplomatar. Ordin. Melitens. Cod. 2. Epist. Mathiæ Par. IV pag. 1. & 2.

1484.

rata domi militia, & accepto a Silesiæ Duce, hus duodecim millium supplemento, Austriam ingressus, Viennam primum armis tentavit, innox, mutato proposito, sanctum Hippolytum, Claustroneoburgum, & montem Cetium, insedit, ut urbem commeatu, & auxiliis, si quæ ex Imperio mitterentur, penitus intercluderet. Hic fixa statione, Corneoburgum lenta obsidione pressum, septimo post mense in potestatem redegit. Porro fortuna volentem uti, perfidia Bajazetis in Hungariam revocavit, qui, violatis induciis, duo Moldaviæ castra, *Kyliam*, & *Nesterabam*, hoc Tyræ fluvio, illud Danubio adsitum, quod post *Cassam* in *Crimea* occupatam, sibi ad hanc retinendam, opportuna viderentur, etsi non sine suorum clade, occupavit. Acerbas propterea, de injuria questus, ad illum litteras dedit, sed, ubi ab eodem responsum cum exemplo induciarum, quibus nec Moldavia, nec, quo alluitur, maris mentio, inserta esset, accepit, cognito errore, Petrum Colocensem Archi-episcopum, is induciarum tabulas dictaverat in carcerem retrudi jussit, nec, se vivo, licet Innocentius VIII. nihil intentatum finiret, liberum dimisit. a)

Cum

a) Raynaldus ad hunc an. Epist. Mathiæ P. IV, pag. 4. 5. Bonfinius Dec. 4. l. 6. Linck. Tom. 2. ad hunc an. Gerardus de Rgo l. 9. Michovius



Cum igitur error corrigi jam non posset, & Bajazetes se inducias bona fide ceteroqui servaturum fuisset pollicitus, curas omnes in bellum Austriacum convertens, Viennam XXIII. Januarii, triplici exercitu circumfedit, urbem non tam vi, quam fame, volens ad deditionem cogere, quæ, cum obsidio diutius duraret, ob hominum, qui aproinquante hoste in eam se receperant, copiam, brevi ita invaluit, ut modius farinæ, CVII. florinis venum proffaret. Cæsar, ut urbi suppetias veniret, animosque obsessis adderet, Græcio Lincium reversus, auxilia ex Imperio exspectabat, sed, cum hæc negarentur, & non pauci Viennensium regi addicti essent, nullo operæ precio isthic hærere coactus est, Mathias vero, locis, quæ trans Danubium se nondum dediderant, interea occupatis, dum Ebersdorfum aggreditur, ferrea pila inde emissa, vitæ periculum fere adiit, quo tandem expugnato, cum cives magis in dies fame tabescerent, & Rex assultum pararet, missis ad eum Legatis, mensum sibi petebant indul-

---

vius l. 4. c. 73. Innocentii VIII. Brevium l. 1. Epist. ad Mathiam: *retulit nobis — majestatem tuam capi, & in carcerem conjici fecisse, ven. fratrem Petrum Archiep. Colocens. ob nonnulla gravia, & enormia, quæ idem Archiep. contra te, & statum tuum perpetrasse dicitur, cet. Dat. 24. Sept. 1484. an. primq.*

1485.

dulgeri, intra quem si Cæsar illis auxilium non mitteret, deditionem se facturos promiserant; quod cum ille præstare non posset, cives IV. Nonas Junii Regi se dedidere, salvis suis immunitatibus, & ut præsidarios Cæsaris liberos, cum armis, & impedimentis, dimitteret. Urbe dedita, & Neostadio, quod munimentis suis confidebat, eminus interea, donec opportunum tempus obsidioni adesset, a suis observari jussu, Australibus conventum indicxit, in quo mitigatis, quæ Cæsar constituerat, vectigalibus, ac diminuto censu, postquam ei Ordines fidelitatis juramentum dixissent, provinciam in fidem recepit. a) Cæsar vero cum DCC. equitibus, & paucis, qui partes illius sectabantur, Lincio discedens, familiari illo sibi dicto; *felix rerum irrecuperabilium oblivio*, b) se solatus, in Tyrolim abiit.

Mathias, cum intelligeret, post occupatam Viennam nondum esse debellatum, mandata in Hungariam misit, ut regni Ordines Vacii convenirent, & de sumtibus, ad bellum cum Cæsare proseguendum, necessariis consul-

---

a) Raynald. ad hunc. an. Linck l. cit. Tom. II. pag. 275. Chron. Mellicen. apud Hier. Pez Tom. I. pag. 268. Gerard. de Roo l. 10. Bonfin. Dec. 4. l. 6.

b) Gerard. de Roo l. cit. Id. artificioso monogrammate expressum, olim in muro veteris castri Laxenburgen, vidi.

sultarent. Quid, præter florenum auri rursus decretum, in eo conventu actum fuerit, nemo, quod sciam, hactenus prodidit, fragmentum quoddam solum exstat de Palatini prærogativis, quæ eodem quidem anno, sed incertum, in eodemne, an alio conventu, editæ fuerint. Summa earum hæc est: a) Deficiente regio semine, Palatinus ex vetusta Majorum consuetudine, primus, in eligendo Rege, jus suffragii habeat, sin hæres regni relictus, & teneræ ætatis, esset, idem tutoris partes agat, cui omnes, donec hæres pupillarem ætatem excesserit, obtemperabunt, idem seditiosos coget in ordinem, & nocentibus pœnam dictabit: comitia quoque, si opus fuerit, indicet, & bello exorto, copiis prærit, dissidium, si quod inter Regem, & regnum oriri contingat, interventu suo studebit componere, Legatos, negligente Rege, vel impedito, aut parum ad tractandum cum illis idoneo, audiet, & quæ ex usu, erunt, responsa iisdem dabit, rege autem bellis occupato, aut aliam ob causam absente, locum illius interea tenebit, omniaque nomine illius agat, exceptis iis, quæ dignitatis sunt, & juris majestatis: si bona præter regni consuetudinem Rex alicui contulisset, eum monebit, rogabitque, ut tempus discernendæ

li.

---

\*) Cod. jur. patr. Tom. I. pag. 233. C. Ignat. a Batthyán Episcop. Transilv. Legg. Eccles. Tom. I. pag. 519.

liti constituat, ceteroqui cum univérse in judiciis primum a Rege locum teneat, Cſmani quoque peculiari jure, trium millium aureorum decreto quotannis stipendio, & Dalmatia, cujus causa trium infularum proventu fruitur, ad ejusdem tribunal pertinebunt.

1586. Hæc regni Ordines Mathia absente; qui rebus in Austria compositis, in Hungariam reversus, rursus eosdem Budam ineunte anno ad conventum excivit, ut, quæ per frequentem sui absentiam collapsa erant, instauraret, furum enim, latrocinantium, falsariorum, homicidarum, & incendiariorum, ea copia jam accreverat, ut nemo vitæ, rerumque suarum securus esset. His itaque malis consulere volens, septuaginta, & septem leges edidit, ex quibus, cum multæ a priorum temporum constitutionibus parum differant, paucas, quæ novitatis quiddam habent, deligam. Præter antiquatum Palatinum judicium, vetitum quoque fuit, litis judicariæ causa, singulari certamine congregi, nisi incuria regis, & dum res dubia aliter dirimi non posset: a) qui bona Venetis, aut Polonis vendiderit, vel dederit pignori, donarique, notam infidelitatis incurrat; seculares Ecclesiasticorum decimas ne usurpent, nec hi controversiam, si quæ propterea oriretur, ad forum Romanum judicandam deferant: filius,

cri.

a) Conf. Notit. prævias, §. 19.

crimen patris, nequaquam luat, vel bonis propterea privetur; universi, cujuscunque status & conditionis sint, si rei publicæ necessitas exegerit, communiter de suis bonis conerant, ne onus in Nobiles minoris census, & in plebem solum recidat; furibus denique atronibus, homicidis, aliisque malefactoribus poenæ constitutæ, quorum causa si qui intercederent, aut eos foverent, horum bona fisco regis in perpetuum addicantur. a) Atque hæc ita deinceps servari voluit, ut ea ne regibus quidem coronationis tempore, nec regno mutare liceret, parum fui memor, qui cum crebro iis, quæ decessores statuerant, contraria imperasset, idem successoribus, si cum regni Ordinibus conveniunt habeant, vetitum esse voluerit, cum ipsa rerum vicissitudo, & necessitas, quæ nec in regum, nec regni potestate sunt, sæpe poscat, ut, quæ a Majoribus ratione temporis utiliter constituta erant, a successoribus eandem ob causam mutari, & ad usum reipublicæ accommodari possint, & debeant.

Budæ, post solutum conventum, non diu moratus Viennam rediit, ut, quæ Imperii Principes Francofurti essent decreturi, facilius rescire posset. Indixerat Cæsar illuc initia in mensem Februarium, cum ut filium Maximilianum, Regem Romanorum renun-

a) Decret. corp. jur. patr. Tom. I. pag. 234. Dat. in festo convers. S. Pauli Apost. 1486.

1486.

nunciari curaret, tum ut copias auxiliares contra Mathiam impetraret. Primum, Carolus Rex Galliarum, Mathias vero, qui Maximiliani indolem militarem nosset, utrumque impedire, sed irritò eventu, conati sunt. Felicius ei successerat legatio, ad Mediolani Ducem missa. Hanc Joanni Episcopo Varadiensi obeundam credidit, qui de sponsione matrimonii, inter Blancam Ducis sororem, & Joannem filium suum, ex illegitimo thoro susceptum, ineunda, cum Duce ageret. Interea, dum Legatus Mediolani munere suo fungitur, Ordines Imperii Maximilianum, regem Romanorum, Francofurti renunciarunt, eique non modo militem, & stipendia, in bellum Turcicum, & contra Mathiam decrevere, sed fœdus quoque inter se pacti sunt, ut, si quem ex illis Mathias bello aggrederetur, omnes mutuo sibi auxilium ferrent. Res ita clam gesta est, ut Principes datis mutuo dextris, nihil se ante tempus prodituros receperint; pervenit tamen indicium ad Mathiam, quo magis Neostadium, quod anno priore eminus circumfideri mandaverat, urgendum ratus, deductis ex Hungaria supplementis, obsidionem arctius contraxit. Verum cives, & præsidarii, quos Cæsar, & Maximilianus, datis ad eos VII. Aprilis Francofurto litteris, spe obtinendi subsidii, ad constantiam hortabantur, oppugnationem adeo difficilem reddiderant, ut, non nisi penuria

ria adacti, septimo post mense deditionem fecerint. Ferunt, obsidionis tempore Legatum a Bajazete missum, regni inter telorum imbrem obambulanti colloquutum, sed dati ab eo responsi, quod ad Principem suum referret, præ metu, oblitum fuisse. a)

1486.

XIV. Capto Neostadio, quod reliquum Austriæ inferioris erat, facile in potestatem redactum. Dimisso dein Legato Turcico, cui nuncium quoque suum, sed Constantino- poli postea reducem, a Gazi Mustapha cæsum adjunxerat, res Australium, cum Stiris enim jam transegerat, coordinare coepit. Quantopere, post Viennam occupatam, ob diminuta vectigalia, hos sibi devinxerit, alias memoratum est, sed cum postea promissi immemor, ob belli sumtus, graviora prioribus imponderet, plerorumque animos a se avertit, spe libertatis in Alberto Saxonie Duce reposita, qui adducto in superiorem Austriam, Imperiali milite, Hungaros aliquoties cum clade rejecit. b) Id sensim locum conciliandis induciis, Cæsare & rege non invitis, præbuit, de quibus, postquam arbitri utrinque dele-

1487.

a) Du Mont l. cit. Tom. III. Part. II. pag. 175.

Müller l. cit. 6. Vorstellung c. 1. & 2. pag.

7. — 21. Bonfinius in præfat. ad Philostratum, Tom. II. analect. biblioth. Cæs. Vien. f. 814.

b) Leunclavius hist. Musulman. l. 16. Linck l. cit. Tom. II.

1487.

delecti XXII. Novembris Märgendorfi cōns-  
ferre coepissent, in has dēnum conditiones  
XII. Decembris coaluere a)

Cum Cæsar, & Rex, se læsos existiment,  
ac ideo uterque jussum belli titulum se ha-  
bere dicant, causam a Pontifice decerni pa-  
tientur, qui si pro Rege sententiam tulerit, tum  
Archi-episcopi, Electores, Principes, Comi-  
tes, & præcipuæ Imperii urbes, Cæsari nul-  
lum auxilium præstabunt, integrumque erit  
Regi, bellum persequi: contra autem, si Pon-  
tifex pro Cæsare pronuntiaverit, vicissim Ar-  
chi-episcopi, & Episcopi Hungariæ, cum Pa-  
latino, ceterisque regni Baronibus, b) De-  
spota Serviæ, Vajvoda Valachiæ, ac Dalma-  
tiæ, Croatiæ, Sclavoniæ, & Bosniæ Banis,  
primisque Regni civitatibus, auxilium contra  
Cæ-

a) Ex apographo, quod Varasini an. 1756. d.  
12. Febr. Georgius Konzer, & Jos. Paxy, Ju-  
dices Nobilium, publica fide exscripserant,  
Germani scriptores non nihil in conditionibus  
variant. Conf. Linck l. cit. ad hunc an. Fug-  
ger. l. 5. c. 35. & Müller l. cit. c. 34. pag.  
145. — 151.

b) Documentum recenset etiam *naturales Barba-  
nes*, & inter hos nominatim, Laurentium de  
*Vilag*, Comites de *Frangapan*, Comitē *Sce-  
pusiensem*, Comites de *S. Georgio*, & *Bozyn*,  
Comites de *Corbavia*, de *Zrynio*, de *Pethn*,  
& de *Bathor*.



Cæsarem Regi negabunt, idemque, quos iuri suo in Moravia, & Silesia obnoxios habet, facient. Interea autem induciæ usque ad octavum diem post festum Urbani, sequentis anni durent; Pontifici spatium deliberandi relinquatur, & si necesse esset, induciæ etiam ad calendas Septembris prorogentur, intra quod tempus si Pontifex ob negotiorum copiam, in neutram partem posset sententiam ferre, mora ei usque ad Novembrem datur, si tum etiam iudicium differret, nullam deinceps in hac causa arbitrii partem habeat. Ad id vero tempus ab armis, & injuriis inferendis uterque cessabit, si quid tamen litis propterea interveniret, Præfecti armorum utrinque intra septem hebdomadas, constitutis iudicibus, hanc decernent, & convictos, ad satisfaciendum cogent: qui ex arce, locove munito in alterius ditionem hostiliter incurrit, & intra tres hebdomadas, admonitus, non desisterit damna inferre, in hunc utraque pars arma capiet, arcem demolietur, & bona illius secundum militiæ, quam duxerint, numerum, inter se dividunt: naulum in Danubio Cæsar, & Rex æqua parte percipient, reliqua vero vectigalia, & census uterque a suis, neuter tamen plus altero exiget: communitio utrinque tuta, & libera sit, nemo alterius profugos recipiet, aut tuebitur; cohibendis latrocinis, & rapinis, Rex CCC. equites, & CC. pedites in sancto Hippolyto, tot

H h

idem

**1487.** idem Albertus Dux Gavanekii, nomine Cæsaris, servabit; captivos gratuito utrique liberos dimittent, conventionibus, si quas Rex eum privatis inivisset, renunciabit: Ecclesiastici denique utriusque partis, speciatim Salisburgensis, & Passaviensis Præpositi cum suis Capitulis, & Joannes olim Strigonienfis Archiepiscopus, his induciis comprehensi censeantur, quarum tempus, si pace non confecta, præterierit, liberum erit Regi, bellum instaurare.

**1488.** His conditionibus utraque pars, ob sumtus in bellum hactenus profusos, armorum jam pertæsa, consensit. Et erat privata etiam utrique causa, cur inducias cuperent. Cæsari quidem, ob rebellionem sub initium hujus anni exortam, cum Belgis negotium fuit, Mathiæ autem cum Legatis, qui sub finem prioris anni, nuptiarum, quæ inter suum filium, & Blancam consilandæ erant, Mediolano advenere, tractandum erat. Pacta autem dotalia hujusmodi fuere: a) Dux Mediolanensis, sponsæ centum, & quinquaginta aureorum millia conferet, centum quidem millia parati auri, quadraginta autem in gemmis, ac unionibus, & decem millia in vestibus, reliquisque ornamentis, quæ ad mundum muliebrem spectant; ut primum sponsa futuro an-

---

a) Jam anno elapso d. 25. Novembr. fuerunt inrita.

anno domum deducta fuerit: Mathias, & sponſus viciffim tantundem ſe ſponſæ præbituros, fidem publico documento facient; ſi contingeret ſponſionem diſſolvi, ac propterea dotem repeti, Rex, & filius bona ſua ſive illa ſint avitica, ſive aſquiſita, ſponſæ obſtringent, nominatim autem, præter Ducatum *Auſtriæ*, Comitatum de *Hunyad*, Ducatum de *Munkács* cum oppido *Debreczen*, & caſtra *Maroth*, *Gyula*, ac *Baymocz*, item Comitatus *Thurocz*, *Arva*, & *Lypto*, in *Sileſia* vero, Ducatus *Oppavienfem*, *Toſtanſem*, & *Ratiborienſem*, cum omnibus juribus, & emolumentis. Cum præterea Regi cum Duce *Saganenſi* ita convenerit, ut poſt huius obitum, ſponſus, jure hæreditario, ei ſuccedat, hic quoque Ducatus, ſi dos repeteretur, ſponſæ pignoris loco cedat: poſtremo additum, ut Rex, & ſponſus, pacta intra ſex meſes, ratâ, grataque habeant. Hæc publicis tabulis inſerta ſunt, privatim autem juramento, Regis nomine, promiſſum, ut, ſi hic ſine legitimo hærede obiret, facturum, ut ſponſus ſibi in *Hungaria* ſuccedat. a)

Cæſar interea *Maximiliani* filii ſui cauſa, quem *Belgæ* captivum tenebant, ſolicitus, ne, dum ad eum liberandum vires convertere cogitur, elapſis interea induciis, provincias

H h 2

ſuæ

a) Du Mont Corps diplomat. Tom. III. P. II  
Nr. 99.

1488.

suæ rursus novis belli calamitatibus exponerentur, Joanni Salisburgensi Archi-episcopo, & Præposito Mellicensi, in mandatis dedit, ut cum Mathia de iis prorogandis agerent, qui, quod res ex Silesia non satis pacatæ afferrentur, ut ad calendas Septembres anni sequentis perdurent, non difficulter assensus est. Sub idem tempus venerat quoque Legatus a Bayazete, qui similiter inducias prorogari petierat, cui tanto libentius eas in triennium concessit, quanto magis ægre ferebat, Joannem Saganensem Ducem, a pactis, quæ olim secum de jure successionis in filium transferendo, pepigerat, resiliisse. a) Hac Ducis inconstantia, cum Mathias videret, filium suum hæreditate, quæ pactis nuptialibus recens initis comprehensa erat, contra datam fidem, excludi, graviter offensus, bellum ei indixit, eaque fortuna per Legatos suos gessit, ut illum, occupata Glogovia, in Poloniam fugere coegerit.

1489.

Suspicio erat, Ducem ab Wladislao Bohemiarum Rege clam copiis adjutum, atque hinc inter hunc, & Mathiam simultatem fuisse ortam, tametsi verius illud sit, Wladislaum, Saganensem Duce, provincia, & dignitate exuto, veritum fuisse, ne, si insignis hæc Silesiæ por-

a) Gerard. de Roo. l. 10. Linck l. cit. Tom. II. ad hunc an. Lunig Reichsarchiv, Tom. II. pag. 583.

portio Mathiæ filio, jure hæreditario obtingeret, sensim, contra pacta utrinque inita, a) a regno Bohemiæ avellatur, qua de causa etiam fœdus cum patre Casimiro iniit, quo communem sibi operam laturós spondent, si quid hostilitatis Mathias in alterutrum moliretur. b) Res tamen inter pacta solum consistit, & Mathiæ, præter opinionem, negotium cum Cæsare subnatum est. Venerat is, Maximilianò in libertatem asserto, Lincium, indeque Legatos ad regem misit, qui ei certum auri pondus pollicerentur, si Austriam sibi cederet. Non abnuit, jussitque Joannem Varadiensem Episcopum ad Cæsarem proficisci, qui, ea conditione se se Austria decessurum, eidem referret, si ob sumtus bello Austriaco hactenus impenso, septingenta florètorum millia numeraverit. Id nimum Cæsari visum, ejusdem Maximilianus, quem Mathias variis donis coluerat, opinionis quidem fuit, tenacitatem tamen patris sibi non probari satis aperte ostendebat, quo factum, ut simultate inter utrumque orta, Maximilianum alloquio prohibuerit, nec quidquam cum Episcopo deinceps agere permetteret. Abrupta igitur tractatione Viennam rediit, & Mathias, Stephano Zapolya constituto interea Austriæ Præfecto, Budam, ul-

H h 3

timum

a) Hæc pacta vid. ad an. 1478. Nr. 11.

b) Dogiel Tom. I. pag. 23. seq.

1489.

timum visurus, secundo Danubio, devectus est, quem paulo post Otto Comes Palatinus cum Legatis Cæsareis consequutus, rursus de pace cum eo coepit agere. Accepti sunt liberaliter, & muneribus quoque exculti, de pace tamen nihil transigi potuit, quod ipse Rex, cum Cæsare, & Maximiliano, se de hac velle agere diceret, ut primum Viennam redierit. a)

1490.

XV. Hanc quidem, ex febre paulum recreatus, sequente anno revisit, sed non tam de pace acturus, quam ut fortunæ filii sui ante obitum prospiceret, nec enim diu se superstitem futurum, ex morbi, graviore identidem sensu redeuntia crebritate, observavit. Indicto proin Wratislaviam conventu, Silesiam filio asserere cogitabat, cum ut nuptias illius cum Blanca Mediolanensi, b) celebriores, tum ut ei viam ad regnum Hungariæ proniorem redderet. Et jam Varadiensis Episcopus Wratislaviam præire iussus, & Urbanus Episcopus Agriensis, regni Quæstor, cum pecuniis, ut filio profusa liberalitate animos concilaret, Viennam accersitus erat, cum repente, divinis officiis die palmarum assisens, hemiplectico fulmine ictus, biduumque inter acerbissimos dolores colluctatus, anno

a) Bonfinius Dec. 4. l. 8. Fugger l. 5. c. 38. Müller l. cit. c. 43. §. 4. 7. pag. 177. Gerard. de Roo l. 10.

b) Bonfinius Dec. 4. l. 8. Roo l. 10. Fugger l. 5. c. 38.

anno ætatis septimo, & quadragesimo exspiravit. a)

1490.

In die obitus, b) & mortis causa, scriptores dissentiunt, sunt, qui fides veneno imbutas, a Beatrice regi porrectas, sed nullo documento, vel autoritate nixi affirmant: alii Stephanum Zapolya in suspicionem vocant, quasi thesauro regio, XL. aureorum millibus æstimato inhierit, c) eique mortem occulta machinatione consciverit. Cui suspicioni si quid veri subesset, oportuit hominem omnium mortalium fuisse ingratisimum, qui a Mathia ex obscu-

H h 4

ro

a) Diem mortis regina, apud Kaprinali hist. diplom. Pag. I. pag. 11. ad 6. Apr. defigit.

b) Sambucus in append. ad Ranzani indices, pag. 685.

c) Thurnschvam in Ms. memoriis sui temporis. Wie auch Graf Stephan, des Janos (Zapolya) Waida Vatter, so König in Ungarn worden, alle Schlösser, so König Mattias, eingezothen, und dem Stephan zu treuen Händen gelassen hat, auf die lezt für sich selbst behalten, nicht ohne Verdächtis, wie schriften ausgangen, daß der Stephan zu Wien, den König Mattias sollt haben umgebracht, von wegen viel bey ihm zusehnden — doch hat gemelter Stephan all des Königs Mattias Silber Geschier, gulden gebieth, und anderes zu wegen gebracht, wie man bey seinem Sohn, den Janos, öffentlich gesehen hat, mit dem Raben zc.

1490.

ro loco, a) ad summum fastigium evectus, &, ut Ducis Tetsinensis filiae matrimonio jungeretur, effecerat, pro tot beneficiis malam gratiam reddiderit. b) Funus secundo Danubio Budam devectum, indeque Albam ductum, ceteris regum tumulis additum est. Defuncto Ranzanus, Lucerinus Episcopus, Ferdinandi Siciliae regis Legatus luculenta oratione parentavit.

Fuit Mathias, exterorum etiam opinione, maximus regum, & belliducum, sui temporis habitus, armorum, & rei litterariae amans. Hanc ingenti animo complexus, destinationem rege dignam conceperat, nisi aliquid Platonikum praetulisset. Aedificia enim prope Budam insanis substructionibus moliri cogitabat, in quibus, quadraginta millia discipulorum, procul ab aliorum consortio, armisque interdictis, simul cum Doctoribus commode degere, & scientiis operam dare possent.

a) Id. ibid. Emrich Deák hat seinen Bruder Stephan an König Matjas Hof geholfen, ist zuvor zu Gran auf den Schloß ein Trabant Hauptman gewesen, und Vorsteher. Seynd Windischer Art, und auß den Dorf Zapolya genannt, Bürtig, ist so viel, hinter dem Feld, oder innhalb des Feld, in Bosna an Erabaten.

b) Id. ibid. der Istvan ist hernach Großgroß worden, hat eine von Teschen zum Weib gehabt, hab ich auch kennt, und auf Trenchin gesehen.



possent. Et jam iusta operis fundamenta eduxerat, cum ob ingruentia paulo post bella, 1490.  
 in arctius spacium molitionem contrahens, studium universale, ad normam Academiae Bononiensis, in arce Budensi instituit, accersitis ex Italia, & Germania doctissimis viris, in quos, non habita ratione conditionis, stipendia largissime erogabat, neve adjuncta ad scientias deessent, bibliothecam, Latinis, Graecisque, variarum disciplinarum libris, conducta apud exteros scribarum opera, copiose refertam, omnibus patere voluit. a) Ac his quidem adminiculis studii Budensis, & Bibliothecae regiae fama brevi per Europam inclaruerat, & magnum Regi nomen conciliavit, fructus tamen in universam Nationem, spe minor dimanavit, communi plerumque errore, cum a summis inchoatur, neglectis iis, quae ad illa viam sternere solent.

Armorum tamen potior illi cura fuit. In his vitam fere totam traduxit, bellorum causas, ex immodico gloriae studio, magis quaerens, quam aliunde oblati, ad emolumentum Regni usus, quo factum, ut minorem operam conservandis suis ditionibus, quam conqui- rendis alienis, impenderet. Si Caesare ho-  
 ne-

---

a) Casp. Heltay chron. Hung. Claudiopoli, 1570.  
 edit. pag. 177. Kaprinai l. cit. pag. 315. Fran.  
 Xist. Schier, de ortu cet. biblioth. Buden. Conf.  
 Pray. P. IV. pag. 118.

1490. **neſtis conditionibus pacato, & corona Regni recuperata, non ſe rebus Bohemicis, Pontificum rogatu, immiſcuiffet, poterant provinciæ a regno avulſæ, repreſſis Turcis, facile recuperari, & Hungaria forte ad eum, in quo ſub Ludovico erat, ſtatum reponi. Sed cum vim omnem in armis poneret, Nationem, ad hæc alioqui pronam, ab artibus, mercimonio, ceterisque inſtitutis politicis, quæ rem publicam præ armis florentem ſolent reddere, exemplo ſuo abſtraxit.**

Erat quidem in palatiis, ædibus publicis, & voluptuariis, cum ad magnificentiam, tum ad decorem ſtruendis, profuſus, accitis ex Italia, & aliunde ingenti ſumtu, artificibus, verum hi artem cum pecunia, ruſus domum referebant, nullo relicto ex popularibus tyronum ſeminario, ex quo artes ad poſteros propagarentur. a) Juſtitix cultorem, hodieſum vulgus noſtrum in eo amiſſum memorat, cui nihil frequentius in ore eſt, quam eo ſublato hanc exulare. Hinc tot, & tam crebræ  
ab

---

a) Ranzanus Indic. 1. Tom. I. Scriptor. Hung. pag. 329. *Opifices, hoc eſt, eos, qui dant operam mechanicis artibus, ſi & multitudinem incolarum, & regionis conſideres amplitudinem, paucos inveneris — Ceterum, qui — aut mercatura, aut artium uſu vivunt, eorum plerique Germani ſunt, non Ungariçi generis homines.*

ab eo perlatæ leges. Ut munificus in alios erat, ita promissi sæpe immemor: iræ præcipitis, & in mandando superbe imperitans, a) qua de causa, semel, iterumque amittendi regni periculum adiit. Pompæ, cum opus erat, summus ostentator, verum aliquando ita in hac immodicus, ut nomen suum apud exteros obæratum reliquerit, b). Sub

1490.

vi-

a) Id ipse adeo Rex in instructione legationis ad Ducem Calabriæ, fratrem Beatricis Reginæ, an. 1489. fassus est. *Nemo enim, inquit, Hungaros, & eorum animos magis unquam novit, quam nos, qui eos tot annis sub freno tenuimus. Occasio autem missæ legationis erat, quod Beatrix ab obitu mariti, regnare optaret, ut eadem Instructio habet. Optat quippe ipsa domina Regina per nos effici, ut post nostrum obitum, si scilicet prius, quam ipsam, obire nos contingat, nobis in regimen, & regno succedat, imperiique nostri habenas moderetur, quod nos, etiamsi omni studio conaremur efficere, tamen nequimus, — quodque a nobis non petit tantum, sed continuis suspiriis, & jurgiis, & lacrimis exigere sonatur &c.*

b) Litt. Augustini Barbadico Ducis Venetor. ad Stephanum de Bathor Vajvod. Transilv. *Non debet latere magnificentiam vestram, quantum quondam serenissimus Mathias Rex, debebat prudenti civi nostro, Petro Zano, pro gemmis,*

jo-

~~1490.~~ vitæ finem, cum intelligeret, filium sibi vix  
 1490. successurum, huic magis, quam regno, stude-  
 re visus, cum, quæ regni sumtibus extra  
 Hungariam occupaverat, bonam eorum par-  
 tem, eidem donata relinqueret. a)

WLA-

---

*jocalibus & alijs emtis ab ipso Petro, qui ad  
 huc satisfactionem suam non potuit consequi,  
 non sine ingenti damno suo. Quapropter &c.  
 Datum in nostro Ducali palatio, die 12. No-  
 vembris. Indictione XI. 1492. ex autogr.*

a) Id mox patebit ex conditionibus, quas regni  
 ordines cum Joan. Corvino pacti sunt.

## W L A D I S L A U S II.

*Ab anno 1490. — 1516.*

I. Defuncto iustis pro more solutis, cum 1490.  
 hæres legitimus non superesset, Regina vul-  
 gatis XVII. Aprilis per regnum litteris, co-  
 mitia pro eligendo rege indixit. Candidati,  
 qui per oratores suos regnum ambiebant, plu-  
 res fuere. Maximilianus pactis, quæ Ma-  
 thias, & regni Ordines, de successione olim  
 rata habuissent, a) nitebatur: Wladislaus  
 Bohemus, & hujus frater Albertus, præter  
 sanguinis, quem ab Alberto, & Sigismundo  
 regibus traherent, prærogativam, felicitatem  
 etiam, si hæc regna, ut olim, Hungariæ junde-  
 rentur, proponebant: Joannes Corvinus meri-  
 tis sui patris, & ingenti thesauro, ad tuendum  
 regnum, idoneo, se sustentabat. In hoc compe-  
 titorum concursu, deliberatio anceps, & diutur-  
 na fuit. Plerique, quod rem vix sine armis abi-  
 turam crederent, non tam regni, quam suo,  
 commodo ducti, in eam, a qua periculum sibi  
 imminere verebantur, partem inclinabant.  
 Itaque divisis votis, pars Maximilianum, qui  
 Moraviæ vicini erant, Wladislaum, qui Po-  
 lo.

---

a) Recole, quæ ad an. 1463. N. 4. dicta sunt.

Item litt. Maximiliani ad Hungaros, Lincio d.

1. Maji, 1490.

1490.

loniæ, Albertum, optarunt, Corvinum vero, qui a Mathia beneficiis affecti erant, designarunt. Beatrix, cui a viri obitu cura regni a Proceribus credita erat, spe conjugii, primum Maximiliano favebat, eumque admonuit, ut in Hungariam properaret, sed, ubi se in litteris ab eo redditis, matrem compellari legisset, senium sibi objici, ægre ferens, vota in Wladislaum, quod cœlebs adhuc esset, facileque amoribus irretiri posset, traduxit, &, ut erat mira animorum captatrix, multos primi ordinis Magnates in suam partem pellexit.

Corvinus, qui arcem regiam infederat, ut reginæ molitiones comperit, Petrum Colocensem Archiepiscopum, ea invita, e custodia dimisit, & hujus fratris, Matthæi *Ersek* opera usus, corona, & thesauro regni potitus, in Sclavoniam abire parabat. a) Perculit ea secessio, regni Ordines, &, ne bello intestino ansa daretur, Stephano Bathorio, & Kinytio mandatum, ut recedentem consequerentur.

---

a) Litt. reginæ, Dominic. prox. ante fest. B. Magdalensæ 1490. *Quoniam eum (Matthæum Ersek) una cum ceteris regni æmulis, & conjuratis, coronam sacram, & thesaurum regni, contra omnium aliorum fidelium Prælatorum, & Baronum, & nostræ majestatis consensum asportando, — in manifestam infidelitatem incurrisse manifestum est &c.*

querentur, & nolentem reverti, hostilem  
 in morem habeant. Quarto a Buda lapide,  
 defixis castris morantem, tentato primum  
 frustra amico colloquio, vim adhibent, &  
 facile profligant. Thesaurus quidem regni  
 eo praelio recuperatus est, sed coronam, ut  
 Corvinus pugnae exitum praevidit, cum pau-  
 cis periculo mature se subducens, Quinque  
 Ecclesias secum abstulit. Id omnibus ratio-  
 nes magnopere conturbaverat, frustranea  
 enim erat, sine corona, de eligendo rege  
 consultatio, ac iisdem, quibus Mathia electo,  
 difficultatibus obnoxia. Quare, pactis ut  
 cum illo ageretur, constitutum. Delecti sunt  
 igitur, qui cum eo transigerent, Hippolytus  
 Estensis, Archiepiscopus Strigonienfis, cum  
 septem Episcopis, & Stephanus de Bathor  
 cum Stephano Zapolya, aliisque regni Ba-  
 ronibus, quorum auctoritate, spes erat, ut  
 pacis consilia admitteret. Conditiones, ju-  
 venis ambitioni accommodatae, & hujus te-  
 noris erant. a)

1490.

Si communibus Ordinum suffragiis, Hun-  
 gariae Rex non eligeretur, promissus ei est  
 titu-

---

a) Ex autogr. Dat. in praefata nostra congrega-  
 tione Budensi, in octava Sacratissimi corporis  
 Christi 1490. Has conditiones etiam Wladis-  
 laus ratas habuit. Dat. in castris exercitus  
 nostri, prope villam Farkashyda, Sabbath,  
 prox. ante fest. S. Petri ad vincula, 1490.

1490. titulus regis Bosniæ, quo illum Rex electus, Prælati, & Barones regni, alique deinceps compellabunt, dabuntque operam, ut quarto post die, quam futurus Rex coronatus fuerit, ipse etiam corona regni Bosniæ incingatur: præter hunc titulum, etiam Ducatus, Sclavoniæ, Oppaviæ, & Liptoviæ, tum Banatus Dalmatiæ, & Croatiæ, cum solitis eorum proventibus, retinebit, salvis tamen incolarum immunitatibus, &, ut regi fidelitatem promittat. In Sclavonia, possessiones, si ultra quinquaginta colonos non numerent, potestatem habebit, cui volet, donandi, ea tamen conditione, ut Rex futurus ratas habeat: castra, quæ titulo pignoris tenet, hoc diluto, suis dominis reddet; quæ autem jure hæreditario in Transsylvania, in Comitatu Zagoriæ, in Hungaria Ginsium, & Neosolium cum fodinis, in Austria *Recztum*, *Wolffersdorfum*, in Moravia *Hunnöbrodam*, in Sclavonia *Kemlecum*, a patre donata possidet, perpetuo jure ad ejus hæredes pertinebunt, quibus si caruerit, ad coronam regni devolventur: reliqua vero, quæ sive in Hungaria, a) sive in Austria, Stiria, Carniola, Carinthia, & Silesia, demto Oppaviæ Ducatu, ac Lusatia, beneficio patris, possidet, regno, cujus impen-

---

a) Pactionum tabulæ, supra quadraginta castra numerant, quæ Corvinus in Hungaria, Croatia, & Sclavonia possederit.



impendiis occupata erant, bona fide restituet. 1490.  
 Bibliothecam, pro decore, & utilitate regni  
 a patre conditam, non patietur distrahi, in-  
 tegrum tamen ei erit, consciis Prælatiis, &  
 Baronibus, libros ex ea in suum usum delige-  
 re. Atque hæc, si ipse electus fuerit, se, lit-  
 teris editis, servaturum pollicebitur: sin alter  
 præ illo, Rex fuerit renunciatus, is, ut idem  
 præstet, regni Ordines curabunt.

II. His conditionibus, Sigismundi Quin-  
 que-Ecclesiensis Episcopi, hortatu persuasus,  
 acquievit, Budamque redux coronam regni  
 Ordinibus consignavit. Nihil itaque jam  
 erat, quod electionem morari posset. Itum  
 est in suffragia, & Urbano Agriensi Epi-  
 scopo præeunte, communibus votis Wla-  
 dislaus, Rex renunciatus est, missique con-  
 festim Legati, qui eum ad capeffendum re-  
 gnum invitarent. Admonitu tamen prioris  
 temporis, quo Mathias multa præter Majo-  
 rum instituta, suo arbitratu decreverat, actum  
 est de conditionibus, quibus regnum electo  
 deferendum esset. a)

Earum sententia hæc fere fuit: Immuni-  
 tates, & consuetudines regnicolarum illiba-  
 tas servabit, & quæ Mathias adversum has  
 statuerat, antiquabit, præsertim florenum  
 auri, sæpius ab illo, contra quam promise-  
 rat,

---

a) Exstant in Cod. jur. patr. Tom. I. pag. 255.

rat, imperatum, non exiget, & ordinariis  
 1490. regni proventibus contentus erit. Bona sive  
 a decessore, sive ab aliis vi occupata sint,  
 ut secundum iustis formam dominis suis restitu-  
 antur, curabit, nec sinet, ut corona unquam  
 efferatur e regno, sed Willegradi, prisco more,  
 conservatoribus custodienda tradatur. Pro-  
 mittet quoque, Moraviam, Silesiam, Lusa-  
 tiam, & adnexas sex civitates, non ante a  
 regno abstrahendas, quam precium in Con-  
 ventu Olomucensi, ex pacto statutum, a)  
 fuerit redhibitum, idque in domo thesauri  
 regii, publicis necessitatibus servandum, re-  
 ponet. Similiter, quæ Mathias in Austria,  
 Stiria, Carniolia, & Carinthia, armis asseru-  
 erat, inconsultis Prælatiis, & Baronibus non  
 restituet, si autem, numerata ab Imperatore,  
 vel rege Romanorum, pecunia, restituerit,  
 hanc itidem ad publicas regni necessitates  
 servabit. Quia vero duorum regnorum cura  
 nunc illi incumbat, Bohemiz autem nihil ab  
 hoste periculi sit, in Hungaria potiore tem-  
 poris partem exiget, & in hac Hungarorum,  
 non exterorum consiliis utetur, nec dignita-  
 tes, & officia aliis, quam Hungaris, confe-  
 ret: severe etiam vetabit, ne a iudiciis, *Octa-*  
*valia* nostri vocant, ii, quorum arbitrio cau-  
 sæ ventilantur, sine gravi, & legitimo impe-  
 dimento, absint, neminemque iudicum coget,  
 ut

---

a) Conf. quæ ad an. 1479. memorata sunt,

ut favore cujusquam ductus, sententiam ferat, minime autem omnium, suggestione, aut querelis aliorum, se adduci patietur, ut quemquam, cujuscunque sit conditionis, præter juris consuetudinem, in rebus, & persona, impediatur, vel lædat, aut occasionem nocendi de industria aucupetur; de moneta nihil sine regni Ordinibus constituet, atque hæc omnia ante coronationem rata habebit.

Sunt in his conditionibus non paucæ, quæ vitia Mathiæ, in regimine commissa, satis perspicue declarant, quibus etsi quidem, illo vivo, regni Ordines sæpe cautum voluerint, nunquam tamen, partim potentia armorum illius territi, partim, quod animis fere semper discordes essent, mederi poterant, quo factum, ut cum futuro rege, majori licentia sibi agendum putarent, estque id, quod sciam, primum omnium ante coronationem, inter Regem, & Ordines, conventionis apud nos vestigium, qua auctoritati Regiæ limites a Magnatibus, qui fere omnia ad suum, non item commune regni bonum, revocabant, præscripti sunt. a) Atque hinc malorum, quibus Hungaria deinde involuta erat, origo. Cum enim adstricta potestate Regis, huic se pene pares ferrent, contemni sensim reliqua Nobilitas, & hæc vicissim illis primum quidem obniti, postea largitionibus

Li 2

po-

---

a) Istvanfy hist. I. 1. ad initium.

1490. **potentiorum in partes distrahi, & factionibus inter se dissidere, regnumque inter has, extero hosti præda fieri cœpit.**

III. Wladislaus, postquam ex Legatis, se regem electum esse comperit, iter in Hungariam decem equitum, & quinque peditum millia ducens, acceleravit. Regnum ingresso, Prælati, & Barones magno numero, ad *Farkashidam*, quasi luporum pontem dicas, occurrunt, salutatoque conditiones, quibus eidem regnum delatum vellent, offerunt, quas ille, quid enim adipiscendi regni causa non faceret, III. Calendis Augusti ratas habuit, simulque conventionem, quam regnum cum Joanne Corvino inierat, eodem die confirmavit. Inde Budam deducto, apparatus ad inaugurationem facti, quos nova molitio Corvini, qui cum Agriensi, Varadiensi, Quinque-Ecclesiensi, & Jaurinensi, episcopis, tum Stephano Bathorio, Bartholomæo Auranzæ Priore, & Thoma de Raska, in societatem coaluerat, fere intercept, verum cognito, hanc ad mutuum duntaxat contra privatos inimicos auxilium pertinere, a) metus evanuit. Tanto major regi a fratre Alberto incussus est, qui, quamquam sciret, misso ex Hungaria ad Casimirum Legato, de concordia inter se, & fratrem agi, tamen armatus, re-

---

a) Litt. convention. munitæ 7. sigill. Dat. Budæ in festo assumption. B. M. Virg. 1490.

regnum ingressus, Septembri mense jam castra ad *Zerenchum* defixerat, a) quā hostis propinquitate, regni Ordines veriti, ne vixdum sopita dissensio recrudesca, indicta Albam protectione, Regem XVIII. Septembris, solito ritu inaugurarunt. b)

1490.

Interea res Austriæ penitus collapsæ sunt. Maximilianus, deductis ex Suevia copiis, quibus Albertus Bavarus suas adjunxerat, occupatis per iter plerisque castris, quæ Hungari tenebant, Viennæ appropinquabat. Stephanus Zapolya, relicto urbi præsidio, & convasato Mathiæ thesauro, in Hungariam abiit, cujus recessus, fugæ similis, animos civibus addidit, ut, redactis in arcem Hungaris, Maximilianum læti acciperent, qui tentatis aliquot assultibus, præsidarios ad ditionem compulit, brevique post subacto Leitponto, Hungariæ imminabat. Wladislaus, ne sibi cum duobus hostibus res esset, Legatos ad eum miserat, qui de illata sibi injuria quererentur, & litem de successione, delectis utrinque arbitris, committi peterent. Verum is injuriæ crimen facile ab se repulit, & in Hungaros conjecit, qui pacta successionis, a

I i 3

Ma-

a) Litt. Alberti ad Bartphens. Dat. in campo ante possession. *Zerench*, fer. 5. prox. post fest. B. Egidii. 1490.

b) Litt. Wladislai, Dat. Albæregali fer. 5. prox. post fest. exalt. S. crucis eod. an.

1490.

Mathia, & regni Ordinibus, publica stipulatione inita, Wladislao electo, irritassent, nec illud locum habere posse, quod ad hæc firmanda, se coactos esse dicerent, alioquin nullum foedus, quantumvis fide publica sancitum, inter gentes futurum, quod hac ratione, impune violari non possit. Dimissis cum hoc responso Legatis, sub initium Octobris, plurius Magnatum, a) quibus Wladislai electio non probabatur, hortatu, Hungariam ingressus, occupatis Kismartonio, Sopronio, & Güns, partem copiarum Zagrabiam, quæ sponte se dediderat, misit, ipse Albam cum reliquo exercitu profectus, urbem XVI. Novembris b) assultu cepit, & militi diripiendam dedit.

Vesziprimum quoque a loci Episcopo, spe obtinendi Viennensis episcopatus, Maximiliano traditum, qui, sumto abhinc titulo Regis Hungariæ, & imposito, quantum satis esset, Albæ præsidio, Budam versus movit, cum milites coorta seditione, ob Albensæ prædam inter pedites, & equites non rite distributam, tum stipendia nondum soluta, deser-

---

a) Horum nomina vid. apud Pray P. IV. pag. 237.

b) Manus cœva ad d. 16. Nov. in Breviar. Strigon. hæc notavit: *in festo S. Othmari civitas Albaregalis fuit despoliata per Maximilianum regem Romanor.*

fertis signis, in Germaniam rediere. Itaque a proposito desistere coactus est, alioquin Budam facile occupaturus, quod Wladislaus, vim præcipuam fratri Alberto opponens, præsidio fere vacuam reliquerit. Præmiserat is jam Octobri mense, magno numero copias, quæ Polonos ulterius progredi veta-  
rent, quas ipse brevi consequutus, ut sanguini parceret, evocato ad colloquium fratre, Glogoviensem Ducatum ei se cessurum promisit, si bello abstineret. Hoc dono pacatus, Hungaria, excelsit, tametsi concordiam non diuturnam fore, plerique existimarent, ut ex eventu patuit, a)

1490.

IV. Ipsa enim sequentis anni hyeme, rursus Hungariam ingressus, Cassoviam obsedit, sed pugna cum Stephano Zapolya congressus, semel, iterumque inferior, Legatis, a patre interea missis, obsequutus, pacem cum fratre, his conditionibus iniit: Wladislaus, legitimus Hungariæ rex haberetur, hic vicissim fratri Alberto, præter Glogoviensem Ducatum, etiam Saganensem jure hæreditario cederet, similiter post obitum Conradi Ducis Albi, quæ hujus sunt, obtinebit, interea au-

1491.

I i 4

tem

a) Bonfinius Dec. 4. l. 10. Sambucus in append. ad Ranzani indic. Ludovicus Tubero l. 3. Cuspinianus de Cæsarib. in Maximiliano I. Roo l. 10. Linck. l. cit. ad an. 1490. Litt. regis dat. Budæ in fest. B. Galli.

1491. ~~tem~~ quotannis proventus ex ejus dominiis reddi solitos, numerato ære pensabit: pro Oppaviæ Ducatu, quoniam jure hæreditario Joannis Corvini esset, si alio non posset commutari, tria quovis anno florentorum millia a Rege percipiet; qui Toftensem quoque Ducatum eidem adjunget, salvis ubique incolarum immunitatibus, & prærogativis, atque hæc omnia juris fraterni sint, eousque, donec regnum Poloniæ-obtinuerit, tum vero ad Hungariæ reges devolvantur, si contra eveniret, & hæredes relinqueret, ad hos æquo jure, ea tamen conditione, pertinebunt, ut regibus Hungariæ, clientelares sint, interea autem, dum possessionem Ducatus Glogoviensis adeat, Eperiessum, & Cibinium in Hungaria, pignoris loco tenebit; amnestia denique non ad eos solum, qui partes Alberti fuissent sequuti, sed illos etiam, quos Mathias olim exulare jussisset, pertineat. a)

Pace his conditionibus cum Fratre stabilita, Albam, aliaque loca a Maximiliano occupata, prius recuperare constituit, quam eidem auxilia in Comitibus Norimbergæ decer-

---

a) Litt. regis dat. Agria, Sabbath. prox. post octav. epiphan. item ex Mochy fer. 3. prox. ante fest. Vincentii M. rursus Cassovia fer. 6. prox. post Dominic. Reminiscere. 1491. Sommersberg diplom. Boh. Siles. Tom. I. apud Pray P. IV. pag. 219.



cernerentur. Stephanus de Bathor, cui eam curam Rex mandarāt, urbem V. Junii emissus obsedit, quam ipse cum XL. fere millibus non longe post sequutus, undique cingens, diu, noctuque eminus, verberari iussit. Germani, cum viderent, moenibus labefactis, locum defendi jam non posse, impetratis quinque dierum induciis, XIX. Septembris hac conditione dimissi sunt: ut spolia templis erepta restituant, quibus redditus, facultas iis, cum omnibus suis impedimentis, abeundi dabitur, triginta plaustris, ad vehendas sarcinas, attributis, & manu militari, quæ illos, ne per iter colonorum injuriss pateant, ad Austriæ limites tuto deducet. Alba dedita, eadem celeritate Veszprimium, & castrum ferreum recepta sunt, nec minus feliciter Corvinus, profligato Székelyio, qui Maximiliani partes amplexus erat, rem ad Zagrabiam gessit, Turcæ etiam ad Hunum amnem a Croatis magna clade affecti, & castra aliquot Austriæ, Danubio adflita, in potestatem redacta sunt. a)

### Res

a) Bonfin. Dec. 5. l. 2. Istvanfy l. 1. ad hunc an. Tubero l. 5. Litt. regis in vigil. fest. visitationis B. V. item in fest. Margaritæ V. & M. Dat. in castris exercit. nostri sub obsidione civitatis Albæ regalis 1491. Manus cœva Breviar. Strigoniens. In festo S. Bonifacii mense

Ju.

1491. Res secunda hactenus fortuna ab Hungaris gestæ, Cæsarem, & Maximilianum, ad ineundam cum rege pacem permoverunt, præsertim, quod auxilia ab Imperialibus promissa, nimis lente, nec rite sibi administrari viderent. Nec Wladislaus, quod iniquies Alberti fratris ingenium novos in superiore Hungaria motus concitare videretur, a) ab ea abhorrebat. Constitutis igitur Posonii utrinque arbitris, pax his conditionibus, VII. Novembris coaluit. Wladislaus, semoto omni litigio, verus, & indubitatus Rex Hungariæ maneat; hæc ab ejus obitu, solum ad masculos hæredes devolvatur: concordia inter Principes, regnaque illorum, & incolas perpetua sit, mutuoque se adversus hostes

---

*Junio Stephanus de Bathor obsedit civitatem Albam regalem contra Alemannos. Litt. regis Palotha in vigil. B. Laurentii M. Ceterum, in Austria quoque, certa castra ad portum Danubii expugnari fecimus, propter quæ omnia jam etiam serenissimi DD. Romanor. Imp. & Rex, nobiscum de pace, & concordia agere coeperunt, & his diebus Oratores, & Consiliarii utriusque partis convenire debebunt.*

a) Litt. regis Buda in festo B. Andreæ Apost. Sed hic (Albertus) nescimus, quo suscepto consilio — novas guerras, & flandras, in hoc regno temere excuscitavit, &c.

les juvent : prædæ, spolia, vastationes, & 1491.  
damna a Mathiæ temporibus illata, pro aboli-  
tis utrinque habeantur. Wladislaus, castra,  
civitates, aliaque loca, quæ Mathias in Au-  
stria, Stiria, Carniolia, & Carinthia occupa-  
verat, relictis ubique tormentis, bellicoque  
apparatu, Cæsari restituet, facietque, ne  
Corvinus in his reddendis morosum, & diffi-  
cilem se præbeat; Maximilianus vicissim, quæ  
in Hungaria, Croatia, & Sclavonia armis  
subegit, bona fide cædet, sumptum tamen bel-  
li, Rex Hungariæ intra biennium, centum  
millibus florenorum auri pensabit, condona-  
bit etiam illa centum millia, quæ Cæsar Ma-  
thiæ regi debebat, litterasque, quibus fidem  
suam obstrinxerat, eidem reddet, si inveniri  
possint, sin contra, aliis litteris immunem ab  
hoc onere declarabit : præterea, omnibus,  
qui Maximiliani partes hactenus sequuti sunt,  
erratorum veniam faciet, neutri tamen post-  
hac fas sit, rebelles, & alterutri Principi in-  
fideles, in suas ditiones recipere, protegere,  
aut re, consiliove iis opitulari, quin adver-  
sum tales sibi vicissim auxilium præstabunt,  
captivos denique utraque pars liberos di-  
mittet. a)

sed,

---

a) Auctar. diplomatar. ad hist. Urfini Velii pag.  
238. — 266. & ex hoc apud Pray, Par. IV.  
pag. 231. — 247.

1422.

V. Supererat Cæsar, qui, ut fere in rebus suis lentus erat, sequente primum anno, cum Lincii ageret, pridie Nonas Januarii, suo etiam nomine, pacta stabilivit. Non eum tamen, qui sperabatur, exitum pacificatio habuit in Comitiiis, quæ ad diem II. Februarii indicta erant. Ut enim capita illius legi coepta sunt, multi palam obstrepere, servitutem hanc, non pacem quiritari, & prope erat, ut violentas manus Legatis injicerent. Itaque cessatum, nihilque aliud ex ea in Comitiorum Acta, quam pacem cum Cæsare, & Romanorum rege, confectam fuisse, relatum est. Cetera, quæ in iis acta sunt, partim ad ea, quæ Rex in aditu regni *Farkashidæ* se servaturum receperat, partim quæ a decessoribus in bonum rei publicæ jam sancta erant, firmanda pertinent. Notata est præterea Mathiæ, bona aliis præter juris ordinem adimendi facilitas, quæ ut indicio est, quam arbitrarie imperitarit, ita quoque, ut licentiæ huic deinceps modus poneretur, statutum, ut quæcunque sive ab illo, sive Regina, aliisve, vi occupata erant, iis restituantur, quorum antea fuisse, judices compererint. Illud autem, ut reor, præter Majorum instituta factum, quod regis potestas donandi ad centum colonos solum, quos suo arbitratu aliis conferre posset, adstricta, si vero hunc numerum excederent, consilio Præ-  
lato-

latorum, & Baronum opus ei fuerit. a) Hac-  
 enus enim Andreas II. solum exteris nullas 1492.  
 possessiones se collaturum promiserat, b)  
 dem ab Alberto factum, qui præterea, ju-  
 ra regalia, & coronæ, nec cum, nec sine a-  
 iorum consilio, se pignori daturum, vel in  
 perpetuum venditione alienaturum, pollici-  
 us erat; c) ipse Wladislaus quoque, dum ei  
 conditiones offerrentur in regni aditu, non  
 illis, quam Hungaris de regno bene meritis,  
 e bona donaturum, nulla isthuc, adstrictæ ad  
 certum numerum in donando regiæ potesta-  
 is, facta mentione, spopondit. d) Credibi-  
 e est, regni Ordines fuisse veritos, ne  
 ob profusam decessorum regum liberalita-  
 em, & nimium Mathiæ, quo in filium  
 uum ferebatur, studium, proventus regii ita  
 ensim attenuentur, ut nec majestatem suam  
 ro dignitate regia tueri, nec potestatem in  
 rei publicæ commodum, exerere posset.

Agebatur Comitiorum tempore, privatim  
 etiam de matrimonio inter viduam Reginam,  
 &

a) Decret. an. 1492. art. 9.

b) Decret. an. 1222. art. 26.

c) Decret. an. 1439. art. 16.

d) Inter conditiones 13. Cod. patr. Tom. I. pag.  
 257. Nisi forte, dum Albæ coronatus erat, id  
 promississet, cum diserte isthic addatur, *prout*  
*continetur in litteris juramentalibus sua Ma-*  
*jestatis.*

**1492.** & Regem ineundo, quod illa, corrogato Optimum patrociniò, vehementer urgebat. Verum Wladislaus præterquam quod suoapte ab hoc abhorreret, illud etiam ægre ferebat, quod virosa mulier, apud Pontificem, quasi spe facta matrimonii, rem cum ea habuisset, nomini suo maculam aspergere, ausa esset. Itaque accepto ab iisdem, quorum patrociniò hactenus nitebatur, consilio, in Italiam reversa est. Vixdum a molestiis illius se expedierat, cum mors patris Casimiri, VII. Idus Junias defuncti, novas ei curas confecit, verito, ne forte fratres regni causa inter se disfidere inciperent. Quare misso in Poloniam Legato, Jus suum in fratrem Albertum transtulit; cum ut ea, quæ nuperna pacificatione eidem in Silesia cedere coactus erat, juri pristino assereret, tum, ut contra refractoriorum conatus, sibi illum conciliaret. Exstabant enim jam tum quædam domi indicia, ex quibus se non eo, quo oportebat, loco apud eos, qui dignitate, & opum affluentia ceteris præstabant, haberi intelligebat. a)

Redierat sub idem tempus, quem anno priore Constantinopolim miserat, Emericus Czoborius, qui inducias quidem ea conditione, ut neutris in hosticum vi, dolore ingredi, nec

---

a) Litt. Pontif. ad regem, apud Pray, P. IV. pag. 249. regis ad eund. ibid. pag. 253. Sommersberg Mantifs. diplom. pag. 84.

nec castrum, urbemque occupare fas sit, pro-  
rogatas affirmabat, parum tamen barbari in-  
genio fidendum esse, qui ad Sophiam eos ap-  
paratus faciat, ut incertum sit, in quam par-  
tem belli molem transferre cogitet, videri  
tamen Hungariam ab eo designari. Idem Pe-  
trus Colocensis Archi-episcopus Regi signi-  
ficaverat, certis nunciis Belgrado ad se per-  
latum esse, Cæsarem Turcarum ad *Plodynum*,  
præter ingentem peditum, equitumque nume-  
rum, viginti Timariotarum millia, in suo co-  
mitatu habere, pluresque ex Asia illum sub-  
sequi iussos esse. Nihil proinde dubitatum est,  
quin, induciarum simulatione, bellum paret,  
præsertim, quod Szabacsum, nocturno assul-  
tu frustra ab hoste tentatum fuisse, recens  
significatum esset. Belgrado igitur inprimis,  
& Jayczæ, ac Severino provisum, Temes-  
varino item addita nova opéra, & præsidium,  
quantum ad vim arcendam satis esset, impo-  
situm. a)

Verum Bajazetes, solitus alibi minari, &  
vires alio convertere, hoc apparatu Transil-  
vaniam in annum sequentem designaverat.  
Hanc illius jussu Jacupes, Bosniæ Præfectus,  
cum Alibego, ipsa hyeme transmissis Danu-  
bio, sed inauspicata fortuna, ingressus, cum  
se spoliis agendis occupat, a Bartholomæo  
Drag-

a) Litt. Colocens. Archiep. ad Regem apud Pray  
l. cit. pag. 250 & 252.

**1493.** Dragſſo, provinciæ Vajvoda, circumventus, amiffis quindecim fuorum millibus, caſtris, ac impedimentis exutus, cum paucis in adverſam fluminis ripam evaſit. Relatam ex hoſte victoriam Wladislaus, datis Romam litteris, oratori ſuo, Nitrienſi epiſcopo, ſignificavit, quas dum hic Pontifici, & Cardinalibus, in Beatricis cauſa occupatis, legiſſet, Pontifex felicem ſucceſſum Regi gratulatus, eum ſimul a ſponſione matrimonii, quam Beatrix prætexebat, liberum pronunciavit, vetuitque huic, ne ullam deinceps illius mentionem faceret. Simili ſententia initam olim ſponſionem inter Blancam Mediolanenſem, & Joannem Corvinum, irritam declaravit, ſponſa, quæ non niſi Regi nuptura erat, non invita. a)

Dum hæc Romæ aguntur, rege, quod ab importuna muliere tandem liberatus eſſet, mire læto, Turcæ cladem nuper in Tranſilvania acceptam ulturi, Croatiam, & Carnioliam pervagati, fœde omnia populabantur, quos dum noſtri hominum, rerumque præda onuſtos, reditu intercludere vellent, diſſentientibus inter ſe ducibus, cum hoſte congreſſi, deſideratis quinque millibus, ſigna, & caſtra amiſere. b) Jacturam hanc Rex eo gravius tu-

---

a) Raynaldus ad. an. 1493.

b) Leunclavius hiſt. Muſulman. ad an. 1494.  
ob diverſam hegyræ rationem.



tulit, quo magis metuebat, ne, quod Ducum  
 dissidio peccatum fuit, suæ, qua se alias jam  
 a suis notari audierat, desidiæ tribuatur. Ac-  
 cessit, Cæsare XIX. Augusti defuncto, altera  
 cura, ne Maximilianus proposito suo inhærens,  
 pacta successionis in proxime futuro conven-  
 tu ab regni Ordinibus, ut Posonii conventum  
 erat, firmari postularet, quod quam arduum  
 esset, ex nuperna Ordinum repugnantia præ-  
 videbat, quia tamen fidem suam liberare vel-  
 let, rem in aliud tempus, dum animi ipsa  
 mora subsidant, differri optabat. Viennam  
 igitur officii causa, Urbanum Agriensem Epi-  
 scopum, & Nicolaum Banfium misit, qui Cæ-  
 saris funeri interessent, & si usus ferret, quæ  
 Maximiliani mens esset, periclitentur. Sed  
 cum reversi, illum in proposito perflare, re-  
 ferrent, ingenti sollicitudine regem implevere,  
 cum facile conjicere potuerit, quem exitum  
 res in Comitibus, mense Septembri celebran-  
 dis, habitura esset. Et re ipsa, vix sub ipsum  
 conventus initium, de pactis cum Maximilia-  
 no initis, Ordinum consensu firmandis, sen-  
 tentiæ rogatæ erant, cum res jam prope tu-  
 multum fuit, palamque ignavia regis fugil-  
 lata, & Ordinum jussu per Zapolyam Pala-  
 tinum, eidem oggesta est, cui Rex commo-  
 tum animum colligens, respondit; culpam  
 non tam in se, quam regni Proceres, qui con-  
 temta dignitate regia, suo arbitratu omnia  
 agerent, malisque artibus regnum, quod mu-

1493. tuis cædibus, fortunarumque direptionibus satis jam labefactatum sit, conjiciendam esse, se, amotis ex Hungaria Polonis, & Germanis, & facta cum utrisque pace, compressis præterea domi seditiosis, regno optime consultum voluisse, per illos proin stare, ut fructus pacis, cui sub Mathia similem non habuissent, in regnum redundet; a) magnos quidem in regni aditu proventus sibi fuisse promissos, nunquam tamen integre redditos, & quos ipse hactenus in utrumque bellum impendisset, a Bohemis subministratos esse. b)

His altercationibus, nulla fere re, quæ ad firmanda pacta attinebat, soloque *Kishorvatho*, ob infidelitatis crimen bonis omnibus exuto, perfecta, conventus solutus est. c) Fuere tamen, quamquam pauci, qui pacta successionis suo assensu firmarint, sed potior  
No-

---

a) Litt. regis ad Borsfodien. d. 2. Pentecost. 1492. *Peperimus denique tantam vobis pacem, & tranquillitatem, ut similem vos habuisse, nemo ex vobis est, qui recordetur.*

b) Auctar. diplomat. l. cit. pag. 323. Somersberg l. cit. ad hunc an. Litt. Colocens. Archiep. apud Pray l. cit. pag. 252. — 258. Raynald. ad h. a. Peuterus in Maximiliano & Philip. l. 5. c. 2. Bonfin. Dec. 5. l. 3. Istvanfi l. 1. in fin. & l. 2. init. Roo l. 10. & 11. Tubero l. 4. §. 14. Cromerus l. 30.

c) Decret. regis apud Pray l. cit. pag. 258.

Nobilium pars, á Palatino in ejus partes peilecta, adversa erat, & ut Maximiliano successioneis spem omnem præcideret, coronam, sine qua regnum legitime adire non posset, mutatis, injussu regis, illius custodibus, curæ Palatini, & ne in hunc solum invidia recideret, Episcopi quoque Agriensis, Thomæ Bakoczii, commiserat, qui constitutos ab se arcis Wissegradiensis Præfectos, juramento adstrinxerant, ne coronam loco moveri sinant, neve illam, Palatino, & Episcopo inconsultis, ulli petenti, ne regi quidem, aut Prælati, regnique Baronibus consignent, officio, si custodibus visum fuerit, decedant, locumque dent iis, quos illi substituerint. Custodes ipsos, si majore, quam in arce sint, militum numero venient, castrum nunquam ingredi patientur, nisi forte id ab hoste obsideretur, tum vero totidem admittent, quot in castro morantur, meminerintque, se, non majori fide Episcopo, quam Palatino, & Joanni hujus filio, obstringi. a) Cur hic Joannes Zapolya, Palatini filius, qui per ætatem nullo adhuc in re publica munere inclaruerat, partem in corona custodienda habuerit, non satis liquet, nisi forte Palatinus hac ratione ei viam ad regnum sensim parare voluerit, quod ei vix e cunis

K k 3

egres-

---

a) De Rewa comment. de corona Tom. II. scriptor. rer. Hung. pag. 458.

**1493.** egresso, jam mortuo Mathia, destinasse ferebatur. a) Certe, qui hujus thesaurum olim suum fecerat, & nunc, non modo jus regium, custodes enim coronæ constituere, semper regum erat, violente usurpavit, sed spreto etiam severissimo regis mandato *Zomborium* Corvini castrum, in suam potestatem red-egit, & affinitate cum Laurentio Duce de Ujlak, regis adversario, contracta, vires, consilia, opesque conjunxit, non inani conjecturæ locum præbet, eum filio suo, ut ex eventu patuit, jam a teneris animum ad regiam dignitatem aspirandi, ingenerasse. b) Sed de hoc alias uberior memorandi locus erit.

**1494.** VI. Wladislaus videns, magnam suorum partem a nuperna cum Maximiliano transactione vehementer abhorrere, quin se despic-

a) Herberstein comment. rer. Moscov. pag. 148. Memini enim me audivisse a Joan. Laszky, qui Casimiri reg. Pol. secretarius, ac postea Archiep. Gnesnen. fuit, hunc Stephanum (Zapolya,) cum, Mathia rege mortuo, — de creando novo ageretur, filium suum Joannem, adhuc infantem complexum, dixisse, si tantulus esses, fili, modo corporis paulo majore ostenso, nunc Rex Hung. esses, idque idem Archiep. seu bene ominatum — non destitit jactitare, cum inter nos de pace inter principem meum (Ferdinandum) & Joannem concilianda, ageretur.

b) Istvanfi I. 2.

Ipſicui etiam haberi, ut præſidium ſibi contra horum molitiones pararet, cum fratre Alberto Leuchoviam, Poloniæ finibus propinquam urbem, condixit. Convenere eo etiam Sigismundus, & Fridericus, Alberti fratres, regioque more accepti ſunt: Palatinus Zapolya, quod regem ob vi occupatam Corvini arcem, ſibi iratum vereretur, non prius, quam impetrata impune redeundi venia, adfuit, neque tamen, dum illi inter ſe agerent, in conſiliorum partem admiſſus eſt, quod ei ſuſpicionem moverat, quaſi Rex *Kiliam*, & *Bielogradum*, quæ ſſuris Hungarici in Moldavia erant, Poloniſ cedere velit, quod ut facile a multis creditum eſt, ita novam occaſionem eorum animos a rege alienandi præbuit, licet reges id ſolum in eo conventu inter ſe tranſegerint, ut ſibi contra inteſtinos hoſtes, & refractarios, mutuo auxilio eſſent. Rex ſalutatis poſtremum fratribus, Caſſoviam, & hinc in Tranſſilvaniam proſectus, pacata provincia, & imperata incolis pecunia, Temesvarinum veniens, bellum in Laurentium Ducem, qui regem bovis nomine compellare per contumeliam ſolebat, decrevit, cura gerendi illius Dragſio credita, qui tranſmiſſo Danubio, *Uilakum*, præcipuam Ducis arcem, expugnavit, & cum hac multos ab ejus ſocietate abſtraxit. Hac jactura Dux territus, Palatini opem implorabat, qui, cum perſonam magis imperantis, quam de-

**1494.** ~~precatoris~~ precatoris præferret, causamque ad se pertinere, Regi nunciasset, hic graviter offensus, capto Uilako, oppidum S. Demetrii, reliquasque Ducis arces in Sirmio occupari iussit, eademque celeritate Kishorvatus, quatri-duo omnibus arcibus exutus, mox tamen, postquam se de damnis satisfacturum, & in Regis fide mansurum receperat, interventu Maximiliani Cæsaris in gratiam receptus est. a)

**1495.** ~~Non~~ Non eadem benevolentia in Ducem usus est, cujus arces Caposvarum, Rahociam, & Némétujvarinum, sequente anno, eidem adimi mandavit, qui, cum se omnibus bonis privatum videret, clementiam regis tandem implorare coactus est, a quo erratorum quidem veniam facile impetravit, de restitutione bonorum autem in Comitiiis proxime futuris, quod Legatus a Bajazete adesset, cum quo de prorogandis induciis tractandum erat, agi voluit. Legato, post impetratas trium annorum inducias, dimisso, initium Comitiiis datum. In his, quæ triennio abhinc in regni conventu, ob temporis brevitatem, affecta erant relictæ, nunc secundis curis cognita, auctariis locupletata, &, quæ dubiis locum præbere poterant, illustrata sunt. De proventibus regni, magnopere jam attenuatis, il-

---

a) Miechovius l. 4. c. 74. Cromerus l. 30. Tübero l. cit. l. 5. §. 10.

illud constitutum, ut, qui illis præficiuntur, 1495.  
 Regi quotannis, reddituum, & erogationum rationes reddant. Comitiorum quoque ratio, ne tempus inani garritu, & confabulatione teratur, coganturque mediocris census Nobiles, sumtibus exhausti, ante finem eorum discedere, paulo alia a priore instituta est. Ad hæc, non jam delecto numero, sed omnes Prælati, Barones, & Nobiles, uno prius mense, a Rege evocandi erant, qui interea, donec præstitutum tempus adesset, convocatis Prælati, & Baronibus, qui ei a consiliis esse solent, necessitates suas, regnique, procul semotis privatorum causis, proponet, qui has deinde ad regni Ordines, dum collecti fuerint, referant, ut cum moderamine, &, quæ viros, quibus Patria cordi est, decet, gravitate, deliberent, quodque ad publicum emolumentum pertinere videbunt, constituent. Si in opinionum conflictu non omnibus conveniret, Magister Janitorum, suffragia viritum rogabit, secundum quæ, sanior pars sententiam feret, ut, hac ratione, Comitibus citius solvi, & negotia tempori, necessitatique rei publicæ cum fructu accommodari possint. a) Saluberimum Institutum, sed postea, dum factionibus in dies magis invalescentibus, res strepitu magis, ac vociferatione, quam consi-

---

a) Decret. an. 1495. Tom. I. Cod. jur. patr. pag. 283.

**1495.** filiis, ageretur, magno semper regni damno neglectum, ut ex eventu patebit.

De bonis Laurentio Duci restituendis, nihil in Comitiorum actis consignatum reperio, Rex tamen precibus multorum flexus, & quod reus se eorum consilio, qui ex turbata re publica, lucri compendium solent facere, seductum ingenue fateretur, privatim ita cum eo transegit, ut possessionem quidem bonorum, ei adire liceat, sed si sine liberis decederet, ad Fiscum devolvantur, Præfectis arcium juramento adstrictis, ut has, illo defuncto, sine mora regi consignent. Sub conventus finem, Bartholomæus *Berizlous*, Aurane Prior, ob adulteratam monetam, & vim honestissimis matronis, ac virginibus illatam, consiliaque cum Turcis communicata, variorumque, rapinarum, & perfidiæ criminum reus, in carcerem conjectus est. a)

**1496.** Cum sine Comitiorum quies quoque domi restituta videbatur, cum Joannes Corvinus,

---

a) Bonfin. Dec. 5. l. 5. Istvanfi l. 3. hic hominem scelestum culeo insutum, & Danubio mergum perhibet. Legitur tamen Decreto an. 1505. de non eligendo Rege extero, subscriptus, & Julius II. an. 1507. d. 20. Mart. scribens *Judicibus regni Protonotariis nuncupatis*, ut captivum, datis fidejussoribus, dimittant. Conf. Pray Dissertat. de Prioratu Aurane, Vien, 1773. pag. 57. seq.



nus, jacturam arcium, quas a patre aquisivit, ægre ferens, conducto in Polonia milite, accitisque ad signa, qui utriusque regni limites infederant, latronibus, ac facinorosis hominibus, superiorem Hungariam, ipsa hyeme, actis prædis, sed non impune, infestabat. a) Palatinus enim periculo mature occurrens, eam hominum colluviem prælio fractam, regno facile exegit, &, quod victoriæ anteferendum est, Corvinum Regi opportune conciliavit, qui per id tempus, quod Bajazetem ingentes iterum apparatus facere, rumor vulgaret, nec induciarum tempore ei satis fidendum esset, vires omnes collectas habere cupiebat. Cum autem de sumtibus ad bellum, si ingrueret, necessariis consultatio institueretur, & ærarii rationes fuissent subductæ, compertum est, Sigismundum Quinque-

1496.

Ec-

- a) Litt. regis ad Bartphens. dat. Posonii fer. 2. post fest. B. Dorotheæ ad an. 1496. *Cum his diebus accepissemus Illustrē Joan. Corvinum — gentes in regno Pol. ad stipendia convocare, atque omnes latrones, & alios flagitiosos homines — confluere, eo consilio, ut ad hoc regnum nostrum hostiliter venirent &c.* item litt. Steph. Zapolyæ ad eosd. ex Rosenberg, fer. 5. ante Dominic. Oculi, 1496. *Sciatis, quod inimici hujus regni, qui — damna, & spolia inferebant, — habito cum eis campestri conflictu, prostrati, & expulsi sunt.*

**1496.** Ecclesiensem Episcopum, id non ea, qua par  
erat, cura, & diligentia administrasse. Habi  
ta igitur quæstione, repetundarum damnatus  
& custodiæ traditus est, nec ante dimissus  
quam quadringenta florenorum millia nume  
rasset. b)

**1497.** Dissipato, qui diditus erat, belli Turci  
ci rumore, Wladislaus magna curarum par  
te se liberatum videns, Bohemiam, quam  
suo in Hungariam ingressu non adierat, ma  
gno Procerum, sibi familiarium, comitatu fi  
patus, revisit, Pragamque veniens, res vica  
riorum, quos per sui absentiam constituerat,  
desidia collapsas, in integrum restituit, inde  
in Silesiam profecto, ab Ordinibus provin  
ciæ, & Moraviæ, juramentum fidelitatis præ  
stitum est, sed, cum dubitaretur, utrum Hun  
gariæ, an Bohemiæ Regis, nomine dictum  
fuerit. multis rursus occasio, Regi obloquen  
di, non tam data, quam studiose quæsitæ fuit.  
Commorantem apud Silesios, clades fratri  
Alberto a Moldavis illata, in Hungariam re

VO-

---

b) Bonfin. Dec. 5. l. 5. sed male ad an. 1495.  
Cod. enim Ms. de proventibus regis, qui in  
Biblioth. Cæs. Vien. exstat inter hist. Prof. Lat.  
Nro. 487. hæc ad d. 29. Dec. an. 1495. diser  
te notat. *Eodem d. de commissione D. Thesau  
rarii*, (erat is Episc. Quinque-Eccles.) *mani  
bus M. Pauli Sartoris D. Thesaurarii — de  
ti sunt fl. 17.*

vocavit, cumque per iter intellēxisset, Turcas Tartaris conjunctos, Moldavorum exemplo incitatos, vastata Polonia, fere centum Christianorum millia in captivitatem abduxisse, veritus, ne fratris causa, sibi etiam a Turcis molestia conficeretur, ut primum Budam redierat, Legatum ad Bajazetem misit. Mandatorum hæc summa erat, quæ Legati curæ, & fidei credidit. a)

1497.

Ante omnia, ut regiæ dignitatis semper memor, cum ei aditus ad Bajazetem patuerit, primum de violatis per Alibegi filium induciis, qui nuper mercatores Belgradenses necari jussit, & castrum *Comothin* in Bosnia vi occupavit, libere, graviterque queratur; hæc se hactenus amicitiae causa dissimulasse, licet Christiani Principes operam dederint, ut vires suas iis contra Turcas jungat, pottiorem sibi tamen fuisse induciarum fidem, quibus regno, & ditionibus eidem adnexis, consultum voluerit. Præterea, non ignorare Bajazetem, Poloniam jure primogenituræ, ad se magis, quam fratrem Albertum, cui eam volens cesserit, pertinere, proinde damna hujus sui itidem esse, cupereque, ut a vastanda Polonia deinceps suos abstineat, ceteroquin facile se effecturum, ut cum ipse,

tum

---

a) Micchow l. 4. c. 75. Cromerus l. 30. Instructio Legati apud Pray, P. IV. pag. 274. sed non rite ad an. 1496. locata.

1497. **tum ceteri Principes Christiani, salva induciarum fide, fratri auxilio sint futuri: qui si nuper in Moldaviam hostiliter ingressus est, eam injuriam non tam Bajazeti, quam regi Hungariæ illatam esse, ad quam Moldavia vetusto jure, & trium fere seculorum usu pertineret. a) Quibus ordine expositis, petet deinde, quæ induciarum tempore a Turcis occupata erant, Hungaris restitui, captivos quoque, quos ex Carinthia, aliisque ditionibus regis Romanorum abduxissent, quod has per regis provincias contra pacis conventionem invasissent, in libertatem vindicari, nec Oratores Hungaros, quos Constantinopolim deinceps mitti contigerit, captivorum more, ut ante, haberi. Sub hæc, captata opportunitate, rursus induciarum, & quæ his debetur, fidei, mentionem, tamquam aliud agens, injiciet, agetque diligenter, ut his non solum Polonia, & Lithuania; sed Cæsaris quoque ditiones comprehendantur, si in postremo hoc concedendo obstinatum videret, id certe operam dabit, ne ditiones illius, per regis terras posthac infestentur; denique illud præprimis efficere conabitur, ut Polonia, & Lithuania iisdem, quibus Hungaria, induciis frui possit, nec sinet illis tributum imponi, alioquin regem**  
ita

---

a) Recole, quæ Tom. I. ad an. 1227. sub Andrea II. de jure in Moldaviam dicta sunt;

ita obfirmatum declarabit, ut extrema malit  
experiri, quam indecore pati, ut fratris sui, 1497.  
aliorumque Christianorum Principum ditio-  
nes, cum quibus illi foederum conjunctio est,  
per induciarum simulationem, periculo obji-  
ciantur.

Hæc Legationis ad Bajazetem, nullo ta-  
men fructu susceptæ, capita erant. Tartari 1498.  
enim cum Turcis rursus sequentis anni hye-  
me Poloniam, prædas acturi, sed non ea,  
qua prius, fortuna ingressi sunt, quod pleri-  
que eorum, aeris inclementia, annonæ, & pa-  
buli defectu interierint, pauci, qui in Molda-  
viam, evaserant, cum Polonos habitu men-  
trentur, a Valachis trucidati sunt. Ferunt,  
quadraginta millia absumpta fuisse, a) Tan-  
tam jacturam, cum vix credibile videretur,  
Bajazetem impune laturum, Wladislaus in  
omnem belli eventum necessarios apparatus  
occupare volens, Comitibus ad XXIV. Apri-  
lis Budam indixit. In his certus copiarum  
numerus, quæ *Banderii* b) nomine solent ve-  
nire, constitutus. Erat autem horum ratio  
tam sacræ, quam profanæ reipublicæ viris  
hæc definita: ut Archiepiscopus Strigonien-  
sis, & Agriensis Episcopus, duo, quodvis qua-  
dringentos equites complexum, ceteri unum,  
aut

a) Sarviczius in append. ad Dlugossum Tom. II.  
col. 1189.

b) Conf. Notit. prævi. §. 28.

1498. aut hujus dimidium, vel pauciores equites, pro redituum suorum ratione, in bellum educant. Rex mille equites sub signis habebit, totidem Despota Serviae, Vajvoda autem Transilvanus, Banus item Croatiae, Siculor., & Temesiensis, Comites octingentos, reliquis Optimatibus, secundum majorem, minoremve colonorum copiam, militia imperata. Illud nove additum: ut, quoniam deinceps tam Praelati, quam Barones, alique, qui jure *Banderii* stringuntur, stipendiarios ex suis colonis alere debeant, hi, si regni necessitas poscat, etiam ultra hujus limites, cum regis stipendiariis, militiam profiteantur. Constitutum praeterea, ne limitibus regni tuendis praefecti, si arces desidia sua amitterent, impunes sint. Cura haec Palatino, & Judici Curiae mandata, qui omni anno semel, iterumque alternis quosdam ex suis familiaribus mittent, qui, quo in statu arces, an praesidiariis, annona, reliquoque apparatu necessario provisae sint, explorabunt, sed insciis Praefectis, ne ullus corruptioni locus detur, &, si hos mala fide egisse compererint, capite, & bonis mulcentur. a) Haec bello, si quod a Bajazete ingrueret, arcendo comparata. Nec Poloni, suo periculo docti, segniores, missa Legatione ad Friburgensem conventum, auxilia ab Imperialibus contra Tur.

---

a) Cod. jur. patr. Tom. I. pag. 292.

Turcas sollicitabant. Promissa quidem erant, 1498.  
mandatumque Archiepiscopo Magdeburgensi,  
Saxoniae, & Pomeraniae Ducibus, ut Polo-  
nis, ingruente a Turcis periculo, adessent,  
sed dum hi moras nectunt, nec apparet,  
tempori affuturos, Albertus interventu Wla-  
dislai, foedus cum Moldavo contra Bajaze-  
tem pepigit, quod sequente anno rursus Cra-  
coviæ, XIV. Aprilis, his conditionibus in-  
stauratum est: si Hungariae & Poloniae reges 1499.  
bellum commune Turcis moverent, Vajvo-  
da quoque socium se eis adjunget; si reges  
ipsi, & non Legati illorum, copiis praefue-  
rint, ipse etiam suas in hostem ducet,  
& nequaquam Legato suo ducendas com-  
mittet: quod si contingeret, illum pro-  
vincia sua ab hoste exigi, & is seu in Hunga-  
riam, seu Poloniam, securitatis causa vellet  
concedere, tum ei, uxori, prolibus, &  
quos secum habuerit, Proceribus, tutum,  
& dignitati conveniens hospitium, reges praë-  
bebunt, illumque contra Turcarum infestationes tuebuntur. a) Confecto foedere, reli-  
quum anni tempus, comparandis ad bellum  
rebus necessariis datum, in cuius exitu Ste-  
phanus Zapolya Palatinus, extremum diem  
clau-

a) Freherus Tom. II. script. Germ. pag. 235.  
apud Pray l. cit. 289. Raynald. ad an. 1498.  
Dogiel, Tom. I. pag 603. Sommersberg Mantiss.  
diplom. pag. 84. L I

1499.

clausit, a Mathia rege, qui ad comprimendam Magnatum arrogantiam, crebro equestris ordinis viros illis præferre solebat, e tenui fortuna ad supremum honoris, ut memoravi, fastigium, & opulentiam evector. Reliquit ex Hedvige, Ducis Tetsinensis filia, liberos, Joannem, Georgium, & Barbaram, quæ postea Sigismundo Poloniæ Regi nupta, magnum pondus intestinæ factioni adjecit, ut frater illius, Joannes Zapolya, ad Hungariæ solium eluctaretur.

1500.

VII. Ceterum, Bajazetis apparatus, quorum causa Hungariæ, & Poloniæ reges cum Moldavo societatem armorum inierant, alio, quam ad Hungariam, vel Poloniam, spectabant. Cum enim bellum in continenti gesturus videretur, improvise classem Aegeo, Jonioque mari immisit, & Methone, Corona, Dyrrachio, omnique fere Peloponeso in potestatem redacta, Italiæ incubiturus metuebatur. Tam celeres hostis progressiones, Pontificem permoverant, ut cum Ludovico Galliae, & Ferdinando Hispaniæ regibus, Venetis item, ac Rhodiis, & quæ adhuc a jugo Turcico immunes erant, archipelagi insulis, commune foedus contra Turcas iniret, ad quod Wladislaus quoque, oblati Sacerdotiorum per Hungariam decimis, vocatus erat. Hærebat primum, licet sumtus in bellum clam, ne indicium ad Turcas perveniret, regiis urbibus imperarit, mox tamen, hortatu Rhe-

gi-



gini Cardinalis, qui quadraginta aureorum millia quotannis Regi pendenda, nomine Pontificis, pollicitus erat, ipse quoque foederi accessit, missoque ad Venetos, & in Galliam, Petancio Segnienſi Cancellario, de belli rationibus cum Rege, & Venetis consultabat, quas a reditu suo, in hunc modum constitutas fuisse, retulit: ut Wladislaus, dum Galli, Hispani, Veneti, & Rhodii, mare infestum servabunt, terrestri itinere, cum Hungaris, & quas Pontifex missurus esset, cruce signatorum copiis, hostem aggrediretur. Petancio præterea Rex in mandatis dederat, ut de affinitate inter se, & Regem Galliarum concilianda ageret. Ludovicus facile assensus est, & Annam de Candale, vetustæ Navarræ regum stirpe ortam, Regi destinavit, a) qui, ut primum id ex Petancio intellexit, confestim Oratores, qui pacta dotalitia constituerent, sponsamque in Hungariam deducerent, in

L I 2

Gal-

- 
- a) Cujus familiæ fuerit, scriptores dissentiunt, ex regia ortam esse, Wladislaus ad Cæsarem an. 1502. fer. 4. prox. post fest. Pentecost. scribens, affirmat. *Audivisse jam, & intellexisse M. V. minime ambigimus, nos cum Christianiss. Francorum Rege certam affinitatem inuisse, — nobisque sereniss. Virginem, & Dominam Annam de Candale, ex regia vetusta stirpe, & familia originem trahentem, in conjugem, Deo aspirante, conjunxisse &c.*

**1501.** Galliam misit. Hos nuptiarum apparatus mors Alberti fratris tantisper interruptit, Polonis partim in Wladislaum, partim, præterito Alexandro, in Sigismundum natu minorem inclinantibus, potior tamen, consentiente Wladislao, eorum pars fuit, qui jure genituræ Alexandrum Sigismundo præferendum judicabant. *a)*

**1502.** Pacato familiæ regiæ dissidio, temere collecta Turcarum manus, Iaicæ imminebat, actisque spoliis, Savum parabat transmittere, cum Joannes Corvinus cum suis accelerans, prædæ intentos magna clade affecit, simulque Bulgariam ingressus, Vidino, Cladova, & Nicopoli, igne corruptis, vastataque ea, quam Turcæ infederant, Serviæ parte, ingentem prædam, & captivos ducens, Belgradum rediit. Turcæ venundati, reliquis ea Temesliensis provinciæ plaga, quam hostes crebris incursionibus vastam reddiderant, ad colendum data. Verum hi postea, ut est nationis illius genius, agriculturæ mercatum prætulere, suntque hodiedum fere soli in Hungaria, qui se huic, magna fortunarum suarum accessione, dedunt, aliis emolumenta sua aut ignorantibus, aut fastidiose spernentibus. *b)*

In-

---

*a)* Raynaldus ad an. 1500. & 1501. Cromerus l. 30. Sommersberg. scriptor. rer. Silles. pag. 373.

*b)* Istvánf. l. 4.

Interea, cum Rex certior ab Oratoribus, in Galliam missis, redditus esset, sponsam, rebus ex sententia confectis, in Hungariam proxime adducendam esse, datis ad Cæsarem litteris, ut, si illam per ditiones Austriacas venire contingeret, ei tutus, liberque com-  
meatus daretur, orabat, a) verum illa per Allobroges iter capessens, ad Venetos dela-  
ta, & regio more ab his accepta, Budam  
veniens, inde Albam ducta, ritu sollenni X.  
Augusti coronata, & regi ex more Ecclesiæ  
conjuncta fuit. Nuptiæ, quas, prisca consue-  
tudine, universi per regnum donis cohonestare  
solebant, regio splendore, non ea tamen,  
qua Mathiæ, pompa, & prodigalitate cele-  
bratæ sunt. b)

Ll 3

Ma-

a) Litt. cit. an. 1502. ad Cæs. *Si forte eidem serenissimæ — per terras, & dominia M. V. venire, & proficisci contingeret, velit ipsa M. V. pro eadem, proque universa comitiva, & familia sua, oratoribusque nostris, secum existentibus, plenum, & sufficientem, saluum & securum conductum — dare, & concedere.*

b) Pray, Hierarch. Hung. P. I. pag. 289 Litt. regis ad Bartphen. fer. 4. prox. post fest. B. Lucæ Evang. 1502. *Non fugit vos, ex veteri hujus regni consuetudine id esse, ut ad celebrationem nuptiarum, universi regnicolæ, aliquo subsidio ipsis regibus subvenire soleant, &c.*

Quid

1503. **Matrimonium satis auspicato initum fuisse,** sequens annus declaravit, cum ei conjux **XXIII.** Junii cognominem filiam emixa est, quæ ut patrem lætitia affecerat, ita factioni illorum, qui parti regiæ clam infensi erant, & miras, si Rex improlis decederet, spes fovebant, minus grata fuit. a) Sub hæc mors **Alexandri Pontificis;** commune fœdus contra Turcas inter Principes Christianos nuper percutsum, dissolvit. Veneti, Corona, & Methone amissis, veriti, ne deteriora pati cogerentur, primi inducias cum Turcis iniere, duris quidem conditionibus, sed temporis necessitati accommodatis, præter enim nuper amissa, etiam Neritus insula, ut liberam navigationem per Pontum retinerent, hosti dedenda fuit. Honestiori ratione Wladislaus cum iis transegit, ad quem cum Bajazetes, ob discordiam inter filios exortam, oratores, induciarum causa, misisset, has in septennium, generatim pro se, & universis Principibus Christianis, tum, ut speciatim Hungaria, Bohemia, cum Moravia & Silesia iis comprehendantur, prorogavit, idque postea, quam

li.

---

Quid Siculi in Transilvania, tempore nuptiarum regibus offerre consueverint, vide Notit. prævi. §. 24. Conf. etiam Pray Dissert. VI, in annal. veter. pag. 124. 125.

b) Dubravius, qui Regi a secretis erat, hist. Boh. I. 34.

Item cum fratre suo Poloniæ Rege, Moldaviæ causa, composuisset, ad Galliæ Regem, & Chienfes, fœderis socios, perscripsit. a) 1503.

Disidio autem, quod Regi, Moldaviæ causa, cum fratre erat, Stephanus provinciæ Vajvoda occasionem præbuit, qui terram *Scpinensem* cum arce *Choczym*, quas Elias Vajvoda olim Moldaviæ, Polonis cesserat, b) iis rursus eripuit. Violentum facinus Rex Poloniæ, qui jus suum lædi existimabat, graviter tulit, jamque armis etiam ulcisci parabat, cum Wladislaus jure suo in clientem usus, Stephano Telegdio, Francisco Balassa, & Emerico Czoborio, ad fratrem, & Vajvodam missis, disidium ita temperavit, ut, quæ frater sibi erepta, & Vajvoda sui juris esse, contendebant, tamdiu neutrius, & in potestate Regis essent, donec, cognita uberius causa, lis secundum æquitatem dirimi posset. c)

L 1 4

In

- 
- a) Sabellicus Eneade XI. l. 2. Litt. regis dat. Bud. 20. Aug. item 26. Dec. apud Pray, P. IV. pag. 305.
  - b) Nempe an. 1447. ut habet Dogiel diplom. Pol. Tom. I. pag. 601. ubi præterea *Czeninum*, & *Chmielovia*, censentur.
  - c) Litt. regis ad fratrem Alexandrum Pol. Regem, & suos Legatos, dat. Bud. in fest. S. Galli, 1503. apud Pray, Dissert. VII. in annal. vet. pag. 148. & seq.

1504.

Induciis cum Bajazete confectis, & lite inter fratrem, & Vajvodam composita, conventus ad VIII. Calendas Maji, universis indictus est. Causa illius convocandi eadem, quæ prius, erat, ut, quæ in prioribus Comitiiis imperfecta erant relicta, rursus cognoscerentur, a) cognitaque, vim legis a Regia auctoritate obtinerent. Tria præcipue sunt, quæ ad per-noscendum temporis illius habitum, inprimis pertinere videntur. Primum attinet ad subsidia, quæ Regi ad levandas necessitates publicas offerri alias solebant. Cum plures Comitatus fuerint, qui suoapte, & extra generalem regni conventum, subsidia, & contributionem, tametsi hæc ob contrarias deliberantium sententias in Comitiiis nondum decreta essent, domum tamen reversi, dum his opus esse putabant, Regi offerre consueverint, invidiæ primum apud reliquos Comitatus, quasi boni publici ceteris minus studiosi essent, tum simultati etiam occasionem dedere, ut sæpe parum abfuerit, quin in apertas seditiones prorumperent. Quare, ut his malis deinceps modus ponatur, statutum est, ut, si tam grave regno periculum immineret, ut huic aliter, nili convocato generali conventu, non posset consuli, tum primum communi Prælatorum, Baronum, & Nobilium consensu, sub-

---

a) Eadem causa redditur, Decret. an. 1495. præfat. §. 3. & an. 1498. §. 6. rursus an. 1500. §. 4.

subsidia Regi decernantur, qui secus facerent, non solum perjuri, & amisso honore, a reliquo Nobilium cœtu exclusi habeantur, sed in futuris quoque Comitibus, nisi legitimo testimonio, innocentes comperti fuerint, diminutionem rerum, & bonorum subirent. *a)* 1504.

Alterum ad militiam: de hac sexennio ante, sanctio in hunc modum condita erat; ut universim, Prælatorum, Baronum, aliorumque regnicolarum stipendiarii, si regni necessitas posceret, regis stipendiariis conjuncti, militiam etiam extra limites regni profiteantur, nunc contra, si bellum regno ingrueret, & Rex illud cum suis stipendiariis tueri non posset, tum Archi-Episcopi, Episcopi, alique Ecclesiastici, qui, secundum rationes proveniunt, stipendiarios alunt, vel decimas percipiunt, Regi cum suis auxilio adsint, si neque hi junctim, hosti-propulsando pares fuerint, tum primum Barones, ceterique regnicolæ, ad signa concurrant. *b)* Belli igitur onus, quod alias omnibus, qui beneficio regum bona obtinuerant, commune fuit, nunc Regi, & Ordini Ecclesiastico ferendum erat.

Tertium denique ad Silesiam, Moraviam, & Lusatiam pertinebat, de quibus Ordines, utrum ab his juramentum fidelitatis, Hungariæ, an Bohemiæ, Regis nomine, acceperit, cer-

---

*a)* Decret. hujus an. artic. 1. §. 1. — 7.

*b)* Decret. an. 1489. art. 17.

**1504.** certiores fieri cupiebant, neque enim sine magno regni damno fieri posse, ut tam insignes provinciæ, non depenso secundum pacta conventa, precio a) ab Hungaria avellantur. b) Quo animo id rex acceperit, certioresne, an contra, Ordines, exaratis, ut petebatur, litteris, reddiderit, non habeo, quod in utramvis partem affirmare possim, illud constat, soluto conventu, Sigismundum fratrem, collato eidem Glogoviensi Ducatu, universæ Sileiæ præfectum a Rege fuisse. c)

**1505.** VIII. Cum id multis suspicionem ingesserit, quasi Rex Ordinum precibus parum deferre vellet, simultas utrinque sensim orta, occasionem præbuit, ut sequente anno, frequentiores regni Conventus haberentur. Primum quidem Pestini ad diem XXII. Februarii, d) serius postea in Sclavonia, sub quod tempus Joannes Corvinus obiit, e) cujus bona secundum

a) Recole, quæ sub Mathia ad an. 1479. & sub Wladislao ad an. 1490. memorata sunt.

b) Decr. hujus an. art. 20. & 21.

c) Sommersberg, script. rerum Siles. pag. 381.

d) Litt. regis an. 1505. quod nobis in præsentì congregatione generali — pro festo cathedræ B. Petri Apost. in civitate nostra Pestien. de nostro regio edicto celebrata &c.

e) Litt. ejusd. fer. 4. prox. fest. B. Ambrosii, ad Bernard. de Thurocz; his diebus cum Illu-



dum pacta, quæ Rex in aditu regni firmaverat, in Fiscum, magno ærarii regis commodo, redacta sunt. Eius vidua Frangepanici generis, ætate, & fortunæ bonis florens, Georgio Brandenburgico, regis ex sorore nepoti, postea matrimonio juncta fuit, qui, ut erat luxui supra modum deditus, opulentissimam conjugis hæreditatem, duobus ex ea relictis liberis, decoxit. a)

Alia rursus Comititia ad III. Calendas Octobris, eam præcipue ob causam, indicta erant, ut, quod tot Comitiis celebratis, hactenus impetrari non poterat, quies regno tandem restituatur. b) Plerique enim antea cum armis comparere soliti ad conventus, libertatem suffragantium interturbare consueverant, ut nihil facile, quod spem stabilis,

&

---

*lustr. condam Joannes Corvinus Dux, & Banus noster ab hac luce decessisset &c.*

a) Cum hoc, documenta litteraria familiarum Hunyadianæ, Garayanæ, Zrinianæ, & Frangepaniæ ad archivum Anspachinum venere, sub Josepho II. Imp. primum restituta.

- b) Hanc causam ipse Rex fer. 4. prox post fest. B. Jacobi Apost. ad Bartphens. perscripsit: *quo jam tandem tot, & tam frequentibus Congregationibus, — finis, aut saltem aliqua suspensio. & vacantia dari possit, & regnum hoc, consequenterque vos omnes in bona pace reponi possitis &c.*

1505.

& solidæ tranquillitatis præberet, decerni posset, eoque præterea jam simultates, inter Ecclesiasticos, qui sibi solis belli onus cum rege ferendum, haud satis æquum putabant, & reliquos regni Ordines excreverant, ut hi illis decimas negare, &, quæ ad Ecclesias pertinebant, rapere, nihil pensi haberent. a) His igitur malis ut consuleretur, Rex, qui sæpe, & alieno tempore, nimium connivendo, auctoritatem suam fere prodegerat, Comitia Pesium indixit.

Promiserat Rex Pontifici, se in his operam daturum, ut dos, quam Mathias, nuptiarum causa, Beatrici constituerat, eidem restitueretur, nihil tamen promoveri poterat, a) quod, qui ad conventum publicæ tranquillitatis cau-

---

a) Litt. Pontif. 23. Aug. ad regem: *percepimus, quod — Procures, Barones, Nobiles, ac demum omnis fere multitudo laicorum istius regni Hung. decimas Ecclesiasticis non reddendo, rapiendoque, quæ ad Ecclesias pertinent, & Clerum ipsum apertis jam minis persequendo, omni conatu diminutionem, imo verius oppressionem Ecclesiastici status in eodem regno tuo magis in dies moliuntur &c.*

b) Ejusd. ad eund. 22. Aug. respondit *majestas tua causam hanc restitutionis non tam ad se, quam Procures, & Optimates pertinere, curaturum tamen, ut his aoram in futura Dieta proponeretur, &c.*

causa convenere, facta secessione, sprete pa-  
 ctorum, quæ primum inter Fridericum Cæ- 1505.  
 sare, & Mathiam, postea inter Maximilia-  
 num, & Wladislaum coaluerant, fide, de-  
 cretum conderent, se, si Rex sine hærede  
 mare obiret, nullum exteræ nationis, sed  
 Hungarum regem electuros esse, addita atroci  
 comminatione, ut, si qui adversus hanc con-  
 stitutionem aliquid moliri auderent, perpetuæ  
 servituti addicerentur. a) Id, velut po-  
 mum Eridis inter Proceres, tam sacri, quam  
 profani Ordinis jactum, perpetuis deinde  
 factionibus regnum involvit. Fuere tamen  
 ex his ipsis decreti conditoribus, qui cum vi-  
 derent, plures ex Hungaris futuros, qui se  
 regio solio dignos existimare possent, itaque  
 parum hac constitutione quieti publicæ in  
 posterum consuli, seorsim, auctore Cardinale  
 Thoma Bakaczio, Strigoniensi Archiepisco-  
 po, societatem inierant, ad quam præter  
 Palatinum Emericum de Perén, ipse etiam  
 Joannes Zapoia, & Dux Laurentius de Uj-  
 lak, ut invidiam, uterque enim se præ ce-  
 teris,

a) Decret. exstat apud Pray Par. IV. pag. 313.  
 Præcipua causa inde petebatur, quod regnum  
 sub exteris regibus semper periculo expositum  
 fuerit & provinciæ regno conjunctæ, eorum  
 socordia sensim amissæ essent. Si quis gesta re-  
 gum I. II. & III. Periodi inter se contulerit, faci-  
 le causas regni a pristino splendore defluentis,  
 & diminuti, detegat.

~~1505.~~ teris, eligendum sperare poterat, a se aver-  
 1505. terent, aliique accessere, dataque, & acce-  
 pta mutuo stipulatione, se non modo vicissim  
 contra quemvis adversarium defensuros, sed  
 fidem regi, & reginæ intemeratam servatu-  
 ros, & quæ in utriusque commodum, utilita-  
 tem, honoremque facere videbuntur, procura-  
 turos, quin voluntati, & desiderio eorum sem-  
 per, & ubique, salvis regni immunitatibus,  
 morem gesturos, ac ceteros regnicolas in  
 hanc sententiam pertracturos, polliciti sunt. a)

~~1506.~~ Quæ causa hujus subitanei recessus a re-  
 1506. liquis fuerit, incertum est, videtur tamen,  
 si Istvanio, ut eventu postea firmatum est,  
 fidem habemus, omnis molitio Joannem Za-  
 polyæ, ut ei aditus ad regnum sensim paretur,  
 spectasse, b) quin ea quoque consilia fuisse  
 agitata, ut Anna regis filia, nondum trimula,  
 Zapolyæ desponderetur, memoriæ est pro-  
 ditum. c) Wladislaus, etsi hæc solita indolentia  
 ferre videretur, Reginæ tamen, quæ dignio-  
 res filiae nuptias optabat, hortatu, ut has mo-  
 litiones contrario studio elideret, incitatus,  
 cum Maximiliano per nuncios egit, ut Anna  
 Ferdinando, ejus nepoti, aut hac deceden-  
 te, altera filia nascitura, desponderetur, si  
 autem

---

a) Dat. Budæ die Dominico prox. post fest. B.  
 Dionysii ep. & M. 1505. Sigillis 8. munitum,

b) Istvanii l. 4.

c) Gerard. de Roo l. 12.

autem Regina, quæ uterum ferebat, filium pareret, huic Maria Ferdinandi soror in manus conveniret, Maximilianus autem, si regem præmori contingat, filiæ, & alterius, quam conjux editura esset, prolis, curam, & tutelam susciperet. Pacta conventionis a Maximiliano Neostadii, XX. Martii, & septimo post die, ac sequenti Budæ a Rege, & Regina, rata habita sunt. a) Ut clam plerisque hæc acta sunt, ita Maximiliano quoque nihil prius de decreto, quo a successione excluderetur, constitit, quam id ei, apud Tyrolenses commoranti, Rex significasset. b) Quo comperto, reditum ex Tyroli maturavit, graviterque per litteras, de injuria sibi, suisque posteris illata, questus, c) militiam interim, do-

a) Auctar. diplom. ad hist. Ursini Velii, pag. 324. ex Tab. Aug. Viennen.

b) Id patet ex responso Cæs. ad Regem: *nos proxima scripta serenitatis vestræ, factum, seu negotium debiti, quo nobis corona regni Hung. ratione tractatus Pefonii conclusi obligatur, tangentia intelleximus, &c. Dat. Wyszberg, 1. d. Maji, 1506.*

c) Ejusd. litt. ad eund. *intelligat serenitas vestra, nos — eandem avizasse de injuria nobis per aliquot ex regno Hung. capita seditionis, contra nos, & successores nostros, in proximo conventu, seu Rakos, illata, quam absque remedio præ-*

**1506.** donec adesset, finibus Hungariæ admoveri jussit, quæ cum injussu Præfectorum prædas ageret, nec ab Ecclesiis violandis sibi temperaret, Rex autem hæc impune fieri pateretur, Optimates hac desidia offensi, Albam, ut ingruenti periculo mature occurrerent, coivere, regemque, ut Maximilianum per Hungariam, Bohemiam, Moraviam, hostem rei publicæ declararet, coegerunt. a)

Qua denunciatione nec suos penitus pacasse videbatur, nec Cæsarem, qui jam ad castrum ferreum armatus confiterat, ab ulteriori progressione, licet ei copias opposuerit, retenturus erat, nisi Regina ipsis calendis Junii, filium Ladovicum enixa, spem conciliationis præbuisset. Vicina partui, ne de suppositio fœtu, id enim in vulgus sparsum erat, suspicio oriretur, aliquem ex Optimatibus, Zapolyam fuisse ferunt, adesse voluit, sed nimia hæc, & pudori noxia sollicitudo, matri aliquamdiu post, quam partu levata fuisset, mor-

---

*præterire nullatenus possumus, &c. dat. in oppido nostro Leuben, d. 5. Maji 1506.*

a) *Ejusd. ad eund. cum videamus, eos coegisse serenitatem vestram, ut per publica edicta sua nos in regnis Hung. & Boh. & in provincia Moraviæ. hostem suum promulgari fecerit, &c. Dat. in oppido nostro ferreæ civitatis d. 11. Jun. 1506.*

mortem conscivit, a) Infanti Medicorum ope  
 cutis inducta est, & Rex-amissæ conjugis, & 1506.  
 immaturi fœtus causa, gemino dolore oppressus,  
 negotium de pace cum Maximiliano tractandi,  
 regni Ordinibus commisit. Delecti igitur sunt,  
 cum regis, tum regni nomine, Oratores, b) iis  
 mandatis instructi, ut, quidquid transacturi  
 essent, Rex, regnumque ratum haberent. Maximilianus,  
 qui ob natum recens Hungariæ hæredem, nihil  
 causæ habuit, cur jus suum in regnum porro  
 persequatur, & æqua postulantis negaret, his  
 conditionibus amicitiam cum Rege instauravit:  
 uterque militem a limitibus confestim deducat,  
 injuriæ illatæ universim oblitterentur, nec,  
 qui Cæsari adhæsisent, præsertim vero Joannes  
 de Frangepanibus, Joannes item de Corbavia,  
 & Joannes de Kanyfa, ex urbibus autem,  
 Posonium & Sopronium, id eis fraudi  
 vertatur, damnove sit; quæ nunc ob temporis  
 brevitatem expediri satis non possunt, de iis  
 post Cæsaris Roma. reditum, arbitri  
 utrin-

a) Joan. Michael Brutus hist. Ms. rer. Hung. apud Pray, l. cit. pag. 322.

b) Erant hi Greg. de Frangepanibus, Colocen. Archiep. Georg. Szakmary Episc. Quinque-Eccles. & Hung. Cancellar. Petrus C. de S. Georg. Vajvoda Transilv. & Moyses Buzlay, Magister Curie regie.

1507.

utrinque constituendi, deliberabunt, jura denique Domus Austriacæ in Hungariam, si nullus hæres legitimo thoro editus superfuerit, salva, integraque maneant, nec censeantur hac pacificatione antiquata esse. Conditiones Maximilianus, & Oratores Viennæ XIX. Julii, rex vero Budæ, V. Augusti, subscripsere. a) Hac ratione constitutioni de non eligendo Rege extero, præcipui illius conditores, regni totius nomine, derogarunt.

IX. Non minimam partem in conficiendo fœdere, Cuspinianus Maximiliani Consiliarius, & Joannes, olim episcopus Varadiensis, nunc institutum divi Francisci amplexus, quem Cuspinianus Buda Viennam redituro socium Rex adjunxerat, habuere. Depulso hac parte belli metu, Rex nihilominus, ob amissam conjugem luctu tabescebat, curamque rei publicæ negligentius, quam par erat, gerere videbatur. Id in causa fuit, cur in conventu XXIV. Aprilis habito, ei, præter solitos Consiliarios, etiam Assessores adderentur, quibus inficiis, si quid statueret, faceretque, irritum esset. b) Vetus quoque, & a Mathiæ tempo-

ri-

a) Auctar. diplom. ad hist. Velii, pag. 266. — 275. apud Pray P. IV. pag. 320. — 325.

b) Decr. art. 5. Regisne, an privata auctoritate conventus hic fuerit habitus, non est satis compertum. Deest enim, quæ in aliis Decretis

re-



ribus, de restitutione bonorum, quæ vi ablata essent, sæpe repetita, & nunc iterum suscitata querela, tandem in legem relata est, cautumque, ut qui iudicum sententia convictus, nollet bonis decedere, is ad ea possessori legitimo reddenda armis compellatur, si vero aliqui temerario ausu huic auxilio venirent, illorum bona armorum supremi Præfecti, erant hi, Palatinus, & Joannes Zapolya, occupent, sibi que, ob impensum laborem, in perpetuum vendicent. a)

1597.

Hæc inter Legati a Sigismundo, qui fratri Alexandro ante biennium successerat, ex Polonia Budam, conciliandi fœderis causa, venerunt. Fluxa Vajvodæ Moldavi fides Sigismundum non minus, quam Wladislaum, sollicitos habuit, ne si is aperte ad Turcas deficeret, Hungariæ, & Poloniæ periculum ac-

M m 2

cer-

regiis accurate servata est, præfatio, in qua plerumque causæ redduntur, cur regni ordines convocati fuerint, deest etiam magistratuum subscriptio, quæ in aliis Decretis constanter usurpatur, nec videtur credibile, regem fuisse passurum, ut potestas sua in modum fere pupillorum constringatur. Hæc intra conjecturam.

a) Cur Zapolya, Palatino, qui vetere instituto supremus armorum Præfectus est, consors, nulla adhuc re militiæ patrata, additus sit, nemo prodidit. Forte causa ex rebus deinde dicendis patebit.

cerfatur. E re igitur utriusque vifum , ut  
 1507. Vajvodam quoque in fœderis partem voca-  
 rent. Prius tamen, quo is animo effet, ex-  
 plorandum uterque cenfuerunt, monitusque  
 eft Vajvoda Transilvaniae, ageret per nun-  
 cios cum Moldavo, ut is quoque Legatum  
 fuum Budam mittat, cum quo de ineundis  
 conditionibus transigi poffit. a) Morem gef-  
 fit, &, ut primum Legatus aderat, fœdus in  
 hæc pacta coaluit: inter utrumque regem,  
 & regna, perpetua fit amicitia, & armorum  
 contra quemvis hoftem focietas; fi bellum  
 Turcis obmovendum effet, id petitis a Pon-  
 tifice, & ceteris Principibus Christianorum  
 auxiliis, communi confilio, & viribus gera-  
 tur: de Moldavia, quæ crebro diffidiis in-  
 ter Hungaros, & Polonos occasionem dede-  
 rat, ita conventum: ut, quamdiu ex utroque  
 rege filii fuperviventes fuerint, Moldavia ad  
 Hungariam pertineat, interea autem utrique  
 rationem inibunt, ne, nullo utrinque relicto  
 hærede, Hungari, provinciæ illius caufa,  
 cum Polonis bello implicentur. Moldavus, fi  
 Turcæ aut Tartari, alterutrius regnum in-  
 vaderent, auxilio erit, reges viciffim illum  
 contra illos tuebuntur, quibus Moldavia ex-  
 actis, Poloni militem domum deducunt: ere-  
 ptæ

---

a) Litt. regis ad Petrum C. de Bozyn, Judicem  
 Curia, & Vajvodam Transilv. Buda, fer. 3.  
 prox. ante Cosmæ & Damiani, 1507.

ptæ hosti ditiones, illius erunt, cujus antea ~~\_\_\_\_\_~~  
 fuere, quæ denuo occupari contigerit, ex 1507.  
 æquo dividuntur. Si Bajazetes, vel Chanus  
 Tartarorum, copias in alterutrum regem  
 ducerent, ipsi etiam per se, non per Lega-  
 tos suos, bello intererunt; neuter in alterius  
 præjudicium, fœdus cum aliis sanciet, de  
 controversis denique utriusque ditionum fini-  
 bus, Commissarii cognoscent. a)

Rediit interea a Maximiliano Joannes,  
 Episcopus olim Varadiensis, quem Cuspiniano,  
 Viennam redituro, socium a rege additum  
 memoravi, qui rebus ex sententia confectis,  
 pacta nuptialia anno priore inita, gemini con-  
 nubii sponcione firmata, retulit; quorum alte-  
 rum inter Annam regis filiam, & Carolum,  
 vel Ferdinandum, Philippi Hispaniarum re-  
 gis filios; alterum inter Ludovicum, & Ca-  
 tharinam, Philippi posthumam, vel, si hæc  
 præmoreretur, inter Mariam, natu majorem,  
 Caroli, & Ferdinandi sorores, coalesceret:  
 is, qui Annam duxerit, in Austria, Tyroli,  
 ceterisque Principatibus Maximiliano succe-  
 det: de dote, quæ regiis prolibus digna sit,  
 ubi justam ætatem attigerint, utrinque statue-  
 tur, dabiturque opera, ut Ferdinandus, Ar-  
 ragonum, & utriusque Siciliæ Rex, nepotum  
 Maximiliani avus maternus, consensum præ-  
 beat, qui si invitus esset, vel prius obiret,

M m 3

spon-

---

a) Sommersberg, 1. cit. Mantifs. diplomat. pag. 85.

sponsio nihilominus de futuro matrimonio, rata, firmaque maneret. *a)*

1508. **H**æc clam plerisque, & paucis solum, qui regi, & tranquillitati rei publicæ studebant, in consilium adhibitis, agebantur, cum ut tam potente, & in plures Europæ Principes diffusa parentela, regno consultum esset, tum ut regis filio tuta, & pacata successio redderetur. Recens enim adhuc erat memoria, quibus calamitatibus, Ladislao posthumo, & Mathia defunctis, partim intestina factione, partim vicinorum Principum ambitione, regnum jactatum fuerit, quibus vix aliter consuli posse, quibus regni felicitas cordi erat, existimabant, quam si vivo patre filius, regni totius consensu coronaretur. Horum consiliis & suo etiam in filium amoris, Rex obsequutus, conventum pro XXIV. Apr. Albam indixit, ut Ludovicum Ordinibus coronandum proponeret. Consentientes omnes habuit, modo Rex publicis litteris, nomine infantis polliceretur, regni immunitates ab eo salvas, integrasque servatum iri, nec prius illi regia autoritas concessa censeatur, quam idem, ubi adoleverit, se servaturum, fidem fecerit. Illud præterea flagitatum, ne a suo obitu filium, Maximiliani, alteriusve externi

---

*a)* Auctar. dipl. ad hist. Velii, pag. 277. Dat. Bud. d. vener. 12. mensis Nov. apud Pray, l. cit. pag. 329.

nī Principis, sed Prælatorum, ac Baronum regni, curæ, & tutelæ committat; quibus ubi se staturum promiserat, a) profectio Albam suscepta, & inauguratio, incredibili patris lætitia, pridie Nonas Junii peracta est. Budam redux, separatam liberis aulam constituit, cui gubernandæ jam ante annum Joannem *Pethö de Gerse* præfecerat, b) in litteris vero instituendos primum Stephano *Istvanfio*, tum Hieronymo *Balbo* tradidit. c)

M m 4

Bo-

a) Ex autogr. dat. Bud. quinto decimo die Dietæ, seu generalis congregationis prænotatæ, 1508.

b) Litt. regis, dat. Budæ fer. 4. prox. post fest. B. Matthæi Ap. & Evang. 1507. quibus eidem arma gentilitiæ auxit, ubi hæc: *ad cujus quidem aurati solii nostri latera, duo infantes regii, liberi videlicet nostri suavissimi stare conspiciuntur, a latere quidem dextro inclytus Dux Ludovicus, filius noster charissimus, sceptrum similiter dextra regale tenens, capillis albis, & nunc primum pullulantibus coronam, & diadema capiti impositum, altera corona similiter imminente desuper: a latere sinistro stat illustris Anna, reginula, filia nostra jucundissima, unica duntaxat corona capite redimito &c.*

c) Istvanfi hist. l. 4. & litt. Ludovici regis ad Cæs. f. an. verisimiliter tamen 1516. inter opera

1508. Bohemi, qui coronationi intererant, hac peracta, regem magnopere orabant, ut regni quoque illius causa, Pragam vellet concedere, quod quamquam ille libenter se facturum diceret, ob negotia tamen cum Bajazete nondum expedita, differendum erat. Miserat jam priore anno, post confectum cum fratre, & Moldavo foedus, Matthæum Horvâth Jurisfics, qui cum Bajazete ageret, ut induciis, quas secum pepigisset, etiam fratrem Sgismundum Poloniæ Regem, comprehensum esse velit, quod ille, bellorum jam pertæsus, Wladislai gratia libenter præstitit, nihilque, induciarum tempore, se in Poloniam moliturum promisit. a)

Hac

ra Hieron. Balbi, Vien. anno 1791. edita, Vol. 1. pag. 3. *Justissimis ex causis ven. Hieron. Balbum, Præposit. Pofoniensem, ac Secretarium nostrum, carissimum — habemus, tum ob fidissima — obsequia, quæ per tot annorum lapsus, clariss. mem. genitori nostro præstitit, & in dies nobis exactius, officiosiusque præstare non cessat, tum quod nos ipsos etiam, carissimamque sororem nostram primis litterarum elementis erudit, per integrumque biennium solertissimi Præceptoris munus explevit, &c. commendat illum pro Præpositura Viennensi.*

a) Litt. Bajazetis an. 1508. ex Turcico versæ: prædictam pacem, vel treugam, amicitiam, fraternitatem.

Hac cura solutus, iter in Bohemiam parabat, cum illum Ludovicus Helianus, Regis Galliae Legatus, qui tempore coronationis Ludoviçi infantis, luculentam ad Ordines, temporique accommodatam orationem habuerat, acceptis a rege suo mandatis, ut Regem in partem fœderis Cameracensis pertraheret, aliquamdiu retinuit. Fœdus id, auctore Cæsare, contra Venetos, qui Tergestum, & Gurcensem Comitatum, occupaverant, confectum fuit. Socii erant, Julius II. Pontifex, qui aliquot urbes ex statu Ecclesiastico per Venetos decerptas querebatur, Ludovicus Galliae, & Ferdinandus Siciliae, Reges, ille in Ducatum Mediolanensem, hic in Brundisium, & Hydruntum, celebres portus regni Neapolitani, jus prætexebant, accedere etiam fœderi Alfonso Dux Ferrariensis, & Franciscus Gonzaga Mantuanus. Parum tamen id ad coercendos Venetos facere videbatur, nisi in Hungaria quoque eis hostem pararent. Id nunc Helianus apud Wladislaum agebat. Hæsit primum, tum quod fœdere illis junctus esset, tum quod hujus causa, certam pecuniæ summam, quo hamo etiam Mathias olim captus

---

*nitatem, & confederationem, pro voluntate serenissimi domini regis Hung. præsentibus litteris nostris, cum prænominato serenissimo domino Sigismundo, Poloniae Rege, & cum suis dominiis, confirmamus, & corroboramus &c.*

ptus erat, quotannis perciperet, a) post tamen, quam ei non dubia spes recuperandæ Dalmatiæ facta est, ipse quoque fœderatis se adjunxit, b) iterque in Bohemiam circa finem anni ingressus, Tirnaviam pervenit. c)

---

1509. X. Inde, ipsis calendis Januarii, litteras in Hungariam scripsit, quibus causas, cur cum prolibus, & Consiliariis suis ad limites regni concesserit, & ob gravia negotia in Bohemiam profecturus esset, significavit. d) Mox  
Bru-

---

a) Litt. regis anno 1502. ad Episcop. Zagrabien. ejusque Capitulum, quibus de 2000. flor. quos mutuo ab illis acceperat, cavet, *verbo, fideque regiis, de pecuniis, a serenissima Republica Veneta, vigore confœderationis ad fest. S. Michaelis, deponendis.*

b) Raynaldus ad hunc annum. Tubero l. 9. §. 4. Andr. Mocenicus de bello Cameracensi, l. 2. pag. 37. in Thesaur. antiquit. Italiæ, Grævio-Burmaniano, Tom. V. P. II.

c) Litt. Palatini ad Georg. de Kanyfa Dalm. Croat. & Sclavon. Banum: *scripsit Sua Majestas de Nagyszombat, quod in futuro festo Purificationis B. V. M. Pragæ constitui, & ibi filium suum, D. Ludovicum Regem, cum corona regni Boh. coronari facere vellet. Dat. in castro nostro Walpo, fest. S. Thomæ Apost. 1508.*

d) Balbinus epit. rer. Boh. l. 5. c. 11. Litt. regis dat. in Tirnavia in die circumcisionis Domini.



Brunam, & hinc Pragam profectus, filium 1509.  
 XI. Martii, Friderico Brandenburgico infantem tenente, coronari fecit. Ferunt sub ipsa inauguratione fletum edidisse, quod, ut ea ætas erat, a plerisque mali ominis instar acceptum fuit. Hic commorantem Pontifex, & Cæsar, identidem concitabant, ut, quoniam socium se foederi junxisset, bellum Venetis inferre, ne cunctaretur, confœderatos interea rem alia parte pro virili gesturos esse. Scripsit propterea ad Georgium de Kanyfa. & Joannem Ernust, Dalmatiæ, & Croatiæ Banos, viderent, quo loco res Venetæ in Dalmatia essent, rationemque secum inirent, qua, si bellum gerendum sit, recuperari possit, se idcirco Emericum Czobor mittere, qui mentem suam eis apertius esset declaraturus. Dubium non est, nunquam alias tam opportunam recuperandæ Dalmatiæ occasionem Hungariæ oblatam fuisse, si Regi optime animato, & volenti Mathiæ errorem corrigere, vel optimates, quibus cura faciendi apparatus mandata erat, operam suam diligentius locassent, vel Pontifex, & Cæsar, præcipui auctores fœderis,

---

1509. Ejusd. dat. Pragæ, fer. 4. prox. ante fest. S. Margaritæ V. & M. eod. anno apud Pray. P. IV. pag. 336. Ejusd. dat. in civitate Broda Hungaricali, in die conceptionis V. M. 1510. Pelsina l. 7. c. 6. Goldastus de regno Boh. Tom. II. in additament. N. 72. pag. 319.

ris, de classe, sine qua frustra omnis de recuperanda Dalmatia, cogitatio erat, mari Adriatico immittenda, solliciti fuissent, vel denique ipsi confœderati constantiori fide Cæsari adhæsisent, sed postquam Pontifex clam cum Venetis de pace cœpit agere, & Rex Galliæ, Brescia, Bergamo, Crema, aliisque urbibus occupatis, præcipuam militiæ partem, domum deduxit, nihil mirum est, si non is, quem spe plerique præceperant, hoc anno, nec sequente, quo Cæsar conventum Augustam indixerat, fructus ex Cameracensi fœdere consequutus sit. Miserat quidem Rex suos quoque oratores ad Conventum Augustanum, ipseque alium, spe subsidii in bellum Venetum obtinendi, Cutæ habuit, sed cum ob Picardorum dissidia nihil impetrari posset, condito testamento, quo Annam filiam, si Ludovicus improlis decederet, hæredem regnorum scripserat, Crensum discessit, indeque ineunte post anno Wratislaviam

1510.

divertens, cum inter Hungaros, & Bohemos disceptatio de jure in Silesiam, & Moraviam suscitata fuisset, hac, ne utrinque offenderet, in aliud tempus dilata, in Hungariam, post duorum fere annorum absentiam, reversus est. Hanc utcumque pacatam, sed Moldaviam rursus periculo objectam reperit. Selimus Bajazetis filius, Cassa in Taurica Chersoneso occupata, Kilicæ, & Bielogrado, quod situ, ad illam retinendam, opportuniæ essent, mi-

1511.

na-

nari ferebatur, ancipitique motu regem dubium reddidit, hasne, an Poloniam petiturus esset, donec ab oratore regis Poloniae edoctus esset, Kiliam re ipsa designari. Itaque confestim Vajvodam Transsilvaniae, & Comitem Temesiensem stationes suas iussit repetere, datisque ad vicinos Comitatus literis mandavit, ut, qua possent celeritate, copias ex legum praescripto colligant, Varadinumque deducant, laborantibus Moldavis, si res posceret, auxilio futuras. Serum tamen id jam erat, utrumque enim castrum Selimus opinione citius interceptit, armisque in patrem versis, regem metu liberavit. a)

1511.

Dissipato belli Turcici metu, res domi, clam primum, post aperte agitata est, quae Joannis Zapolyae ambitionem mirum in modum auxerat. Hedvigis mater illius, jam dudum cum Sigismundo Poloniae rege, de filia Barbara ei collocanda agebat, ipse etiam Wladislaus his nuptiis ineundis favere videbatur, etsi, ut quisque animatus erat, non defuerint, qui parum rege dignas, & fatales olim

1512.

a) Litt. regis, Bud. fer. 3. prox. post fest. B. Urbani Papae. 1511. apud Pray, Dissert. VII. in annal. vet. pag. 150. Henelius annal. Siles. ad an. 1511. Sommersberg, script. rer. Siles. pag. 355. Jodoc. Decius rer. Polon. Tom. II. pag. 313. Leunclavius hist. Musulman. l. 16. & in Pandectis, c. 228.

1512. ~~olim~~ regno futuras existimarent, alii contra  
 velut fulcrum, quo Hungaria periculo ingru-  
 ente, tuto niti possit, extollerent. Quidvis  
 hujus rei fuerit; matrimonium eo anno coa-  
 luit, licet tædas nuptiales Tartari, & Turcæ  
 suis procursionibus fere inturbarent, sed  
 utrique dissimili eventu fortunam experti;  
 illi a Polonis pene ad internecionem cæsi,  
 hi contra *Zrebernicum* ignavia Præfecti, &  
 vicina castra occuparunt, ac vastitatem ad  
 Spalatam protulere. Wladislaus, quantum  
 in subitaneo periculo poterat, militem Savo-  
 vicinum colligi, & hostem fluminis transitu  
 arceri jussit, &, cum minime dubitaret, Se-  
 limum, patre per veneficium sublato, arma  
 in Hungariam conversurum, Thomam Ba-  
 kacium, Strigoniensem Archi-Episcopum,  
 Romam pro implorandis a Julio II. subsidiis  
 misit, quæ quidem ab illo, ut erat in bellum  
 Turcicum optime animatus, facile impetrari  
 poterant, nisi XI. Februarii sequente anno  
 1513. extinctus, Leoni X. locum fecisset, ab hoc  
 autem, etsi Rex crebras ad illum, & Strigo-  
 nensem Archi-Episcopum, eandem ob cau-  
 sam litteras dederit, exigua tamen subsidio-  
 rum spes affulgebat, quod ipse, in Pontifica-  
 tus aditu, aliquot ex Cardinalium collegio  
 adversarios nactus esset, tametsi polliceretur,  
 se cum Cæsare, Hispaniarum, & Angliæ regi-  
 bus acturum, ut, pace inter Principes redin-  
 tegrata, vires communiter in Turcas conver-  
 tant,

tant, nec Strigoniensem Archi-Episcopum penitus vacuum a se dimittendum esse. Sed 1513.  
cum hæc incerta essent, & ex eventu solum penderent, animum ad inducias cum Selimo ineundas adjecit. Missus est primum Felix Petancius, qui mentem illius exploraret, tum qui certiora referret, Joannes Zsoltay, ac denique Czoborius, sæpe alias legationibus jam perfunctus, qui, cum ex dissidio inter fratres orto, spem induciarum non inanem esse nunciasset, hanc Zapolya, sive de his tractari ignoraret, sive immodico gloriæ studio duceretur, fere interceptit, dum injussu regis, cum XIX. millibus transmissis Danubio, ad Zezinum, erat id Turcicæ ditionis, castra metaretur, qua irruptione Selimus graviter quidem offensus est, sed quod sibi cum fratre Achmete de Imperio contendendum esset, non invitus, triennales inducias concessit. a)

X. Interea Strigoniensis Archi-Episcopus Roma reversus, nihil subsidiorum, præter 1514.  
facultatem promulgandi per regnum cruciatam

---

a) Jodoc. Decius l. cit. ad hunc an. Litt. regis, Bud. in fest. B. Clementis Pap. & M. 1513. Ejusd. apud Pray Par. IV. pag. 348. & Pontif. ad regem, ibid. pag. 349. Orat. Bernardini Zane, Archiep. Spalaten. in act. Concil. Lateran. apud Binium Tom. IV. Par. II. pag. 7. Istvanfi, l. 5. Kerchelics hist. Eccl. Zagrabien. pag. 211. Leunclavius hist. Musulman. l. 16.

1514. **—** tam expeditionem, retulit. Re in consultationem, præfente rege, adducta, variis sententiis, an, recens initis cum Selimo induciis, e re publica esset, expeditionem promulgare, disceptatum fuit. Erant, qui barbaris fidem, quam ipsi crebro violassent, non servandam putabant, utendum esse tempore, quo Selimus, traductis in Asiam copiis, ditiones Europæas milite fere vacuas reliquisset; contra alii, datam semel fidem etiam barbaris servandam, nec hostem potentiorum temere, & cum regni periculo irritandum esse, ac proinde expeditionem promulgare, nunc quidem supervacaneum videri, existimabant. Disceptantibus intercessit Stephanus Telegdus, qui, quod ærario regio præfectus esset, & provenituum rationes haberet in numerato, eosque gerendo bello non sufficere videret, promulgationem bullæ cruciatæ magnopere dissuasit. Nec enim alios ad signa conventuros, quam perditorum hominum, qui, cum sua decoxerint, rapti solent vivere, tumultuariam colluviem, horum exemplo agricolas spe prædarum incitatos, neglecto rure, ad castra convoluturos magno numero, quos si domini ad exercendas operas verberibus, & carcerum ærumnis coegerint, facile futurum, ut jugi alioquin impatientes, in hos arma convertant. Hæc ille; vicere tamen alii, & bulla promulgata, quæstio de duce, qui cruciatæ militiæ præesset, orta est. Forte fortuna

na Georgius Dosa ex Siculis Transilvanis ortus, qui nuper, singulari certamine, Alim Epirotam ad Belgradum vicerat, Budam, fortitudinis suæ præmium postulaturus venit, hic idoneus, qui ceteris præficeretur, visus est, dataque ei facultas, ut, qui armis apti reperirentur, hos militiæ cruciatæ auctoraret. Didita fama, facile quadraginta hominum millia, inter quos & sacerdotes præcoci religionis studio abrepti fuere, in Pestano agro, alibique, ductoribus arbitrio suo delectis, a) confluxerant, brevique hæc concursatio, per Comitatus, velut contagio quædam propagata, plerisque suspicionem ingessit, ne non vulgus, aliud, quam præferret, forte moliretur. Frustra archiepiscopus, diditis per provincias litteris, immodicum fervorem temperare, frustra domini suos minis, & vi adhibita domum compellere, satagebant, tanto magis numerus augeri, & arma, quæ barbaris opponenda erant, in dominos conversa, quod Regi solum, non item dominis, se subjectos esse, sparsis in vulgum litteris, jactarent. b)

Ita-

a) Præcipui ex his, post Dosam, fuere, Franc. Bagos, Thom. Kacsks de Afzalo, Laur. Méfzáros de Megyezö, quorum litt. exstant, in quibus se *Principes, & campi ductores* cruciferor. scribunt.

b) Id vel ex titulo, quo Dosa usus est, patet: *Georgius Zékely, strenuus miles, benedictæ gentis Cruciferor. Princeps & supremus Capi-*

1514.

Itaque laxato licentiæ fræno, Nobiles, quos nancisci poterant, ultra quadringentos ferunt fuissè, immaniter cæsi, violatæ matronæ, stupratæ virgines, templa profanata, incendiis grassatum, & quæcunque furor inconditæ multitudini suggerere poterat, scelera patrata. Serum erat, post præcipitatum deliberationem, consilium. Multi auxilium a Maximiliano Cæsare, alii e Polonia advocandum, censebant; primus omnium Joannes Bornemisza, Ludovici pueri Præfectus, ostendit, domi esse, unde malo, si animi consentientes sint, mature consuli possit. Arrepta Legione Prætoriana, cui se Paulus Tomoreus quoque junxerat, in rebelles invectus, brevi Pestanum agrum hac peste purgavit, cujus exemplo Nobiles per provincias coorti, unitis viribus seditiosos persequuti, magnam colonorum partem, præcipiti nimium fervore, cum sine his egena Nobilitas sit, neci dederunt. Septuaginta millia periisse, proditum est. Sed ut memorabile, ita barbarum severitatis exemplum, Zapolya edidit, qui victo ad Temesiam, captoque Dosa, hujus primipilos longa inedia macerari, illum autem lento igne ustulari, ejusque carnibus famelicos vesci coegit. a)

Com-

*taneus, Regis Hung. tantummodo subditus, & non dominorum, cet. dat. in Czegled. 1514.*

a) Litt. regis, & Archiep. Strigon. dat. Strigonii. d. 15. Maji. 1514. Steph. Taurinus Canon. Albens. in

Trans-



Compressa rusticorum seditione, iisque, qui supererant, dilapsis, aut domum compul-  
 sis, ut omnis invidia in Strigoniensem Archi-  
 Episcopum, expeditionis cruciatæ autorem re-  
 cidit, ita Zapolyæ ingens gloria parta est,  
 Stephano *Verböcio*, & Michaeli *Zobio*, faci-  
 nora illius bello rusticano patrata, passim,  
 in circulis præsertim Nobilium, quos occultis  
 largitionibus in suas partes pertraxerat, pa-  
 lam efferentibus, &, ut in hujus laudes diser-  
 ti erant, ita regem, quasi nullo mali publici  
 sensu tangeretur, domique, dum regno extre-  
 ma perniciēs imminebat, desēs hæsisset, apud  
 vulgum criminari, vituperiisque insectari so-  
 lebant. Strigoniensis Archi-Episcopus, & Jo-  
 annes Bornemisza, alique ex regni Baroni-  
 bus Consiliarii, qui ex his initiis metuebant,  
 ne Zapolya populi favorem, in perniciem re-  
 giæ domus convertat, eo magis regem, hu-  
 jusque partes defendendas susceperant, quo  
 majora incrementa factionem oppositam ca-  
 pere intelligebant, tametsi vitari non potue-  
 rit, quin Rex vitæ discrimen adiret. Cum  
 enim tempus Comitiorum, quæ in diem XVIII.  
 Octobris indixerat, jam adesset, multique ex  
 variis regni partibus confluxissent, facinorosi  
 homines, qui fuerint, detegi non potuit, dum

N n 2

Rex

---

Transilv. in Stauromachia passim. Istvanfi. l. 5.  
 Jovius hist. sui temp. l. 13. Tubero, l. 10. §. 3.—6.  
 Cuspinianus in Diario de congressu Maximiliani  
 Cæs. & trium regum, §. 2.

**1514:** Rex sacris interest, in regium cubiculum, rati illum adesse, duas glandes majores, disploserant. Atrox facinus ut diditum est, continuo in eos, qui Zapolyæ favebant, suspicio a plerisque conjecta est. Strigoniensis Archiepiscopus, & Bornemilza, supervacaneum esse rati, tempus suspicionibus terere, auctores regi erant, ut, nisi Zapolyam sibi parem fieri vellet, ex auctoribus factionis, nec enim jam latebant, supplicium sumeret, ita futurum, ut ceteri, qui insolentiores spiritus gererent, horum exemplo territi, ad officium redeant, aut, si id pro miti suo ingenio averfaretur, certe id ante omnia ageret, ut, quod cœperat, affinitatis vinculum cum Maximiliano, firmatis prolium connubiis, ad finem perducatur, præsertim, quod Maria Ludovici sponsa, nuper admodum ex Belgio Viennam venisset, hac una re sibi inprimis, tum prolibus, ac regno etiam optime consulturum. Hoc præ illo maluit, Cuspiniani, qui rursus Cæsaris nomine aderat, & cum iis, qui Regis auctoritatem tuebantur, crebro consilia agibat, hortatu persuasus. a)

Suppressa igitur in vitæ suæ insidiatores quæstione, initium Comitibus datum, quibus ut præcipuam occasionem rusticorum seditionis præbuerat, ita fere pleraque in his ad illos in ordinem redigendos, damnorum, quæ Nobis-

---

a) Istvanfi I. 5. Cuspinianus in Diar. cit. in Freheri script. rer. Germ. Tom. II. pag. 594.

bilibus intulerant, compensationem, & pœ-  
 nas infligendas constituta sunt. Ut patrati 1514.  
 Sceleris memoria ad posteros transiret, sub-  
 lata illis deinceps liberâ migrandi facul-  
 tas, & servitus perpetui ruficatus con-  
 stituta, auctus etiam centum denariis census  
 annuus, item, ut nonam rerum partem do-  
 minis suis posthac præstent, interclusus etiam  
 ad Prælaturas Ecclesiasticas aditus, si qui  
 tamen ad eas aliquando eluctarentur, his  
 decimæ alias præberi solitæ, omnino negen-  
 tur. Proventuum regionum, qui fere omnes  
 in pignore, vel aliis locati erant, hæc ratio  
 est instituta: *Tricesimæ cum vigesimis*, Cameræ  
 item salium, fodinæ auri, argentique, ac li-  
 beræ civitates regiæ jubentur restitui, hac  
 tamen conditione, ut mediam proventuum  
 partem Rex quotannis percipiat, alteram  
 vero, qui hos fundos in pignore, vel locatos  
 haberent. Hoc uno, si rite, & ab omnibus  
 servatum fuisset, ærario regio, itaque & pu-  
 blicæ necessitati consuli poterat, verum con-  
 stat, hæc fere omnia etiam tum, cum Ludo-  
 vicus regnum adiit, in ære alieno fuisse. Jo-  
 anni Zapolyæ ob compressam seditionem  
*Tricesimæ* regales, & urbes liberæ, quas in  
 pignore habebat, tamquam navatæ operæ  
 præmium, etiam deinceps permittæ, dum red-  
 imantur, ad hæc autem ex omnibus tam re-  
 gis, quam reginæ, Prælatorum item, & Ba-  
 ronum, ac Nobilium, & ipsius etiam Zapo-

1514. lyæ bonis, viginti denarii ad conservandam militiam, decreti, ex quibus si eam summam collegerit, quam pro pignore exhibuerat, regi Tricesimas, & liberas civitates restituet, nec integrum deinceps regi sit, quæcumque necessitas id suadere videretur, proventus suos, quin rem prius cum Consiliariis suis conferat, aliis fœnori locare, &, si qui essent, qui nihilominus regios proventus sibi a rege locari impetrassent, non modo summam, fœnerationis causa exhibitam, amittant, sed tantundem præterea mulctæ instar dependere cogantur, ne quis autem errorem possit prætexere, bona omnia, quæ ad regiam coronam, tam in Hungaria, quam Transilvania pertinent, in legem nominatim referre, visum fuit. a)

XI. Conventu soluto, Cuspinianus mandata, quæ habebat, regi apertius indicavit, Cæsarem nimirum libenter visurum, si cum prolibus suis, & fratre Sigismundo, rege Poloniæ, in loco utrisque opportuno conveniret, illum etiam adfuturum, qui ea, quæ matrimonii utrinque ineundi causa, nondum satis expedita videbantur, ad optatum finem perducere cupiat. Re cum *Sydloviczio*, Poloniæ Legato, & consiliariis regis collata, Ladislaus *Sternbergius* in Poloniam missus, ut, quæ Cæsaris esset destinatio, Sigismundo referret, qui cum se adfuturum nunciasset, Cuspinia-

a) Décret, exstat in Cod. jur. patr. T. I. p. 325.

spinianus ad Cæsarem reversus est, & Wladislaus, rebus omnibus ad iter comparatis, Posonium, in hanc enim urbem conductum erat, XVIII. & Sigismundus XXVII. Martij, splendido uterque, & frequenti comitatu sociati, venire, Matthæus Gurcensis Cardinalis, cui Cæsar plenam potestatem fecit, cum regibus transigendi, serius adfuit. Mensis Aprilis, & præcipua pars Maji, in consultationibus, & conditionum deliberatione abiit, donec XX. ejusdem mensis, in certa capita, consentiente utroque rege, coaluissent.

Hæc istiusmodi fuere: Anna Wladislai filia, alterutri nepotum Maximiliani, Carolo, vel Ferdinando, intra anni spacium desponsabitur, si hoc elapso impedimentum aliquod intervenerit, Cæsari in manus conveniet, licet hic jam quinquagesimum sextum, & illa duodecimum ætatis annum ageret: dum annus hic decurret, Cæsar cum Wladislao, tempus ineundi re ipsa matrimonii designabunt, sponsa vero interea Mariæ, Cæsaris nepti, Ludovico destinatæ, ad nubilem ætatem contubernalis erit, atque hæc omnia si ad præfinitum tempus non fuerint completa, Cæsar pollicebitur, se intra biennium trecenta aureorum millia sponsæ soluturum, ac securitatis causa, thesaurum familiæ Austriacæ, qui millionem auri æquet, Ordinibus Austriæ depositurum, non ante reddendum, quam trecenta aureorum millia rite persoluta fuerint.

**1515.** Dotis autem nomine ducenta aureorum millia sponsæ quidem obveniant, sed non prius exhibenda, quam Ludovicus Mariæ re ipsa matrimonio junctus fuerit, tum vero dos dotem mutuo compensabit: nuptiarum tamen causa cuivis sponsæ, viginti vel viginti quinque millia aureorum, constitutis utrobique certis proventibus, quovis anno pendentur, quarum una si prius, quam nuptiæ coalescant, obiret, alteri nihilominus, quæ jam matrimonio juncta erit, ducenta aureorum millia, dotis nomine, persolventur, quæ, si maritus ejus improlis decederet, eidem salva, & integra manebunt, ut pari, si volet, cum dignitate nubere possit. Hæc Wladislaus suo, & prolium suarum, Gurcensis autem Maximiliani nomine, rata habuere, & Sigismundus pro utroque fide jussit.

His constitutis, & confecto rite documento, partiumque subscriptionibus firmato, Gurcensis ad Cæsarem rediit, qui non sine utriusque regis tædio, primum X. Julii Viennam reversus est, cujus salutandi causa reges, quisque suæ Nationis Oratores, Viennam misit, compertoque, ubi, & quo modo cum Cæsare conveniendum esset, Wladislaus Leitæpontum, Sigismundus vero Heinburgum, concessere, & XVI. Jul. Maximiliano ad Trautmansdorfum, in planicie, æquo inter memoratas urbes spacio, disita, obviam profecti sunt. Peractis salutationis mutæ officiis,

ciis, post moram aliquot dierum, Viennam  
 itum. Ingressus dignus erat Cæsare, & regi- 1515.  
 bus: primi dies inter hilaria exacti, & pactis  
 nuptialibus secunda cura cognoscendis dati,  
 ac unanimi paciscentium consensu roborati,  
 mox XXII. ejusdem mensis die, ad Divi Ste-  
 phani matrimonia anulorum mutatione con-  
 firmata, sextoque post die, per Cuspinianum,  
 Latino, & Germanico sermone promulgata  
 sunt. Cæsar ut vinculum affinitatis firmiter red-  
 deret, Ludovicum, patris, patruique consen-  
 su, suum in Imperio Vicarium declaravit,  
 facturumque, ut Rex Romanorum, post su-  
 um obitum, ab Imperii Electoribus renun-  
 cietur, vetera item mutæ successionis in Hun-  
 garia, Bohemia, & Austria quondam inita  
 pacta, denuo instaurata, & Annæ, hujusque  
 futuro conjugii, fors hæreditaria in Hungaria,  
 & Austria, solito Domui Austriacæ successio-  
 nis ordine servato, confirmata. a)

Dum

a) Auctar. diplomat. ad hist. Ursini Vellii, pag.  
 282. — 300. & apud Pray, P. IV. pag. 366.  
 381. Cuspiniani Diar. & Bartolini Hodæpori-  
 con apud Freher. T. cit. pag. 587. 672. Fug-  
 ger annal. Ferdinand. I. 6. c. 17. Jovius sui  
 temp. hist. I. 16. de Roo I. cit. I. 12. Sambuci  
 append. ad Bonfinium pag. 539. — 542. Istvan-  
 fi I. 6. Tubero I. cit. I. 10. §. 6. Jod. Decius  
 I. cit. in Sigismundo. Raynaldus ad annum

1515. **Dum hæc Viennæ agebantur, Palatinus, & Zapolya res novas in Hungaria moliebantur. Ille hujus, ut creditum est, subornatione, vel quod id e re publica esse putaret, postquam, quid Viennæ factum esset, comperit, pactis, Posonii per plateas vectus, palam, contentaque voce intercessit. Ea res, ne aliquando nepotibus suis fraudi esset, Maximiliano non exiguas primum curas conscivit, post, habita cum Wladislao deliberatione, hominem muneribus, & largitione tentandum censuere. Rex arcem Sarosiensem, & Cæsar, titulum, honoremque Principis Romani Imperii ei collaturos promissere. Captus hoc illicio, pactis, privato suo, non item Palatini, nomine, se subscripturum receperat. Verum, si pacta æquitati erant consentanea, nec alieno juri præjudicabant, inanis, & supervacanea erat vulgata Posonii intercessio, sin contra, nec suo quidem nomine, ulla præmiorum spe adduci debebat, ut se pactis subscripturum promitteret, quando æquitatis leges Palatinum non minus, quam privatum, obligant, ne, quod sibi injustum videtur, ratum habeat. Atque hæc quidem a Palatino**  
ge-

---

1515. Du Mont corps diplom. Tom. IV. P.I.  
Nro. 99. Lunig Cod. dipl. Germ. Tom. I.  
Nro. 89.



gesta fuisse, memoriae est proditum. a) Za-  
polya autem, qui spes suas, quas de Anna 1515.  
obtinenda hactenus aluisse videbatur, congres-  
su Viennensi penitus sibi succidi videns, in-  
certum, mororene animi actus, an congres-  
sum interturbare vellet, collecto decem mil-  
lium exercitu, Danubium transmisit, & arcem  
*Sarnonem*, Belgrado, & Szemendria æquo spa-  
cio disitam, Rege incio, & durantibus in-  
duciis, obsedit. Verum pro laude, quam spe  
præceperat, cladem retulit, ex qua ipse lau-  
cius, castrisque, & impedimentis exutus, cum  
paucis ægre evasit, insigni, quam sibi bello  
rusticano peperisse visus est, gloriæ detrimen-  
to; licet amici illius, jacturam apud vulgum  
elevare niterentur. b)

Prius, quam reges Vienna discederent,  
magnopere optabant, ut Cæsar commune se-  
cum foedus contra Turcas iniret, sed cum il-  
le, nondum confecto cum Venetis bello, id  
rebus suis nunc quidem minime profuturum  
ostenderet, Wladislaus daturum se per Lega-  
tos suos operam pollicitus est, ut Veneti non so-  
lum ei concilientur, sed in partem quoque com-  
mu-

---

a) Istvanfi l. 6. sed id non recte, quod Palati-  
num Regi præmortuum putet, qui anno 1518.  
adhuc superstes erat. Vid. Pray. Dissert. de Prio-  
ratu Auranæ, pag. 73.

b) Istvanfi, & Bartolinus l. cit. Joan. Dantiscus  
in poemat. Sigismundo Regi dicato.

1515. munis fœderis libenter veniant. Hac spe facta, Cæsar, discessuros reges, Neostadium comitatus est, ubi Rex, illo, & fratre postremum salutatis, filiamque, quasi futuri præfagus, inter lacrimas complexus, Sopronium, indeque Budam rediit. Hic ei oratores a Selimo cum litteris missi, qui inducias prorogari peterent, præstolabantur. Nam cum is militiam fere omnem in Syriam, & Aegyptum traduxisset, magnopere illius intererat, ut induciarum tempus, quod prope finem jam erat, prorogetur. Rursus igitur consultatio habita, & in sententiis variatum, essentne concedendæ, an negandæ, præsertim, quod Pontifex superiore anno spem subsidiorum fecisset, quo inconsulto nihil tentandum, & oratores interim speciosa protelatione detinendos, plerique existimabant. Missus igitur Legatus in urbem fuit, qui de promissis subsidiis certiora referret. a)

1516. XII. Pontifex, qui jam alias mentem suam satis aperte, quid de hoc induciarum genere sentiret, prodiderat, Florentia XXVII. Januarii, rescriptit, non placere sibi cum hoste, qui ex commodo suo datam fidem servare, violareque soleat, inducias conciliari, exploratum quidem sibi esse, quam parum præsidii ad resistendum hosti, & defendenda regna propria, domi repositum Regi esset, cura

a) Leunclavius hist. Musul. l. 17.

raturum se tamen, ut datis ad Principes Christianos litteris, brevi tantum pecuniæ conflatur, ut non modo vis propulsari, sed inferri etiam possit. In eandem sententiam XIV. Februarii, ad Petrum Berizlo, Episcopum Veszprimiensem, Dalmatiæ, & Croatiae Banum, scripsit, eique indicavit, Franciscum Regem Galliae omnia libenter facturum, quæ ad salutem Hungariæ facere videbuntur, se autem commeatum interea urbi Sibenico iussisse imponi, quo, ut necessitas postulaverit, libere uteretur. a) Sed dum Pontifex, Hungariæ causa, regum, & Principum Christianorum opem sollicitat, Rex podagricis doloribus, quo morbo sæpe alias laborabat, pene oppress-

---

a) Raynaldus ad hunc annum. Bembus, epistolæ.

l. 11. epist. 25. & 27. ad regem hæc inter alia: *quoniam exploratum nobis est, sine nostro, ceterorumque Christianorum regum, & virorum Principum auxilio, non posse te a Turcarum impetu regna tua tueri, atque defendere, externis præsertim, internisque bellis defessa jam prope, & debilitata, dedi regibus singulis, & Principibus litteras, quibus petii diligentissime ab iis, ut te pecunia, una nobiscum juvant. — Quare bono animo es. Confido enim tantum tibi pecuniæ in tempore communiter subministratum iri, ut nihil tibi verendum sit, ne repellere hostem possis, tuosque fines facile tueri.*

1516.

pressus, cum se, accedente mox febre, gravius habere, sensit, accersitis utriusque regni Primatibus, fratrem Sigismundum filio tutorem constituit, curæque Pontificis commendavit, nec multo post, die XIII. Martii, anno ætatis LXI. decessit. a)

Naturam nactus est ad mansuetudinem suapte proclivem, quæ in Principe, nisi cum res, & tempus poscit, rigore temperetur, facile in ignaviam abit. Mathiæ, decessori suo, dissimilimus: ille, ut erat armis deditus, severitate, hic vero pacis studia complexus, benignitate, regebant, sed, cum neuter modum teneret, ille Nobilium prærogativas, ubi poterat, accidit, hic contra, non modo has in integrum restituit, sed auxit etiam, b) quibus cum

---

a) Ludovicus in epist., ad patruum, apud Bel. Notit. Hung. Tom. III. pag. 242. diserte III. Id. Mart. obiisse scribit, eundem diem tabula ærea Bibl. Cæs. apud Pray P. IV. pag. 390. Sed annus ætatis videtur erroneus esse, cum Decius, natum esse, anno 1456. d. 1. Mart. scribat. Error quoque Istvanfio obrepfit. qui regem 8. Mart. defunctum scribit.

b) Litt. regis an. 1495. d. 2. festi Pentec. *quin potius, ut ipsi memores estis, — nec pristinas solum, & disjectas, atque immutatas libertates vestras, restituiamus, & roboravimus, verum etiam plures insuper alias addidimus, & ad-*

cum non nulli immodice uterentur, regia auctoritas sensim vilipendi, & quo quis potentior fuit, eo minus dicto audiens esse, b) & se inferiores vel opprimere, vel largitionibus in suas partes allicere, factionibus omnia permisceri, & suum quisque potius, quam regni, commodum præ oculis habere. Quo factum, ut militaris disciplina sensim labasceret, & plerique ocium sectarentur, nisi cum fortunarum compendia erant facienda, ut adeo ne a regiis quidem proventibus abstinerent, essetque ærarium regni, ministrorum peculatu, ita exinanitum, ut pecunia, cum hac opus erat, vel precario a Pontificibus petenda, vel sumenda mutuo, vel denique e Bohemia, aliisque provinciis accersenda fuerit, & Rex ipse, dum alii luxu, & deliciis diffuebant, ob penuriam domesticam, privatorum conviva esse cogeretur. Ita opulentum alias regnum, sed partim regis conniventia, partim Magnatum fastu, & avaritia, male comparatum, filio Ludovico, nondum exacta pueritia, reliquit.

## LU.

---

*adjecimus, quas neque quisquam regum Hung. unquam contulit ante nos, neque deinceps vix ullus fortassis est tantum collaturus.*

- a) Litt. ejusd. an. 1506. fer. 4. prox. post fest. visitat. B. M. V. Scimus autem, quod isti tenuiores, & inferiores Nobiles non sunt culpabiles, quia certum est, quod ipsi de bonis suis pecunias exercitiales solverint &c.

## LUDOVICUS II.

Ab anno 1516 — 1526.

1516.

I. **N**ondum decimum ætatis annum egres-  
sus, patri successit, itaque necdum iis animi  
viribus præditus, ut factionibus palatinalium,  
qui aulam patris versabant, resistendo esset.  
Iussis Albæ persolutis, ante omnia Pontificem,  
Cæsarem, & Sigismundum patrum, Polo-  
niæ regem de parentis obitu edocuit, simulque  
auxilia contra *Selimum*, qui Moldaviæ, Va-  
lachia, frustra tentatis ad defectionem Way-  
vodis, incubiturus metuebatur, imploravit.  
Mox pro veteri more Comitia Budam in  
XXIV. Aprilis indixerat, de re publica in  
medium consulturus. Verum ante, quam  
hæc coirent, res prope tumultum spectabat.  
Fuere enim, &, ut non vana suspicio erat,  
a Zapolya subornati, qui, donec puer ado-  
lesceret, regni Gubernatorem constitui vel-  
lent. Satis apparebat, Zapolyam ab iis de-  
signari, peneque erat, ut iis, qui in contra-  
riam partem nitebantur, superiores evaderent;  
nisi commodum Joannes *Lascus* cum Christo-  
phoro *Sydloviczio* e Polonia, Andreas *Baro-  
nius* cum Sigismundo *Herbersteinio*, a Cæsare  
intervenissent, qui in hoc animorum æstu cen-  
sebant in aliud tempus differri oportere, Lu-  
dovico non invito, qui sibi Gubernatorem ad-  
jungi

Jungi ægre ferebat. Consilii hujus ei autor 1516.  
*Bornemifza* fuit, qui Zapolyæ ambitionem  
 jam tempore rufficani belli cognitam, Wla-  
 distao suspectam reddiderat. Itaque dilatis  
 in aliud tempus Comitibus, coactoque frequenti  
 Magnatum senatu, unanimi consensu, Geor-  
 gius Marchio Brandenburgicus, & Joannes  
*Bornemifza* constituti, qui Cæsaris, & Sigis-  
 mundi nomine, tutorum partes agerent, ne  
 autem, cum dispares moribus essent, Mar-  
 chio teneram pupilli ætatem ad luxum, &  
 mollitiem deflecteret, cura Cardinali Archi-  
 Episcopo Strigonienfi data est. Id multi,  
 qui se hoc Triumviratu exclusos dolebant,  
 adversus conventionem anni 1508. qua cau-  
 tum erat, ne pupillus tutelæ exterorum cre-  
 deretur, fieri, palam vociferari, & insecta-  
 ri etiam cœpere, Bohemi contra ratum ha-  
 bebant, &, ut Rex Pragm Comitibus in an-  
 num sequentem indiceret, orabant, quibus  
 cum ob Turcarum molitiones interesse non  
 posset, ipsi his semel, iterumque coactis, Nun- 1517.  
 cios ad Cæsarem, & Sigismundum misere,  
 qui communi nomine Ludovicum, ejusque  
 regna, si quid periculi Hungariæ immineret,  
 eorum curæ commendarent. a) Et erat id,  
 quam

a) Raynald. ad an. 1516. & 17. Bohusl. Balbi-  
 nus hist. Boh. Dec. 1. L. 8. & Epitom. l. 5. c.  
 11. Istvanfi l. 6. Fugger l. 7.

1517. quam putabatur, vicinius ob *Jayczæ*, rebus pene omnibus ad defensionem destitutæ, discrimen, quam Turcæ arcta obsidione premebant. Cum regi sumtus necessarii ad succurrendum obsessis non suppeterent, & qui iis abundabant, tenaciores essent, quam ut commune periculum, etiam suum arbitrarentur, imperato regiis urbibus extra ordinem tributo, & quæ supererant, castris item regiis pignori datis, ægre duodecim aureorum nummum millia conflare potuit, quæ tamen vix suffectura erant, nisi *Jaycza* virtute Nicolai *Zrini*, & Francisci *Berizloi* servata, & hosti negotium cum Persis obortum fuisset. a)

1518. II. Periculum obsessæ *Jayczæ* Pontifici occaſio fuit, ut convocatis Regum Legatis inducias

a) Kerchelics hist. Zagrab. Eccl. pag. 212. Litt. reg. ad Barthphen cives, Buda in festo division. Apostolor. *sed quoniam nobis ad id magna vis pecuniarum existit necessaria, proven-tus vero nostros regales pro nunc nullos habemus &c.* Litt. Capit. Ecclesiæ S. Petri de Peſega an. 1522. testantur castra regia hoc tempore fuisse oppignorata 12000 fl. auri. Tubero comment. sui temp. L. 11. §. 4. invehitur in avaritiam plerorumque Magnatum, quasi metus fuerit, ne, si Rex militia, & ære abundaverit, his ad tyrannidem sensim abutatur. Leunclav. hist. Musulman. l. 17. ad an. Hegyræ 923.



ducias quinquennales, inter dissidentes Principes conciliaret, & erectis ad avertendum commune periculum animis, ad suppetias Hungariæ ferendas, plerosque non difficulter adduceret. Certiorem de hoc proposito regem datis ad eum VII. Januarii litteris fecerat, monuitque, ut ipse, quo propinquior hosti erat, eo magis etiam ad ceterorum commune hoc studium operam suam conferret. Obsecutus Pontifici, semel, iterumque conventum regni mense Januario, & Februario celebravit, a) sed cum plerique magno armatorum numero comparerent, nihilque propterea liberis suffragiis posset decerni, rursum conventus ad XXIV. Aprilis indictus est, & omnes, imprimis Zapolya, commonefacti, ut conveniente quidem numero, sed non cum exercitu, Comitibus adessent. b) Per-

O o 2                      culit

a) Bembus epistolar. l. 16. Litt. regis ad Zapolyam Bud. Dominica Lætare. *Quamquam duas hoc anno conventiones habuerimus in eum finem, — ut in illis de avertendis hujusmodi periculis consuleretur, undecunque tamen contigit, nostra hæc tam bona voluntas, ut notum est omnibus, perducere ad effectum non potuit.*

b) Ibid. ad eund. *Quare fidelitatem vestram hortamur — sub poena decreti, — quatenus — ad prædictum festum B. Georgii M. huc Budam — non cum exercitu, sed convenienti numero, animo ad bonum rei publicæ propenso, & bene disposito venire debeatis.*

1518.

culit Zapolyam tacita hæc reprehensio, & cum Palatino Perenio communicata, venturum se quidem Budam, sed non ante, quam Rex *Bornemissam* inde exigeret. a) Nec hic, quid ille per hoc cuperet, ignarus, pro tutoris officio rem omnem ad Cæsarem Oenipontum perscripsit, qui, misso Budam *Herbersteinio*, regi significavit, quatuor peditum millia, & quingentos equites, ad limites Austriæ, præsto ei futura, si Zapolya cum suis aliquid contra regem moliretur. b) *Herbersteinii* improvise adventu, quem a Cæsare missum esse, in vulgus studiose editum erat, Comititia satis pacate inchoata, sine fructu tamen soluta, & rursus pro XXV. Julii *Tolnam* concita sunt. In his pars regia, ut videbatur, Zapolyanæ prævaluit, quæ cum in medium proposuisset, militiam magnopere a pristina disciplina defluxisse, & legum sanctioniam univérse videri fere conculcatam, plerisque etiam, quorum tamen esset, patriæ con-

a) Litt. Zapolyæ ad Steph. Bathor, C. Temesien. ex Tokai fer. 5. major. hebdomadæ. *Daretur locus nostris verbis, ut dixeramus, ut scilicet interim, quoadusque ipse Bornemissa castrum Budense possidebit, in eam non intrabimus &c.*

b) Senkenberg Coll. document. Par. IV. sect. 2. n. 3. Vide etiam Hieron. Balbi opera Tom. IV. Epist. 9. & reliquas, ab Josepho de Retzer S. R. I. Equite, & Nob. Prov. Austr. edit. Vien. 1791.

consulere, commodosuo intentis, & ad commune malum obtorpescentibus, hostium progressiones ita in dies augeri, ut in Bosnia præter *Jayczam*, & *Banyalucam*, nihil superfit, his autem amisissis facile hosti aditum in Sclavoniam, ex hac in Hungariam, ultraque patere, statuit majore suffragiorum numero, ut Prælati, Barones regni, Comitatus, & qui ex legum præscripto militiam profiteri debent, copias suas in promptu semper habeant, ne, si hostis jam jugulo imminet, tunc primum eas, sero nimis, & sine fructu, sub signa cogi oporteat, ad hæc, ne stipendia, necessarius militiæ nervus, deessent, subsidium quinquaginta nummorum omnibus imperatum, cautumque, ne quid ex hoc Quæstores, ut hactenus, intervertant. a) De proventibus regis, quod fere omnes in pignore essent, decretum, ut in futuro Conventu *Bachiam* pro XXIX. Septembris indicto, transigatur.

Hæc quidem constituta fuere, verum, ubi ad conductum diem, & locum, minori, quam ante, numero convenire, nihil fere ipso ope-

O o 3

re

---

a) Decr. anni 1518. Triste est ingressum illius, qui, ut plura, in Corpore jur. patr. deest, legere: *Quoniam*, ita habet, *omne regnum duobus instrumentis regitur, & conservatur, scilicet, armis, & legibus, quorum in hoc regno nostro Hungariæ, hoc tempore neutrum habetur, &c.*

1518.

re præstitum fuisse, graviter questi sunt, quibus rei publicæ salus cordi erat. a) Itaque priora secundis curis cognita, & stabilita: delecti Quæstores duo, qui juramento adstricti, subsidia pecuniaria prioribus Comitibus decreta, colligant, proventus regii, qui, in pignore erant, & plerique in ære Zapolyano erant, jubentur restitui, quibus liberandis si ærarium non esset sufficiens, tam Ecclesiastici, animarum curæ destinati, majoris tamen census, quam ceteri, de suo suppleant, iis denique, qui contempto regis mandato, Comitibus non interfuissent, muicta, Magnatibus octingenti, Nobilibus vero quadringenti floreni, inter egentiores Nobiles distribuendi, dictata. Atque hæc quidem satis concorditer, at ubi rursum mentio de Tutoribus inciderat, multi in eam sententiam inclinabant, ut iis aliquot prætereā collegæ, ex Prælatorum, Magnatum, & Nobilium ordine adjungerentur. Vicit opposita factio, & Zapolya ex Magnatibus, ex Nobilibus autem Michael de Zob, delecti sunt, qui

---

a) Art. 1. ibid. *Quamquam hætenus quoque multa, & multoties, bona, utiliaque statuta, salutem & quietum statum totius regni, & imprimis quidem incrementum regiminis Majestatis Regiæ concernentia, ordinata fuerant, quia tamen observatio, & executio earum constitutionum subsequuta nunquam fuit, ideo in irritum omnia transferunt &c.*

qui Regi assisterent, curam haberent illius educandi, potestatem distribuendi regni officia, penes quos denique rerum summa universe esset, qua re non modo regiae dignitati derogatum, sed tutorum, quos Cæsar, & Rex Poloniæ constituerant, fides in dubium vocata, &, quo omnia spectabant, Zapoljana factio magnopere aucta fuit. De Jaycza quoque actum, ut annona, milite, & necessario ad defensionem apparatu, provideretur, Berizloo Veszprimiensi Episcopo Croatiae Bano, mandatum, ut horum curam haberet. Neque is hanc provinciam detrectavit, sed cum videret, nec annonam, nec militem pro ea copia, & numero, ut imperatum erat, adesse, quoniam hæc omnia per hosticum Jayczæ importanda erant, non aliter se id facturum significavit, nisi Rex, si quid adversum eveniret, sibi id minime fraudi dandum, polliceretur. a) Hic Comitiorum exitus erat, a principio suo magnopere dissidens, & olim extremum fere exitium regno allaturus. Depressa enim Regis, & Tutorum auctoritate, sensim privatæ potentiorum societates exortæ, quæ, ut diversis studiis, & sine, inter se differebant, ita mutuo clandestinis machinationibus se exagitabant, quarum illa, quam

O o 4

Za-

---

a) Litt. regis Bud. in festo S. Joan. Evangel.

Zapolya jam ante cum pluribus inierat, a) nunc aliorum etiam accessione celebrior, & periculosior fuit.

---

1519. III. Non poterant id tutores regis, præsertim *Bornemisiam*, qui Zapolyam acriter observabat, diutius latere, qui propterea etiam Regi autor fuit, ut inducias iis conditionibus, quas Barnabas *Belaias*, ab Wladislao Legatus Constantinopolim missus, inde nuper perscripserat, cum *Selimo* iniret, ita futurum, ut parta foris quiete, rebus domesticis, quæ non satis tutæ viderentur, magis possit consulere. Deliberanti in utram partem se daret, nuncium allatum est, Maximilianum Cæsarem *Velsii*, XII. Januarii obiisse. Non ignorabat, illum, dum viveret, magno studio conatum fuisse, ut alteruter nepotum, Carolus, vel Ferdinandus, sibi in Imperio succedat. Itaque, cum ipse Elector esset Bohemiæ, & ad eam destinationem multum conferre posset, Ladislaum *Sternbergium* suo nomine oratorem, qui suffragium pro Carolo ferret, ad Imperii Comitia misit. Adjunxerat huic eadem de causa Georgium Marchionem Branden-

---

a) Zapolyæ ad Steph. Báthory supra cit. *Reliquum autem est, quod multæ nos tentationes ab eo tempore, quo ab invicem sejuncti sumus, circumvenerunt, tamen nos, auxiliante Deo, sequimur nostram sectam, & D. quoque vestra Magnifica sit firma in fide.*

denburgicum, & primi Ordinis Hungariæ Baronones, qui inter reliqua, de sororis suæ nuptiis cum Carolo, si adesset, transigerent, & si abesset, in Hispaniam proficiscerentur. Ac horum quidem studio ceteris conjuncto, Carolus, præ Francisco Galliarum Rege, electus, nuptiarum autem transactio in aliud tempus dilata est. a)

1519.

Interea Selimi Legatus, *Kamal* nomine, Budam venerat, ut de induciarum conditionibus, secundum exemplar a *Betaio* missum, cum ipso Rege transigeret, nec is, *Bornemiska* autore, qui alumno suo, ut tunc res domi erant, vehementer metuebat, se difficilem præbuit. Hæc earum capita fuere: induciæ a calendis Aprilis triennium durent, interea neuter principum alterius ditionibus damnum inferre audeat, in ditionibus autem regis, præter Hungariam, Dalmatiam, & Croatiam,

Bo.

- 
- a) Litt. regis ad Georgium Marchionem Brandenb. Bud. f. d. *Postquam itaque hæc ipsa Catholica M. electio pro animi nostri sententia, non sine auctoritate, & favore nostro, per vestrum præcipue & aliorum Oratorum nostrorum studium, ut ipsimet Commissarii Catholicæ M. testantur, feliciter peracta jam sit, reliquum est, ut negotium sororis nostræ charissimæ vobis optime notum, cum ipso Carolo, jam Rom. Rege — transigendum curetur, de qua re habetis a nobis omnimodam informationem. &c.*

1519. Bohemia quoque cum Moravia, Lusatia, & Silesia utraque, quidquid item in Bosnia, Sérvia, & Bulgaria superesset, quamquam id permodicum, & laciniae solum essent, comprehendi censeantur. Liberum præterea sit, Christianis Principibus, Pontifici, Carolo, & fratri Ferdinando, Duci Burgundiæ, & Regi Neapolitano intra anni spacium foederis socios esse, idque litteris publicis testatum facere, sin abnuerent, nullam in eo partem habeant: mercatoribus ultro citroque commendi secuta facultas sit. De Ragusio, Moldaviae, & Valachiae Vayvodis ita conventum, ut, quod hactenus regibus Hungariæ, & serius Turcis etiam solvissent, deinceps etiam quotannis pendant, nihilque præterea novi oneris eis imponatur. Conditiones Rex Budæ XXVIII. Martii, & *Selimus* Adrianopoli XXX. Maji, juramento firmatas signarunt. a)

Fuere, quod rebus domi in ambiguo constitutis mirum videri debet, qui inducias deperperatas fuisse quererentur, indeque occasionem fumerent, non tam Regem, quam Tutores, qui earum auctores fuissent, fugillandi, in quos paulum post, dum in Comitibus magna contentione ageretur, quis defuncto

Pa-

---

a) Utrumque induciarum exemplum existat in Tabular. Vaticano, ex quo hæc compendio retuli.



Palatino *Perénio*, a) subrogandus esset, acerbius invecti fuere. Magna Nobilium pars 1519. Transilvaniae vicinior, Zapolyam designabat, Rex contra cum Tutoribus, & regni Baronibus, quibus arrogantia illius jam molesta erat, & potentiores Nobiles fere plerique Stephanum de *Báthor*, qui quidem opulentia illo inferior erat, sed sanguinis vetustate praestabat, Palatinum elegere. b) Inde implacabiles inter utrumque inimicitiae ortae, quae Regem cum regno postea in summum discrimen adduxere. Constituto Palatino, eadem, quae prius, decreta, & firmata sunt, interdictum quoque privatas societates inire, quibus confederati suum magis, quam commune regni, bonum & utilitatem praeculis haberent, &, quae hactenus coaluissent, dissolvi iussae sunt; praeterea, ut multa pecuniaria ab iis, qui Conventui Bacsienfi non intererant, exigatur, imperatum.

## IV.

a) Dorothea de Kanyfa, in litt. 7. Martii 1519. ad Gregor. Horváth, Castellatum suum in Onod datis, se *relictam* Emerici Palatini diserte affirmat.

b) Istváni hist. I. 6. id ad annum 1517. non recte occupat. Superfunt enim litt. Emerici Perénii anno 1518. Dominica *Lætare*, quibus testatur, sibi a Castellano suo in Onod pecuniam rite administratam fuisse.

**1520.** **IV.** Sed cum hæc negligentius, quam par erat, exhiberetur, nec copiae militares essent iusto numero completæ, iterum conventus in-eunte Februario habitus, a) iterumque gra-vissima data mandata, ut ad designatum tem-pus miles, & huic alendo necessaria stipendia adessent. Cupiebat enim Rex prius, quam ad Bohemos, qui illum crebris nunciis invi-tabant, b) proficisceretur, hæc omnia opere ipso præstita videre, ne tot Comitibus nihil pro salute regni actum videretur. Parantem se itineri cædes *Berislai* Veszprimiensis Episco-pi, Croatiae Bani, retinuit, qui, dum Turcas in Croatiam irrumpentes reprimere conatur, in insidias præcipitatus, occubuit. c) Itaque, cum

---

a) Litt. Assessor. regis ad Comitatus Veszprimien. fer. 5. post Mathiæ 1520. *Etiam in hac no-vissima Dieta pro festo B. Dorotheæ V. & M. celebrata, unanimiter decretum est, ut ipsæ gentes — præterea ordinatum est, quod in quo-libet Comitatu super huiusmodi pecuniis ratio iusta & recta erigatur.*

b) Litt. reg. ad Bartphenfes fer. 6. prox. ante Trinitatis. *Intellexisse jam potuistis, quali ap-paratu nobis ad præsentem profectionem no-stram versus Posonium, & deinde ad regnum Boh. quo jam sæpius vocati sumus, existat &c.*

c) Ibid. *Quod a vobis quoque necessarium subsidium repetamus, & præsertim hoc tempore, quo*  
lo.

cum parum in fide Turcarum durantibus etiam induciis reponendum esset, dilata in Bohemiam protectione, quæ ad defensionem Croatiae pertinebant, occupare conatus est. Curas auxit mors *Selimi*, quæ in diem a) XXI. Septembris inciderat, ejusque successoris *Solimani* armorum, & belli appetens indoles, domi vero, si periculum ingrueret, nihil fere eorum, quæ tot Comitibus statuta erant, comparatum, ut adeo corrogare auxilia ab exteris necesse esset. Missi ad Cæsarem, & Ferdinandum propterea Legati, Romæ autem *Stephano Broderico*, Oratori regis cura data, ut de subsidiis diligenter cum Pontifice agat, & ne pondus deesset, missus est in urbem *Werböczius*, qui, in quo statu res Hungariæ sit, coram uberius explanaret, re autem vera, quoniam apud factionem *Zapolyanam* præcipuus consiliorum auctor habebatur, ut speciosa legatione aliquamdiu a regno abesset, ne illa majora, illo præsentem, incrementa sumeret. Hæc inter *Berghamus a So-*

---

*loco Bani nostri Croatiae, qui nuper ibidem in conflictu cum Turcis habito occubuit &c. Putida fabula est, nec tempori consentiens, quam de cæde hujus Bani, Turnschvamius Mss. suis memoriis inseruit, quamque hic referre nihil attinet.*

- \*) Leunclav. hist. Musulmanicæ pag. 753. habet 7. mensis *Scheval*, quæ hoc anno, fuit 21. Sept.

1520.

*Solimano* missus explorator magis, quam mortis paternæ nuncius, adfuit, ut, quæ regis mens esset de prorogandis induciis, resciret. Responso ambigua fuere, quod per idem tempus per *Ambrosium Sarkanium*, & *Hieronymum Balbum*, *Posoniensem Præpositum*, de conflandis inter *Mariam* cum *Ludovico*, & hujus sororem *Annam* cum *Ferdinando* nuptiis, & decernenda utrique dote, *Oeniponti* tractaretur. a)

1521.

Quæ postquam mutuo paciscentium consensu constituta fuisset, & *Carolus Cæsar*, condita, quæ deinceps familiæ propria esset, sanctione *pragmatica*, fratri *Ferdinando Austriam*, *Styriam*, *Tyrolim*, *Carnioliam*, & *Carinthiam*, velut partem hæreditatis cefsisset, *Anna Ferdinando XXVI. Maji*, *Maria* autem ferius postea *Ludovico*, collocata fuit. *Turcicus Legatus* interim, dum hæc aguntur, responsa, & missionem frustra sollicitabat, & *Zapolya*, qui regis sororem olim prensaverat, æger animo, factioni suæ plures socios adlegere conabatur. Accessit non multo post aliud, mentem depascens malum, invidia, quod *Stephanus Bathorius Sophiam*, *Ducum Mæzoviæ* sororem, *Ludovico* conciliante, matrimonio

---

a) Auctar. diplom. Kollarii ad Hist. Velii, & apud Pray annal. Par. V. pag. 38.

mōnio sibi junxisset., a) ut, quemadmodum dignitate hactenus superior erat Joanne Zapolya, affinitate etiam sanguinis, quo ille Ducis Telsinenſis ſore editus, ſe jactabat, par haberetur. Novum hinc æmulationis, & odiorum ſemen utrinque jactum.

Solimanus, qui Legatum ſuum tam diu Budæ teneri, indigne ferebat, in Serviam movens, *Rumeliæ* Præfecto mandaverat, ut *Szabacſium* tentaret, quod ut primo impetu captum eſt, ipſe copias Belgrado admovit. Quo comperto Ludovicus, incertum, quo ſuaſore, *Berghamum* trucidari juſſit, quaſi cæde unius contra juſ gentium patrata, locus ab omnibus ad deſenſionem imparatus, ſervari poterit. Conclamatum quidem ad arma eſt, militia undique concita, & caſtra ad *Tolnam* poſita, ſcriptum ad externos Principes pro auxilio, Palatinus cum parte copiarum præmiſſus, ut hoſtem Savi tranſitu arceret, ſed cum ei omnia lente adminiſtrantur, & ex agreſſi plebe collectus tumultuarie miles, diſciplinæ impatiens diffluit, fruſtraque ad *Tolnam* conſidetur, Belgradum, *Hedervarii*, qui arcis præfectura, etſi ſæpe juſſus, decedere nole-

---

a) Cuspinianus in Cæſ. ſub Maximiliano; & Streinius annal. Auftriæ ad h. an. Contractus matrimonii an. 1520. Varſaviæ 17. Sept. initus, & an. 1521. die poſt Magdalenæ ratiſhabitus a Bathorio,

1521. nolebat, pervicacia, & Michaelis *More*, quem sibi Legatum, invito rege, substituit, proditione, IV. Nonas Septembris, Solimano deditum est, a) quo occupato, cælisque contra datam fidem præsidariis, ille Constantinopolim, & Rex Budam reversi sunt. b) Nolim, quod aliqui existimabant, affirmare, Turcas ab ipsis Hungaris ad obmovendum bellum fuisse incitados, nec enim hac perfidia *Solimano* opus erat, qui probe cognitum habebat, quæ discordia Nationem scinderet, quæ esset ærarii inopia, & quantopere Rex ob ætatem despiciatui haberetur. Illud extra dubitationem est, culpam omnem amissi Belgradi in *Morei* proditionem, & *Hedervariû* contumaciam fuisse conjectam, quos Rex pro-

---

a) Istvanfi hist. l. 7. diem 29. Aug. statuit, quo Belgradum occupatum sit; contra autem *annal. Turcici* apud Leunclavium l. 18. diem 2. Septembris, sive 27. mensis *Ramazan*, qui hoc an. fuit 2. Septembr. Consentiant litt. regis ex castris ad Tolnam in festo Ægidii, seu 1. Sept. scriptæ.

b) Surius in suis *Comment.* ad h. an. & *Tubero* *Comment.* sui temporis toto l. 11. Litt. reg. ad Papam Buda 29. Jun. & ad Portugal. regem: *vogamus M. V. ut fratrem, & affinem carissimum, velit & ipsa in Turcas quam maximum potest auxilium rebus nostris pene extremis afferre.* Sic ad alios Principes.

propterea, postquam in Conventu Albenſi  
juramentum, quod pater illum, ſi legitimam 1521.  
ætatem attigerit, præſtiturum pollicitus erat,  
Ordinibus dixiſſet, a) & regina fuiſſet coro-  
nata, infidelitatis nota perſtrinxit. b) Subſi-  
dium quoque LXXV. denariorum in bellum  
Turcicum, *Werböczio* conſignandum, viri-  
tim decretum, quod & lente exhibitum eſt,  
c) nec quadraginta quinque mille, ſeptingen-  
tos, & quadraginta ſeptem florenos exceſſit,  
d) exiguo in tanta, communique neceſſitate,  
emolumento.

V. Rebus domi aliquantum, ut videba-  
tur, jam pacatis, iter Bohemicum ingreſſus, 1522.  
vix *Brodam* attigerat, cum Turcæ anni prio-  
ris fortuna allekti, pars *Orſovam*, metu de-  
fertam, occupavit, pars, Sclavonia percur-  
ſata,

---

a) Litt. regis: *Datum in civitate noſtra Alba re-  
gali, fer. 4. poſt feſtum conception. Virginis  
glorioſæ, 2. ſcilicet die præſtiti a nobis jurav-  
menti.* 1521.

b) Acta Proceſſ. Hedervariani.

c) Litt. reg. ad Palatin. ex Broda Alemanica,  
d. 17. Mart. *Illud autem nobis plurimum mo-  
leſtum eſt, quod ſubſidium tarde exigitur, nam  
ex ea tardatione periculum regno noſtro pote-  
rit evenire.*

d) Regiſtrum pecuniar. h. an.

1522. **fata, Quinque Ecclesias obsederat. a)** Palatinus, ut hostis progressiones moraretur, Zapolyam in Transilvaniam, Banos ad suam quemque stationem, abire iussit, ipse Zevrinum, Temesvarinum, & Titulium, militiæ supplementa, & annonam misit, præ ceteris vero, ut Jayczam, Banyalucam, & Orbovsaram, hostibus vicinas, Præfecti diligenter custodirent, mandavit, Scardonæ a Turcis circumfessæ, *b)* quod longe disita esset, serò consulere poterat, domi quoque, ne factiones alerentur, privatas societates, pro ratione sui officii dissipavit, quæ Ludovicus, qui interea cum regina Pragam pervenerat, rata habuit, utque deinceps eadem diligentia, & fide, res curaret, hortatus est, præsertim autem, ut subsidio pecuniario, quod Ordines promiserant, mature, riteque exhibendo invigilet, negligentes, aut refractarios, tanta bonorum parte mulctet, quanta dimidio annui proventus responderet. *c)* Addidit, a Bohemis

---

*a)* Litt. reg. ad Palatin. fer. 2. post Oculi. *Id autem vehementer dolemus, quod Turci castrum Orsova expugnarunt, & Pech obsederunt.*

*b)* Litt. Marci Iussich ad reg. Scardona sab. ante Judica.

*c)* Regis ad Palatin. Broda 17. Mart. *Quod autem conventiculam illam dissolvendam curaveritis cum D. Vayveda (Zapolya) grato, animo*



mis, & Moravis, ex Silesia item & Lusatia, proxime auxilia Hungaris adfutura, misisse se ad Conventum Imperialem Norimbergam eadem de causa Oratores, Cæsarem, & Principes ea fuisse benevolentia, ut stipendia pro Romano itinere ei designata, a) in bellum Turcicum libenter impensuri sint, modo ipse ageret, ut, quæ aliquoties jam in Comitibus statuta erant, præstentur, ne, si auxilia exterorum adfuerint, & promissa non servari intelligant, nobis ipsis volentes defuisse arguamur. Palatinus sine mora regis voluntatem per Comitatus vulgaverat, egitque, ut copias, & promissum pecuniæ subsidium quisque in numero habeat; ob dissensiones tamen, quæ Rege absente majora incrementa sumserant, parum, aut fere nihil, contempta Palatini, & Re-

P p 2

gis

---

*a vobis accepimus, nam certe ejusmodi conventiculæ nunquam aliquid boni attulerunt.*

a) Ejusd. ad Comit. Sarosien. Praga 23. Apr. Cæsar Carolus, frater & sororius noster — *illud auxilium certum, & non contemnendum, quod Principes I. R. Majestati suæ Cæs. pro accipienda corona Imperiali, & pro recuperandis juribus suis in Italia obtulerant, consideratis regnorum nostrorum periculis, annuit, & promisit, ut in nostrum subsidium convertatur.*

1522. **gis auctoritate, præstitum est. a) Quare non pauci Prælati, & Barones, qui regni calamitatem miserabantur, inter se fœdus inivere, quo regnum, & regis dignitatem, se omnibus viribus tuituros promiserant. b)**

Eadem Principum Imperii, Hungariæ causa, sollicitudo erat. Responsa, quæ Oratoribus Hungaris dederant, hæc fuere: se gravibus eorum rationibus permotos, copias auxiliares missuros, ob pericula tamen, quæ ipsi Germaniæ nunc imminet, tot mitti non posse, quot alias in Conventu Wormatiensi decretæ erant, interim quater mille pedites, in sex menses, esse destinatos, qui XXV. Maji  
an-

a) Litt. Palatini ad Comit. Sarofien. Bud. 14. Maji.

b) Conventio Prælator. & Baronum fer. 6. prox. ante diem B. Augustini Budæ, in qua hæc leguntur: *quod nos considerantes varias dissensiones, injuriarum illationes, item damna illata, & inferenda, diversosque actus potentiarios, præsertim propter absentiam regis M. in dies emergere, neque ab iis desisti, sed potius crescere quotidie, ad talem inter nos unionem devenimus. Imprimis, quod sereniss. Principi, Domino Ludovico, fideliter, & sincere, ut aliqui tenemur, serviamus, ejusque statum, dignitatem, & auctoritatem in quibuslibet rebus curare, seu promovere, totis viribus, omniq. conatu debeamus &c.*

anno sequente ad defendenda Croatiae praesidia adfuturi sint, modo Hungari necessarium apparatus administrarent, stipendia a Germanis praebitum iri, quibus ipsi annonam sibi iusto, & parabili precio comparare possint: cupere se etiam, ut duo primi Ordinis Hungari, qui rationem cum Turcis belli gerendi cognitam habent, Praefecto Germanorum adjungantur, &, ubi praestitutum sex mensium tempus fuerit elapsum, auxiliariis liber, securusque redditus praestetur. a)

Cum his responsis Oratores dimissi, anno sequente Budam redierunt, quos haud multo post, Rex cum conjuge e Bohemia consequutus, ut expectationi Principum responderet, Comitia in XXIV. Aprilis indixit. Haec, periculi vicinitas, nam Turcae interim *Ofztroviczam*, castrum *Zagoriae* post *Clissam* munitissimum interceperant, b) frequentiora, quam alias, reddidit, animosque ad tempus

P p 3

con-

a) *Acta Norimbergæ die 22. Dec. anno Dom. 1522.* Subscripti sunt: Ferdinandus Archid. Austr. Caesaris in Imperio Locumtenens, Albertus Cardin. Mogunt. Ludovicus Dux Bavar. Ladislaus de Macedonia el. Episcop. Sirmien. Petrus Korlatkewy de Buchán. Mag. cur. reg. Steph. de Werbewecz in Judiciis Locumten. regiae M. Sigism. Pogán de Cheh.

b) Litt. reg. ad Brodericum, suum Romae oratorem Bud. f. d.

1523.

conjunxisse videbatur. Res militiæ imprimis curæ erat; decem *Sesiones*, ita fundos nostri Jureconsulti vocant, sine personarum discrimine, unum equitem, clypeo, hasta, vel arcu & pharetris instructum sistent, in iis præsertim Comitatibus, qui plana occupant, qui montana, peditem: Nobiles unius *Sessionis* viritim equites, vel pedites aderunt, si periculum fuerit, nec licebit eis curru proficisci; in quovis Comitatu Rex Præfectum militarem constituet, qui copias, cum mandatum fuerit, regiis conjunctas ducet, si qui mandato regis reluctarentur, eos hostium loco habebunt; expeditione promulgata nemo abesse ausit, si abfuerit, bona amittat: infirmi & senes sibi alios subrogabunt. Quoniam autem confinis præcipue metuendum erat, statutum, ut duo Præfecti sint in quovis præsidio, quibus pœna capitis, & bonorum amissio decreta, si simul abessent, nec unus deinceps duobus præsit, ne, si unum defendere opus sit, alterum amittatur; his tuendis Rex militiam vexillo suo adscriptam, in limitibus collocabit.

a) Hec fere sunt, quæ his Comitibus decreta fuere, b) sed, ubi tempus, quo auxiliares copiarum

---

a) Decretum hujus an, in Corp. jur. patr.

b) De subsidio pecuniæ nulla in eo fit mentio, quod tamen Rex sibi exhibitum esse in litt. fer. 2. post fest. S. Annæ testatur his verbis: *ad cuius*

piæ e Germania adfuturæ erant, jam prope  
esset, nihil de tormentis, pulvere nitrato,  
reliquoque ad defendenda præsidia necessa-  
rio apparatu, quod tamen Imperiales flagi-  
tabant, adhuc comparatum. Atque his qui-  
dem, si unquam alias, certe anno sequente  
opus erat, dum *Solimani* confecta cum Per-  
sis pace, ingentes rursus apparatus faceret,  
& Croatiam designare videretur. Erat regni  
hujus, tot hostium incurfionibus frequentati,  
conditio sane misera, & nunc ob annonæ, quon-  
dam ab Hadriano Papa submissæ, sed per  
Præfectos *Segnienses* interversæ, penuriam,  
summo periculo exposita, cujus defectu arx  
*Osztrovicza* Turcis dedita, & nisi Clemens Pon-  
tifex recens com meatum opportune misisset,  
etiam *Cliffa* peritura erat. Magno tamen no-  
stro commodo accidit, quod *Archmethus*, qui  
expugnata nuper *Rhodo* inclaruerat, arrepta  
in Aegypto tyrannide, ultiores *Solimani*  
progreffiones interceperit, præbueritque Regi

1524.

P p 4

spa-

---

*jus (hostis) conatum repellendum, viribus no-  
stris propriis diffisi, cum ad externorum etiam  
auxilium petendum nos confugere oportuerit,  
nullus est subditorum nostrorum ordo, qui non  
aliquid subsidii nobis in defensionem communis  
nostræ Patriæ dederit. Adeo manca hujus æta-  
tis Comitiorum decreta habemus.*

**1524.** spacium respirandi. a) Fecit, etsi ea ætate esset, quæ laborum, & curarum impatiens esse solet, omnia, seu suo, seu *Bornemisæ* consilio, quæ ad servandum regnum pertinere videbantur. Indictus rursus Conventus est, b) iterumque tempus magis altercatione, quam opportunis necessitati consiliis, insumtum. In pecuniæ nervo maxime adhæsum; qui, etsi quidem subsidium priore anno decretum, tandem fuisset exhibitum, & Pontifex præterea non exiguam æris summam Nuncio suo, Baroni Antonio de *Burgio*, crediderit, ut, si Hungaros viderit, serio curam salutis suæ, & regni habere, hanc in eum finem impendat, vix tamen in tam varias belli necessitates suffecturus erat, c) Itaque infectum argentum,

a) Litt. Pontif. ad Joan. Bornemisza, & Capitaneos Segnienf, d. 20. Febr. Regis ad Brodericum Romam, Buda, 8. Mart.

b) De hujus anni conventu dubium exortum, dissolvit Nuncius Apostol. Baro Burgio in litt. sequ. an. ad Sadoletum Pontif. secretar. scriptis, in quibus hæc: *dixerunt (fastiosi) velle se interrogare, — quæ causa fuerit, quod decreta anno præterito edita, non fuerint observata.*

c) Litt. Ant. Burgio ad Sadoletum, Buda 6. Dec. *Quod attinet ad erogandam pecuniam, sua sanctitas novit, me semper ejus fuisse opinionis —*

ut

tum, & vetus moneta, undique regis nomine conquiri iussa, domus monetaria præter ordinem *Eszekini* ad feriendam ex his pecuniam instituta, a) nec, si hæc non sufficerent, quo defectus argenti suppleretur, æs cyprium neglectum. 1524.

Actum etiam, suasu præcipue Pontificis, ut Hannibal Cyprius, erat is inter regis familiares, pacis, bellique studiis apprimè excultus, ad *Solimanum* Legatus mitteretur, ut, sin minus consilia pacis admitteret, qui apud Turcas fierent apparatus, quove illi spectarent, diligenter rimaretur, & Hungaria tempore interim ad necessarios etiam faciendos apparatus, uti posset. b) His curis regem domi

---

*ut omni<sup>a</sup> opera hos (Optimates intelligit) inducerem ad honestam aliquam deliberationem, offerens eis auxilium D. nostri, &, quia id hactenus efficere non potui, totam pecuniam deditui, — & toti regno cum publice in congregatione, tum privatim in consilio, cunctisque Nobilibus palam feci, sanctitatem suam non deesse defensionem Hungariæ, — ut nemo in Hungaria sit, qui mentem suæ S. non sciat, non laudet &c.*

a) Regis litt. patentes ad comitatus. Bud. 27. Octobr.

b) Ejusd. ad Brodericum Romam: *Si SS. domino nostro videatur, nobis profecto non displicet.*

1524.

domi occupatum, mirum est, etiam Daniæ regis patrociniū, in consortio aliorum, suscepisse. Ejectum, religionisne novatæ, an alia causa? incertum, anno priore a suis regno, cum conjuge Pontifex, Cæsar, Rex Angliæ, ceterique Principes, ne inaudita multis seculis seditio ad alias Nationes, & in exemplum transiret, communiter tuendum susceperant. Conventum propterea *Hamburgum* indixere, quo Ludovicus suum quoque Legatum eandem ob causam miserat, additis ad reliquos Oratores litteris, quibus, nullam sibi meliorem rationem ad restituendum regem videri, significat, quam si operam dederint, ut concitatæ multitudinis animos mitioribus consiliis ad mansuetudinem, & obsequium sensim flecterent, hanc viam se arbitrari esse commodissimam ad æstum temperandum, qua si nihil effici posset, se cum Cæsare, & patruo suo, rege Poloniæ, aliisque Principibus, communem causam facturum, nec admissurum, ut Princeps, dignitate, & regno inique spo-

---

*cet, ut Hannibal Cyprius legationem suam exequatur, proderit enim fortasse nunc, vel imposterum, si ille Princeps de nostra voluntate fuerit factus certior. Poterit insuper ad nos ex illis partibus explorata reportare, quod magno usui nobis, ac toti Christianitati est futurum &c. Bud. 8. Mart. Intermissa tamen fuit Legatio.*



spoliatus, calamitosam exilii conditionem diutius perferre cogatur. a) Hæc ille, ex animo suo alios metiens, consilia suggererat, quæ quidem, si confestim in principio adhibentur, aliquando prodesse, sin autem sero, quod ipsa mora jam nullus auctoritati locus sit, plerumque obesse solent, quemadmodum ipse non multo post fere expertus erat.

1524.

VI. Interea Turcæ, quos nihil fere eorum, quæ in Hungaria agebantur, latebat, expugnato Zevrino, ingentem classem in Danubio, & Savo parabant. b) Minime dubium erat, quin, ut Rex ad Pontificem perscripserat, apparatus hi ad subjugandam penitus Hungariam pertinerent. In Bulgaria nihil jam juris Hungarici superfuit, in Bosnia & Servia quædam solum, eæque hostibus circumseptæ restabant lacinix, Croatia tot incursionibus propemodum exhausta, Valachia, & Moldavia maximam partem jam sub-

1525.

a) Ejusd. ad Convent. Hamburg. Bud. 1. Maji.

b) Litt. Ant. Burgio ad Sadoletum Bud. 6. Dec.

1524. *Moldavus miserat huc nuncium ad regem, & significat, quemadmodum in Danubio in confinio Moldaviæ Turcus, nescio quas triremes construi faciat, & ab Archiep. Colocen. sua M. intellexit, quod in Savo — Balibegus multorum hominum opera naves militi transferendo idoneas apparari faciat, & quod undique audiatur apparatus contra Hungariam.*

1525.

subacta erat, ut adeo nihil hosti jam obfaret, quo minus in ipsa regni viscera grassetur. Huc quinquennio conatus illius pertinebant, dum vicinas regno provincias, quæ hactenus tutamentum Hungariæ erant, sensim carperet. Hæc palam fiebant, quibus tamen somnolente obviam itum fuit. Nunc quoque ad tantos aqua, terraque hostis apparatus, domi omnia fere imparata. Nec ex Germania, etsi promissum fuerit, magna auxilii spes affulgebat, quod Cæsar cum Gallorum rege, bello implicitus esset, & Principes Imperii ob novum doctrinæ genus, a *Luthero* monacho recens invectum, inter se disiderent, & rustici in Germania tumultuarentur, Poloni autem ægre se ipsos defenderent. Soli igitur Hungariæ cum hoste formidando luctandum erat, nec, conjuncto cum Bohemis, a) Moravis, aliisque regis ditionibus, studio, ei impar erat futura, si animi diuturnis factionibus scissi, in tam vicino, & communi omnibus periculo, conciliari potuissent. Tentatum id sæpe est per Comitia, nihil tamen

---

a) Id. ad eund. Bud. 26. Apr. 1525. *Existimo significandum suæ sanctitati, quod e Bohemia haberi possent a 25. ad 30. millia peditum optimorum, ac florentissimorum, — Et, si ad eum finem exercitus esset conscribendus, id mihi convenientissimum videretur, — quia gens illa est admodum bellicosa &c.*

men profectum, magno eorum dolore, qui ~~\_\_\_\_\_~~ 1525.  
 futuros eventus prospiciebant, & horrebant. Rursum igitur ad Comititia, velut ultimam salutis anchoram, perfugium factum, quorum acta fide eorum, qui illis intererant, & magnam in eis partem habuere, a) quoad fieri potest, paucis complectar, ne, quantum posterius a Majorum gravitate in consiliis, & communi in bonum publicum studio, quæ Comitiorum anima esse debent, sensum deflexerint, ignoremus.

Indicta fuere ad XXIV. Aprilis. Confluxerat in campum Pestiensis urbi adsitum, *Rákos* ei nomen, frequentissima Nobilitas, sed præter morem armata, quod non optimi exitus prælagium erat. Primus congressus, quod nuncius a *Solimano* per idem tempus advenit, utcunque pacatus abiit, hoc autem digresso, cum X. Maji, erat is dies Mercurii, ad Divi Petri Ecclesiam in urbe, antesignano *Werböczio*, convenissent, unanimi consensu decreverant, se, si Rex arma poni juberet, nihilo.

---

a) Fuere autem hi: *Ant. Baro de Burgio* ad aulam regis Nuncius Apostolicus, cujus ephemerides Comitiorum, item epistolæ annor. 1524. 25. & 26. ad Sadoletum Pontif. secretarium in Ms. exstant, inter Vaticana Tom. XXV. Alter *Michael Csáfszár*, qui inter regem, & conventiculum Hatvanienſe, internuncium egit, cujus *Diarium* itidem in Ms. exstat.

**1525.** Iosecius hæc servaturos esse, in novam mo-  
netam perinde, ut in Emericum *Szerencsenium*  
a) non ita pridem Christianum ex Judæo fa-  
ctum, & monetariæ rei præfectum, invec-  
ti; nec Palatino parsum, in quem culpam amif-  
si nuper Belgradi conjecerant. Hæc prælu-  
dium quoddam futurorum erant. Rex, mis-  
so ad eos Nitriensi Episcopo, causam adven-  
tus petiit, monuitque, ab armis abstinere,  
his contra hostem uterentur, nunc consiliis ad  
communem regni salutem opus esse; respon-  
sum est, de his, &, si quid præterea Rex pro-  
ponendum haberet, die Veneris actum iri,  
sibi autem in animo esse, arma conservare.  
Sequenti die Budam ad Divi Joannis eadem  
frequentia profecti, eadem regerebant, posce-  
bantque, ut integrum sit colonis, ad quem  
volent, dominum migrare, auctores, qui cau-  
sa fuissent, cur anni prioris statuta non ser-  
ventur, ad necem deposcebant, Germanos  
quoque, nisi ab aulæ ministerio removeren-  
tur, se trucidaturos, comminati sunt. Die  
Veneris in Strigoniensem Archi-Episcopum  
ira conversa; b) eum regni depilatorem esse,  
in-

---

a) Istvani ad annum 1521. illum, voce ex Hun-  
garico in Latinum traducta, *Fortunatum* ap-  
pellat, & post Joan. Bornemiziam ærario præ-  
fuisse scripsit.

b) Diar. Ant. Burgio: *in questo giorno mi scrissi  
Strigoniense una polisa che dicea „Hæc Dieta  
ha-*

indignum videri, ut futoris filius tanto Sacer-  
 dotio fruatur, cupere se, ut Rex, uno e Pro- 1525.  
 ceribus comite, ad Nobiles venire ne grave-  
 tur. Abnuit, & primum, qui eos ad concor-  
 diam hortaretur, Nuncium Apostolicum, mox  
 Episcopum cum uno ex Baronum Ordine, mi-  
 sit, qui subsidia in bellum Turcicum peterent.  
 Dilatum responsum est, & LX. oratores de-  
 lecti, qui a Rege postularent, primum, ut  
 Germanis, aula exesse iussis, Hungaros sub-  
 stitueret; idem enim fecisse Ferdinandum Ar-  
 chiducem Austriæ, qui, ducta regis sorore,  
 Hungaros, suffectis Germanis, amoverit: al-  
 terum, ut Cæsaris, & Venetorum, Oratores,  
 quorum ille se rebus Hungaricis, non rogatus,  
 ingereret, hic vero exploratoris potius, quam  
 Oratoris, personam ageret, confestim domum  
 remittantur, tertium, Consiliarios, etsi Comi-  
 tiorum suffragio constituti prius fuissent, ut  
 mutet, quartum denique, ut *Szerencsenium*,  
 cujus fortunas paulum ante diripuerant, ro-  
 go addicat. Ad respondendum induciæ qua-  
 tuor dierum datæ, nec se passuros, ut, quod  
 in vulgus sparsum erat, Buda, & Pestinum  
 milite armaretur, alioquin, concitis e vicinia  
 rusticis, se utramque urbem commeatu inter-  
 clusuros significabant.

Rex

---

habet satis turbulenta principia, nescio, quis  
 erit finis.

**1525.** Rex, ut vidit, rem huc rediisse, responsa studiose differebat, ratus, quindecim dierum tempus, Comitibus præstitutum, prius elaborandum, quam ad ea reddenda cogeretur. Nec illi, quid hæc procrastinatio sibi vellet, ignorabant. Rursus igitur, CXX. oratores missi, qui idem peterent: de *Szerencsnio* quæstionem habendam, Rex promiserat, Oratores autem, & Germanos, quin Principes eorum graviter offendantur, nunc dimitti non posse, respondit, facturum tamen se, ne deinceps iustam propterea conquerendi causam habeant. Cum his responsis ad suos regressi, non perinde ab omnibus accepti sunt, additæ etiam minæ, &, nisi Rex ad Conventum veniret, se, ne regnum pereat, seorsim constitutiones ad id servandum edituros. Sub hæc illud perincommode evenit, quod Orator regis Poloniæ se rebus ingesserit, &, ut lis de bonis Laurentii Ducis ab *Ujlak* ad finem perducatur, a Rege peteret. Facile intelligi poterat, à Zapolya subornatum fuisse. Nam is bona Ducis ab intestato mortui, quæ ad Fiscum regium redierant, ad se pertinere contendebat, quod Dux ea sibi ante mortem dare pollicitus fuisset. a) Rejecta est petitio, quod

---

a) Diar. Mich. *Császár. Wayvoda* (Zapolya) cum Laurentio Duce jam mortuo sic pactum fecisse dicit *Majestas sua*, ad hæredem regium descen-  
de-

quod Orator nequaquam ex mente Principis, a quo missus erat, loquutus fuisse videretur. 1525.  
 Diffolata hac machina, iterum CXX. Oratores postulatum ad regem missi, ut ad Nobilium congregationem veniret. Venit sequenti die, erat XVIII. Maji. Hic petitiones suas in plura capita dispescere cœperant, inter quæ illud quoque, ut moneta, cupream indicabant, aboleatur, & Transilvanis immunitates confirmentur, magis de hac, quam Hungaria solliciti, hoc est, in partem Zapolyæ potius, quam regis proclives, ceterum passuros se, ut postulata quatuor capitibus, quæ jam prius proposuerant, absolvantur; de Consiliariis hanc Regi gratiam se facere, ut de iis, quemadmodum promississet, constituat. Rex spacium diei ad respondendum petiit; occlamatum est, &, intermixto fremitu, postulatum, ut sine mora responderet. Satellites, ut viderant, tam parum dignitati regiæ deferri, pauca pro tempore loquentem, paulatim e medio subductum

---

*dere, & juste dicit, nullum enim denarium propter jam dictum bonum Laurentii Ducis, Wayvodam solvisse sua Majeſtas dicit, — præterea varias fodinas, quas hucusque Wayvoda minus recte tenuit, Sua M. certo justissime reoptat, cum & antiquum Decretum talia omnia ad aulam regiam descendere dicat. &c.*

~~1525.~~ ductum, navique impositum, Budam reducere. Abhinc æstuarè animi, nihil fieri certo consilio, &, ut evenire solet, cum impetus rationem prævertit, secessione facta., alium Conventum, ad diem XXIV. Junii *Hatvaninum* indixere, viris, qui non essent adfuturi, pœnam capitis, & bonorum amissionem, eorum vero uxoribus, filiis, & filiabus perpetuam ignobilitatem comminati. Hæc a X. Maji, ad vicesimam secundam acta fuere.

VII. Dilapsa Nobilitate, arduum erat in re ancipiti consilium, quod pars Prælatorum a Magnatibus, & hi a Nobilitate dissentirent, nec hæc inter se penitus consentiens esset. Fuere, qui Zapolyæ potentiam veriti, eum officio *Vayvodatus* Transilvaniæ privatum cupiebant, ille contra Palatinum gradu movere, eique *Werböczium* substituere, cujus opera facilius dominatum arripere posset. Hinc uterque contrariis studiis agi, parare largitionibus clientes, prenare Nobiles, & in consortium Prælatos, & Magnates concire. Nec Strigoniensis, cui cum Agriensi Episcopo simulas intercesserat, culpa vacasse credebatur, quem dissoluti cum tanto tumultu conventus auctorem plerique habebant, & contumelias prius in illum jactatas, solum simulatas fuisse. Rex inops consilii, jam hanc, jam illam partem amplecti visus est, nec palatinales satis expeditas rationes habebant, donec paucorum, qui regis, regnique sortem

mise-



miserati, & neutri factionum addicti erant, 1525.  
 suasu, literas V. Junii per provincias vulgas-  
 set, quibus præceperat, ne Conventui *Hatva-*  
*ninum* indicto interessent, aliumque in XXIX.  
 Septembris, auctoritate regia præstituit. a)

Serum id jam erat. Convenere ad con-  
 ductum diem, & locum, ac postulata tanto  
 acrius instaurabant, quanto ægrius se antea  
 pollicitationibus circumduci patiebantur, re-  
 gemque, ut ad Conventum venire vellet, ro-  
 gabant. Ivit, licet multis, qui ejus saluti  
 metuebant, invitis: euntem comitati sunt,  
 Nuncius Apostolicus, regis Consilarii, &  
 Principum Oratores, quos prius regno eje-  
 ctos cupiebant. Acceptus est pro regia di-  
 gnitate, & in patentem campum, more am-  
 phitheatri, lignis circumseptum, inductus,  
 supremo loco cum Consiliariis confedit, ex-  
 tra septum, ne quid obturbari posset, septem  
 millia Nobilium equitum excubabant, cete-  
 ra vulgus erat. Tum *Verböczius* manu si-  
 lentium poscens, orationem patria lingua non

Q q 2

in-

---

a) *Nam nos, inquebat, illuc non ibimus — ne-  
 que dominos illuc ire patiemur; solus autem  
 ordo vester, aliis Ordinibus absentibus, con-  
 cludere aliquid perfecte non posset. — Nos  
 enim, qui sumus Rex, & Princeps vester,  
 auctoritate nostra regia desernimus, illos omnes,  
 qui ad præscriptam Dietam non venerint, sal-  
 vo eorum honore domi manere posse.*

**1525.** ~~indisertam~~ habuit. Orsus est a malis, quibus Hungaria aliquot jam annis premeretur, horumque causas longo ordine retexens, quantumque Nobilitas, ut his consuleret, hactenus fuisset sollicita, explicans, sensim eo delapsus est, ut, collaudato rege, invidiam omnem in ejus Consiliarios conjiceret, qui studio corradendi divitias, curam rei publicæ in postremis habuerint, unde factum, ut ærarium regum sensim evacuetur, nec aliam his medelam esse, quam ut Rex se respiceret, & Consiliariis loco motis, alios subroget, quibus & bene consulendi facultas, & ea Patriæ charitas sit, qua sola ducti curam omnem neglecto privato commodò, rei publicæ impenderent, quod si fieret, polliceri se, neminem Nobilium esse, qui non paratus sit pro rege, & regno vitam, & fortunas profunderet. Hæc cum solidas duas horas perorasset, ad circumstantes conversus, quæsit, an, quæ oratione complexus fuisset, vera, firmaque haberent? vera, firmaque haberi affirmabant, sed qui se a *Verbo* *cizio* notari senserant, pauca pro se loquuti sunt, inter quos Strigonienfis etiam Archi-Episcopus erat, non iis tamen, quibus ante, conviciis petitus, Palatinus contra illiberaliter habitus, qui indignum esse ajebat, ut, quos Rex delegisset, Nobilium judicio priventur officiis, se, si jure standum fuerit, facturum, ut umbræ, quas aliqui illis objicerent, facile dissipentur, plura parantem loqui convicia,

&amp;

& fremitus exceperant. Rex, ut indecoro litigio finem faceret, confessum dissolvit, & Palatinus ob concitatam in se multitudinem, ægre celeri equo Budam eluctatus est. 1525.

VIII. Postridie, duo ad Conventum missi, qui regis nomine nunciarent, iniquum videri, ut, quos ipse publicis regni officiis præfecisset, non auditi, iis priventur, sinerent illos secundum leges patrias jure experiri, & innocentiam suam testatam facere, quod non eodem ab omnibus animo acceptum erat. Fuere, & hi numero trecenti erant, qui regem æquam rem petere, eique morem gerendum, ajebant, alii contra vociferatione adversum nitebantur, & ne tergiversationi locus esse posset, *Werböczium* palatii Comitem creant, mittunt ad regem nuncios, qui orent, ut electionem ratam habere vellet. Is, ut tempori serviret, quid enim, quando huc res jam venerat, aliud faceret? Agriensem, & Veszprimiensem, Episcopos, Joannem item *Dragfi*, & Ladislaum *Kanisay*, ad eos ablegat, qui Palatini electionem sibi probari significarent, a) illi confestim *Werböczium*

Q q 3

hu-

---

a) Confirmatam illi fuisse dignitatem, testes sunt regis litteræ, quas sabbat. prox. post festum B. Michael. ita inscripsit: *RR. in Christo Patri D. Ladislao Archiep. Eccles. Strigonien. nec non spectabili, & Magnificis, Stephano de Wer-*

1525.

humo sublatum, prisco more, Palatinum salutant, & conniventia regis abusi, Agriensem renunciant Cancellarium, Judici Curiae regiae *Dragsum*, & *Kanisajum* regni *Thesaurario* substituunt. Dissimulandum id quoque regi fuit, & sequenti die in medium Nobilium se inferens, eorum, quae statuissent, sibi capita praelegi iussit. *Werböczius* nihil moratus, contenta, ut ab omnibus audiri posset, voce, in hanc sententiam ex scripto recitavit: Rex Consiliariis, quibus hucusque usus est, alios substituat; his octo adjungantur ex Nobilium ordine, quorum in ferendo suffragio æqualis sit cum Magnatibus auctoritas: in quovis Comitatu deligatur vir bellipertus, qui copiis præsit, equitibus ad mensuum stipendium addatur florenus auri, duæ monetæ cupreæ unam argenteam deinceps æquent: fodinas, & rem monetariam *Szerencsenius*, quem prius rogo addixerant, pro *Fuggeris* administret: *Segniam*, quod commodum portum habeat, Rex a *Frangepanum* familia recipiat, & designatis alibi fundis compenset, denique, quo omnia a principio spectare videbantur, ut bona Laurentii Ducis de *Ujlak*, resecta penitus lite, *Zapolyæ* confirmet.

---

*Werbewcz*, prædicti nostri regni Hung. Palatino — Joanni *Draghffi* Jud. curiæ nostræ &c. Hodie tituli *Magnificus*, & *Spectabilis* præpostero ordine usurpantur.

met. a) Hæc, ut *Verböczius* finiit, Rex, quod sibi nullum deliberandi tempus esset datum, rata habuit, questus tamen est, jus suum regium, quod Nobilitas hactenus summa fide intemeratum fervare consueisset, graviter læsum fuisse. Vilis plerisque est, defervescente sensim animo, jure queri, &, si quæ statuenda superesse viderentur, ejus arbitrio permiscere, adjecto in quamvis domum unius floreni auctario, cujus quarta pars, reginæ dono obveniret. Re huc adducta, solliciti, ne ob secessionem, apud regem Poloniæ invidia laborarent, Paulum de *Arthandy*, & Michelem *Kendereffy* de *Gyal*, utrumque Zapolyæ familiarem, ad Sigismundum miserant, qui actorum causas redderent, &, quam possent, speciose extenuarent. b)

Nobilibus Hatvanino digressis, consultatum est, quæ ratio ineunda videretur, ut jus regium tantopere læsum reparari, &, quæ ei extorta erant, commode irritari possent. Nec enim jam obscurum erat, Zapolyam, velut in machina latentem, rerum *Hatvanini* transactionum motorem fuisse. Ab ejus nutu tunc

Q q 4

pen-

a) Hæc magnopere variant a statutis an. 1524. quæ in Cod. jur. patr. exstant.

b) Informatio data Egregiis Paulo de *Arthandy*, & Michaeli *Kendereffy* de *Gyal*, ad serenissimum D. Sigismundum Pol. Regem deputatis an. 1525.

**1525.** pendebat Nobilitas, postulata, illo moderante, jam aucta, jam arctius contracta, quædam etiam, ut Germani ab aula removendi, ad speciem tantum proposita fuere, cum enim id in Conventu maxime ageretur, clam admoneri reginam fecit, metum poneret, Germanos mansuros; nunc vero Palatinum, opus manuum suarum, in aula consiliorum moderatorem, novos Consiliarios suæ parti addictos, & armorum Præfectos largitionibus sibi devinctos, in quamcunque vellet partem flectere, pronos ad imperata habebat. Accessit illud quoque, quod recens accessione bonorum Laurentii Ducis, quæ amplissima fuerunt, rege ipso, cujus proventus partim in pignore, partim a Magnatibus direpti erant, a) si non ditior, certe paulum inferior redditus esset, qua

---

a) Diar. Mich. *Császár*. Item fidelitas Baronum, quorum bona, si sine hærede morerentur, ad aulam regiam, & hæredem Regem descenderent, ex quibus servitoribus solvere, vel eos nobilitare Sua Majestas posset, sic agunt, cum mortem eorum appropinquare sperant, duo & duo bona eorum colligunt hoc modo; ut, si quis eorum sine hærede, vel fratre paupere existente, bona quem concernerent, moreretur, ex tunc bonum hujus in alterum descenderet, & e converso. Per talem astutiam talium plus quam 50000. Jobagionum ab aula regia alienarunt.

qua ratione cum sumtus, militiam, Consilia aulica, & magnam Nobilium partem in potestate haberet, nihil pronius erat, quam ut ad regiam dignitatem, cujus indicia jam ante non obscura dederat, sensim eluctaretur, ut adeo rumor etiam in vulgus passim manarit, Rege perempto, reginam eidem collocandam esse. a) Hæc ut aliquot Magnates Patriæ studiosi, & Regina inprimis, Rege perspicacior, quo tandem evasura essent, facile intelligebant, ita non habebant modum in promptu, quo adversum niterentur: vim adhibere, nondum sedato penitus animorum æstu, inconsultum videbatur; illud proinde illis e re visum, ut Nobilitatem a Zapolya abstraherent, quod quidem, nisi *Verböczio* in suas partes pelleto, vix sperari potuit; cujus perficiendi rationem dum inter se exigunt, ipse paulo post occasionem imprudens præbuit. Post adeptam enim Palatini dignitatem, ut hanc sibi stabiliret, inita cum Strigoniensi Archi-Episcopo, aliisque societate, totum se homo novus, contempta Nobilitate, Magnatibus applicuit, istisque magis, quam Regi, cœpit obsequi, nec eorum, quæ in Conventiculo Hatvanensi, se auctore, constituta erant, etsi crebro a Nobilitate monene-

---

a) Epist. Baron. *Burgio* anno 1525. d. 11. Jul.  
*Dicono, che mandaranno il Re via a regnare in l' altro mondo, farian lo Vayvoda Re, & li daran per moglie la Regina.*

**1525.** neretur, quidquam opere ipso præstitit. a) Hoc illicio captus, inter Sacrum, & Saxum hærebat. Nobiles enim, cum se viderent per dolum ab eo circumduci, averfari primum hominem, dein fenfim in regis partem tranfire cœperant, & Zapolyæ auctoritas imminui. Regina huc rem adductam videns, paulatim quoque effecerat, ut ex Baronibus, & Nobilibus non temnenda focietas, figillis etiam firmata, cui *Kalandos* nomen inditum, b) contra

a) *Diar. Mich. Császár. Commiferat Conventus Palatino, quatenus omnia ifta illegitima (quorum Confiliarii regis arguebantur) ad certum finem ordinaret, &, fi propter aliquid id facere non poffet, per Comitatus fcriberet, & viritim in auxilium fuum confurgerent. Nec fcripfit, nec aliquam curam de ordinandis habuit.*

b) De hac focietate Franc. de Batthyán ad Thom. Nádasdi anno 1559. d. 2. Nov. ita fcripfit: *Ubi autem Magnificentia V. certior fieri cupit, an illa antiqua confœderatio, quæ Kalandos dicta fuit, cum confenfu, & fcitu fereniff. regis Ludovici facta fit, poffum M. V. fignificare, eam cum fcitu, & annuentia ejusd. fereniff. regis efle initam, & quidem contra Joannem regem, qui tunc erat Vayvoda Transilvaniæ, & Budæ eft conclufu, atque figillata multorum Nobilium, & Dominorum confenfu, — & prout erat, non erat regi perniciofa;*



tra Zapolyam coalesceret, tempori tamen, ut animi magis conspirarent, aliquid tribuendum putabat.

IX. Nec id diu abfuit, dum ineunte anno Turca, Paulo ei postea nomen, non postremi ordinis, Budam transfugit, & Solimani consilia de invadenda Hungaria prodidit; destinasse illum per Transilvaniam primum, collectis in Moldavia, & Valachia LX. millibus pedum, & equitum, irrumpere, Budamque, regni caput, obsidere, se ipsum deliberationi huic adfuisse, deinde Rascianum esse advocatum, qui iter illud, quod Danubius semel, iterumque, & Tibiscus etiam non sine molestia transmittendi essent, disuaserit, rectaque Savo ac Dravo transmissis, commodius Budam perveniri posse, affirmarit, atque id Solimano fuisse probatum, & expeditionem anno elapso ipsis Calendis Decembris per omnes provincias esse vulgatam. Hæc Turca in Consilio retulit. a) Suspecta primum fuit hominis fides, dubitatumque, an non in transfuga exploratorem dissimulet, sed, ubi a Nuncio Apostolico variis quæstionibus exagitatus erat,

com-

---

*sa; ubi autem deventum est ad faciendas expensas, & sumtus, certe quilibet se subtrahit, — pauci perseverarunt. &c.*

a) Cognomine Bakics & a baptismo Paulus, in Nobilium ordinem a rege cooptatus, qui bello postea sub Ferdinando inclaruit,

1526.

compertus fuit idem esse, qui crebro alias ex Turcia Regi vera nunciare solebat. Bellum igitur parari certum erat, quod Zapolya quoque ex Transilvania significavit, & ex copia navium, quas *Beglerbegum* ad Belgradum congregare, nunciatum fuit, magis in dies firmabatur. De induciis, quibus fortasse exitium differri poterat, ne cogitandum quidem fuit, de quibus cum Legatus Poloniæ Ibrahim Bassæ mentionem iniecisset, responsum accepit, quod bellum præ illis indicare videbatur. In tam præsentis instantis belli periculo Rex nuncios in Bohemiam ad celebranda Comitia, & oratorem ad Poloniam pro suppetiis misit, a Pontifice etiam subsidia implorabat. Poloni quidem ob recens conciliatas cum Turcis inducias, metuebant hostem in se irritare, Pontifex vero, qui Hungariæ funus indictum videbat, quinquaginta aureorum millia Regi subsidio misit, & præterea Galliæ Regem, ut periclitanti regno tempestive velit succurrere, obtestatus est. a) Regina tempus opportunum adesse rata, conjugem monuit, ne ab exteris solum opem corroget, verum domi quoque, coacto Nobilium conventu, necessarios appa-  
ra-

---

a) Litt. Pontif. ad reg. Gall. Roma 23. Apr. Itaque & alias sæpe submissis subsidiis, nunc quoque ad 50000. Ducatorum in Hungariam destinare cepimus, ex qua pecunia manus alia, qua virorum fortium parari possit.

ratus satagat antevertere. Rursus igitur Ordines pro XXIV. Aprilis moniti sunt, ut adessent. 1526.

Primi omnium, ducenti Nobiles ex societate *Kalandos* ad *Kecskemetinum* collecti, cum ingenti rusticorum caterva aderant, qui, etsi quidem regi contra *Zapolyam* faverent, minus tamen æquanimiter, Paulo *Arthandio* interprete ferebant, quod Stephanum *Brodericum*, Roma reducem, nulla dignitate Ecclesiastica conspicuum, regni Cancellarium præteritis aliis constituisset, petebantque alium ei subrogari. Id ex subornatione quorundam ex Prælatiis, qui hanc provinciam ambiebant, factum non vana suspicio fuit. Res tamen, declarato illo per regem Sirmienti Episcopo, mox composita est, actumque, ut reliquæ etiam Nobilitati liberum esset, nomen suum in hac societate profiteri. 7. *Werböczius* ex his initiis malum finem præfagiens, etsi sæpe alias ad aulam accersitus venire renuerit, die XXVIII. Aprilis tamen sponte regem, & reginam adiit, & se Palatini officio abdicavit. Remissus, & responsum domi iussus est præstolari, idem Bathorio, qui causam suam iudicio decerni petierat, mandatum. Quod cum Rex missis ad Nobiles duobus internunciis significari curasset, monuissetque, quam parum regie dignitatis anno præterito memores fuerint, veniam erratorum se omnibus vel ea de causa facere, indicari iussit, quod sciret, culpam unius solum, qui eos seduxerat, fuisse, modo,

1526. do, positis armis, conatum omnem ad Patriam, cui summum periculum inset, servandam unanimiter conferrent. Quibus auditis, confestim arma posuere, Rex collaudatus, *Bathorius* dignitati restitutus, & *Werböczius* tamquam Nobilium seductor diris devotus, & conviciis proscissus est, quod ut ille comperit, & a Bathorii familiaribus se ad necem designari intellexit, concubia nocte in Transilvaniam fuga se subduxit. Actum postea de confiniis defendendis, &, ut Episcopi, Abbates, & universi Ecclesiastici in dignitate constituti ad bellum se accingant, qui renuerent, beneficiis priventur, *Werböczia*, cujus domus ægre a direptione servari potuit, triduum datum, ut se iudicio sistat, ni faceret, pro rebeli habeatur, &, ne posthac Palatinus absque gravi causa loco moveatur, decretum. His constitutis centum ex Nobilibus delecti, qui Magnatibus conjuncti, de iis, quæ temporis opportuna viderentur, consultarent, & ad regem referrent. Hæc ad ultimam Aprilis diem acta.

Calendis Maji Rex, & regina, accersitis ad se Prælati, in memoriam revocabant, quam multis beneficiis a patre suo, & a se etiam affecti fuissent, æquum proinde videri, ut vicissim gratum animum factis testentur, non se quidem de eorum fide, qua illos in regem ferri oporteat, dubitare, visurum tamen, quid in proximo Comitiorum confes-  
su

ſu præſtaturi ſint, neque, addebat, id de ni-  
 hilo a ſe memorari. Poſtremis verbis, cum 1526.  
 ſe tacite notari ſenſiſſent, actis pro benevo-  
 lentia gratiis, ſe ad omnia, quæ ex uſu rei  
 publicæ eſſent, promtos eſſe, poenæque di-  
 gnos videri, qui aliter agerent: ad quæ re-  
 gina, ſibi morem eſſe, reſoluit, animos ex  
 factis, non verbis, metiri. Aderat & nunci-  
 us Apoſtolicus, qui Episcopos, nam & hi in-  
 ter ſe diſsidebant, nomine Pontificis ad con-  
 cordiam adhortatus eſt. Poſtridie legum ſan-  
 ctiones regi exhibitæ ſunt, inter quas cum  
 regina & illam legiſſet, qua decernitur, ut  
 Rex, & Proceres, fide dignos viros deligant,  
 qui viderent, utrum proventus regii integra  
 fide adminiſtrentur; arrepto calamo lituram  
 illi induxit, adjecitque; *unus Rex, unus Prin-*  
*ceps*: quæ verba Nobilitas graviter tulit, nec  
 ſatis conſulte a regina factum, quod facile  
 ſuſpicionem de ſe concitare potuerit, quaſi  
 ipſa ex his lucri compendium quæreret; ſua-  
 ſit idcirco regi, & reginæ Nuncius Apoſto-  
 licus, ut opportuna tempori moderatione ute-  
 rentur, alioquin videri, utrumque plus li-  
 gnorum igni injicere, quam ut ei poſtea ex-  
 ſtinguendo pares ſint. Perlectis ad calcem  
 ſanctionibus, Rex cum conſiliariis in Comi-  
 tium ſe intulit, & omnibus, quæ Ordines  
 ſtatuerant, confirmatis, *Werböczium* cum  
 Michaelę *Zobio*, velut everſores regię digni-  
 tatis, & publicæ tranquillitatis turbatores,  
 regni

**1526.** regni hostes declaravit, bonis utriusque, f  
vo uxorum jure, in Fiscum redactis, qua  
sententiam Ordines suo etiam judicio, rata  
gratamque habuere. a) Reliqui dies a qui  
ta Maji ad octavam componendis dissidii  
quæ Prælatos cum Magnatibus, & utrosq  
cum Nobilibus hactenus commiserant, a  
sumti. Usus item monetæ cupreæ, quæ  
Conventu prioris anni decreta, & hoc i  
eunte, eam recipere nolentibus poena am  
fionis bonorum, rerumque omnium dicta  
fuit, b) confirmatus. Aliquid etiam mor  
ab iis, qui in societatem *Kalandos* coaluerant  
& se *confratrum* nomine appellabant, inj  
ctum, inter quos, & Proceres, quod Re  
illis favere præ his videretur, simultas exor  
ta,

---

a) Documentum vide apud Pray anal. Par. V  
pag. 86. sed annus 1525. erroneus est, & 1526  
rescribendus.

b) Litt. regis ad civit. Bartpham, Bud. 22. Jan  
*Intelleximus esse plurimos, — qui contemptu  
publica ordinatione, quam de usu, & æstima  
tione novæ monetæ — una cum dominis Præ  
latis, Baronibus, ceterisque regnicolis nostris  
fecimus — easdem novas monetas contemne  
rent. — Est igitur voluntas nostra, — ut se  
cundum ordinationem factam, duæ novæ mo  
netæ pro una antiqua dentur, — sub poena  
confiscationis bonorum omnium, ac rerum &c.*

ta, a) quæ animos Procerum sensim a rege  
ita alienos reddidit, ut is, utri parti se ad-  
jungeret, primum hæreret, mox crescente  
paulatim disceptationis fervore, cum sibi  
utrinque, si quid periculi regno ingrueret,  
mutuas objectiones regerent, inops con-  
silio, & fluctuans pene ab omnibus deserere-  
tur. b)

1526.

X.

a) Litt. Ant. Burgio Bud. mense Majo: *Proceres  
discordant a confratribus, & alienati sunt a  
Rege, Rex autem, postquam tantum favorem  
exhibuit confratribus, nunc ejus pœnitentia  
ducitur, & nescit, quid sit facto opus, an for-  
te debeat illis adhærere, an reverti ad partem  
Procerum &c.*

b) Hæc ex Diario Baron. de Burgio, item ejusd.  
epistola ad Sadoletum Bud. d. 24. Maji. & de  
interna, quæ circa tempus S. Georgii fuit,  
regni constitutione, in qua, ubi agitur, ut Rex  
sua auctoritate utatur, hæc occurrunt: *Rex  
respondit, quod bono animo hanc ipsorum vo-  
luntatem suscipiat, promptusque sit agere, quod  
posset, sed ad defensionem regni, & auctori-  
tis regiæ, opus est pecuniis, Majestatem autem  
Suam non habere tantas, quantæ ad id suffice-  
rent, & si sibi redditus ostendissent, ostendisse  
eos multo majores, quam re ipsa sint. — Ma-  
jestatem suam facturam, quod posset, sed ad  
impossibile obligari nolle, & ita protestata est*

**X.** Hic Comitiorum exitus, & novum dis-  
 1526. fidii alimentum erat, importuno prorsus tem-  
 pore, cum vix soluto conventu nunciatum es-  
 set, Turcarum antesignanos duces cum parte  
 copiarum, ad Belgradum consistere, *Solima-*  
*num* consequi cum robore exercitus, *Savum*, &  
*Danubium* sterni pontibus, & *Hungariam* de-  
 signari. Missa quidem confestim mandata ad  
*Præfectos* arcium, quæ *Savo* vicinæ erant,  
 ut hostem transitu arcerent, sed hi ob rerum  
 omnium, quæ ad defensionem spectant, penu-  
 riam, missionem petiere, nemoque erat, qui  
 subrogari cuperet, aut, qui oblatam provin-  
 ciam vellet adire, ipse *Colocensis* *Archi-Epi-*  
*sco-*

---

*etiam coram nobis, quod si aliquid regno eve-*  
*niret, id Suæ M. imputari non posset. Et ita*  
*comædia finita est, cum protestationibus vasa-*  
*lorum contra Regem, & Regis contra vassallos.*  
*— Dicunt, exeat Rex in campum, & Rex*  
*non habet calceos, ne dicam apparatus ad*  
*exeundum in campum. Hoc fecerunt, ut, ubi*  
*casus venerit, culpam omnis mali in regem*  
*conjicere possint. Nos Oratores interposuimus*  
*nos, & aliquantum sermonem habuimus, & ipsis*  
*relictis discessimus. Nunc omnes, vel major*  
*pars Procerum determinarunt a Curia regia*  
*discedere, & relinquere regem in majori con-*  
*fusione. Tristis profecto regni ad interitum*  
*properantis facies.*



scopus, cui in ea ditione armorum præfectura erat credita, hac se abdicare parabat. De-  
 erat, qui illi substitueretur, invitati sunt, Christophorus *Frangepanius*, bello Veneto clarus, & Nicolaus a *Salmis*; uterque splendidum onus detrectavit, quod nec miles, nec commedatus, nec pecunia in promptu essent; regis consilarii, plerique rei militaris expertes, tempus deliberando terere, nihil decernere; & si quid decressent, nemo repertus, qui exsequeretur, ipse Rex, magnitudine præsentis periculi attonitus, obtorpuit. Turcæ interea, trajecto Savo, castrum S. *Demetrii* obsedere. Nuncius Apostolicus cum Colocensi Archi-Episcopo, hoc tempus occupans, auctor nostris fuit, ut, quando Savum custodire neglexissent, saltem *Petrivaradinum*, id enim hostem morari poterat, militem, annonam, & reliquum belli apparatus, mature mittant, & Danubium classe infernant, ita futurum, ut, cum hostis istuc adhærere cogetur, domi omnia ad resistendum parari, & auxilia ab exteris adesse possint. Verum, & naves deerant, & classarii ob negata stipendia diffugerant, nulla etiam tormenta, nisi privatorum in promptu, & hæc longinquius primum advehenda. Aucta est cum metu, animorum perturbatio, post occupatum castrum *Demetrii*, tum vero orientus gladius per regnum circumlatus, quo omnes armorum capaces ad bellum conciri motus fuit; Rex vasa argentea

**1526.** Judæis pignori locare coactus, supellex Ecclesiarum corrala ad cudendam pecuniam, cui feriundæ vix tempus suppetebat, missi ad Ferdinandum Archiducem Austriæ, Carolum Cæsarem, Regem Galliar, a) & reliquos Principi.

---

a) Plenæ commiserationis sunt litteræ, quas ad eum dederat. *Certissima*, scribit, *fama est, Turcorum tyrannum numerosissimo exercitu, ingeniisque (tormentis) bellicis, ac comœatu instructissimo — ita paratum, ac animatum venire, ut nobiscum non de unius, vel alterius arcis finitimæ expugnatione, sed de totius regni nostri possessione sit certaturus. Imbecillitatem vero rerum nostrarum serenitas vestra tum alias sæpe intellexisse potuit, tum ex his litteris nostris intelliget. Sumus omnino impares tanti hostis conatibus, in causa est diutini belli impenso. Omnes enim regni nostri proventus, in tuendis arcibus, Turcis oppositis, consumti sunt, privatas subditorum opes, atque animos eadem calamitas afflixit; hostis autem conditio, quantum roboris, & incrementi, per hos annos acceperit, serenitati V. notissimum est. Quo igitur in tanto discrimine me vertam, aut cujus auxillum implorem, & Rex, & Christianus, nisi ad reges Christianos, præter Deum, habeo neminem. Quare S. V. oramus, atque obsecramus, velit communibus periculis consulere, & nobis — id subsidii quod*

cipes nuncii cum litteris, auxilium rogaturi, Comitibus imperatum, ut copias proximis Comitibus decretas, summa celeritate cogant, Palatinus, & Colocensis Archi-Episcopus, ex vicinis provinciis militem iussi colligere, & Eszekinum proficisci, sed cum Nobiles, nisi Rex adesset, signa illorum sequi renuerent, Palatinus rusticanam solum turbam ducens, Quinque-Ecclesiis primum hærare, post, cum nemo vellet imperata facere, ad regem reverti coactus est. Erexit non nihil animos Colocensis sedulitas, qui cum mille peditibus, quingentis equitibus, & paucis, quos nancisci poterat, naviculariis, quocunque periculum vocaret, se paratum esse nunciaverat, plus animi, quam virium habens. Nuncius quoque Apostolicus, qui jam antea Hannibalem Carthaginensem in Moraviam miserat, ut ære Pontificis militem pugnae pedestri assuefactum, conscriberet, hominem tanto magis accelerare iussit, quanto propius periculum jam instabat. a)

Rr 3

Sub

---

*quod plurimum poterit, & quam celerrime mittere. Nos id, quod poterimus, libenter præstabimus, ibimus obviam hosti cruentissimo, atque appetemus mortem, si opus fuerit, pro Christo, & miserrimis Christianis &c.*

a) Litt. regis ad omnes Prælatos, Magnates, Abbates, & Capitula. 23. Jun. & Baron. Burgio

1526.

Sub hæc hostis, cum nemo esset, qui resisteret, Petrivaradinum obsederat, & XV. Julii semel, iterumque assultu in seram noctem producto tentavit, sed accepta mille *Janiczorum* clade rejectus, & pari jactura a vado Danubii repulsus est, quod *Colocensis*, quadraginta naviculis, nostri *Naxadas* vocant, ope mille equitum, cum tribus rusticorum millibus aliquamdiu tuebatur, cum vero hostis vires in dies magis accrescerent, *Bachiam* se recepit, ut se Regi facilius conjungeret. Turcæ occupato vado, & *Futakino* exulto, jam utramque Danubii ripam tenebant, in quamcunque vellent partem libere, & impune divagaturi. Id nostris tandem veterum excussit. Rex XX. Julii postremum reginæ colloquutus, Buda excessit, comitatu adversus tam potentem hostem exiguo; præter bis mille enim & quingentos pedites, ducentos solum loricates, & mille levis armaturæ equites ducebat, duobus infra Budam milliariibus stationem defigens, cum ut reliquis tempus conveniendi daret, tum ut missis per Comitatus nunciis oscitantes accelerare juberet; *Zapolyæ* mandatum, ut trajecto Danubio, cum *Transilvanis*, & *Siculis*, a tergo hostem lacescendo moraretur, donec plures ad signa con-

---

19. & 30. ejusd. Brodericus in Descript. cladis Mochacsianæ. Vide etiam annal. P. V, pag. 97. — 103.

confluere. Primi omnium adfuere quater mille pedites ære pontificio in Moravia, & Bohemia conscripti, hos Poloni mille, & quingenti mox consequuti sunt, tum Episcopi plures, quam e Magnatum numero, cum suis copiis, paulumque post Georgius, Zapolya frater, mille, ducentos pedites, & trecentos equites adduxerat, Palatinus paucos primum affectas habuit, major postea confluentium sensim numerus fuit. Petrivaradino interim a Turcis expugnato, id unum supererat, ut *Dravum* in potestate haberemus, id Palatino commissum, & aliquot Optimates cum Nobilibus adjuncti, Zapolya monitis, ut, neglecto priore mandato, quo hostem a tergo laceßere jubebatur, cum suis, & quoscunque per iter offenderet, ad castra regia *Tolnam* properet, verum ille retentis apud se, qui ad regem proficiscebantur, & contraria mandata prætexens, jam tum suspensionem de se plerisque ingesserat, quasi clam cum hoste sentiret, a) Optimates autem cum Nobilibus, pri-

R r 4

vi-

- 
- a) Litt. Bar. Burgio. *Sive Vayvoda* (Zapolya) cum Turco intelligentiam habeat, sive non, Rex, nisi fugam arripiat, male incidet in manus populorum suorum &c. Communem hanc opinionem tunc fuisse, Istvanus l. 8. utcumque indicat, & luculentius ex litt. Ferdinandi anno 1527. fer. 2. prox. post OO. SS. editis patet ubi

1526.

vilegio suo, & more, sub regio solum vexillo militandi, se tuebantur, & cum Palatino proficisci detrectabant. Ita Dravi defensio, qua hostis detineri poterat, temere neglecta fuit. Colocensis, qui cum suis proximus hosti, excubabat, cognita hac desidia, infelicem exitum præfagiens, autor regi erat, ut misso ad *Solimanum* oratore, de concilianda pace, oblato etiam, si aliter impetrari non posset, tributo quotannis pendendo, ageret. Nec Proceres, qui cum Rege erant, ab hac alieni fuere, sed Nobilitatem veriti, invidiam ex turpi pace orituram, connivendo malebant in Regem, quam se, derivari. Jam Turcæ classem ad *Erdödium*, non longe a Danubii, & Dravi confluente applicuerant, *Eszekinum* a nostris desertum fuit, & *Zapolya*, ethi prope quadraginta millia sub signis censeret, infra *Szegedinum* moras trahebat. Rex tandem suorum importunitate victus, XIV. Augusti ex  
S.

ubi hæc de *Zapolya*: ex eo, quod idem immemor fidei, & fidelitatis suæ, quam serenissimo eodem domino *Ludovico* regi fratri, & sororio Regiæ Majestatis, domino suo naturali debebat, ad tuendum, defendendum, ac protegendum caput, & personam ipsius regis, sæpius tam per litteras, quam nuncios vocatus, nequaquam venisse, sed potius post miserandum casum, coronam regni Hung. — pro se usurpasse, vendicasse ac occupasse dignoscitur &c.

S. Georgio non longe a Tolna movens, castra ad Mohácsium defixit. a) 1526.

XI. Hic anceps iterum de constituendo duce, qui a rege copiis supremo imperio præesset, orta consultatio. Lectus est Paulus Tomory, Archiepiscopus Colocensis, invitus licet, & reluctans; additus ei collega est Georgius Scepusiensis, frater Zapolyæ. Uterque antrorsum magis movere iussi, castra seorsim opportuno loco metati sunt; regia non longe aberant. Franciscus Batthyanius Croatiae Banus, propediem cum suis adfuturus sperabatur, Zapolya, & Christophorus Frangepanius, nuntiabant, ne Rex pugnae copiam prius faciat, quam ipsi cum suppetiis adessent, idem regni Cancellarius Brodericus suadebat, e re publica videri, ut copiae in tutiorem interea locum, aut, si necessitas postulet, retró penitus ducantur, alioquin præstare, ut ali-

---

a) Brodericus l. c. & in epist. ad reginam. *Miraretur M. V. consilia nostrorum, si interesset, quæ forte omnes volare se posse credunt sine alis; Et me, quia cautius loquor, & tam M. regiae; quam ipsis consulo, cavendum, desperatum. timidumque appellant. Utinam mea desperatio esset sine causa, non mihi certe timeo, sed regi, Et regno, Et maxime regi, cui non video, quod adhuc aliqua immineant a suis pericula. Noque possum mihi persuadere, nostros ea, quæ faciunt, regem his periculis obijciendo, facere consulto in regis perniciem, sed, quod ita eum progredi, Et hæc, quæ agit, agere melius existiment, &c.*

1526.

aliqua regni pars hosti vastanda destituatur, quam totus exercitus cum rege pereat, quod collatis cum hoste viribus, supra ducenta enim millia esse ferebantur, fere necessarium erat. Fuisset consilio huic fortasse locus, si Zapolya aut citius hæc nunciasset, aut inutiles moras ad *Szegedinum* non traxisset, at nunc, postquam *Solimanus* superato Dravo, duobus solum miliaribus a nostris abesset, & Nobiles, qui in primis castris erant, pugnam importune poscerent, serum id erat, mutanda consilii ratio fuit, castra regia aliis conjuncta, & omnia ad prælium comparata, rege, dum apposita capiti galea solito magis obpalesceret, quasi casum suum præsentiente. Ad manus XXIX. Augusti ventum, victoria primum a nostris stetit, post, ubi incauto fervore ultra, quam par erat, in hostem penetrant, & sesqui hora certamen fortiter sustinent, numero circumfusi, in fugam aguntur. Cæsi magnam partem Episcopi, Barones regni, & flos Nobilitatis, pauci cum Palatino evaserant, captivi contra datam fidem trucidati, & castra direpta. Rex, ubi aciem inclinare vidit, receptum Quinqueecclesias parabat, sed, dum per paludem in adversam ripam eluctari nititur, resupino equo in coenum prolapsus, armorumque pondere oppressus, intestini disidii victima occubuit. a) So-

a) Brodericus l. c. Vide etiam Pray annal. Par. V. pag. 117. & sequ.



Solimanus, cognita nostrorum fuga, do-  
lum subesse ratus, indulta suis quiete, aliquam-  
diu ad Mohacium hæsit, convulsis postea si-  
gnis, fugientium vestigiis insistens, Budam,  
quin uspiam mora illi injecta fuisset, venit,  
qua occupata, dimissis in varias partes co-  
piis, vastitatem usque Jaurinum circumtulit.  
Nuspiam hosti, quam ad *Marothum*, quo in-  
gens hominum copia securitatis causa confu-  
gerat, restitum, quibus ad extremum supera-  
tis, cæsisque actum erat de Hungaria, nisi  
Solimanus, accepto de turbis, in Asia mino-  
re exortis, nuncio, redire coactus fuisset.  
Id Hungariam servavit. Strato igitur ad Pe-  
stinum ponte, abductisque secum Apollinis,  
& Herculis, quas Mathias Corvinus ex ære,  
miri operis consilari jusserat, statuis, & re-  
gia Bibliotheca, quod in barbaro mirum vi-  
deri debet, magno litterarum damno expila-  
ta, quidquid inter Danubium, & Tibiscum  
porrigitur, igne, & ferro fœde populatus,  
ducenta hominum millia in captivitatem ab-  
duxit.

Regina accepto cladis nuncio, vix tan-  
tum spacii, ut Pontificem de casu mariti edo-  
ceret, nacta, Posonium cum Nuncio Aposto-  
lico, paucisque Proceribus, trepide se contu-  
lit, a) & missis quaquaversum per provincias  
li-

---

a) Litt. reginæ ad Pontif. Datum *Budæ*, imme-  
diate post conflictum.

1526. litteris, omnes, ut in fide constantes essent, cohortata est, spemque fecit, auxilii a fratribus suis, Cæsare, & Ferdinando adfuturi, quo hostes externi, & intestini, si quid contra jus, & libertatem regni molirentur, reprimi, & in officio contineri possint. a) Zapolya interim, qui ad id tempus cum iusto, & instructo exercitu, b) Szegedini morabatur, ut exitum pugnae, hostemque Buda recedere comperit, non modo in palantem, & spoliis onustum, ut fieri poterat, invectus non est, sed metum simulans, *Tokainum*, erat id juris illius oppidum, in montana se recepit, quo dum magna Nobilium pars, securitatis causa confluisset, statuit *Verböczio* auctore, qui abhinc, quam Buda fugere coactus erat, lateri illius constanter adhæsit, consilia sua de regno sibi as-

a) Litt. reginae Polon. s. d. *Nam certi sitis, quod nos una cum dominis fratribus, & Consiliariis, ac majori parte regni hujus, jus, & libertatem vestram, — & unumquemque vestrum in libertatem vestram vindicabimus, habebitisque auxilio Dei, qui vos, & libertatem vestram — defendat, protegat, & tueatur. &c.*

b) Litt. Ablegator. Comitatus Heves, Gömör, Borsod, Thorna, & Abaujvar, ex Miskolc 13. Sept. *Nos cum omnibus vicinis dominis, & fratribus nostris, quanto magno poterimus apparatu castra metabimur, usque ad adventum D. Vayvodæ, qui per litteras suas, & nuncios, certa fide nobis promittit, quam citissime potest, se ad nos cum numerofo, & instructissimo exercitu venturum.*

afferendo, diu ante jam agitata, ad exitum perducere. Initium a largitionibus factum. 1526.

Et erat, unde has sumeret. Nam præter fodinas auri, & argenti, proventus etiam regiones fere plerosque, quos in pignore prius habebat, nunc suos fecit, patrem suum Stephanum imitatus, qui arces fidei suæ a Mathia Corvino creditas, ab hujus obitu, una cum argentea regis suppellectili, in suos usus convertit.

a) Hinc illæ divitiæ, quibus spem regni aliquando obtinendi, jam a patre ad hanc concitatus, b) tacite alebat.

Ut autem suspicionem ambitus ab se amoliretur, monuit Reginam, ut convocatis Ordinibus quamprimum orbitati regni consultum vellet. An, ut suspicio erat, & cujus rumor jam in conventiculo Hatvanensi diditus fuit, hac ratione animum reginæ sibi conciliare voluerit, sensimque ejus nuptias ambire, ut.

a) Thurnschwam in memoriis suis MS. Wie auch Grosz Stephan, des Janos (Zapolya) Waiba Vater, so König in Ungarn worden, alle Schlösser, so König Mattjas, eingezogen, und dem Stephan zu treuen Händen gelassen hat, auf die lezt für sich selbst behalten, auch hat gemelter Stephan all des Königs Mattjas Silber Geschier, gulden gebieth, und anderes zu wegen gebracht, wie man bey seinem Sohn, den Janos, so nach dem Ludovico eingedrungenen König gewesen, öffentlich gesehen hat, mit dem Raben.

b) Vide testimonia de hoc annal. Hung. P. V. pag. 119.

1526. ut facilius ad regiam dignitatem eluctari possit, non habeo, quod pro comperto affirmem. Illud certum, reginam longe alienam fuisse ab hoc proposito, licet consilium illius sequuta, cum Palatino, cujus id ex lege erat, regni Ordines Comaromium pro XXV. Novembris convocarit, & Zapolyam in Transilvaniam, ut idem cum provincialibus faceret, proficisci iusserit. a) Facile intelligebat, si mandatis morem gereret, rationes sibi magnopere conturbari, futurumque, ut Ferdinandus, cui Regina studebat, & in quem potior Optimatum pars, sororis defuncti Regis titulo, quam in matrimonio habuit, aperte propendebat, spem regni sibi penitus succidat. Quare, ut Reginae, horumque consilia anteverteret, ipse arrogato sibi contra fas jure Palatini, Comitibus Albam regiam in V. Novembris indixit, abfuturis gravissimas penas comminatus. Qua una re suspicionem, quæ dubiis hactenus indiciis nitebatur, quasi Regem Ludovicum de industria in nuperno prælio desituerit, ut regno potiri posset, de se jam in Conventiculo Hatvanensi conceptam, opere ipso confirmasse, plerisque visus est.

## XII.

a) Litt. reginæ ad Zapolyam. *Quare hortamur fidelitatem vestram, & rogamus, ut statim acceptis præsentibus hominem suum sine mora ulla in Transilvaniam expedire, & conventum illis indicare velit, ne in adventum oratoris nostri sint in mora. Aliud fidelitas vestra ne fecerit.*

XII. Itaque regnum, quasi ad cladem recens acceptam, aliquid deesset, bifariam scissum est; pars Reginam, pars Zapolyam sequebatur, illa æquitari, hæc factioni innixa, cujus molitiones ut Regina mature retunderet, missis iterum ad Comitatus litteris, omnes ad constantiam, & ne se a Zapolya, spe libertatis in fraudem induci sinerent, exhortata est, a) regnique Magnates, quos ab eventu pendere videbat, conciliare sibi studuit. Fuere inter hos post Palatinum, præcipui a clade superstites, Comites de S. Georgio, & Chri-

1596.

a) Litt. reginæ Poson. f. d. Indixeramus unacum D. Palatino, secundum Decretum, & libertatem hujus regni, generalem Dietam profecto Catharinæ V. & M. in Komaron celebrandam, ut in ea ipsa Dieta de salute rei publicæ, de defensione regni, de libertate vestra, & totius Nobilitatis conservanda, communibus votis, pari consilio ageretur, tractaretur, & concluderetur. Ipse autem Vayvoda Transilvanus, paucis quibusdam dominis, nonnullaque Nobilitatis parte, sibi muneribus, & promissis conciliata, contra Decretum regni, contra libertatem Nobilitatis, aliam Dietam sub gravissimis pœnis ad festum B. Emerici Ducis, ad Albam regalem promulgari fecit, eo animo, ut in Alba regali se in regem, non secundum libertatem regni, sed ex paucorum, quos sibi adscivit, voto, & electione creari, & corona regia, quam jam pridem in potestate habet, coronari faciat. &c.

1526.

Christophorus Frangepanius, qui quamcunque in partem se dedissent, auctoritate sua magnum ubique pondus addituri erant. Hunc, ut cum Croatiae, Sclavoniae oratoribus ad fratrem Ferdinandum destinatis, *Haimburgum*, duobus stadiis Posonio dissitum, veniret, invitaverat. a) Adfuit, & primum in partes Ferdinandi utcunque videbatur inclinare, post vero, incertum qua de causa, ad Zapolyam transiit, magnoque ei ad consequendum regnum adiumento fuit. Rem hucusque adductam Zapolya tanto magis urgere coepit, quanto verisimilius cupiditati suae a comitiis Bohemicis in 24. Oct. promulgatis, remoram positum iri videbat. Nec enim dubium erat, quin Ferdinandus, etsi Albertum Bavarum æmulum haberet, se-

---

a) Litt. ejusd. ad Frangepanium. *Quare hortamur, eidemque committimus, ut posthabitis aliis suis omnibus, & negotiis, ad M. nostram, una cum suis Collegis sine mora venire velit & debeat, ita, ut die Dominico proxime sequenti, vel secunda ejus diei in Haymburga constitui possit. Aliud ne feceritis. Dat. Poson. 1526.* Dies abest, sed cum fratrem suum archiducem solum vocet, videtur ante 24. Octob. ante, quam Rex Boh. esset electus, scripta fuisse. Ad Comites vero S. Georgii eadem de causa Posonio scripserant Oratores Ferdinandi, Christophorus Episc. Labacensis, administ. Seccovien. Barones, Wilhelm. de Zolking, & Joan. de Lamberg, Georg. de Herberstein Eq. Erasim. de Dornberg, & Steph. de Pemflingen.

secundam vetera pacta, inter Bohemos, & Austriacos inita, Rex eligendus, & regni illius vires in se, quo minus regno potiatur, conversurus esset. Itaque clam apud Bohemos agebat, a) ne Ferdinandum eligerent, tum, ubi dies conventui præstitutus adventabat, Budam primum, mox Albam profectus, ante Comitiiis quam initium esset factum, corpus defuncti regis, quod regina vidua Czecicii regis Cubicularii opera, Albam perferri curaverat, ne tristis recordatio innocentis regis, consultantium animos immutaret, qua subito fieri poterat pompa, tumulo condijussit.

Finita humatione actum est, de re eligendo. Interfuit Comitiiis etiam orator Polonus, suavitque, ut ex natione sua, quem solio dignum arbitrarentur, regem optent, id adeo regem suum cupere, qui, quantum in se erat, vix admissurus esset, ut exterus præ Hungaro eligatur. b) Utrum ex mandato re-

S s 2

gis,

a) Litt. anonymi, qui Comitiiis interfuit. *Credimus Joannem regem habere intelligentiam & cum Principibus Boh. & Moraviae. Divisi enim sunt, & magna pars adhæsit Pernstenskî.*

b) Id. ibid. *Venerat orator regis Poloniae, qui etiam Nobilitati insinuaverat, ut Hungarum, & non alienigenam regem crearent, qui, quantum in se esset, regem exterum non admitteret.*

1526.

gis; quem ceteroquin Domui Austriacæ addictum esse constabat, an ab aliis subornatus, id ageret, etiam serius postea dubitatum fuit. Venerant quoque sub idem fere tempus oratores a Ferdinando Archiduce Austriæ, qui Principis sui jus in Hungariam ex pactis inter Fridericum III. Imperatorem, & regem Mathiam Corvinum, olim initis, & ab Ordinibus regni roboratis, tum per Maximilianum, & Wladislaum regem novâ conventionē firmatis, propugnabant. His nihil prius responsum, quam Zapolya, præsentibus paucorum Comitatum nunciis a) electus, & XI. Novembris coronatus fuisset. b) Tum facessere jussi cum mandatis, nunciarent Ferdinando, ne Comitata indicere, pedemve regno inferre ausit, si faceret, hostem declaratum, & cum dedecore proturbatum iri. c) Fortassis, si oratores jus Ferdinandi, qui originem a feminea Arpadi linea duxerat, in medium promere, tuerique novissent, facilius Status & Ordines a Zapolya abstractos in

---

a) Id. D. Vayvoda secundis diebus Martini coronatus est in regem magno omnium consensu, qui affuerant, fuerunt autem de vicinis Albæ Comitatibus, ut sunt Simeghien. Szaladien. & castri ferrei, non tamen multi.

b) Litt. Joan. Doczy Thesaurarii ad Cassovien. D. Vayvoda sabbatho in profesto S. Martini Episc. declaratus, ipso autem die Martini coronatus in regem.

c) Idem anonymi



in suas partes adducturi erant. Utcunque autem id sit, Zapolya illis digressis, scripserat ad regem Poloniae, hunc enim ante alios ad novam dignitatem sustentandam, sibi necessarium esse existimabat, se diu, multumque reluctantem, communi omnium voto, jugum imperii suscipere coactum fuisse. a) Regina interim, & qui cum ea erant, erant autem praecipui ex regni Praelatis, & Baronibus, b) ut primum Zapolyam pro Conventu Albam regiam accelerare intellexit, ipsa quoque Comitibus, quae prius Comaromium indixerat, Posonium traduxit, ubi Ferdinandus, a Bohemis jam in regem cooptatus, Rex etiam Hungariae, licet absens, unanimi consensu salutat<sup>us</sup> est. c)

S s 3

Hua

a) Ex *Minuta*, ut dicitur, epistolae ad regem missae, cui haec addita sunt: *Majestas V. poterit demere, quae superflua sunt, vel addere, si quid desiderari possit.* Et mox: *Calcedonen- sis servitor.* Videtur Ordinis Ecclesiastici, & Episc. titularis fuisse.

b) Anonym. cit. *Regina est adhuc Posonii cum iisdem dominis, qui prius cum ipsa fuerunt, sunt autem Palatinus, Franciscus Batthyian Christophorus Comes (Frangepan) Comites de S. Georgio, Episcopus Veszprimiensis Cancellarius, D. Thurzo & plerique alii, quorum consilium, & desiderium est, quod Ferdinandus, Rex Hungariae creetur.*

e) Sommersberg Tom. II. rer. Siles. pag. 394.  
Goldast. Tom. III. Constit. Imper. pag. 494.  
Bal.

1526. Huc tandem factio, clandestinis tot annorum molitionibus sustentata, evasit, ut Hungaria, quæ intestinis motibus quassata, jam diu simulacrum potius regis, quam regem habebat, duos repente acciperet, a) qui nascendi conditione, juris prærogativa, & viribus disparēs erant. Ferdinandus vetusta Majorum, inter quos sex Imperatores, prosapia clarus, Zapolya equestri quidem genere, sed tenui domo, editus: b) ille, præterquam quod ei

Balbin. Epit. rer. Boh. c. 12. Widemann in Actis Conventus Olomucen.

a) Cod. jur. patr. Zapolyam e regum numero excludit, cujus auctoritatem si & ego sequar, peto, ne id mihi vitio detur. Nec enim hæc duo; *regem*, & publicum *regni hostem*, qualis Zapolya per status regni declaratus erat, satis scio conjungere. Certe diploma Ferdinandi anno 1527. die 30. Nov. Strigonii editum, ita diserte de Zapolya: *unde etiam per nos, ac dominos Barones, totumque regnum nota infidelitatis perpetuæ ac criminis læsæ majestatis, in proxima Congregatione generali, pro felici coronatione nostra, Albæ celebrata, publice est condemnatus: de quo tamen altum silentium in Decreto Comitiorum dicti anni.*

b) Thurnschvami Memoriæ Mss. Ehe ich auf die materia Lm, seynd zwey Brüder gewest der ältere Emrich Deák, und Stephan, der Emerich Deák ist bey Matyas Zeiten in der Ungarischen Freystadt Szakmar - Bánya genannt, Kammergraf gewest, wie die Tafel in der Kirchen alda angezeigt





AUG 9 - 1930

